



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres


En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



✓

~~253 e 5~~

~~277 b 1~~



~~A/S 4989 A 1~~

REP. F. 11698(1)







LES ESSAIS
de Montaigne
1



LES ESSAIS
de
Montaigne

*Accompagnés d'une Notice sur sa vie & ses ouvrages,
d'une Étude bibliographique, de Variantes, de
Notes, de Tables & d'un Glossaire,*

Par
E. COURBET & CH. ROYER.

Tome premier.
1



PARIS
ALPHONSE LEMERRE, ÉDITEUR,
27, PASSAGE CHOISEUL, 29.

M. DCCC. LXXII.

25265





AVERTISSEMENT



Dans tous les grands écrivains français dont les œuvres ont été rééditées depuis quelques années avec la préoccupation du texte original et un esprit de retour aux formes exactes de la langue de l'auteur, Montaigne est le seul qui n'ait point encore été publié. La réimpression de la première édition des *Essais*, que terminent en ce moment MM. Dezeimeris et Barckhausen, avec les variantes de 1582 et de 1587, est un travail spécial entrepris plutôt pour un petit nombre d'esprits curieux que pour la multitude des lecteurs; car il a surtout pour objet d'indiquer les endroits du texte primitif où les éditions définitives offrent des développements, et ceux où des suppressions ont été introduites dans l'arrangement final des diverses parties de la rédaction.

On connaît trois leçons des Essais qui peuvent servir de type pour la réimpression de cet inimitable ouvrage.

La première est celle de 1588, donnée par l'auteur lui-même quatre ans avant sa mort. Elle comprend de plus que les précédentes le troisième livre et six cents additions aux deux premiers.

La seconde a été publiée, en 1595, par M^{lle} de Gournay, sur un exemplaire de 1588 annoté par Montaigne et transmis par sa veuve. C'est ce volume, publié avec idolâtrie, que M^{lle} de Gournay qualifie de vieil et bon exemplaire dans sa préface de 1635, marquant ainsi pour sa première œuvre de fille adoptive une préférence à laquelle se sont associés tous les admirateurs de Montaigne.

La troisième leçon des Essais qui offre un texte original exceptionnellement précieux est celle de l'exemplaire de la Bibliothèque de Bordeaux, d'après laquelle Nageon a publié son édition de 1802. Cet exemplaire de l'édition de 1588, comme celui qui servit à M^{lle} de Gournay, est couvert de notes de la main de Montaigne; et il a été donné par M^{me} de Montaigne aux Feuillants de Bordeaux.

Après avoir indiqué ces trois textes, il est nécessaire de faire connaître, par une appréciation rapide de chacun d'eux, celui que son importance semble imposer exclusivement au choix des éditeurs.

Le texte de 1588 est le dernier qui ait été publié du vivant de Montaigne, sous ses yeux et par ses soins. La pensée de l'auteur y est développée avec plus d'ordre et de netteté que dans les éditions sui-

vantes, où des chapitres antérieurement bien équilibrés reparaissent surchargés de notes introduites des marges dans le texte par un esprit exagéré de piété filiale. Sous ce rapport, la comparaison de la leçon originale de 1588 avec la version posthume de 1595 donne en quelques endroits prise à la critique de cette dernière. On pourrait prouver qu'en certaines pages des *Essais*, les additions autographes de Montaigne, intercalées par M^{lle} de Gournay dans le texte, y ont apporté du trouble et de l'obscurité. C'est pour cette raison que des littérateurs éminents placent l'édition de 1588 au-dessus de toutes celles qui l'ont suivie. Mais, quelque autorisée que soit cette opinion, elle n'a jamais rallié qu'un petit nombre d'adhérents.

L'édition de 1595 a été donnée par M^{lle} de Gournay avec tout l'appareil de la plus scrupuleuse fidélité. Tandis qu'elle corrigeait, à Paris, les épreuves du livre réimprimé par Langelier, le poète Pierre de Brach revisait, à Bordeaux, sur l'exemplaire des Feuillants, une des épreuves que lui adressait la fille adoptive de Montaigne. De ce double travail, accompli dans des conditions uniques de sincérité, d'exactitude et de connaissance de l'auteur, est sorti le vieil et bon exemplaire qui, de préférence à tous, a, jusqu'à ce jour, servi de modèle aux éditions savantes comme aux éditions populaires des *Essais*.

Il nous reste à parler de l'exemplaire de la Bibliothèque de Bordeaux. Malgré les mutilations qu'il a subies, ce livre est le seul manuscrit autographe qui nous demeure des *Essais*, et, par conséquent, le plus

précieux exemplaire de cet ouvrage. L'édition publiée par Naigeon sur ce texte offre de remarquables variantes. Toutefois ce premier travail est encore imparfait; et bien que, dans une brochure devenue rare, et, plus tard, par un article de la Nouvelle Revue encyclopédique (août 1846, n° 4), M. Gustave Brunet ait signalé l'importance des annotations à recueillir dans l'original, il ne paraît pas en avoir été fait jusqu'à présent de relevé complet. M. Delpit, qui avait commencé, pour le regretté docteur Payen, la collation du premier livre sur le texte de Naigeon, n'est pas allé au delà. D'autres bibliophiles ont tenté la même entreprise : ils se sont arrêtés devant les difficultés de toute sorte qu'offrent l'écriture de Montaigne, la lecture des interlignes et des mots raturés dont il faut tenir compte, et le classement des renvois. Si l'on ajoute que le couteau du relieur a enlevé, avec une partie des marges du volume, des moitiés de mots et des mots entiers, et enfin que des feuilles volantes couvertes de notes, et rattachées primitivement à divers endroits du texte, ont été perdues, il y a lieu de reconnaître que la publication de l'exemplaire de la Bibliothèque de Bordeaux est une œuvre dont l'utilité ne saurait être exactement déterminée. Jusqu'à ce qu'une réimpression figurée ait permis de donner de ce document une édition lisible, le manuscrit de Bordeaux doit être uniquement regardé comme un recueil de variantes à faire entrer en notes dans toute publication nouvelle des Essais.

Les considérations qui précèdent nous ont amenés à prendre pour modèle de la présente édition la leçon

de 1595 parce que, devant l'édition de 1588 et l'exemplaire annoté de la Bibliothèque de Bordeaux, elle présente le seul texte complet de l'auteur. Peu importe à notre admiration que les observations de Montaigne se rattachent l'une à l'autre par un lien plus étroit, que sa pensée soit plus claire, si cet ordre, cette clarté doivent amener de regrettables suppressions, et si, pour un plus méthodique enchaînement d'idées qui n'ajouterait rien à la gloire du philosophe, nous devons perdre une seule des dernières manifestations de son esprit. Ce qu'il nous faut de Montaigne, c'est lui-même tout entier.

Quoique le texte de 1595 paraisse avoir été suivi jusqu'à ce jour par de savants éditeurs, qui déclaraient même en faire le plus grand cas, il n'a véritablement été suivi que d'assez loin. Il suffira du reste au lecteur de comparer une des pages ci-après avec les endroits correspondants des *Essais* de la collection Lefèvre, pour se convaincre des différences notables qui existent entre les deux éditions, ligne à ligne, presque mot à mot. Il trouvera dans la substitution constante de mots factices, tels que : proufit, gents, aultruy, fauldroit, condamner, gaings, desbauche, pratique, dict, chascun, desment, auctorité, veoyons, haulser, aux mots réels : profit, gens, autrui, faudroit, condamner, guain, débauche, pratique, dit, chacun, dément, autorité, voyons, hausser, un abrégé du système de réimpression qui fut longtemps en vogue parmi nous. Ce parti pris de modification du texte a poussé vers de graves erreurs quelques-uns des historiens de notre langue. Dans leurs éditions

de nos vieux classiques, ils ont cru devoir ramener à une seule les diverses formes d'une même expression; et, dans le choix d'une forme unique, ils ont souvent adopté, pour la donner comme forme courante, celle même qui du temps où l'auteur écrivait son livre était devenue hors d'usage. De là, proufit au lieu de profit, etc. D'autres erreurs sont nées de l'emploi de la ponctuation moderne, qui, en certains cas, a séparé des pensées originaires liées entre elles, et qui, en d'autres circonstances, a réuni des propositions primitivement isolées. Les inexactitudes sont venues ainsi de tous les côtés à la fois. Une altération en a amené d'autres en grand nombre. Aussi M. Burgaud des Marets a-t-il pu dire sans exagération, dans la préface de son édition de Rabelais, qu'il avait relevé plus de trente mille fautes dans la meilleure des réimpressions de Montaigne.

Pour justifier une aussi grave perturbation des textes, on a prétendu que la variété des formes d'un même mot et les bizarreries de la ponctuation étaient autant de caprices typographiques. Mais le rapprochement des manuscrits et des imprimés a fait justice de la fausseté d'une telle doctrine; et il a été reconnu que les évolutions de la langue devaient être acceptées telles qu'elles ressortent de cette double série de documents : les uns offrant, en raison de leur caractère privé, une double part à l'observation : les formes générales et les singularités individuelles; les autres présentant les expressions admises, en un mot la physionomie authentique de tous les éléments de la

langue soumis à des règles nettement déterminables, malgré leur apparente confusion.

Comme conséquence de ces dernières observations, nous suivrons mot pour mot le texte des Essais de 1595, nous réservant de ne nous en écarter que dans le cas d'erreur évidente. A la suite seront publiées avec le même soin les lettres de Montaigne, qui restent jusqu'à présent l'unique complément des Essais.

Outre les Essais et les Lettres, cette édition comprendra une Biographie de l'auteur, une Notice bibliographique et un appendice où se trouveront les Notes, les Traductions et les Variantes nécessaires pour l'éclaircissement des passages obscurs, l'intelligence des citations et la connaissance du texte aux diverses périodes de son développement. Deux Tables analytiques, entièrement nouvelles, placées à la fin de ce premier travail, l'une des noms propres, l'autre des matières, faciliteront les recherches des lecteurs sur tous les points. Enfin un Glossaire méthodique et complet de la langue de Montaigne, grossi d'exemples pris chez ses contemporains, terminera cet ouvrage qui doit être sinon une édition définitive — il n'y en a pas — du moins une œuvre de progrès.



LES
ESSAIS
DE MICHEL SEI-
GNEVR DE MONTAIGNE.

*EDITION NOUVELLE, TROUVÉE APRES
le décès de l'Auteur, revue & augmentée par luy d'en-
tiers plus qu'aux précédentes Impressions.*



A PARIS,
Chez ABEL L'ANGELIER, au premier pilier
de la grande falle du Palais.

CIO. IO. XCV.

AVEC PRIVILEGE.


Extrait du Priuilege
du Roy.



AR grace & Priuilege du Roy, il est permis à Abel l'Angelier, Marchant Libraire Iuré en l'Vniuersité de Paris, d'imprimer ou faire imprimer, vendre & debiter ce present liure, intitulé *Les Effais de Michel Seigneur de Montagne, reueuz & augmentez de plus du tiers par le mesme Auteur.* Et sont faictes tres-expresses inhibitions & defenses à tous autres Libraires & Imprimeurs, d'imprimer, ou faire imprimer, vendre ou debiter ledit liure, sans le consentement dudit l'Angelier : Et ce iusques au temps & terme de dix ans entiers & consecutifs : à peine de confiscation de tous lestdits liures qui s'en trouueront imprimez, & d'amende arbitraire. Et outre voulons qu'en mettant au commencement ou à la fin dudit liure ce present extrait, il soit tenu pour deuement signifié, comme plus amplement est déclaré & contenu ausdites lettres de Priuilege, données à Paris, le quinziesme iour d'Octobre, mil cinq cens quatre vingts & quatorze. Ainsi signé,

Par le Conseil.

RAMBOUILLET.



Au Lecteur.



'EST icy vn Liure de bonne foy, Lecteur. Il t'aduertit dès l'entree, que ie ne m'y suis proposé aucune fin, que domestique & priuee : ie n'ay eu nulle consideration de ton seruice, ny de ma gloire : mes forces ne sont pas capables d'un tel dessein. Je l'ay voulu à la commodité particuliere de mes parens & amis : à ce que m'ayans perdu (ce qu'ils ont à faire bien tost) ils y puissent retrouver aucuns traits de mes conditions & humeurs, & que par ce moyen ils nourrissent plus entiere & plus vifue la connoissance qu'ils ont eu de moy. Si c'eust esté pour rechercher la faueur du monde, ie me fusse paré de beautez emprun-

tees. Je veux qu'on m'y voye en ma façon simple, naturelle & ordinaire, sans estude & artifice : car c'est moy que ie peins. Mes defauts s'y liront au vif, mes imperfections & ma forme naïfue, autant que la reuerence publique me l'a permis. Que si i'eusse esté parmy ces nations qu'on dit viure encore souz la douce liberté des premieres loix de nature, ie t'asseure que ie m'y fusse tres-volontiers peint tout entier, & tout nud. Ainsi, Lecteur, ie suis moy-mesme la matiere de mon liure : ce n'est pas raison que tu employes ton loisir en vn subiect si friuole & si vain. A Dieu donq. De Montaigne, ce douze. de Iuin. mil cinq cens quatre vingts.





LIVRE PREMIER.

Par diuers moyens on arriue à pareille fin.

CHAPITRE I.



LA plus commune façon d'amollir les cœurs de ceux qu'on a offencé, lors qu'ayans la vengeance en main, ils nous tiennent à leur mercy, c'est de les esmouoir par submission, à commiseration & à pitié : toutesfois la brauerie, la constance, & la resolution, moyens tous contraires, ont quelquesfois seruy à ce mesme effect. Edouard Prince de Galles, celuy qui regenta si long temps nostre Guienne : personnage duquel les conditions & la fortune ont beaucoup de notables parties de grandeur; ayant esté bien fort offencé par les Limosins, & prenant leur ville par force, ne peut estre arresté par les cris du peuple, & des femmes, & enfans abandonnez à la boucherie, luy criants mercy,

& se iettans à ses pieds : iusqu'à ce que passant toujours outre dans la ville, il apperceut trois Gentilshommes François, qui d'une hardiesse incroyable soustenoient seuls l'effort de son armee victorieuse. La consideration & le respect d'une si notable vertu, reboucha premierement la pointe de sa cholere : & commença par ces trois, à faire misericorde à tous les autres habitans de la ville. Scanderberch, Prince de l'Epire, suyuant un soldat des siens pour le tuer, & ce soldat ayant essayé par toute espee d'humilité & de supplication de l'appaiser, se resolut à toute extremité de l'attendre l'espee au poing : cette sienne resolution arresta sus bout la furie de son maistre, qui pour luy auoir veu prendre un si honorable party, le reçut en grace. Cet exemple pourra souffrir autre interpretation de ceux, qui n'auront leu la prodigieuse force & vaillance de ce Prince là. L'Empereur Conrad troisieme, ayant assiégué Guelphe Duc de Bauieres, ne voulut condescendre à plus douces conditions, quelques viles & lasches satisfactions qu'on luy offrist, que de permettre seulement aux gentils-femmes qui estoient assiegees avec le Duc, de sortir leur honneur sauue, à pied, avec ce qu'elles pourroient emporter sur elles. Elles d'un cœur magnanime, s'aduiferent de charger sur leurs espauls leurs maris, leurs enfans, & le Duc mesme. L'Empereur print si grand plaisir à voir la gentillesse de leur courage, qu'il en pleura d'aise, & amortit toute cette aigreur d'inimitié mortelle & capitale qu'il auoit portee contre ce Duc : & dès lors en auant traita humainement luy & les siens. L'un & l'autre de ces deux moyens m'emporteroit aysément : car j'ay une merueilleuse lascheté vers la misericorde & mansuetude : tant y a, qu'à mon

aduis, ie ferois pour me rendre plus naturellement à la compassion, qu'à l'estimation. Si est la pitié passion vicieuse aux Stoiques : ils veulent qu'on secoure les affligez, mais non pas qu'on flechisse & compatisse avec eux. Or ces exemples me semblent plus à propos, d'autant qu'on voit ces ames assaillies & essayees par ces deux moyens, en soustenir l'un sans s'esbranler, & courber sous l'autre. Il se peut dire, que de rompre son cœur à la commiseration, c'est l'effet de la facilité, de bonnairété, & mollesse : d'où il aduient que les natures plus foibles, comme celles des femmes, des enfans, & du vulgaire, y sont plus subiettes : mais ayant eu à desdaing les larmes & les pleurs, de se rendre à la seule reuerence de la sainte image de la vertu, que c'est l'effect d'une ame forte & imployable, ayant en affection & en honneur une vigueur masle, & obstinee. Toutesfois es ames moins genereuses, l'estonnement & l'admiration peuvent faire naistre un pareil effect : tesmoin le peuple Thebain, lequel ayant mis en iustice d'accusation capitale, ses Capitaines, pour auoir continué leur charge outre le temps qui leur auoit esté prescript & preordonné, absolu à toute peine Pelopidas, qui plioit sous le faix de telles obiections, & n'employoit à se garantir que requestes & supplications : & au contraire Epaminondas, qui vint à raconter magnifiquement les choses par luy faites, & à les reprocher au peuple d'une façon fiere & arrogante, il n'eut pas le cœur de prendre seulement les balotes en main, & se departit : l'assemblée louant grandement la hautesse du courage de ce personnage. Dionysius le vieil, apres des longueurs & difficultés extremes, ayant prins la ville de Rege, & en icelle le Capitaine Phyton, grand homme de bien, qui l'auoit si obstinément defendue, voulut en

tirer vn tragique exemple de vengeance. Il luy diſt premiereſent, comment le iour auant, il auoit fait noyer ſon fils, & tous ceux de ſa parenté. A quoy Phyton reſpondit ſeulement, qu'ils en eſtoient d'vn iour plus heureux que luy. Apres il le fit deſpouiller, & ſaiſir à des Bourreaux, & le trainer par la ville, en le fouëttant tres ignominieusement & cruellement : & en outre le chargeant de felonnes parolles & contumelieuſes. Mais il eut le courage touſiours conſtant, ſans ſe perdre. Et d'vn viſage ferme, alloit au contraire ramenteuant à haute voix, l'honorable & glorieuſe cauſe de ſa mort, pour n'auoir voulu rendre ſon païs entre les mains d'vn tyran : le menaçant d'vne prochaine punition des dieux. Dionyſius, liſant dans les yeux de la commune de ſon armee, qu'au lieu de ſ'animer des brauades de cet ennemy vaincu, au meſpris de leur chef, & de ſon triomphe, elle alloit ſ'amolliſſant par l'eſtonnement d'vne ſi rare vertu, & marchandoit de ſe mutiner, & meſmes d'arracher Phyton d'entre les mains de ſes fergens, feit ceſſer ce martyre : & à cachettes l'enuoya noyer en la mer. Certes c'eſt vn ſubieſt merueilleusement vain, diuers, & ondoyant, que l'homme : il eſt malaiſé d'y fonder iugement conſtant & vniforme. Voyla Pompeius qui pardonna à toute la ville des Mamertins, contre laquelle il eſtoit fort animé, en conſideration de la vertu & magnanimité du citoyen Zenon, qui ſe chargeoit ſeul de la faute publique, & ne requeroit autre grace que d'en porter ſeul la peine. Et l'hoſte de Sylla, ayant vſé en la ville de Peruſe de ſemblable vertu, n'y gaigna rien, ny pour foy, ny pour les autres. Et directement contre mes premiers exemples, le plus hardy des hommes & ſi gracieux aux vaincus Alexandre, forçant apres beau-

coup de grandes difficultez la ville de Gaza, rencontra Betis qui y commandoit, de la valeur duquel il auoit, pendant ce siege, senty des preuues merueilleuses, lors seul, abandonné des siens, ses armes despeeées, tout couuert de sang & de playes, combatant encores au milieu de plusieurs Macedoniens, qui le chamailloient de toutes parts : & luy dit, tout piqué d'une si chere victoire : car entre autres dommages, il auoit receu deux fresches blessures sur sa personne : Tu ne mourras pas comme tu as voulu, Betis : fais estat qu'il te faut souffrir toutes les sortes de tourmens qui se pourront inuenter contre vn captif. L'autre, d'une mine non seulement asseuree, mais rogue & altiere, se tint sans mot dire à ces menaces. Lors Alexandre voyant l'obstination à se taire : A il flechy vn genouil ? luy est-il eschappé quelque voix suppliante ? Vrayement ie vainquerois ce silence : & si ie n'en puis arracher parole, i'en arracheray au moins du gémissement. Et tournant sa cholere en rage, commanda qu'on luy perçast les talons, & le fit ainsi trainer tout vif, deschirer & desmembrer au cul d'une charrette. Seroit-ce que la force de courage luy fust si naturelle & commune, que pour ne l'admirer point, il la respectast moins ? ou qu'il l'estimast si proprement sienne, qu'en cette hauteur il ne peust souffrir de la veoir en vn autre, sans le despit d'une passion enuieuse ? ou que l'impetuosité naturelle de sa cholere fust incapable d'opposition ? De vray, si elle eust receu bride, il est à croire, qu'en la prinse & desolation de la ville de Thebes elle l'eust receue : à veoir cruellement mettre au fil de l'espee tant de vaillans hommes, perdus, & n'ayans plus moyen de defence publique. Car il en fut tué bien six mille, desquels nul ne fut veu ny fuiant, ny demandant mercy : au rebours

cerchans, qui çà, qui là, par les rues, à affronter les ennemis victorieux : les prouoquans à les faire mourir d'une mort honorable. Nul ne fut veu, qui n'essaiait en son dernier soupir, de se venger encores : & à tout les armes du desespoir consoler sa mort en la mort de quelque ennemy. Si ne trouua l'affliction de leur vertu aucune pitié : & ne suffit la longueur d'un iour à assouvir sa vengeance. Ce carnage dura iusques à la dernière goutte de sang espendable : & ne s'arresta qu'aux personnes desarmées, vieillards, femmes & enfans, pour en tirer trente mille esclaves.





De la Tristesse.

CHAPITRE II.



E suis des plus exempts de cette passion, & ne l'ayme ny l'estime : quoy que le monde ayt entrepris, comme à prix fait, de l'honorer de faueur particuliere. Ils en habillent la sagesse, la vertu, la conscience. Sor & vilain ornement.

Les Italiens ont plus sortablement baptisé de son nom la malignité. Car c'est vne qualité tousiours nuisible, tousiours folle : & comme tousiours couarde & basse, les Stoïciens en defendent le sentiment à leurs sages. Mais le conte dit que Psammenitus Roy d'Ægypte, ayant esté deffait & pris par Cambysez Roy de Perse, voyant passer deuant luy sa fille prisonniere habillée en seruante, qu'on enuoyoit puiser de l'eau, tous ses amis pleurans & lamentans autour de luy, se tint coy sans mot dire, les yeux fichez en terre : & voyant encore tantost qu'on menoit son fils à la mort, se maintint en cette mesme contenance : mais qu'ayant apperceu vn de ses domestiques conduit entre les captifs, il se mit à battre sa teste, & mener vn dueil extreme. Cecy se pourroit apparier à ce qu'on vid dernièrement d'un Prince des nostres, qui ayant ouy

à Trente, où il estoit, nouuelles de la mort de son frere aîné, mais vn frere en qui consistoit l'appuy & l'honneur de toute sa maison, & bien tost apres d'un puisné, sa seconde esperance, & ayant soustenu ces deux charges d'une constance exemplaire, comme quelques iours apres vn de ses gens vint à mourir, il se laissa emporter à ce dernier accident; & quitant sa resolution, s'abandonna au dueil & aux regrets; en maniere qu'aucuns en prindrent argument, qu'il n'auoit esté touché au vif que de cette derniere secousse : mais à la verité ce fut, qu'estant d'ailleurs plein & comblé de tristesse, la moindre sur-charge brisa les barrieres de la patience. Il s'en pourroit, di-ie, autant iuger de nostre histoire, n'estoit qu'elle adiouste, que Cambyfes s'enquerant à Psammenitus, pourquoy ne s'estant esmeu au malheur de son filz & de sa fille, il portoit si impatientement celui de ses amis : C'est, respondit-il, que ce seul dernier desplaisir se peut signifier par larmes, les deux premiers surpassans de bien loin tout moyen de se pouuoir exprimer. A l'aenture reuiendrait à ce propos l'inuention de cet ancien peintre, lequel ayant à représenter au sacrifice de Iphigenia le dueil des assistans, selon les degrez de l'interest que chacun apportoit à la mort de cette belle fille innocente, ayant espuisé les derniers efforts de son art; quand ce vint au pere de la vierge, il le peignit le visage couuert, comme si nulle contenance ne pouuoit rapporter ce degré de dueil. Voyla pourquoy les Poëtes feignent cette miserable mere Niobé, ayant perdu premierement sept filz, & puis de suite autant de filles, sur-chargee de pertes, auoir esté en fin transmuee en rocher,

diriguisse malis :

pour exprimer cette morne, muette & sourde stupidité, qui nous transfit, lors que les accidens nous accablent surpassans nostre portee. De vray, l'effort d'un desplaisir, pour estre extreme, doit estonner toute l'ame, & luy empescher la liberte de ses actions : comme il nous aduient à la chaude alarme d'une bien mauuaise nouuelle, de nous sentir saisis, transsis, & comme perclus de tous mouuemens : de façon que l'ame se relaschant apres aux larmes & aux plaintes, semble se desprendre, se desmeller, & se mettre plus au large, & à son aise.

Et via vix tandem voci laxata dolore est.

En la guerre que le Roy Ferdinand mena contre la veufue du Roy Iean de Hongrie, autour de Bude, vn gendarme fut particulierement remerqué de chacun, pour auoir excessiuement bien fait de sa personne, en certaine meslee : & incognu, hautement loué, & plaint y estant demeuré : mais de nul tant que de Raificiac Seigneur Allemand, esprins d'une si rare vertu : le corps estant rapporté, cetuicy d'une commune curiosité, s'approcha pour voir qui c'estoit : & les armes ostees au trespasé, il reconut son fils. Cela augmenta la compassion aux assistans : luy seul, sans rien dire, sans siller les yeux, se tint debout, contemplant fixement le corps de son fils : iusques à ce que la vehemence de la tristesse, aiant accablé ses esprits vitaux, le porta roide mort par terre.

Chi puo dir com' egli arde è in picciol fuoco ,

disent les amoureux, qui veulent representer vne passion insupportable.

*misero quod omnes
Eripit sensus mihi. Nam simul te
Lesbia aspexi, nihil est super mi
Quod loquar amens.
Lingua sed torpet, tenuis sub artus
Flamma dimanat, sonitu suopte
Tinniunt aures, gemina teguntur
Lumina nocte.*

Aussi n'est ce pas en la viue, & plus cuyfante chaleur de l'accès, que nous sommes propres à desployer nos plaintes & nos persuasions : l'ame est lors aggrauee de profondes pensees, & le corps abbatu & languissant d'amour : & de là s'engendre par fois la defaillance fortuite, qui surprennent les amoureux si hors de faison ; & cette glace qui les saisit par la force d'une ardeur extreme, au giron mesme de la iouissance. Toutes passions qui se laissent gouster, & digerer, ne sont que mediocres,

Cura leues loquuntur, ingentes stupent.

La surprise d'un plaisir inesperé nous estonne de mesme.

*Vt me conspexit venientem, & Troia circum
Arma amens vidit, magnis exterrita monstis,
Diriguit visu in medio, calor ossa reliquit,
Labitur, & longo vix tandem tempore fatur.*

Outre la femme Romaine, qui mourut surprise d'aise de voir son fils reuenu de la route de Cannes : Sophocles & Denis le Tyran, qui trespasserent d'aise : & Talua qui mourut en Corseque, lisant les nouuelles des honneurs que le Senat de Rome luy auoit de-

cernez; nous tenons en nostre siecle, que le Pape Leon dixiesme ayant esté aduertý de la prinse de Milan, qu'il auoit extremement souhaittee, entra en tel excez de ioye, que la fieure l'en print, & en mourut. Et pour vn plus notable tesmoignage de l'imbecillité humaine, il a esté remerqué par les anciens, que Diodorus le Dialecticien mourut sur le champ, espris d'une extreme passion de honte, pour en son escole, & en public, ne se pouuoir desuelopper d'un argument qu'on luy auoit fait. Je suis peu en prise de ces violentes passions : i'ay l'apprehension naturellement dure; & l'encrouste & espessis tous les iours par discours.





Nos affections s'emportent au delà de nous.

CHAPITRE III.



Ceux qui accusent les hommes d'aller tousiours beant apres les choses futures, & nous apprennent à nous saisir des biens presens, & nous rassoir en ceux-là, comme n'ayants aucune prise sur ce qui est à venir, voire assez moins que nous n'auons sur ce qui est passé, touchent la plus commune des humaines erreurs : s'ils osent appeller erreur, chose à quoy nature mesme nous achemine, pour le seruice de la continuation de son ouurage, nous imprimant, comme assez d'autres, cette imagination fausse, plus ialouse de nostre action, que de nostre science. Nous ne sommes iamais chez nous, nous sommes tousiours au delà. La crainte, le desir, l'esperance, nous eslancent vers l'aduenir : & nous desrobent le sentiment & la consideration de ce qui est, pour nous amuser à ce qui sera, voire quand nous ne serons plus. *Calamitosus est animus futuri anxius.* Ce grand precepte est souuent allegué en Platon, Fay ton faict, & te congnoy. Chascun de ces deux membres enueloppe generally tout nostre deuoir : & semblablement enueloppe son compaignon. Qui au-

roit à faire son fait, verroit que sa premiere leçon, c'est cognoistre ce qu'il est, & ce qui luy est propre. Et qui se cognoist, ne prend plus l'estranger fait pour le sien : s'ayme, & se cultiue auant toute autre chose : refuse les occupations superflues, & les pensees, & propositions inutiles. Comme la folie quand on luy octroyera ce qu'elle desire, ne sera pas contente : aussi est la sagesse contente de ce qui est present, ne se desplait iamais de soy. Epicurus dispense son sage de la preuoyance & soucy de l'aduenir. Entre les loix qui regardent les trespassez, celle icy me semble autant solide, qui oblige les actions des Princes à estre examinees apres leur mort : ils sont compagnons, sinon maistres des loix : ce que la Iustice n'a peu sur leurs testes, c'est raison qu'elle l'ayt sur leur reputation, & biens de leurs succeffeurs : choses que souuent nous preferons à la vie. C'est vne vñance qui apporte des commoditez singulieres aux nations où elle est obseruee, & desirable à tous bons Princes : qui ont à se plaindre de ce, qu'on traite la memoire des meschants comme la leur. Nous deuons la subiection & obeissance egalement à tous Rois : car elle regarde leur office : mais l'estimation, non plus que l'affection, nous ne la deuons qu'à leur vertu. Donnons à l'ordre politique de les souffrir patiemment, indignes : de celer leurs vices : d'aider de nostre recommandation leurs actions indifferentes, pendant que leur auctorité a besoin de nostre appuy. Mais nostre commerce finy, ce n'est pas raison de refuser à la Iustice, & à nostre liberté, l'expression de noz vrayz ressentiments : & nommément de refuser aux bons subiects, la gloire d'auoir reueremment & fidellement serui vn maistre, les imperfections duquel leur estoient si bien cognues : frustrant la posterité

d'un si vtile exemple. Et ceux, qui, par respect de quelque obligation priuee, espousent iniquement la memoire d'un Prince meslouable, font iustice particuliere aux despends de la iustice publique. Titus Liuius dict vray, que le langage des hommes nourris sous la Royauté, est tousiours plein de vaines ostentations & faux tesmoignages : chascun-esleuant indifferemment son Roy, à l'extreme ligne, de valeur & grandeur souueraine. On peult reprouuer la magnanimité de ces deux soldats, qui respondirent à Neron, à sa barbe, l'un enquis de luy, pourquoy il luy vouloit mal : Je t'aimoy quand tu le valois : mais despuis que tu es deuenu parricide, boutefeu, basteleur, cochier, ie te hay, comme tu merites. L'autre, pourquoy il le vouloit tuer ; Par ce que ie ne trouue autre remede à tes continuels malefices. Mais les publics & vniuersels tesmoignages, qui apres sa mort ont esté rendus, & le seront à tout iamais, à luy, & à tous meschans comme luy, de ses tyranniques & vilains deportements, qui de sain entendement les peut reprouuer ? Il me desplaist, qu'en vne si sainte police que la Lacedemonienne, se fust meslée vne si feinte ceremonie à la mort des Roys. Tous les confederez & voyfins, & tous les Ilotes, hommes, femmes, pesse-messe, se descoupoient le front, pour tesmoignage de deuil : & disoient en leurs cris & lamentations, Que celuy la, quel qu'il eust esté, estoit le meilleur Roy de tous les leurs : attribuans au reng, le los qui appartenoit au merite ; &, qui appartient au premier merite, au postreme & dernier reng. Aristote, qui remue toutes choses, s'enquiert sur le mot de Solon, Que nul auant mourir ne peut estre dict heureux, Si celuy la mesme, qui a vescu, & qui est mort à fouhait, peut estre dict

heureux, si sa renommée va mal, si sa postérité est misérable. Pendant que nous nous remuons, nous nous portons par préoccupation où il nous plaît : mais étant hors de l'estre, nous n'auons aucune communication avec ce qui est. Et seroit meilleur de dire à Solon, que iamais homme n'est donc heureux, puis qu'il ne l'est qu'après qu'il n'est plus.

quisquam
Vix radicitus à vita se tollit, & eiicit :
Sed facit esse sui quiddam super inscius ipse,
Nec remouet satis à proiecto corpore sese, &
Vindicat.

Bertrand du Glesquin mourut au siège du Chasteau de Rancon, pres du Puy en Auvergne : les affligés s'estans rendus après, furent obligés de porter les clefs de la place sur le corps du trespassé. Barthelemy d'Aluiane, General de l'armée des Venitiens, étant mort au service de leurs guerres en la Bresse, & son corps ayant esté rapporté à Venise par le Veronois, terre ennemie ; la plupart de ceux de l'armée estoient d'aduis, qu'on demandast sauf-conduit pour le passage à ceux de Veronne : mais Theodore Triulce y contredit ; & choisit plustost de le passer par viue force, au hazard du combat : N'estant conuenable, disoit-il, que celui qui en sa vie n'auoit iamais eu peur de ses ennemis, étant mort fist demonstration de les craindre. De vray, en chose voisine, par les loix Grecques, celui qui demandoit à l'ennemy vn corps pour l'inhumer, renonçoit à la victoire, & ne luy estoit plus loisible d'en dresser trophée : à celui qui en estoit requis, c'estoit tiltre de gain. Ainsi perdit Nicias l'auantage qu'il auoit nettement gagné sur

les Corinthiens : & au rebours, Agefilaus assura celui qui luy estoit bien douteusement acquis sur les Bœotiens. Ces traits se pourroient trouver estranges, s'il n'estoit receu de tout temps, non seulement d'estendre le soing de nous, au delà cette vie, mais encore de croire, que bien souuent les faueurs celestes nous accompagnent au tombeau, & continuent à nos reliques. Dequoy il y a tant d'exemples anciens, laissant à part les nostres, qu'il n'est besoing que ie m'y estende. Edouard premier Roy d'Angleterre, ayant essayé aux longues guerres d'entre luy & Robert Roy d'Escoffe, combien sa presence donnoit d'aduantage à ses affaires, rapportant tousiours la victoire de ce qu'il entreprenoit en personne; mourant, obligea son fils par solennel serment, à ce qu'estant trespasé, il fist bouillir son corps pour desprendre sa chair d'avec les os, laquelle il fit enterrer : & quant aux os, qu'il les reseruaist pour les porter avec luy, & en son armee, toutes les fois qu'il luy aduiendroit d'auoir guerre contre les Escossois : comme si la destinee auoit fatalement attaché la victoire à ses membres. Iean Zischa, qui troubla la Boheme pour la deffence des erreurs de VViclef, voulut qu'on l'escorchast apres sa mort, & de sa peau qu'on fist vn tabourin à porter à la guerre contre les ennemis : estimant que cela ayderoit à continuer les aduantages qu'il auoit eus aux guerres, par luy conduictes contre eux. Certains Indiens portoient ainfin au combat contre les Espaignols, les ossemens d'un de leurs Capitaines, en consideration de l'heur qu'il auoit eu en viuant. Et d'autres peuples en ce mesme monde, trainent à la guerre les corps des vaillans hommes, qui sont morts en leurs batailles, pour leur seruir de bonne fortune & d'encouragement. Les pre-

miers exemples ne referuent au tombeau, que la reputation acquise par leurs actions passees : mais ceux-cy y veulent encore mesler la puissance d'agir. Le fait du Capitaine Bayard est de meilleure composition, lequel se sentant blessé à mort d'une harquebuse dans le corps, conseillé de se retirer de la meslee, respondit qu'il ne commenceroit point sur sa fin à tourner le dos à l'ennemy : & ayant combatu autant qu'il eut de force, se sentant defaillir, & eschapper du cheual, commanda à son maistre d'hostel, de le coucher au pied d'un arbre : mais que ce fust en façon qu'il mourust le visage tourné vers l'ennemy : comme il fit. Il me faut adiouter cet autre exemple aussi remarquable pour cette consideration, que nul des precedens. L'Empereur Maximilian bifayeul du Roy Philippes, qui est à present, estoit Prince doué de tout plein de grandes qualitez, & entre autres d'une beauté de corps singuliere : mais parmy ces humeurs, il auoit ceste cy bien contraire à celle des Princes, qui pour despescher les plus importants affaires, font leur throsne de leur chaire percee : c'est qu'il n'eut iamais valet de chambre, si priué, à qui il permist de le voir en sa garderobbe : il se desfroboit pour tomber de l'eau, aussi religieux qu'une pucelle à ne descourir ny à Medecin ny à qui que ce fust les parties qu'on a accoustumé de tenir cachees. Moy qui ay la bouche si effrontee, suis pourtant par complexion touché de cette honte : si ce n'est à une grande suasion de la necessité ou de la volupté, ie ne communique gueres aux yeux de personne, les membres & actions, que nostre coustume ordonne estre couuertes : i'y souffre plus de contrainte que ie n'estime bien seant à un homme, & sur tout à un homme de ma profession : mais luy en vint à telle

superstition, qu'il ordonna par parolles expressees de son testament, qu'on luy attachast des caleçons, quand il seroit mort. Il deuoit adiouter par codicille, que celuy qui les luy monteroit eust les yeux bandez. L'ordonnance que Cyrus faict à ses enfans, que ny eux, ny autre, ne voye & touche son corps, apres que l'ame en fera separee : ie l'attribue à quelque sienne deuotion : car & son Historien & luy, entre leurs grandes qualitez, ont semé par tout le cours de leur vie, vn singulier soin & reuerence à la religion. Ce conte me despleut, qu'un grand me fit d'un mien allié, homme assez cogneu & en paix & en guerre. C'est que mourant bien vieil en sa cour, tourmenté de douleurs extremes de la pierre, il amusa toutes ses heures dernieres avec un soing vehement, à disposer l'honneur & la ceremonie de son enterrement : & somma toute la noblesse qui le visitoit, de luy donner parole d'assister à son conuoy. A ce Prince mesme, qui le vid sur ces derniers traits, il fit vne instante supplication que sa maison fust commandee de s'y trouuer; employant plusieurs exemples & raisons, à prouuer que c'estoit chose qui appartenoit à un homme de sa sorte : & sembla expirer content ayant retiré cette promesse, & ordonné à son gré la distribution, & ordre de sa montre. Je n'ay guere veu de vanité si perseuerante. Cette autre curiosité contraire, en laquelle ie n'ay point aussi faute d'exemple domestique, me semble germaine à ceste-cy : d'aller se soignant & passionnant à ce dernier point, à regler son conuoy, à quelque particuliere & inusitee parfimonie, à un seruiteur & vne lanterne. Je voy louer cett'humeur, & l'ordonnance de Marcus Æmilius Lepidus, qui deffendit à ses heritiers d'employer pour luy les ceremonies qu'on auoit accoustumé en telles

choses. Est-ce encore temperance & frugalité, d'euter la despence & la volupté, desquelles l'usage & la cognoissance nous est imperceptible? Voila vne aisée reformation & de peu de coust. S'il estoit besoin d'en ordonner, ie seroy d'aduis, qu'en celle là, comme en toutes actions de la vie, chascun en rapportast la regle, au degré de sa fortune. Et le Philosophe Lycon prescrit sagement à ses amis, de mettre son corps où ils aduiferont pour le mieux : & quant aux funerailles, de les faire ny superflues ny mechaniques. Je lairrois purement la coustume ordonner de cette ceremonie, & m'en remettray à la discretion des premiers à qui ie tomberay en charge. *Totus hic locus est contemnendus in nobis, non negligendus in nostris.* Et est sainctement dict à vn saint : *Curatio funeris, conditio sepulturæ, pompa exequiarum, magis sunt viuorum solatia, quàm subsidia mortuorum.* Pourtant Socrates à Criton, qui sur l'heure de sa fin luy demande, comment il veut estre enterré : Comme vous voudrez, respond-il. Si i'auois à m'en empescher plus auant, ie trouuerois plus galand, d'imiter ceux qui entreprennent viuans & respirans, iouyr de l'ordre & honneur de leur sepulture : & qui se plaisent de voir en marbre leur morte contenance. Heureux qui sachtent resiouyr & gratifier leur sens par l'insensibilité, & viure de leur mort! A peu, que ie n'entre en haine irreconciliable contre toute domination populaire : quoy qu'elle me semble la plus naturelle & equitable : quand il me souuiet de cette inhumaine iniustice du peuple Athenien : de faire mourir sans remission, & sans les vouloir seulement ouïr en leurs defenses, ces braues Capitaines, venants de gagner contre les Lacedemoniens la bataille naualle pres les Isles Arginenfes : la plus

contestee, la plus forte bataille, que les Grecs aient onques donnee en mer de leurs forces : par ce qu'apres la victoire, ils auoient fuiuy les occasions que la loy de la guerre leur presentoit, plustost que de s'arrester à recueillir & inhumer leurs morts. Et rend cette execution plus odieuse, le faict de Diomedon. Cettuy cy est l'un des condamnez, homme de notable vertu, & militaire & politique : lequel se tirant auant pour parler, apres auoir ouy l'arrest de leur condemnation, & trouuant seulement lors temps de paisible audience, au lieu de s'en seruir au bien de sa cause, & à descourir l'euidente iniquité d'une si cruelle conclusion, ne representa qu'un soin de la conseruation de ses iuges : priant les Dieux de tourner ce iugement à leur bien : & à fin que, par faute de rendre les vœux que luy & ses compagnons auoient voué, en recognoissance d'une si illustre fortune, ils n'attirassent l'ire des Dieux sur eux, les aduertissant quels vœux c'estoient. Et sans dire autre chose, & sans marchander, s'achemina de ce pas courageusement au supplice. La fortune quelques annees apres les punit de mesme pain soubpe. Car Chabrias Capitaine general de leur armee de mer, ayant eu le dessus du combat contre Pollis Admiral de Sparte, en l'isle de Naxe, perdit le fruit tout net & content de sa victoire, tres-important à leurs affaires, pour n'encourir le malheur de cet exemple, & pour ne perdre peu de corps morts de ses amis, qui flottoyent en mer, laissa voguer en sauueté un monde d'ennemis viuants, qui depuis leur feirent bien acheter cette importune superstition.

Quæris, quo iaceas, post obitum, loco?
Quo non nata iacent.

Cet autre redonne le sentiment du repos, à vn corps fans ame,

*Neque sepulcrum, quo recipiat, habeat portum corporis :
Vbi, remissa humana vita, corpus requiescat à malis.*

Tout ainfi que nature nous fait voir, que plusieurs chofes mortes ont encore des relations occultes à la vie. Le vin s'altere aux caues, felon aucunes mutations des faifons de fa vigne. Et la chair de venaifon change d'efat aux faloirs & de gouft, felon les loix de la chair viue, à ce qu'on dit.





*Comme l'ame descharge ses passions sur des objets
faux, quand les vrais luy defaillent.*

CHAPITRE IIII.



Vn Gentil-homme des nostres merueilleusement subiect à la goutte, estant pressé par les Medecins de laisser du tout l'usage des viandes salees, auoit accoustumé de respondre plaisamment, que sur les efforts & tourments du mal, il vouloit auoir à qui s'en prendre; & que s'escriant & maudissant tantost le ceruelat, tantost la langue de bœuf & le iambon, il s'en sentoit d'autant allegé. Mais en bon escient, comme le bras estant haussé pour frapper, il nous deult si le coup ne rencontre, & qu'il aille au vent : aussi que pour rendre vne veuë plaisante, il ne faut pas qu'elle soit perduë & escartee dans le vague de l'air, ains qu'elle ayt butte pour la soutenir à raisonnable distance.

*Ventus vt amittit vires, nisi robore densæ
Occurrant filuæ spatio diffusus inani.*

De mesme il semble que l'ame esbranlee & esmeuë

se perde en soy-mesme, si on ne luy donne prinse : & faut tousiours luy fournir d'obiet où elle s'abutte & agisse. Plutarque dit à propos de ceux qui s'affectionnent aux guenons & petits chiens, que la partie amoureuse qui est en nous, à faute de prise legitime, plustost que de demeurer en vain, s'en forge ainsin vne faulce & friuole. Et nous voyons que l'ame en ses passions se pipe plustost elle mesme, se dressant vn faux subiect & fantastique, voire contre sa propre creance, que de n'agir contre quelque chose. Ainsin emporte les bestes leur rage à s'attaquer à la pierre & au fer, qui les a bleffees : & à se venger à belles dents sur soy-mesmes du mal qu'elles sentent.

*Pannonis haud aliter post istum scuior vrsa
Cui iaculum parua Lybis amentauit habena,
Se rotat in vulnus, telumque irata receptum
Impetit, & secum fugientem circuit hastam.*

Quelles causes n'inuentons nous des malheurs qui nous aduiennent? à quoy ne nous prenons nous à tort ou à droit, pour auoir où nous escrimer? Ce ne sont pas ces tresses blondes, que tu deschires, ny la blancheur de cette poitrine, que despitée tu bats si cruellement, qui ont perdu d'un malheureux plomb ce frere bien aymé : prens t'en ailleurs. Liuius parlant de l'armee Romaine en Espagne, apres la perte des deux freres ses grands Capitaines, *Flere omnes repente, & offensare capita* : c'est vn usage commun. Et le Philosophe Bion, de ce Roy, qui de dueil s'arrachoit le poil, fut plaissant, Cetuy-cy pense-il que la pelade soulage le dueil? Qui n'a veu malcher & engloutir les cartes, se gorger d'une

bale de dez, pour auoir où se venger de la perte de son argent? Xerxes foita la mer, & escriuit vn cartel de deffi au mont Athos : & Cyrus amusa toute vne armee plusieurs iours à se venger de la riuere de Gyndus, pour la peur qu'il auoit eu en la passant : & Caligula ruina vne tresbelle maison, pour le plaisir que sa mere y auoit eu. Le peuple disoit en ma ieunesse, qu'un Roy de noz voysins, ayant receu de Dieu vne bastonade, iura de s'en venger : ordonnant que de dix ans on ne le priaist, ny parlaist de luy, ny autant qu'il estoit en son auctorité, qu'on ne creust en luy. Par où on vouloit peindre non tant la fortise, que la gloire naturelle à la nation, dequoy estoit le compte. Ce sont vices tousiours conioincts : mais telles actions tiennent, à la verité, vn peu plus encore d'outrecuidance, que de bestise. Augustus Cesar ayant esté battu de la tempeste sur mer, se print à deffier le Dieu Neptunus, & en la pompe des ieux Circenses fist oster son image du reng où elle estoit parmy les autres Dieux, pour se venger de luy. Enquoy il est encore moins excusable, que les precedens, & moins qu'il ne fut depuis, lors qu'ayant perdu vne bataille sous Quintilius Varus en Allemagne, il alloit de colere & de desespoir, choquant sa teste contre la muraille, en s'escriant, Varus rens moy mes foldats : car ceux la surpassent toute follie, d'autant que l'impieté y est ioincte, qui s'en adressent à Dieu mesmes, ou à la fortune, comme si elle auoit des oreilles subiectes à nostre batterie. A l'exemple des Thraces, qui, quand il tonne ou esclaire, se mettent à tirer contre le ciel d'une vengeance Titanienne, pour renger Dieu à raison, à coups de fleche. Or, comme dit cet ancien Poëte chez Plutarque,

*Point ne se faut courroucer aux affaires.
Il ne leur chaut de toutes nos choleres.*

Mais nous ne dirons iamais assez d'iniures au desreglement de nostre esprit.





*Si le chef d'une place assiegee, doit-sortir
pour parlementer.*

CHAPITRE V.



VCIVS Marcivs Legat des Romains, en la guerre contre Perseus Roy de Macedoine, voulant gagner le temps qu'il luy falloit encore à mettre en point son armee, sema des entregets d'accord, desquels le Roy endormy accorda trefue pour quelques iours : fournissant par ce moyen son ennemy d'opportunité & loisir pour s'armer : d'où le Roy encourut sa derniere ruine. Si est-ce, que les vieux du Senat, memoratifs des mœurs de leurs Peres, accuserent cette pratique, comme ennemie de leur stile ancien : qui fut, disoient-ils, combattre de vertu, non de finesse, ny par surprinses & rencontres de nuit, ny par fuittes apostees, & recharges inopinees : n'entreprenans guerre, qu'apres l'auoir denoncee, & souuent apres auoir assigné l'heure & lieu de la bataille. De cette conscience ils renuoierent à Pyrrhus son traistre Medecin, & aux Phaliskues leur desloyal maistre d'escole. C'estoient les formes vrayement Romaines, non de la Grecque subtilité & astuce Punique, où le vaincre

par force est moins glorieux que par fraude. Le tromper peut servir pour le coup : mais celui seul se tient pour surmonté, qui scait l'auoir esté ny par ruse, ny de fort, mais par vaillance, de troupe à troupe, en vne franche & iuste guerre. Il appert bien par ce langage de ces bonnes gents, qu'ils n'auoient encore receu cette belle sentence,

dolus an virtus quis in hoste requirat?

Les Achaïens, dit Polybe, detestoient toute voye de tromperie en leurs guerres, n'estimants victoire, sinon où les courages des ennemis sont abbatus. *Eam vir sanctus & sapiens sciet veram esse victoriam, quæ salua fide, & integra dignitate parabitur*, dit vn autre :

*Vos ne velit, an me regnare hera : quidue ferat fors
Virtute experiamur.*

Au Royaume de Ternate, parmy ces nations que si à pleine bouche nous appelons Barbares, la coutume porte, qu'ils n'entreprennent guerre sans l'auoir denoncee : y adioustans ample declaration des moiens qu'ils ont à y employer, quels, combien d'hommes, quelles munitions, quelles armes, offensives & defensives. Mais aussi cela fait, ils se donnent loy de se servir à leur guerre, sans reproche, de tout ce qui aide à vaincre. Les anciens Florentins estoient si esloignés de vouloir gagner aduantage sur leurs ennemis par surprise, qu'ils les aduertissoient vn mois auant que de mettre leur exercite aux champs, par le continuel son de la cloche qu'ils nommoient, *Martinella*. Quant à nous moins superstitieux, qui tenons celui auoir l'honneur de la guerre, qui en a

le profit, & qui apres Lyfander, difons que, Où la peau du Lyon ne peut fuffire, il y faut coudre vn lopin de celle du Regnard, les plus ordinaires occafions de furprife fe tirent de cette pratique : & n'eft heure, difons nous, où vn chef doive auoir plus l'œil au guet, que celle des parlemens & traités d'accord. Et pour cette caufe, c'eft vne regle en la bouche de tous les hommes de guerre de noftre temps, Qu'il ne faut iamais que le Gouverneur en vne place affiegee forte luy mefmes pour parlementer. Du temps de nos peres cela fut reproché aux Seigneurs de Montmord & de l'Affigni, deffendans Moufon contre le Comte de Nanfau. Mais auffi à ce conte, celuy la feroit excufable, qui fortiroit en telle façon, que la feureté & l'aduantage demeurast de fon cofté : comme fit en la ville de Regge, le Comte Guy de Rangon (s'il en faut croire du Bellay, car Guicciardin dit que ce fut luy mefmes) lors que le Seigneur de l'Efcut s'en approcha pour parlementer : car il abandonna de fi peu fon fort, qu'un trouble s'estant efmeu pendant ce parlement, non feulement Monsieur de l'Efcut & fa troupe, qui estoit approchée avec luy, se trouua le plus foible, de façon qu'Alexandre Triuulce y fut tué, mais luy mefme fut contrainct, pour le plus feur, de fuiure le Comte, & se ietter sur sa foy à l'abri des coups dans la ville. Eumenes en la ville de Nora pressé par Antigonus qui l'assiegeoit, de sortir pour luy parler, alleguant que c'estoit raison qu'il vint deuers luy, attendu qu'il estoit le plus grand & le plus fort : apres auoir fait cette noble responce : Je n'estimeray iamais homme plus grand que moy, tant que i'auray mon espee en ma puissance, n'y consentit, qu'Antigonus ne luy eust donné Ptolemæus son propre nepueu ostage, comme il demandoit. Si est-

ce qu'encores en y a-il, qui se font tresbien trouuez de fortir sur la parole de l'affaillant : tesmoing Henry de Vaux, Cheualier Champenois, lequel estant assiegé dans le Chasteau de Commercy par les Anglois, & Barthelemy de Bonnes, qui commandoit au siege, ayant par dehors fait sapper la plus part du Chasteau, si qu'il ne restoit que le feu pour accabler les assiegez sous les ruines, somma ledit Henry de sortir à parlementer pour son profit, comme il fit luy quatriefme; & son euidente ruyne luy ayant esté montree à l'œil, il s'en sentit singulierement obligé à l'ennemy : à la discretion duquel apres qu'il se fut rendu & sa troupe, le feu estant mis à la mine, les estansons de bois venus à faillir, le Chasteau fut emporté de fons en comble. Je me fie aysement à la foy d'autrui : mais mal-aysement le feroi-ie, lors que ie donrois à iuger l'auoir plustost fait par desespoir & faute de cœur, que par franchise & fiance de sa loyauté.





L'heure des parlemens dangereuse.

CHAPITRE VI.



OVTES-FOIS ie vis dernièrement en mon voyſinage de Muſſidan, que ceux qui en furent délogez à force par noſtre armee, & autres de leur party, crioient comme de trahiſon, de ce que pendant les entremiſes d'accord, & le traité ſe continuant encores, on les auoit ſurpris & mis en pieces. Choe qui euſt eu à l'auanture apparence en autre ſiecle; mais, comme ie viens de dire, nos façons ſont entierement eſloignées de ces regles : & ne ſe doit attendre fiance des vns aux autres, que le dernier ſeau d'obligation n'y ſoit paſſé : encores y a il lors aſſés affaire. Et a touſiours eſté conſeil hazardeux, de fier à la licence d'une armee victorieuſe l'oſſervation de la foy, qu'on a donnee à vne ville, qui vient de ſe rendre par douce & fauorable compoſition, & d'en laiſſer ſur la chaude, l'entree libre aux ſoldats. L. Æmylius Regillus Preteur Romain, ayant perdu ſon temps à eſſayer de prendre la ville de Phocees à force, pour la ſinguliere prouèſſe des habitans à ſe bien defendre, ſeit pache avec eux, de les receuoir pour amis du peuple Romain, & d'y

entrer comme en ville confederee : leur ostant toute crainte d'action hostile. Mais y ayant quand & luy introduict son armee, pour s'y faire voir en plus de pompe, il ne fut en sa puissance, quelque effort qu'il y employast, de tenir la bride à ses gens : & veit deuant ses yeux fourrager bonne partie de la ville : les droicts de l'auarice & de la vengeance suppeditant ceux de son autorité & de la discipline militaire. Cleomenes disoit, Que quelque mal qu'on peust faire aux ennemis en guerre, cela estoit par dessus la Iustice, & non subiect à icelle, tant enuers les Dieux, qu'enuers les hommes : & ayant fait treue avec les Argiens pour sept iours, la troisieme nuit apres il les alla charger tous endormis, & les desist, alleguant qu'en sa treue il n'auoit pas esté parlé des nuits : mais les Dieux vengerent ceste perfide subtilité. Pendant le parlement, & qu'ils mufoient sur leurs seurtez, la ville de Cafilinum fust saisie par surprinse. Et cela pourtant au siecle & des plus iustes Capitaines & de la plus parfaite milice Romaine : car il n'est pas dict, qu'en temps & lieu il ne soit permis de nous preualoir de la sottise de noz ennemis, comme nous faisons de leur lascheté. Et certes la guerre a naturellement beaucoup de priuileges raisonnables au preiudice de la raison. Et icy faut la regle, *neminem id agere, vt ex alterius pradetur infcisia*. Mais ie m'estonne de l'estendue que Xenophon leur donne, & par les propos, & par diuers exploits de son parfait Empereur : auteur de merueilleux poids en telles choses, comme grand Capitaine & Philosophe des premiers disciples de Socrates; & ne consens pas à la mesure de sa dispense en tout & par tout. Monsieur d'Aubigny assiegeant Cappoüe, & apres y auoir fait vne furieuse baterie, le Seigneur

Fabrice Colonne, Capitaine de la ville, ayant commencé à parlementer de dessus vn bastion, & ses gens faisants plus molle garde, les nostres s'en emparerent, & mirent tout en pieces. Et de plus fresche memoire à Yuoy, le Seigneur Iulian Rommero, ayant fait ce pas de clerc de fortir pour parlementer avec Monsieur le Connestable, trouua au retour sa place faisie. Mais afin que nous ne nous en allions pas sans reuanche, le Marquis de Pesquaire assiegeant Genes, où le Duc Octauian Fregose commandoit sous nostre protection, & l'accord entre eux ayant esté poussé si auant, qu'on le tenoit pour fait, sur le point de la conclusion, les Espaignols s'estans coullés dedans, en vferent comme en vne victoire planiere : & depuis à Ligny en Barrois, où le Comte de Brienne commandoit, l'Empereur l'ayant assiégué en personne, & Bertheuille Lieutenant dudi& Comte estant forty pour parlementer, pendant le parlement la ville se trouua faisie.

*Fù il vincer sempre mai laudabil cosa ,
Vinca sì ò per fortuna ò per ingegno ,*

disent-ils : mais le Philosophe Chrysippus n'eust pas esté de cet aduis : & moy aussi peu. Car il disoit que ceux qui courent à l'enuy, doiuent bien employer toutes leurs forces à la vifesse, mais il ne leur est pourtant aucunement loisible de mettre la main sur leur aduerfaire pour l'arrester : ny de luy tendre la iambe, pour le faire cheoir. Et plus genereusement encore ce grand Alexandre, à Polypercon, qui luy suadoit de se seruir de l'auantage que l'obscurité de la nuit luy donnoit pour assaillir Darius : Point, dit-il, ce n'est pas à moy de cher-

cher des victoires defrobes : *malo me fortunæ pān-*
teat, quān victoriæ pudeat.

Atque idem fugientem haud est dignatus Orodem
Sternere, nec iacta cæcum dare cuspidē vulnus :
Obuius, aduersoque occurrit, sique viro vir
Contulit, haud furto melior, sed fortibus armis.





Que l'intention iuge nos actions.

CHAPITRE VII.



A mort, dit-on, nous acquitte de toutes nos obligations. I'en sçay qui l'ont prins en diuerse façon. Henry septiesme Roy d'Angleterre fit composition avec Dom Philippe fils de l'Empereur Maximilian, ou pour le confronter plus honnorablement, pere de l'Empereur Charles cinquiesme, que ledict Philippe remettoit entre ses mains le Duc de Suffolc de la Rose blanche, son ennemy, lequel s'en estoit fuy & retiré au pays bas, moyennant qu'il promettoit de n'attenter rien sur la vie dudict Duc : toutesfois venant à mourir, il commanda par son testament à son fils, de le faire mourir, soudain apres qu'il seroit decedé. Dernierement en cette tragedie que le Duc d'Albe nous fit voir à Bruxelles és Contes de Horne & d'Aiguemond, il y eut tout plein de choses remarquables : & entre autres que ledict Comte d'Aiguemond, sous la foy & assurance duquel le Comte de Horne s'estoit venu rendre au Duc d'Albe, requit avec grande instance, qu'on le fist mourir le premier : affin que sa mort l'affranchist de l'obligation qu'il auoit audiect Comte

de Horne. Il femble que la mort n'ayt point déchargé le premier de sa foy donnée, & que le second en estoit quitte, mêmes sans mourir. Nous ne pouons estre tenus au delà de nos forces & de nos moyens. A cette cause, par ce que les effects & executions ne sont aucunement en nostre puissance, & qu'il n'y a rien en bon escient en nostre puissance, que la volonté : en celle là se fondent par necessité & s'establissent toutes les regles du deuoir de l'homme. Par ainsi le Comte d'Aiguemond tenant son ame & volonté endebtee à sa promesse, bien que la puissance de l'effectuer ne fust pas en ses mains, estoit sans doute absous de son deuoir, quand il eust suruescu le Comte de Horne. Mais le Roy d'Angleterre faillant à sa parolle par son intention, ne se peut excuser pour auoir retardé iusques apres sa mort l'execution de sa desloyauté : non plus que le masson de Herodote, lequel ayant loyalement conserué durant sa vie le secret des thresors du Roy d'Egypte son maistre, mourant les descouurit à ses enfans. L'ay veu plusieurs de mon temps conuaincus par leur conscience retenir de l'autrui, se disposer à y satisfaire par leur testament, & apres leur décès. Ils ne font rien qui vaille. Ny de prendre terme à chose si pressante, ny de vouloir reestabliir vne iniure avec si peu de leur ressentiment & interest. Ils doiuent du plus leur. Et d'autant qu'ils payent plus poissamment, & incommodément : d'autant en est leur satisfaction plus iuste & meritoire. La penitence demande à charger. Ceux la font encore pis, qui reseruent la declaration de quelque haineuse volonté enuers le proche à leur derniere volonté, l'ayants cachee pendant la vie. Et monstrent auoir peu de soin du propre honneur, irritans l'offencé à

l'encontre de leur memoire : & moins de leur conscience, n'ayants pour le respect de la mort mesme, sceu faire mourir leur maltalent : & en estendant la vie outre la leur. Iniques iuges, qui remettent à iuger alors qu'ils n'ont plus cognoissance de cause. Je me garderay, si ie puis, que ma mort die chose, que ma vie n'ayt premierement dit & apertement.





De l'Oyfuetté.

CHAPITRE VIII.



OMME nous voyons des terres oyfues, si elles font grasses & fertiles, foisonner en cent mille sortes d'herbes sauvages & inutiles, & que pour les tenir en office, il les faut assubiectionner & employer à certaines semences, pour nostre service. Et comme nous voyons, que les femmes produisent bien toutes seules, des amas & pieces de chair informes, mais que pour faire vne generation bonne & naturelle, il les faut embefongner d'une autre semence : ainfin est-il des esprits; si on ne les occupe à certain subiect, qui les bride & contraigne, ils se iettent desfreiglez, par-cy par-là, dans le vague champ des imaginations.

*Sicut aquæ tremulum labris ubi lumen ahenis
Sole percussum, aut radiantis imagine Lunæ,
Omnia peruolitat latè loca, iamque sub auras
Erigitur, summique ferit laquearia testii.*

Et n'est folie ny réuerie, qu'ils ne produisent en cette agitation,

*velut ægri somnia, vanæ
Finguntur species.*

L'ame qui n'a point de but estably, elle se perd :
Car comme on dit, c'est n'estre en aucun lieu, que
d'estre par tout.

Quisquis vbique habitat, Maxime, nusquam habitat.

Dernierement que ie me retiray chez moy, deli-
beré autant que ie pourroy, ne me meller d'autre
chose, que de passer en repos, & à part, ce peu qui
me reste de vie, il me sembloit ne pouuoir faire
plus grande faueur à mon esprit, que de le laisser en
pleine oyssiueté, s'entretenir soy-mesmes, & s'arrester
& rasseoir en soy : ce que i'esperois qu'il peust mes-
huy faire plus aysement, deuenue avec le temps, plus
poissant, & plus meur : mais ie trouue,

variâ semper dant otia mentem,

qu'au rebours faisant le cheual eschappé, il se donne
cent fois plus de carriere à soy-mesmes, qu'il ne pre-
noit pour autrui : & m'enfante tant de chimeres &
monstres fantasques les vns sur les autres, sans ordre,
& sans propos, que pour en contempler à mon ayse
l'ineptie & l'estrangeté, i'ay commencé de les mettre
en rolle : esperant avec le temps, luy en faire honte
à luy mesmes.





Des menteurs.

CHAPITRE IX.



IL n'est homme à qui il s'iese si mal de se mesler de parler de memoire. Car ie n'en recognoy quasi trace en moy : & ne pense qu'il y en ayt au monde, vne autre si merueilleuse en defaillance. I'ay toutes mes autres parties viles & communes, mais en cette-là ie pense estre singulier & tres-rare, & digne de gaigner nom & reputation. Outre l'inconuenient naturel que i'en souffre : car certes, veu sa necessité, Platon a raison de la nommer vne grande & puissante deesse : si en mon pays on veut dire qu'un homme n'a point de sens, ils disent, qu'il n'a point de memoire : & quand ie me plains du defect de la mienne, ils me reprennent & mescroient, comme si ie m'accusois d'estre insensé : ils ne voyent pas de choix entre memoire & entendement. C'est bien empirer mon marché : mais ils me font tort : car il se voit par experience plustost au rebours, que les memoires excellentes se ioignent volontiers aux iugemens debiles. Ils me font tort aussi en cecy, qui ne sçay rien si bien faire qu'estre amy, que les mesmes paroles qui accusent ma maladie, representent

l'ingratitude. On se prend de mon affection à ma memoire, & d'un defaut naturel, on en fait un defaut de conscience. Il a oublié, dict-on, cette priere ou cette promesse : il ne se souvient point de ses amys : il ne s'est point souvenu de dire, ou faire, ou taire cela, pour l'amour de moy. Certes ie puis aisément oublier : mais de mettre à nonchalloit la charge que mon amy m'a donnée, ie ne le fay pas. Qu'on se contente de ma misere, sans en faire une espece de malice : & de la malice autant ennemye de mon humeur. Ie me console aucunement. Premièrement sur ce, que c'est un mal duquel principalement i'ay tiré la raison de corriger un mal pire, qui se fust facilement produit en moy : sçavoir est l'ambition, car cette deffaillance est insupportable à qui s'empestre des negociations du monde. Que comme disent plusieurs pareils exemples du progres de nature, elle a volontiers fortifié d'autres facultés en moy, à mesure que cette-cy s'est affoiblie, & irois facilement couchant & allanguissant mon esprit & mon iugement, sur les traces d'autrui, sans exercer leurs propres forces, si les inuentions & opinions estrangieres m'estoient presentes par le benefice de la memoire. Que mon parler en est plus court : car le magasin de la memoire, est volontiers plus fourny de matiere, que n'est celuy de l'inuention. Si elle m'eust tenu bon, i'eusse assourdi tous mes amys de babil : les subiects esueillans cette telle quelle faculté que i'ay de les manier & employer, eschauffant & attirant mes discours. C'est pitié : ie l'essaye par la preuue d'aucuns de mes prieux amys : à mesure que la memoire leur fournit la chose entiere & presente, ils reculent si arriere leur narration, & la chargent de tant de vaines circonstances, que si le conte est bon, ils en estouffent la bonté : s'il ne l'est

- pas, vous estes à maudire ou l'heur de leur memoire, ou le malheur de leur iugement. Et c'est chose difficile, de fermer vn propos, & de le couper despuis qu'on est arroutté. Et n'est rien, où la force d'un cheual se cognoisse plus, qu'à faire vn arrest rond & net. Entre les pertinents mesmes, i'en voy qui veulent & ne se peuuent deffaire de leur course. Ce pendant qu'ils cherchent le point de clorre le pas, ils s'en vont baliuernant & trainant comme des hommes qui deffaillent de foiblesse. Sur tout les vieillards sont dangereux, à qui la souuenance des choses passees demeure, & ont perdu la souuenance de leurs redites. J'ay veu des recits bien plaisants, deuenir tres-ennuyeux, en la bouche d'un Seigneur, chascun de l'affistance en ayant esté abreuué cent fois. Secondement qu'il me souuient moins des offences receuës, ainsi que disoit cet ancien : il me faudroit vn protocole, comme Darius, pour n'oublier l'offense qu'il auoit receue des Atheniens, faisoit qu'un page à tous les coups qu'il se mettoit à table, luy vinst rechanter par trois fois à l'oreille, Sire, souuienne vous des Atheniens : & que les lieux & les liures que ie reuoy, me rient tousiours d'une fresche nouuelleté. Ce n'est pas sans raison qu'on dit, que qui ne se sent point assez ferme de memoire, ne se doit pas meller d'estre menteur. Je sçay bien que les grammairiens font difference, entre dire mensonge, & mentir : & disent que dire mensonge, c'est dire chose fausse, mais qu'on a pris pour vraye, & que la definition du mot de mentir en Latin, d'où nostre François est party, porte autant comme aller contre sa conscience : & que par consequent cela ne touche que ceux qui disent contre ce qu'ils sçauent, desquels ie parle. Or ceux icy, ou ils inuentent marc & tout, ou ils dé-

guissent & alterent vn fons veritable. Lors qu'ils déguissent & changent, à les remettre souuent en ce mesme conte, il est mal-aisé qu'ils ne se desferrent : par ce que la chose, comme elle est, s'estant logée la premiere dans la memoire, & s'y estant empreinte, par la voye de la connoissance & de la science, il est mal-aisé qu'elle ne se represente à l'imagination, délogeant la fauscté, qui n'y peut auoir le pied si ferme, ny si rassis : & que les circonstances du premier apprentissage, se coulant à tous coups dans l'esprit, ne facent perdre le souuenir des pieces rapportées faulses ou abastardies. En ce qu'ils inuentent tout à fait, d'autant qu'il n'y a nulle impressiion contraire, qui choque leur fauscté, ils semblent auoir d'autant moins à craindre de se mesconter. Toutefois encore cecy, par ce que c'est vn corps vain, & sans prise, eschappe volontiers à la memoire, si elle n'est bien asseuree. Dequoy i'ay souuent veu l'experience, & plaisamment, aux despens de ceux qui font profession de ne former autrement leur parole, que selon qu'il sert aux affaires qu'ils negotient, & qu'il plaist aux grands à qui ils parlent. Car ces circonstances à quoy ils veulent asseruir leur foy & leur conscience, estans subiettes à plusieurs changements, il faut que leur parole se diuersifie quand & quand : d'où il aduient que de mesme chose, ils disent, tantost gris, tantost iaune : à tel homme d'une sorte, à tel d'une autre : & si par fortune ces hommes rapportent en butin leurs instructions si contraires, que deuient ce bel art? Outre ce qu'imprudemment ils se desferrent eux-mesmes si souuent : car quelle memoire leur pourroit suffire à se souuenir de tant de diuerses formes, qu'ils ont forgées en vn mesme subiect? J'ay veu plusieurs de mon temps, enuier la reputation de

cette belle sorte de prudence : qui ne voyent pas, que si la reputation y est, l'effect n'y peut estre. En verité le mentir est vn maudit vice. Nous ne sommes hommes, & ne nous tenons les vns aux autres que par la parole. Si nous en connoissions l'horreur & le poids, nous le poursuivriions à feu, plus iustement que d'autres crimes. Le trouue qu'on s'amuse ordinairement à chastier aux enfans des erreurs innocentes, tres mal à propos, & qu'on les tourmente pour des actions temeraires, qui n'ont ny impression ny fuite. La menterie seule, & vn peu au dessus, l'opiniastreté, me semblent estre celles desquelles on deuroit à toute instance combattre la naissance & le progres, elles croissent quand & eux : & depuis qu'on a donné ce faux train à la langue, c'est merueille combien il est impossible de l'en retirer. Par où il aduient, que nous voyons des honnestes hommes d'ailleurs, y estre subiects & afferuis. J'ay vn bon garçon de tailleur, à qui ie n'ouy iamais dire vne verité, non pas quand elle s'offre pour luy seruir vilement. Si comme la verité, le mensonge n'auoit qu'vn visage, nous serions en meilleurs termes : car nous prendrions pour certain l'opposé de ce que diroit le menteur. Mais le reuers de la verité a cent mille figures, & vn champ indefiny. Les Pythagoriens font le bien certain & finy, le mal infiny & incertain. Mille routtes desuoyent du blanc : vne y va. Certes ie ne m'asseure pas, que ie peusse venir à bout de moy, à guarentir vn danger euidant & extrefme, par vne effrontee & solenne mensonge. Vn ancien pere dit, que nous sommes mieux en la compagnie d'un chien cognu, qu'en celle d'un homme, duquel le langage nous est inconnu. *Vt externus alieno non fit hominis vice.* Et de combien est le langage faux

moins sociable que le silence ? Le Roy François premier, se vançoit d'auoir mis au rouet par ce moyen, Francisque Tauerna, Ambassadeur de François Sforce Duc de Milan, homme tres-fameux en science de parlerie. Cettuy-cy auoit esté despesché pour excuser son maistre enuers sa Maiesté, d'un fait de grande consequence ; qui estoit tel. Le Roy pour maintenir tousiours quelques intelligences en Italie, d'où il auoit esté dernièrement chassé, mesme au Duché de Milan, auoit aduisé d'y tenir pres du Duc vn Gentilhomme de sa part, Ambassadeur par effect, mais par apparence homme priué, qui fust la mine d'y estre pour ses affaires particulieres : d'autant que le Duc, qui dependoit beaucoup plus de l'Empereur, lors principalement qu'il estoit en traicté de mariage avec sa niepce, fille du Roy de Dannemarc, qui est à present douairiere de Lorraine, ne pouuoit descouurir auoir aucune pratique & conference avecques nous, sans son grand interest. A cette commission, se trouua propre vn Gentil-homme Milannois, escuyer d'escurie chez le Roy, nommé Merueille. Cettuy-cy despesché avecques lettres secretes de creance, & instructions d'Ambassadeur, & avec d'autres lettres de recommandation enuers le Duc, en faueur de ses affaires particulieres, pour le masque & la montre, fut si long temps aupres du Duc, qu'il en vint quelque ressentiment à l'Empereur : qui donna cause à ce qui s'ensuiuit apres, comme nous pensons : ce fut, que sous couleur de quelque meurtre, voila le Duc qui luy faict trancher la teste de belle nuit, & son proces faict en deux iours. Messire Francisque estant venu prest d'une longue deduction contrefaite de cette histoire ; car le Roy s'en estoit adressé, pour demander raison, à tous les Princes de Chrestienté, & au

Duc mesmes : fut ouy aux affaires du matin, & ayant estably pour le fondement de sa cause, & dressé à cette fin, plusieurs belles apparences du faict : Que son maistre n'auoit iamais pris nostre homme, que pour Gentil-homme priué, & sien subiect, qui estoit venu faire ses affaires à Milan, & qui n'auoit iamais vescu là sous autre visage : desaduouant mesme auoir sceu qu'il fust en estat de la maison du Roy, ny connu de luy, tant s'en faut qu'il le prist pour Ambassadeur. Le Roy à son tour le pressant de diuerses obiections & demandes, & le chargeant de toutes pars, l'acculla en fin sur le point de l'execution faicte de nuit, & comme à la desrobée. A quoy le pauvre homme embarrassé, respondit, pour faire l'honneste, que pour le respect de sa Maiesté, le Duc eust esté bien marry, que telle execution se fust faicte de iour. Chacun peut penser, comme il fut releué, s'estant si lourdement couppé, à l'endroit d'un tel nez que celui du Roy François. Le Pape Iulle second, ayant enuoyé un Ambassadeur vers le Roy d'Angleterre, pour l'animer contre le Roy François, l'Ambassadeur ayant esté ouy sur sa charge, & le Roy d'Angleterre s'estant arresté en sa response, aux difficultez qu'il trouuoit à dresser les preparatifs qu'il faudroit pour combattre un Roy si puissant, & en alleguant quelques raisons : l'Ambassadeur repliqua mal à propos, qu'il les auoit aussi considerées de sa part, & les auoit bien dictes au Pape. De cette parole si esloignée de sa proposition, qui estoit de le pouffer incontinent à la guerre, le Roy d'Angleterre print le premier argument de ce qu'il trouua depuis par effect, que cet Ambassadeur, de son intention particuliere pendoit du costé de France, & en ayant aduertý son maistre, ses biens furent confisquez, & ne tint à guere qu'il n'en perdist la vie.



Du Parler prompt ou tardif.

CHAPITRE X.



NC ne furent à tous toutes graces données.

Aussi voyons nous qu'au don d'eloquence, les vns ont la facilité & la promptitude, & ce qu'on dit, le boutehors si aisé, qu'à chasque bout de champ ils sont prests : les autres plus tardifs ne parlent iamaïs rien qu'elabouré & premedité. Comme on donne des regles aux dames de prendre les ieux & les exercices du corps, selon l'auantage de ce qu'elles ont le plus beau. Si i'auois à conseiller de mesmes, en ces deux diuers aduantages de l'eloquence, de laquelle il semble en nostre siecle, que les Prescheurs & les Aduocats facent principale profession, le tardif seroit mieux Prescheur, ce me semble, & l'autre mieux Aduocat : par ce que la charge de celui-là luy donne autant qu'il luy plaist de loisir pour se preparer ; & puis sa carriere se passe d'un fil & d'une fuite, sans interruption : là où les commoditez de l'Aduocat le pressent à toute heure de se mettre en lice : & les responces improuueuës de sa partie aduerse, le reiettent de son branle, où

il luy faut sur le champ prendre nouveau party. Si est-ce qu'à l'entreueüe du Pape Clement & du Roy François à Marseille, il aduint tout au rebours, que Monsieur Poyet, homme toute sa vie nourry au barreau, en grande reputation, ayant charge de faire la harangue au Pape, & l'ayant de longue main pourpensée, voire, à ce qu'on diët, apportée de Paris toute prestee, le iour mesme qu'elle deuoit estre prononcée, le Pape se craignant qu'on luy tint propos qui peust offenser les Ambassadeurs des autres Princes qui estoyent autour de luy, manda au Roy l'argument qui luy sembloit estre le plus propre au temps & au lieu, mais de fortune, tout autre que celuy, sur lequel Monsieur Poyet s'estoit trauaillé : de façon que sa harangue demouroit inutile, & luy en falloit promptement refaire vne autre. Mais s'en sentant incapable, il fallut que Monsieur le Cardinal du Bellay en prinst la charge. La part de l'Aduocat est plus difficile que celle du Prescheur : & nous trouuons pourtant ce m'est aduis plus de passables Aduocats que Prescheurs, au moins en France. Il semble que ce soit plus le propre de l'esprit, d'auoir son operation prompte & soudaine, & plus le propre du iugement, de l'auoir lente & posée. Mais qui demeure du tout muet, s'il n'a loisir de se preparer, & celuy aussi, à qui le loisir ne donne aduantage de mieux dire, ils sont en pareil degré d'estrangeté. On recite de Seuerus Cassius, qu'il disoit mieux sans y auoir pensé : qu'il deuoit plus à la fortune qu'à sa diligence : qu'il luy venoit à proufit d'estre troublé en parlant : & que ses aduersaires craignoient de le picquer, de peur que la colere ne luy fist redoubler son eloquence. Je cognois par experience cette condition de nature, qui ne peut soustenir vne vehemente premeditation &

laborieuse : si elle ne va gayement & librement, elle ne va rien qui vaille. Nous disons d'aucuns ourages qu'ils puent à l'huyle & à la lampe, pour certaine aspreté & rudesse, que le trauail imprime en ceux où il a grande part. Mais outre cela, la sollicitude de bien faire, & cette contention de l'ame trop bandée & trop tendue à son entreprise, la rompt & l'empesche, ainsi qu'il aduient à l'eau, qui par force de se presser de sa violence & abondance, ne peut trouuer yssue en vn goulet ouuert. En cette condition de nature, dequoy ie parle, il y a quant & quant aussi cela, qu'elle demande à estre non pas esbranlée & picquée par ces passions fortes, comme la colere de Cassius, car ce mouuement seroit trop aspre : elle veut estre non pas secoüée, mais sollicitée : elle veut estre eschauffée & refueillée par les occasions estrangeres, presentes & fortuites. Si elle va toute seule, elle ne fait que trainer & languir : l'agitation est sa vie & sa grace. Je ne me tiens pas bien en ma possession & disposition : le hazard y a plus de droit que moy : l'occasion, la compaignie, le branle mesme de ma voix, tire plus de mon esprit, que ie n'y trouue lors que ie le sonde & employe à part moy. Ainsi les paroles en valent mieux que les escrits, s'il y peut auoir chois où il n'y a point de prix. Cecy m'aduient aussi, que ie ne me trouue pas où ie me cherche : & me trouue plus par rencontre, que par l'inquisition de mon iugement. L'auray eslançé quelque subtilité en escriuant. L'enten bien, mornée pour vn autre, affilée pour moy. Laissions toutes ces honnestetez. Cela se dit par chacun selon sa force. Je l'ay si bien perdue que ie ne sçay ce que i'ay voulu dire : & l'a l'estranger descouuerte par fois auant moy. Si ie portoy le rasoir par tout où cela m'aduient, ie me desferoy

tout. Le rencontre m'en offrira le iour quelque autre fois, plus apparent que celuy du midy : & me fera estonner de ma hesitation.





Des Prognostications.

CHAPITRE XI.



QVANT aux oracles, il est certain que bonne piece auant la venue de Iesus Christ, ils auoyent commencé à perdre leur credit : car nous voyons que Cicero se met en peine de trouuer la cause de leur defaillance. Et ces mots sont à luy : *Cur isto modo iam oracula Delphis non eduntur, non modò nostra ætate, sed iamdiu, ut nihil possit esse contemptius?* Mais quant aux autres prognostiques, qui se tiroient de l'anatomie des bestes aux sacrifices, ausquels Platon attribue en partie la constitution naturelle des membres internes d'icelles, du trepignement des poulets, du vol des oyseaux, *Aues quasdam rerum augurandarum causa natas esse putamus*, des fouldres, du tournoyement des riuieres, *Multa cernunt aruspices : multa augures prouident : multa oraculis declarantur : multa vaticinationibus : multa somniis : multa portentis*, & autres sur lesquels l'ancienneté appuyoit la pluspart des entreprises, tant publicques que priuées; nostre Religion les a abolies. Et encore qu'il reste entre nous quelques moyens de diuination és astres, és esprits, és

figures du corps, és songes, & ailleurs : notable exemple de la forcenée curiosité de nostre nature, s'amusant à preoccuper les choses futures, comme si elle n'auoit pas assez affaire à digerer les presentes :

*cur hanc tibi rector Olympi
Sollicitis visum mortalibus addere curam,
Noscant venturas vt dira per omina clades?
Sit subitum quodcunque paras, fit cæca futuri
Mens hominum fati, liceat sperare timenti :*

Ne vtile quidem est scire quid futurum sit : Miserum est enim nihil proficientem angere : si est-ce qu'elle est de beaucoup moindre auctorité. Voylà pourquoy l'exemple de François Marquis de Sallusse m'a semblé remarquable : car Lieutenant du Roy François en son armée delà les monts, infiniment fauorisé de nostre cour, & obligé au Roy du Marquisat mesmes, qui auoit esté confisqué de son frere : au reste ne se presentant occasion de le faire, son affection mesme y contredisant, se laissa si fort espouuanter, comme il a esté adueré, aux belles prognostications qu'on faisoit lors courir de tous costez à l'aduantage de l'Empereur Charles cinquieme, & à nostre defauantage (mesmes en Italie, où ces folles propheties auoyent trouué tant de place, qu'à Rome fut baillée grande somme d'argent au change, pour cette opinion de nostre ruine) qu'apres s'estre souuent condplu à ses priuez, des maux qu'il voyoit ineuitablement preparez à la couronne de France, & aux amis qu'il y auoit, se reuolta, & changea de party : à son grand dommage pourtant, quelque constellation qu'il y eust. Mais il s'y conduisit en homme combatu de diuerses passions : car ayant &

long temps contestée.

*Prudens futuri temporis exitu
Caliginosa nocte premit Deus
Ridētque si mortalis ultra
Fas trepidat.*

*Ille potens sui
Lætusque deget, cui licet in d
Dixisse, vixi, cras vel atra
Nube polum pater occupato,
Vel sole puro.
Lætus in præsens animus, quoa
Oderit curare.*

Et ceux qui croient ce mot au con
à tort. *Ista sic reciprocantur, ut e
dij sint : & si dij sint, fit diuinati
sagement Pacuuius,*

*Nam istis qui linguam auium intel
Plûsque ex alieno iecore sapiunt, &
Magis audiendum quàm auscultand*

Cette tant celebree art de deuiner des
ainsin. Vn laboureur perçant de son
dement la terre, en veid soudre Ti
d'un visage enfantin, mais de senile
cun y accourut, & furent ses par
recueillie & conseruee à l'usage

forme à son progrez. l'aymerois bien mieux regler mes affaires par le sort des dez que par ces songes. Et de vray en toutes republiques on a tousiours laissé bonne part d'auctorité au sort. Platon en la police qu'il forge à discretion, luy attribue la decision de plusieurs effects d'importance, & veut entre autres choses, que les mariages se facent par sort entre les bons. Et donne si grand poids à cette election fortuite, que les enfans qui en naissent, il ordonne qu'ils soyent nourris au pais : ceux qui naissent des mauuais, en soyent mis hors : toutesfois si quelqu'un de ces bannis venoit par cas d'adventure à montrer en croissant quelque bonne esperance de soy, qu'on le puisse rappeler, & exiler aussi celuy d'entre les retenus, qui montrera peu d'esperance de son adolescence. l'en voy qui estudiant & glosent leurs Almanacs, & nous en alleguent l'autorité aux choses qui se passent. A tant dire, il faut qu'ils dient & la verité & le mensonge. *Quis est enim, qui totum diem iaculans, non aliquando conlineet?* Je ne les estime de rien mieux, pour les voir tomber en quelque rencontre. Ce seroit plus de certitude s'il y auoit regle & verité à mentir tousiours. Ioint que personne ne tient registre de leurs mescontes, d'autant qu'ils sont ordinaires & infinis : & fait-on valoir leurs diuinations de ce qu'elles sont rares, incroyables, & prodigieuses. Ainsi respondit Diagoras, qui fut surnommé l'Athee, estant en la Samothrace, à celuy qui en luy montrant au Temple force vœuz & tableaux de ceux qui auoyent eschapé le naufrage, luy dit : Et bien vous, qui pensez que les Dieux mettent à nonchaloir les choses humaines, que dittes vous de tant d'hommes sauuez par leur grace? Il se fait ainsi, respondit-il : ceux là ne sont pas peints qui sont demeurez noyez,

en bien plus grand nombre. Cicero dit, que le seul Xenophanes Colophonien entre tous les Philosophes, qui ont adoué les Dieux, a essayé de desraciner toute sorte de diuination. D'autant est-il moins de merueille, si nous auons veu par fois à leur dommage, aucunes de nos ames principales s'arrester à ces vanitez. Je voudrois bien auoir reconnu de mes yeux ces deux merueilles, du liure de Ioachim Abbé Calabrois, qui predisoit tous les Papes futurs; leurs noms & formes : & celuy de Leon l'Empereur qui predisoit les Empereurs & Patriarches de Grece. Cecy ay-ie reconnu de mes yeux, qu'és confusions publiques, les hommes estonnez de leur fortune, se vont reiettant, comme à toute superstition, à rechercher au ciel les causes & menaces anciennes de leur malheur : & y sont si estrangement heureux de mon temps, qu'ils m'ont persuadé, qu'ainfi que c'est vn amusement d'esprits aiguz & oisifs, ceux qui sont duiets à ceste subtilité de les replier & desnouër, seroyent en tous escrits capables de trouuer tout ce qu'ils y demandent. Mais sur tout leur preste beau ieu, le parler obscur, ambigu & fantastique du iargon prophetique, auquel leurs auteurs ne donnent aucun sens clair, afin que la posterité y en puisse appliquer de tel qu'il luy plaira. Le demon de Socrates estoit à l'aduanture certaine impulsion de volonté, qui se presentoit à luy sans le conseil de son discours. En vne ame bien espuree, comme la sienne, & preparee par continu exercice de sagesse & de vertu, il est vray-semblable que ces inclinations, quoy que temeraires & indigestes, estoient tousiours importantes & dignes d'estre suiuiues. Chacun sent en soy quelque image de telles agitations d'une opinion prompte, vehemente & fortuite. C'est à moy de leur donner

quelque autorité, qui en donne si peu à nostre prudence. Et en ay eu de pareillement foibles en raison, & violentes en persuation, ou en dissuasion, qui estoit plus ordinaire à Socrates, ausquelles ie me laissay emporter si vtilement & heureusement, qu'elles pourroyent estre iugees tenir quelque chose d'inspiration diuine.





De la Constance.

CHAPITRE XII.



La loy de la resolution & de la constance ne porte pas que nous ne nous deuions couvrir, autant qu'il est en nostre puissance, des maux & inconueniens qui nous menassent, ny par consequent d'auoir peur qu'ils nous surprignent. Au rebours, tous moyens honnestes de se garantir des maux, sont non seulement permis, mais louables. Et le ieu de la constance se iouë principalement à porter de pied ferme, les inconueniens où il n'y a point de remede. De maniere qu'il n'y a souplesse de corps, ny mouuement aux armes de main, que nous trouuions mauuais, s'il sert à nous garantir du coup qu'on nous rue. Plusieurs nations tresbelliqueuses se seruoyent en leurs faits d'armes, de la fuite, pour aduantage principal, & montroyent le dos à l'ennemy plus dangereusement que leur visage. Les Turcs en retiennent quelque chose. Et Socrates en Platon se mocque de Laches, qui auoit desfiny la fortitude, se tenir ferme en son reng contre les ennemis. Quoy, fait-il, seroit ce donc lascheté de les battre en leur faisant place? Et luy allegue Homere,

qui louë en *Æneas* la science de fuir. Et par ce que *Laches* se r'aduisant, aduouë cet vsage aux *Scythes*, & en fin generallement à tous gens de cheual : il luy allegue encore l'exemple des gens de pied *Lacedemoniens* (nation sur toutes duitte à combattre de pied ferme) qui en la iournee de *Platees*, ne pouuant ouurir la phalange *Persienne*, s'aduiferent de s'escarter & fier arriere : pour, par l'opinion de leur fuitte, faire rompre & dissoudre cette masse, en les poursuivant. Par où ils se donnerent la victoire. Touchant les *Scythes*, on dit d'eux, quand *Darius* alla pour les subiuger, qu'il manda à leur Roy force reproches, pour le voir tousiours reculant deuant luy, & gauchissant la meslee. A quoy *Indathyrsez*, car ainsi se nommoit-il, fit responce, que ce n'estoit pour auoir peur de luy, ny d'homme viuant : mais que c'estoit la façon de marcher de sa nation : n'ayant ny terre cultiuee, ny ville, ny maison à deffendre, & à craindre que l'ennemy en peust faire profit. Mais s'il auoit si grand faim d'en manger, qu'il approchast pour voir le lieu de leurs anciennes sepultures, & que là il trouueroit à qui parler tout son saoul. Toutes-fois aux canonnades, depuis qu'on leur est planté en butte, comme les occasions de la guerre portent souuent, il est messeant de s'esbranler pour la menace du coup : d'autant que pour sa violence & vitesse nous le tenons ineuitable : & en y a meint vn qui pour auoir ou haussé la main, ou baissé la teste, en a pour le moins appresté à rire à ses compagnons. Si est-ce qu'au voyage que l'Empereur *Charles* cinquiesme fit contre nous en *Prouence*, le *Marquis* de *Guaft* estant allé recognoistre la ville d'*Arle*, & s'estant ietté hors du couuert d'un moulin à vent, à la faueur duquel il s'estoit approché, fut

apperceu par les Seigneurs de Bonneual & Seneschal d'Agenois, qui se promenoient fus le theatre aux arenes : lesquels l'ayant montré au Seigneur de Villiers Commissaire de l'artillerie, il braqua si à propos vne couleurine, que sans ce que ledict Marquis voyant mettre le feu se lança à quartier, il fut tenu qu'il en auoit dans le corps. Et de mesmes quelques annees auparauant, Laurent de Medicis, Duc d'Vrbain, pere de la Roynie, mere du Roy, assiegeant Mondolphe, place d'Italie, aux terres qu'on nomme du Vicariat, voyant mettre le feu à vne piece qui le regardoit, bien luy seruit de faire la cane : car autrement le coup, qui ne luy rafa que le dessus de la teste, luy donnoit sans doute dans l'estomach. Pour en dire le vray, ie ne croy pas que ces mouuemens se fissent auecques discours : car quel iugement pouuez-vous faire de la mire haute ou basse en chose si soudaine? & est bien plus aisé à croire, que la fortune fauorisa leur frayeur : & que ce seroit moyen vne autre fois aussi bien pour se ietter dans le coup, que pour l'euitier. Ie ne me puis deffendre si le bruit esclatant d'une harquebusade vient à me fraper les oreilles à l'improuueu, en lieu où ie ne le deusse pas attendre, que ie n'en tressaille : ce que i'ay veu encores aduenir à d'autres qui valent mieux que moy. Ny n'entendent les Stoiciens, que l'ame de leur sage puisse resister aux premieres visions & fantaisies qui luy suruiennent : ains comme à vne subiection naturelle consentent qu'il cede au grand bruit du ciel, ou d'une ruine, pour exemple, iusques à la palleur & contraction : ainclin aux autres passions, pourueu que son opinion demeure sauue & entiere, & que l'assiette de son discours n'en souffre atteinte ny alteration quelconque, & qu'il ne preste nul consentement à son

effroy & souffrance. De celuy, qui n'est pas sage, il en va de mesmes en la premiere partie, mais tout autrement en la seconde. Car l'impression des passions ne demeure pas en luy superficielle : ains va penetrant iusques au siege de la raison, l'infestant & la corrompant. Il iuge selon icelles, & s'y conforme. Voyez bien disertement & plainement l'estat du sage Stoique :

Mens immota manet, lacrymæ voluntur inanes.

Le sage Peripateticien ne s'exempte pas des perturbations, mais il les modere.





Ceremonie de l'entreueüe des Rois.

CHAPITRE XIII.



Il n'est subiect si vain, qui ne merite vn rang en cette rapsodie. A nos regles communes, ce seroit vne notable discourtoisie & à l'endroit d'un pareil, & plus à l'endroit d'un grand, de faillir à vous trouuer chez vous, quand il vous auroit aduertie d'y deuoir venir : Voire adioustoit la Royne de Nauarre Marguerite à ce propos, que c'estoit inciuitié à vn Gentil-homme de partir de sa maison, comme il se faict le plus souuent, pour aller au deuant de celuy qui le vient trouuer, pour grand qu'il soit : & qu'il est plus respectueux & ciuil de l'attendre, pour le receuoir, ne fust que de peur de faillir sa route : & qu'il suffit de l'accompagner à son partement. Pour moy i'oublie souuent l'un & l'autre de ces vains offices : comme ie retransche en ma maison autant que ie puis de la cerimonie. Quelqu'un s'en offence : qu'y ferois-ie ? Il vaut mieux que ie l'offence pour vne fois, que moy tous les iours : ce seroit vne subiection continuelle. A quoy faire fuit-on la seruitude des cours, si on l'entraîne iuf-

ques en sa taniere? C'est aussi vne regle commune en toutes assemblees, qu'il touche aux moindres de se trouver les premiers à l'assignation, d'autant qu'il est mieux deu aux plus apparans de se faire attendre. Toutesfois à l'entreueuë qui se dressa du Pape Clement, & du Roy François à Marseille, le Roy y ayant ordonné les apprests necessaires, s'esloigna de la ville, & donna loisir au Pape de deux ou trois iours pour son entree & refreschissement, auant qu'il le vinst trouver. Et de mesmes à l'entree aussi du Pape & de l'Empereur à Bouloigne, l'Empereur donna moyen au Pape d'y estre le premier & y survint apres luy. C'est, disent-ils, vne cerimonie ordinaire aux abouchemens de tels Princes, que le plus grand soit auant les autres au lieu assigné, voire auant celuy chez qui se fait l'assemblee : & le prennent de ce biais, que c'est afin que cette apparence tesmoigne, que c'est le plus grand que les moindres vont trouver, & le recherchent, non pas luy eux. Non seulement chascun pais, mais chascun cité & chascun vacation a sa civilité particuliere. I'y ay esté assez soigneusement dressé en mon enfance, & ay vescu en assez bonne compagnie, pour n'ignorer pas les loix de la nostre Françoisse : & en tiendrois eschole. I'aime à les ensuiure, mais non pas si couragement, que ma vie en demeure contraincte. Elles ont quelques formes penibles, lesquelles pourueu qu'on oublie par discretion, non par erreur, on n'en a pas moins de grace. I'ay veu souuent des hommes incivils par trop de civilité, & importuns de courtoisie. C'est au demeurant vne tres-vtile science que la science de l'entregent. Elle est, comme la grace & la beauté, conciliatrice des premiers abords de la société & familiarité : & par consequent nous ouvre

la porte à nous instruire par les exemples d'autrui,
& à exploiter & produire nostre exemple, s'il a
quelque chose d'instruisant & communicable.





*On est puny pour s'opiniastrer en vne place
sans raison.*

CHAPITRE XIII.



La vaillance a ses limites, comme les autres vertus : lesquels franchis, on se trouue dans le train du vice : en maniere que par chez elle on se peut rendre à la temerité, obstination & folie, qui n'en sçait bien les bornes, mal-aïsez en verité à choisir sur leurs confins. De cette consideration est nee la coustume que nous auons aux guerres, de punir, voire de mort, ceux qui s'opiniaftrent à defendre vne place, qui par les regles militaires ne peut estre soustenue. Autrement sous l'esperance de l'impunité il n'y auroit poullier qui n'arrestast vne armee. Monsieur le Connestable de Mommorency au siege de Pauie, ayant esté commis pour passer le Tefin, & se loger aux fauxbourgs S. Antoine, estant empesché d'une tour au bout du pont, qui s'opiniastra iusques à se faire battre, feit pendre tout ce qui estoit dedans : & encore depuis accompagnant Monsieur le Dauphin au voyage delà les monts, ayant prins par force le Chasteau de Villane, & tout ce qui estoit dedans ayant esté mis

en pieces par la furie des soldats, horsmis le Capitaine & l'enseigne, il les fit pendre & estrangler pour cette mesme raison : comme fit aussi le Capitaine Martin du Bellay lors Gouverneur de Turin, en cette mesme contree, le Capitaine de S. Bony : le reste de ses gens ayant esté massacré à la prinse de la place. Mais d'autant que le iugement de la valeur & foiblesse du lieu, se prend par l'estimation & contrepois des forces qui l'affaillent (car tel s'opiniastreroit iustement contre deux couleurines, qui feroit l'enragé d'attendre trente canons) ou se met encore en conte la grandeur du Prince conquerant, sa reputation, le respect qu'on luy doit : il y a danger qu'on presse vn peu la balance de ce costé là. Et en aduient par ces mesmes termes, que tels ont si grande opinion d'eux & de leurs moyens, que ne leur semblant raisonnable qu'il y ait rien digne de leur faire teste, ilz passent le cousteau par tout où ils trouuent resistance, autant que fortune leur dure : comme il se voit par les formes de sommation & deffi, que les Princes d'Orient & leurs successeurs, qui sont encores, ont en vsage, fiere, hautaine & pleine d'vn commandement barbaresque. Et au quartier par où les Portugaiz escornerent les Indes, ils trouuerent des estats avec cette loy vniuerselle & inuiolable, que tout ennemy vaincu par le Roy en presence, ou par son Lieutenant est hors de composition de rançon & de mercy. Ainsi sur tout il se faut garder qui peut, de tomber entre les mains d'vn Iuge ennemy, victorieux & armé.





De la punition de la couardise.

CHAPITRE XV.



L'ovv autrefois tenir à vn Prince, & tresgrand Capitaine, que pour lascheté de cœur vn soldat ne pouuoit estre condamné à mort : luy estant à table fait recit du proces du Seigneur de Veruins, qui fut condamné à mort pour auoir rendu Bouloigne. A la verité c'est raison qu'on face grande difference entre les fautes qui viennent de nostre foiblesse, & celles qui viennent de nostre malice. Car en celles icy nous nous sommes bandez à nostre escient contre les regles de la raison, que nature a empreintes en nous : & en celles là, il semble que nous puissions appeller à garant cette mesme nature pour nous auoir laissé en telle imperfection & deffaillance. De maniere que prou de gens ont pensé qu'on ne se pouuoit prendre à nous, que de ce que nous faisons contre nostre conscience : & sur cette regle est en partie fondee l'opinion de ceux qui condamnent les punitions capitales aux heretiques & mescreans : & celle qui establit qu'un Aduocat & vn Iuge ne puissent estre tenuz de ce que par ignorance ils ont failly en leur charge. Mais

quant à la couïardise, il est certain que la plus commune façon est de la chastier par honte & ignominie. Et tient-on que cette regle a esté premierement mise en vsage par le legislateur Charondas : & qu'auant luy les loix de Grece punissoient de mort ceux qui s'en estoient fuis d'une bataille : là où il ordonna seulement qu'ils fussent par trois iours assis emmy la place publique, vestus de robe de femme : esperant encores s'en pouoir seruir, leur ayant fait reuenir le courage par cette honte. *Suffundere malis hominis sanguinem quàm effundere.* Il semble aussi que les loix Romaines punissoient anciennement de mort, ceux qui auoyent fuy. Car Ammianus Marcellinus dit que l'Empereur Iulien condamna dix de ses soldats, qui auoyent tourné le dos à une charge contre les Parthes, à estre degradez, & apres à souffrir mort, suyuant, dit-il, les loix anciennes. Toutes-fois ailleurs pour une pareille faute il en condamne d'autres, seulement à se tenir parmy les prisonniers sous l'enseigne du bagage. L'aspre chastiment du peuple Romain contre les soldats eschapez de Cannes, & en cette mesme guerre, contre ceux qui accompagnerent Cn. Fuluius en sa deffaitte, ne vint pas à la mort. Si est-il à craindre que la honte les desespere, & les rende non froids amis seulement, mais ennemis. Du temps de nos Peres le Seigneur de Franget, iadis Lieutenant de la compagnie de Monsieur le Marechal de Chastillon, ayant par Monsieur le Marechal de Chabannes esté mis Gouverneur de Fontarabie au lieu de Monsieur du Lude, & l'ayant rendue aux Espagnols, fut condamné à estre degradé de noblesse, & tant luy que sa posterité déclaré roturier, taillable & incapable de porter armes : & fut cette rude sentence executée

à Lyon. Depuis souffrirent pareille punition tous les Gentils-hommes qui se trouuerent dans Guyse, lors que le Comte de Nansau y entra : & autres encore depuis. Toutesfois quand il y auroit vne si grossiere & apparante ou ignorance ou couardise, qu'elle surpassast toutes les ordinaires, ce seroit raison de la prendre pour suffisante preuue de meschanceté & de malice, & de la chastier pour telle.





Vn traict de quelques Ambassadeurs.

CHAPITRE XVI.



L'OBSERVE en mes voyages cette pratique, pour apprendre tousiours quelque chose, par la communication d'autrui, qui est vne des plus belles escholes qui puisse estre, de ramener tousiours ceux, avec qui ie confere, aux propos des choses qu'ils sçauent le mieux.

*Basti al nocchiero ragionar de' venti ,
Al bisfolco dei tori, & le sue piaghe
Conti'l guerrier, conti'l pastor gli armenti.*

Car il aduiant le plus souuent au contraire, que chacun choisit plustost à discourir du mestier d'un autre que du sien : estimant que c'est autant de nouuelle reputation acquise : telmoing le reproche qu'Archidamus fait à Periander, qu'il quittoit la gloire d'un bon Medecin, pour acquerir celle de mauuais Poëte. Voyez combien Cesar se desploye largement à nous faire entendre ses inuentions à bastir ponts & engins : & combien au prix il va se serrant, où il parle des offices de sa profession, de sa vail-

lance, & conduite de sa milice. Ses exploits le ver-
rifient assez Capitaine excellent : il se veut faire
cognoistre excellent Ingenieur ; qualité aucunement
estrangere. Le vieil Dionysius estoit tres grand chef
de guerre, comme il conuenoit à sa fortune : mais
il se trauailloit à donner principale recommandation
de foy, par la poësie : & si n'y sçauoit guere. Vn
homme de vacation iuridique, mené ces iours passez
voir vne estude fournie de toutes sortes de liures
de son mestier, & de tout autre mestier, n'y trouua
nulle occasion de s'entretenir : mais il s'arresta à
glofer rudement & magistralement vne barricade
logee sur la vis de l'estude, que cent Capitaines &
soldats recognoissent tous les iours, sans remerque
& sans offense.

Optat ephippia bos piger, optat arare caballus.

Par ce train vous ne faiçtes iamais rien qui vaille.
Ainsin, il faut trauailler de reietter tousiours l'ar-
chitecte, le peintre, le cordonnier, & ainsi du reste
chacun à son gibier. Et à ce propos, à la lecture
des histoires, qui est le subiet de toutes gens, i'ay
accoustumé de considerer qui en sont les escriuains :
si ce sont personnes, qui ne facent autre profession
que de lettres, i'en apren principalement le stile &
le langage : si ce sont Medecins, ie les croy plus
volontiers en ce qu'ils nous disent de la temperature
de l'air, de la santé & complexion des Princes, des
blessures & maladies : si Iurisconsultes, il en faut
prendre les controuerses des droicts, les loix, l'esta-
blissement des polices, & choses pareilles : si Theo-
logiens, les affaires de l'Eglise, censures Ecclesiasti-
ques, dispences & mariages : si courtisans, les meurs

& les ceremonies : si gens de guerre, ce qui est de leur charge, & principalement les deductions des exploits où ils se font trouuez en personne : si Ambassadeurs, les menees, intelligences, & pratiques, & maniere de les conduire. A cette cause, ce que i'eusse passé à vn autre, sans m'y arrester, ie l'ay poisé & remarqué en l'histoire du Seigneur de Langey, tres-entendu en telles choses. C'est qu'apres auoir conté ces belles remonstrances de l'Empereur Charles cinquiesme, faictes au consistoire à Rome, present l'Euesque de Macon, & le Seigneur du Velly nos Ambassadeurs, où il auoit meslé plusieurs parolles outrageuses contre nous; & entre autres, que si ses Capitaines & foldats n'estoient d'autre fidelité & suffisance en l'art militaire, que ceux du Roy, tout sur l'heure il s'attacheroit la corde au col, pour luy aller demander misericorde. Et de cecy il semble qu'il en creust quelque chose : car deux ou trois fois en sa vie depuis il luy aduint de redire ces mesmes mots. Aussi qu'il défia le Roy de le combattre en chemise auec l'espee & le poignard, dans vn batteau. Ledit Seigneur de Langey suiuant son histoire, adioute que lesdicts Ambassadeurs faisans vne despesche au Roy de ces choses, luy en dissimulerent la plus grande partie, mesmes luy celerent les deux articles precedens. Or i'ay trouué bien estrange, qu'il fust en la puissance d'un Ambassadeur de dispenser sur les aduertissemens qu'il doit faire à son maistre, mesme de telle consequence, venant de telle personne, & dits en si grand'assemblee. Et m'eust semblé l'office du seruiteur estre, de fidelement représenter les choses en leur entier, comme elles sont aduenues : afin que la liberté d'ordonner, iuger, & choisir demeurast au maistre. Car de luy alterer ou

cacher la verité, de peur qu'il ne la preigne autrement qu'il ne doit, & que cela ne le pousse à quelque mauvais party, & ce pendant le laisser ignorant de ses affaires, cela m'eust semblé appartenir à celui, qui donne la loy, non à celui qui la reçoit, au curateur & maistre d'eschole, non à celui qui se doit penser inferieur, comme en autorité, aussi en prudence & bon conseil. Quoy qu'il en soit, ie ne voudroy pas estre seruy de cette façon en mon petit faict. Nous nous soustrayons si volontiers du commandement sous quelque pretexte, & vsurons sur la maistrise : chascun aspire si naturellement à la liberté & autorité, qu'au supérieur nulle vtilité ne doit estre si chere, venant de ceux qui le seruent, comme luy doit estre chere leur simple & naïfue obeissance. On corrompt l'office du commander, quand on y obeit par discretion, non par subiection. Et P. Craffus, celui que les Romains estimerent cinq fois heureux, lors qu'il estoit en Asie Consul, ayant mandé à vn Ingenieur Grec, de luy faire mener le plus grand des deux mas de nauire, qu'il auoit veu à Athenes, pour quelque engin de batterie, qu'il en vouloit faire : cetuy cy sous titre de sa science, se donna loy de choisir autrement, & mena le plus petit, & selon la raison de art, le plus commode. Craffus, ayant patiemment ouy ses raisons, luy fait tres-bien donner le fouet : estimant l'interest de la discipline plus que l'interest de l'ouvrage. D'autre part pourtant on pourroit aussi considerer, que cette obeissance si contrainte, n'appartient qu'aux commandements precis & prefix. Les Ambassadeurs ont vne charge plus libre, qui en plusieurs parties depend souuerainement de leur disposition. Ils n'executent pas simplement, mais forment aussi,

& dressement par leur conseil, la volonté du maistre. L'ay veu en mon temps des personnes de commandement, reprins d'auoir plustost obey aux paroles des lettres du Roy, qu'à l'occasion des affaires qui estoient pres d'eux. Les hommes d'entendement accusent encore aujourd'huy, l'vsage des Roys de Perse, de tailler les morceaux si courts à leurs agents & lieutenans, qu'aux moindres choses ils eussent à recourir à leur ordonnance. Ce delay, en vne si longue estendue de domination, ayant souuent apporté des notables dommages à leurs affaires. Et Crassus, escriuant à vn homme du mestier, & luy donnant aduis de l'vsage auquel il destinoit ce mas, sembloit-il pas entrer en conference de sa deliberation, & le conuier à interposer son decret?





De la Peur.

CHAPITRE XVII.



BSTVPVI, steteruntque comæ, & vox faucibus hæsit.

Je ne suis pas bon naturaliste (qu'ils disent) & ne sçay guiere par quels ressorts la peur agit en nous, mais tant y a que c'est vne estrange passion : & disent les Medecins qu'il n'en est aucune, qui emporte plustost nostre iugement hors de sa deuë assiete. De vray, i'ay veu beaucoup de gens deuenus insensés de peur : & au plus rassés il est certain pendant que son accès dure, qu'elle engendre de terribles esblouissemens. Je laisse à part le vulgaire, à qui elle represente tantost les bisayeulx sortis du tombeau enuoloppez en leur suaire, tantost des Loups-garoups, des Lutins, & des Chimeres. Mais parmy les soldats mesme, où elle deuroit trouuer moins de place, combien de fois a elle changé vn troupeau de brebis en esquadron de corselets, des roseaux & des cannes en gens-d'armes & lanciers, nos amis en nos ennemis, & la croix blanche à la rouge. Lors que Monsieur de Bourbon print Rome, vn port'enseigne, qui estoit à la garde du bourg saint Pierre, fut saisi de tel effroy à la premiere alarme,

que par le trou d'une ruine il se ietta, l'enseigne au poing, hors la ville droit aux ennemis, pensant tirer vers le dedans de la ville; & à peine en fin voyant la troupe de Monsieur de Bourbon se rengler pour le soutenir, estimant que ce fust une sortie que ceux de la ville fissent, il se recogneut, & tournant teste r'entra par ce mesme trou, par lequel il estoit sorty, plus de trois cens pas auant en la campagne. Il n'en aduint pas du tout si heureusement à l'enseigne du Capitaine Iulle, lors que Saint Paul fut pris sur nous par le Comte de Bures & Monsieur du Reu. Car estant si fort esperdu de frayeur, que de se ietter à tout son enseigne hors de la ville, par une canonniere, il fut mis en pieces par les assaillans. Et au mesme siege, fut memorable la peur qui serra, faist, & glaça si fort le cœur d'un Gentil-homme, qu'il en tomba roide mort par terre à la bresche, sans aucune blessure. Pareille rage poussé par fois toute une multitude. En l'une des rencontres de Germanicus contre les Allemans, deux grosses troupes prindrent d'effroy deux routes opposites, l'une fuyoit d'où l'autre parloit. Tantost elle nous donne des ailes aux talons, comme aux deux premiers : tantost elle nous cloüe les pieds, & les entraue : comme on lit de l'Empereur Theophile, lequel en une bataille qu'il perdit contre les Agarenes, deuint si estonné & si transi, qu'il ne pouuoit prendre party de s'enfuyr : *adeò pauor etiam auxilia formidat* : iusques à ce que Manuel l'un des principaux chefs de son armee, l'ayant tirassé & secoüé, comme pour l'esueiller d'un profond somme, luy dit : Si vous ne me suiuez ie vous tueray : car il vaut mieux que vous perdiez la vie, que si estant prisonnier vous veniez à perdre l'Empire. Lors exprime elle sa derniere force, quand pour son

feruice elle nous reiette à la vaillance, qu'elle a soustraitte à nostre deuoir & à nostre honneur. En la premiere iuste bataille que les Romains perdirent contre Hannibal, sous le Consul Sempronius, vne troupe de bien dix mille hommes de pied, qui print l'espouuante, ne voyant ailleurs par où faire passage à sa lascheté, s'alla ietter au trauers le gros des ennemis : lequel elle perça d'un merueilleux effort, avec grand meurtre de Carthaginois : achetant vne honteuse fuite, au mesme prix qu'elle eust eu vne glorieuse victoire. C'est ce dequoy i'ay le plus de peur que la peur. Aussi surmonte elle en aigreur tous autres accidents. Quelle affection peut estre plus aspre & plus iuste, que celle des amis de Pompeius, qui estoient en son nauire, spectateurs de cet horrible massacre? Si est-ce que la peur des voiles Egyptiennes, qui commençoient à les approcher, l'estouffa de maniere, qu'on a remarqué, qu'ils ne s'amuserent qu'à haster les mariniers de diligenter, & de se sauuer à coups d'auiron; iusques à ce qu'arriuez à Tyr, libres de crainte, ils eurent loy de tourner leur pensée à la perte qu'ils venoient de faire, & lascher la bride aux lamentations & aux larmes, que cette autre plus forte passion auoit suspendües.

Tum pavor sapientiam omnem mihi ex animo expellorat.

Ceux qui auront esté bien frottés en quelque estour de guerre, tous blesez encor & ensanglantez, on les rameine bien le lendemain à la charge. Mais ceux qui ont conçu quelque bonne peur des ennemis, vous ne les leur feriez pas seulement regarder en face. Ceux qui sont en pressante crainte de perdre leur bien, d'estre exiliez, d'estre subiuguez, viuent en

continueille angoisse, en perdent le boire, le manger, & le repos. Là où les pauvres, les bannis, les serfs, vivent souuent aussi ioyeusement que les autres. Et tant de gens, qui de l'impatience des pointures de la peur, se sont pendus, noyez, & precipitez, nous ont bien apprius qu'elle est encores plus importune & plus insupportable que la mort. Les Grecs en recognoissent vne autre espee, qui est outre l'erreur de nostre discours : venant, disent-ils, sans cause apparente, & d'une impulsion celeste. Des peuples entiers s'en voyent souuent frappez, & des armées entieres. Telle fut celle qui apporta à Carthage vne merueilleuse desolation. On n'y oyait que cris & voix effrayées : on voyait les habitans sortir de leurs maisons, comme à l'alarme; & se charger, blesser & entretuer les vns les autres, comme si ce fussent ennemis, qui vinssent à occuper leur ville. Tout y estoit en desordre, & en fureur : iusqu'à ce que par oraisons & sacrifices, ils eussent appaisé l'ire des dieux. Ils nomment cela terreurs Paniques.





*Qu'il ne faut iuger de nostre heur,
qu'apres la mort.*

CHAPITRE XVIII.



*CILICET vltima semper
Expectanda dies homini est, dici que beatus
Ante obitum nemo supremæque funera
[debet.*

Les enfans sçauent le conte du Roy Cræsus à ce propos : lequel ayant esté pris par Cyrus, & condamné à la mort, sur le point de l'exécution, il s'escria, O Solon, Solon : cela rapporté à Cyrus, & s'estant enquis que c'estoit à dire, il luy fit entendre, qu'il verifioit lors à ses despends l'aduertissement qu'autrefois luy auoit donné Solon : que les hommes, quelque beau visage que fortune leur face, ne se peuuent appeller heureux, iusques à ce qu'on leur ayt veu passer le dernier iour de leur vie, pour l'incertitude & varieté des choses humaines, qui d'un bien leger mouuement se changent d'un estat en autre tout diuers. Et pourtant Agesilaus, à quelqu'un qui disoit heureux le Roy de Perse, de ce qu'il estoit venu fort ieune à un si puissant estat : Ouy-mais, dit-il, Priam en tel aage ne fut pas malheureux. Tantost des Roys de Macedoine, successeurs de ce

grand Alexandre, il s'en faißt des menuysiers & gref-fiers à Rome : des tyrans de Sicile, des pedants à Corinthe : d'un conquerant de la moitié du monde, & Empereur de tant d'armees, il s'en faißt vn miserable suppliant des belitres officiers d'un Roy d'Ægypte : tant cousta à ce grand Pompeius la prolongation de cinq ou six mois de vie. Et du temps de nos Peres ce Ludouic Sforce dixiesme Duc de Milan, soubz qui auoit si long temps branlé toute l'Italie, on l'a veu mourir prisonnier à Loches : mais apres y auoir vescu dix ans, qui est le pis de son marché. La plus belle Royne, vefue du plus grand Roy de la Chrestienté, vient elle pas de mourir par la main d'un Bourreau ? indigne & barbare cruauté ! Et mille tels exemples. Car il semble que comme les orages & tempestes se piquent contre l'orgueil & hautaineté de nos bastimens, il y ayt aussi là haut des esprits enuieux des grandeurs de ça bas.

*Vsque adeò res humanas vis abdita quædam
Obterit, & pulchros fasces sæuissque secures
Proculcare, ac ludibrio sibi habere videtur.*

Et semble que la fortune quelquefois guette à point nommé le dernier iour de nostre vie, pour montrer sa puissance, de renuerfer en vn moment ce qu'elle auoit basti en longues annees ; & nous fait crier apres Laberius, *Nimirum hac die vna plus vixi, mihi quàm viuendum fuit.* Ainsi se peut prendre avec raison, ce bon aduis de Solon. Mais d'autant que c'est vn Philosophe, à l'endroit desquels les faueurs & disgraces de la fortune ne tiennent rang, ny d'heur ny de malheur, & sont les grandeurs, & puissances,

accidens de qualité à peu pres indifferente, ie trouue vray-semblable, qu'il ayt regardé plus auant; & voulu dire que ce mesme bon-heur de nostre vie, qui dépend de la tranquillité & contentement d'vn esprit bien né, & de la resolution & assurance d'une ame reglee ne se doive iamais attribuer à l'homme, qu'on ne luy ayt veu iouir le dernier acte de sa comedie: & sans doute le plus difficile. En tout le reste il y peut auoir du malque: ou ces beaux discours de la Philosophie ne sont en nous que par contenance, ou les accidens ne nous essayant pas iusques au vif, nous donnent loisir de maintenir tousiours nostre visage rassis. Mais à ce dernier rolle de la mort & de nous, il n'y a plus que faindre, il faut parler François; il faut montrer ce qu'il y a de bon & de net dans le fond du pot.

*Nam vera voces tum demum pectore ab imo
Eüciuntur, & eripitur persona, manet res.*

Voyla pourquoy se doiuent à ce dernier traitt toucher & esprouuer toutes les autres actions de nostre vie. C'est le maistre iour, c'est le iour iuge de tous les autres: c'est le iour, dict vn ancien, qui doit iuger de toutes mes années passées. Je remets à la mort l'essay du fruit de mes estudes. Nous verrons là si mes discours me partent de la bouche, ou du cœur. J'ay veu plusieurs donner par leur mort reputation en bien ou en mal, à toute leur vie. Scipion beau-pere de Pompeius rabilla en bien mourant la mauuaise opinion qu'on auoit eu de luy iusques alors. Epaminondas interrogé lequel des trois il estimoit le plus, ou Chabrias, ou Iphicrates, ou soy-mesme: Il nous faut voir mourir, fit-il, auant que d'en pou-

voir refoudre. De vray on defroberoit beaucoup à celuy là, qui le poiserait fans l'honneur & grandeur de sa fin. Dieu l'a voulu comme il luy a pleu : mais en mon temps trois les plus execrables personnes, que ie cogneusse en toute abomination de vie, & les plus infames, ont eu des morts réglées, & en toute circonstance composées iusques à la perfection. Il est des morts braues & fortunées. Je luy ay veu trancher le fil d'un progrez de merueilleux auancement, & dans la fleur de son croist, à quelque'un, d'une fin si pompeuse, qu'à mon aduis ses ambitieux & courageux desseins n'auoient rien de si hault que fut leur interruption. Il arriua sans y aller, où il pretendoit, plus grandement & glorieusement, que ne portoit son desir & esperance. Et deuança par sa cheute, le pouuoir & le nom, où il aspiroit par sa course. Au iugement de la vie d'autrui, ie regarde tousiours comment s'en est porté le bout, & des principaux estudes de la mienne, c'est qu'il se porte bien, c'est à dire quietement & sourdement.





Que Philosopher, c'est apprendre à mourir.

CHAPITRE XIX.



ICERO dit que Philosopher ce n'est autre chose que s'aprester à la mort. C'est d'autant que l'estude & la contemplation retirent aucunement nostre ame hors de nous, & l'embefongnent à part du corps, qui est quelque apprentissage & ressemblance de la mort : ou bien, c'est que toute la sagesse & discours du monde se resolt en fin à ce point, de nous apprendre à ne craindre point à mourir. De vray, ou la raison se mocque, ou elle ne doit viser qu'à nostre contentement, & tout son trauail tendre en somme à nous faire bien viure, & à nostre aise, comme dict la Sainte Escriture. Toutes les opinions du monde en sont là, que le plaisir est nostre but, quoy qu'elles en prennent diuers moyens ; autrement on les chasseroit d'arriuée. Car qui escouteroit celuy, qui pour sa fin establiroit nostre peine & mesaise ? Les dissensions des sectes Philosophiques en ce cas, sont verbales. *Transcurramus solertissimas nugas.* Il y a plus d'opiniaistreté & de picoterie, qu'il n'appartient à vne si sainte profession. Mais quelque personnage que l'homme entrepreigne, il iouë

toufiours le sien parmy. Quoy qu'ils dient, en la vertu mefme, le dernier but de nostre vifce, c'est la volupté. Il me plaift de battre leurs oreilles de ce mot, qui leur eft fi fort à contrecœur : & s'il fignifie quelque fupreme plaifir, & exceffif contentement, il eft mieux deu à l'affiftance de la vertu, qu'à nulle autre affiftance. Cette volupté pour eftre plus gailarde, nerueufe, robuste, virile, n'en eft que plus ferieufement voluptueufe. Et luy deuions donner le nom du plaifir, plus fauorable, plus doux & naturel : non celuy de la vigueur, duquel nous l'auons denommee. Cette autre volupté plus baffe, fi elle meritoit ce beau nom : ce deuoit eftre en concurrence, non par priuilege. Le la trouue moins pure d'incommoditez & de trauerfes, que n'eft la vertu. Outre que fon gouft eft plus momentanee, fluide & caduque, elle a fes veilles, fes ieufnes, & ses trauaux, & la fueur & le fang. Et en outre particulièrement, ses paffions trenchantes de tant de fortes; & à fon coûté vne fatieté fi lourde, qu'elle equipolle à penitence. Nous auons grand tort d'eftimer que ses incommoditez luy feruent d'aiguillon & de condiment à fa douceur, comme en nature le contraire fe viuifie par fon contraire : & de dire, quand nous venons à la vertu, que pareilles fuittes & difficultez l'accablent, la rendent auftere & inaccessible. Là où beaucoup plus proprement qu'à la volupté, elles anobliffent, aiguifent, & rehauffent le plaifir diuin & parfait, qu'elle nous moienne. Celuy la eft certes bien indigne de fon accointance, qui contrepoife fon couft, à fon fruit : & n'en cognoift ny les graces ny l'vſage. Ceux qui nous vont inſtruifant, que ſa queſte eſt ſcabreuſe & laborieuſe, ſa iouiſſance agreable : que nous diſent-ils par là, ſinon qu'elle eſt touſiours de-

sageable? Car quel moien humain arriua iamais à sa iouïssance? Les plus parfaits se sont bien contentez d'y aspirer, & de l'approcher, sans la posseder. Mais ils se trompent; veu que de tous les plaisirs que nous cognoissons, la poursuite mesme en est plaisante. L'entreprise se sent de la qualité de la chose qu'elle regarde : car c'est vne bonne portion de l'effect, & consubstancielle. L'heur & la beatitude qui reluit en la vertu, remplit toutes ses appartenances & auenues, iusques à la premiere entree & extreme barriere. Or des principaux bienfaits de la vertu, c'est le mespris de la mort, moyen qui fournit nostre vie d'une molle tranquillité, & nous en donne le goust pur & amiable : sans qui toute autre volupté est esteinte. Voyla pourquoy toutes les regles se rencontrent & conuiennent à cet article. Et combien qu'elles nous conduisent aussi toutes d'un commun accord à mespriser la douleur, la pauvreté, & autres accidens, à quoy la vie humaine est subiecte, ce n'est pas d'un pareil soing : tant par ce que ces accidens ne sont pas de telle necessité, la plupart des hommes passent leur vie sans gouter de la pauvreté, & tels encore sans sentiment de douleur & de maladie, comme Xenophilus le Musicien, qui vescu cent & six ans d'une entiere santé : qu'aussi d'autant qu'au pis aller, la mort peut mettre fin, quand il nous plaira, & couper broche à tous autres inconueniens. Mais quant à la mort, elle est ineuitable.

*Omnes eodem cogimur, omnium
Versatur vrna, serius ocus
Sors exitura, & nos in æter-
Num exitium impositura cymbæ.*

iouuent executer les criminels
est commis : durant le chemi
de belles maisons , faites leur
qu'il vous plaira ,

*non Sicula dap
Dulcem elaborabunt sapa
Non auium , cytharaque
Somnum reducent.*

Pensez vous qu'ils s'en puissent
finale intention de leur voyage
rement deuant les yeux , ne leu
le goust à toutes ces commodite

*Audit iter , numeratque dies , f.
Metitur vitam , torquetur peste*

Le but de nostre carriere c'est la
necessaire de nostre vifsee : si elle
est-il possible d'aller vn pas au
remede du vulgaire c'est de n'y
quelle brutale stupidité luy peu
aueuglement ? Il luy faut faire
queuë ,

Qui capite ipse suo instituit v

Ce n'est pas de ~~merueille~~ ~~et l'~~

piege. On fait peur à nos gens seulement de nommer la mort, & la plupart s'en seignent, comme du nom du diable. Et par-ce qu'il s'en fait mention aux testamens, ne vous attendez pas qu'ils y mettent la main, que le Medecin ne leur ayt donné l'extreme sentence. Et Dieu sçait lors entre la douleur & la frayeur, de quel bon iugement ils vous le patissent. Par ce que cette syllabe frappoit trop rudement leurs oreilles, & que cette voix leur sembloit malencontreuse, les Romains auoient appris de l'amollir ou l'estendre en perifrases. Au lieu de dire, il est mort; il a cessé de viure, disent-ils, il a vescu. Pourueu que ce soit vie, soit elle passée, ils se consolent. Nous en auons emprunté, nostre, feu Maistre-Iehan. A l'aduenture est-ce, que comme on diët, le terme vaut l'argent. Le naquis entre vnze heures & midi le dernier iour de Feburier, mil cinq cens trente trois : comme nous contons à cette heure, commençant l'an en Ianuier. Il n'y a iustement que quinze iours que i'ay franchy trente neuf ans, il m'en faut pour le moins encore autant. Ce pendant s'empescher du pensément de chose si esloignee, ce seroit folie. Mais quoy? les ieunes & les vieux laissent la vie de mesme condition. Nul n'en sort autrement que si tout presentement il y entroit, ioinët qu'il n'est homme si decrepité tant qu'il voit Mathusalem deuant, qui ne pense auoir encore vingt ans dans le corps. D'auantage, pauvre fol que tu es, qui t'a estably les termes de ta vie? Tu te fondes sur les contes des Medecins. Regarde plustost l'effect & l'experience. Par le commun train des choses, tu vis pieça par faueur extraordinaire. Tu as passé les termes accoustumez de viure : & qu'il soit ainsi, conte de tes cognoissans, combien il en est mort

auant ton aage, plus qu'il n'en y a qui l'ayent atteint : & de ceux mesme qui ont annobli leur vie par renommee, fais en registre, & i'entreray en gageure d'en trouuer plus qui sont morts, auant, qu'apres trente cinq ans. Il est plein de raison, & de pieté, de prendre exemple de l'humanité mesme de Iesus-Christ. Or il finit sa vie à trente & trois ans. Le plus grand homme, simplement homme, Alexandre, mourut aussi à ce terme. Combien a la mort de façons de surprise ?

*Quid quisque vitet, nunquam homini fatis
Cautum est in horas.*

Ie laisse à part les fiebures & les pleuresies. Qui eust iamais pense qu'un Duc de Bretagne deust estre estouffé de la presse, comme fut celuy là à l'entree du Pape Clement mon voisin, à Lyon ? N'as tu pas veu tuer vn de nos Roys en se iouant ? & vn de ses ancestres mourut il pas choqué par vn pourceau ? Æschylus menassé de la cheute d'une maison, a beau se tenir à l'airte, le voyla assommé d'un toict de tortue, qui eschappa des pattes d'un aigle en l'air : l'autre mourut d'un grain de raisin : vn Empereur de l'egratigneure d'un peigne en se testonnant : Æmylius Lepidus pour auoir heurté du pied contre le seuil de son huis : & Aufidius pour auoir choqué en entrant contre la porte de la chambre du conseil. Et entre les cuisses des femmes Cornelius Gallus Preteur, Tigillinus Capitaine du guet à Rome, Ludouic fils de Guy de Gonsfague, Marquis de Mantouë. Et d'un encore pire exemple, Speusippus Philosophe Platonicien, & l'un de nos Papes. Le pauvre Bebius, Iuge, cependant qu'il donne delay de hui-

étaine à vne partie, le voyla faisi, le sien de viure estant expiré : & Caius Iulius Medecin greffant les yeux d'un patient, voyla la mort qui clost les siens. Et s'il m'y faut meller, vn mien frere le Capitaine S. Martin, aagé de vingt trois ans, qui auoit desia faict assez bonne preuue de sa valeur, iouant à la paume, reçeut vn coup d'esteuf, qui l'assena vn peu au dessus de l'oreille droite, sans aucune apparence de contusion, ny de blessure : il ne s'en assit, ny reposa : mais cinq ou six heures apres il mourut d'une Apoplexie que ce coup luy causa. Ces exemples si frequents & si ordinaires nous passans deuant les yeux, comme est-il possible qu'on se puisse deffaire du pensément de la mort, & qu'à chasque instant il ne nous semble qu'elle nous tienne au collet ? Qu'importe - il, me direz vous, comment que ce soit, pourueu qu'on ne s'en donne point de peine ? Je suis de cet aduis : & en quelque maniere qu'on se puisse mettre à l'abri des coups, fust ce sous la peau d'un veau, ie ne suis pas homme qui y reculast : car il me suffit de passer à mon aise, & le meilleur ieu que ie me puisse donner, ie le prens, si peu glorieux au reste & exemplaire que vous voudrez.

*prætulerim delirus intèrque videri,
Dum mea delettent mala me, vel denique fallant,
Quàm sapere & ringi.*

Mais c'est folie d'y penser arriuer par là. Ils vont, ils viennent, ils trottent, ils dansent, de mort nulles nouuelles. Tout cela est beau : mais aussi quand elle arriue, ou à eux ou à leurs femmes, enfans & amis, les surprenant en desfoude & au descouuert, quels tourmens, quels cris, quelle rage & quel desespoir

les accable? Vistes vous iamais rien si rabaissé, si changé, si confus? Il y faut prouuoir de meilleure heure : & cette nonchalance bestiale, quand elle pourroit loger en la teste d'un homme d'entendement, ce que ie trouue entierement impossible, nous vend trop cher ses denrees. Si c'estoit ennemy qui se peult euter, ie conseillerois d'emprunter les armes de la couïardise : mais puis qu'il ne se peut; puis qu'il vous attrappe fuyant & poltron aussi bien qu'honeste homme,

*Nempe & fugacem persequitur virum,
Nec parcat imbellis iuuentæ
Poplitibus, timidoque tergo.*

& que nulle trampe de cuirasse vous couure,

*Ille licet ferro cautus se condat in ære,
Mors tamen inclusum protrahet inde caput.*

aprenons à le soustenir de pied ferme, & à le combattre : & pour commencer à luy oster son plus grand aduantage contre nous, prenons voye toute contraire à la commune. Oflons luy l'estrangeté, pratiquons le, accoustumons le, n'ayons rien si souuent en la teste que la mort : à tous instans representons la à nostre imagination & en tous visages. Au broncher d'un cheual, à la cheute d'une tuille, à la moindre piqueure d'espeingle, remachons soudain, Et bien quand ce seroit la mort mesme? & là dessus, roidissons nous, & nous efforçons. Parmy les festes & la ioye, ayons tousiours ce refrain de la souuenance de nostre condition, & ne nous laissons pas si fort emporter au plaisir, que par fois il ne nous

repasse en la memoire, en combien de sortes cette nostre allegresse est en butte à la mort, & de combien de prinse elle la menasse. Ainsi faisoient les Egyptiens, qui au milieu de leurs festins & parmy leur meilleure chere, faisoient apporter l'Anatomie sèche d'un homme, pour servir d'auertissement aux conuiez.

*Omnem crede diem tibi diluxisse supremum,
Grata superueniet, quæ non sperabitur hora.*

Il est incertain où la mort nous attende, attendons la par tout. La premeditation de la mort, est premeditation de la liberté. Qui a appris à mourir, il a desappris à servir. Il n'y a rien de mal en la vie, pour celui qui a bien compris, que la priuation de la vie n'est pas mal. Le sçauoir mourir nous afranchit de toute subiection & contraincte. Paulus Æmylius respondit à celui, que ce miserable Roy de Macedoine son prisonnier luy enuoyoit, pour le prier de ne le mener pas en son triomphe, Qu'il en face la requeste à soy mesme. A la verité en toutes choses si nature ne preste vn peu, il est mal-aysé que l'art & l'industrie aillent guiere auant. Je suis de moy-mesme non melancholique, mais songecreux : il n'est rien dequoy ie me foye des tousiours plus entretenu que des imaginations de la mort; voire en la saison la plus licentieuse de mon aage,

Iucundum cum ætas florida ver ageret.

Parmy les dames & les ieux, tel me pensoit empesché à digerer à part moy quelque ialousie, ou l'incertitude de quelque esperance, cependant que ie

m'entretenois de ie ne sçay qui surpris les iours precedens d'une fieure chaude, & de sa fin au partir d'une feste pareille, & la teste pleine d'oïsiueté, d'amour & de bon temps, comme moy : & qu'autant m'en pendoit à l'oreille.

Iam fuerit, nec post vnquam reuocare licebit.

Ie ne ridois non plus le front de ce pensément là, que d'un autre. Il est impossible que d'arriuee nous ne sentions des piqueures de telles imaginations : mais en les maniant & repassant, au long aller, on les appriuoise sans doute : autrement de ma part ie fusse en continuelle frayeur & frenesie : car iamais homme ne se défia tant de sa vie, iamais homme ne fait moins d'estat de sa duree. Ny la santé, que i'ay iouy iusques à present tresuigoureuse & peu souvent interrompue, ne m'en alonge l'esperance, ny les maladies ne me l'acourcissent. A chaque minute il me semble que ie m'eschappe. Et me rechante sans cesse, Tout ce qui peut estre fait vn autre iour, le peut estre aujourd'huy. De vray les hazards & dangers nous approchent peu ou rien de nostre fin : & si nous pensons, combien il en reste, sans cet accident qui semble nous menasser le plus, de millions d'autres sur nos testes, nous trouuerons que gaillars & fieureux, en la mer & en nos maisons, en la bataille & en repos elle nous est également pres. *Nemo altero fragilior est : nemo in craftinum sui certior.* Ce que i'ay affaire auant mourir, pour l'acheuer tout loisir me semble court, fust ce œuvre d'une heure. Quelcun feuilletant l'autre iour mes tablettes, trouua vn memoire de quelque chose, que ie vouloys estre faite apres ma mort : ie luy dy, comme il estoit

vray, que n'estant qu'à vne lieuë de ma maison, & sain & gaillard, ie m'estoy hasté de l'escire là, pour ne m'asseurer point d'arriuer iusques chez moy. Comme celuy, qui continuellement me couue de mes pensees, & les couche en moy : ie suis à toute heure préparé enuiron ce que ie le puis estre : & ne m'aduertira de rien de nouueau la suruenance de la mort. Il faut estre tousiours botté & prest à partir, en tant que en nous est, & sur tout se garder qu'on n'aye lors affaire qu'à soy.

*Quid breui fortes iaculamur auo
Multa ?*

Car nous y aurons assez de besongne, sans autre surcrois. L'un se plaint plus que de la mort, dequoy elle luy rompt le train d'une belle victoire : l'autre qu'il luy faut desloger auant qu'auoir marié sa fille, ou contrerolé l'institution de ses enfans : l'un plaint la compagnie de sa femme, l'autre de son fils, comme commoditez principales de son estre. Je suis pour cette heure en tel estat, Dieu mercy, que ie puis desloger quand il luy plaira, sans regret de chose quelconque : ie me desnoue par tout : mes adieux sont tantost prins de chascun, sauf de moy. Iamais homme ne se prepara à quitter le monde plus purement & pleinement, & ne s'en desprint plus vniuersellement que ie m'attens de faire. Les plus mortes sont les plus saines.

*miser ô miser (aiunt) omnia ademit
Vna dies infesta mihi tot præmia vitæ :*

& le baptisteur,

*manent (dict-il) opera interrupta, minæque
Murorum ingentes.*

Il ne faut rien designer de si longue haleine, ou au moins avec telle intention de se passionner pour en voir la fin. Nous sommes nés pour agir :

Cum moriar, medium soluar & inter opus.

Je veux qu'on agisse, & qu'on allonge les offices de la vie, tant qu'on peut : & que la mort me treuve plantant mes choux ; mais nonchallant d'elle, & encore plus de mon iardin imparfait. L'en vis mourir vn, qui estant à l'extremité se pleignoit incessamment, dequoy sa destinee coupoit le fil de l'histoire qu'il auoit en main, sur le quinziesme ou seixiesme de nos Roys.

*Illud in his rebus non addunt, nec tibi earum
Iam desiderium rerum super infidet vna.*

Il faut se descharger de ces humeurs vulgaires & nuisibles. Tout ainfi qu'on a planté nos cimetières ioignant les Eglises, & aux lieux les plus frequentez de la ville, pour accoustumer, disoit Lycurgus, le bas populaire, les femmes & les enfans à ne s'effaroucher point de voir vn homme mort : & affin que ce continuel spectacle d'ossements, de tombeaux, & de conuois nous aduertisse de nostre condition.

*Quin etiam exhilarare viris conuiuia cædè
Mos olim, & miscere epulis spectacula dira
Certantum ferro, sæpe & super ipsa cadentum
Pocula, resperfis non parco sanguine mensis.*

Et comme les Egyptiens apres leurs festins, faisoient presenter aux assistans vne grande image de la mort, par vn qui leur crioit : Boy, & t'esliouy, car mort tu seras tel : aussi ay-ie pris en coustume, d'auoir non seulement en l'imagination, mais continuellement la mort en la bouche. Et n'est rien dequoy ie m'informe si volontiers, que de la mort des hommes : quelle parole, quel visage, quelle contenance ils y ont eu : ny endroit des histoires, que ie remarque si attentivement. Il y paroist, à la farcissure de mes exemples : & que i'ay en particuliere affection cette matiere. Si i'estoy faiseur de liures, ie feroiy vn registre commenté des morts diuerses : qui apprendroit les hommes à mourir, leur apprendroit à viure. Dicearchus en feit vn de pareil titre, mais d'autre & moins vtile fin. On me dira, que l'effect surmonte de si loing la pensee, qu'il n'y a si belle escrime, qui ne se perde, quand on en vient là : laissez les dire ; le premediter donne sans doubte grand auantage : & puis n'est-ce rien, d'aller au moins iusques là sans alteration & sans fiéure ? Il y a plus : nature mesme nous preste la main, & nous donne courage. Si c'est vne mort courte & violente, nous n'auons pas loisir de la craindre : si elle est autre, ie m'apperçois qu'à mesure que ie m'engage dans la maladie, i'entre naturellement en quelque desdain de la vie. Je trouue que i'ay bien plus affaire à digerer cette resolution de mourir, quand ie suis en santé, que ie n'ay quand ie suis en fiéure : d'autant que ie ne tiens plus si fort aux commoditez de la vie, à raison que ie commence à en perdre l'usage & le plaisir, i'en voy la mort d'une veuë beaucoup moins effrayee. Cela me fait esperer, que plus ie m'elongneray de celle-là, & approcheray de cette-cy, plus aysément i'entreray en

composition de leur eschange. Tout ainsi que i'ay essayé en plusieurs autres occurrences, ce que dit Cesar, que les choses nous paroissent souuent plus grandes de loing que de pres : i'ay trouué que sain i'auois eu les maladies beaucoup plus en horreur, que lors que ie les ay senties. L'alegresse où ie suis, le plaisir & la force, me font paroistre l'autre estat si disproportionné à celuy - là , que par imagination ie grossis ces incommoditez de la moitié, & les conçooy plus poissantes, que ie ne les trouue, quand ie les ay sur les espaules. L'espere qu'il m'en aduiendra ainsi de la mort. Voyons à ces mutations & declinaisons ordinaires que nous souffrons, comme nature nous desrobe la veuë de nostre perte & empirement. Que reste-il à vn vieillard de la vigueur de sa ieunesse, & de sa vie passée?

Heu senibus vitæ portio quanta manet !

Cesar à vn soldat de sa garde recreu & cassé, qui vint en la ruë , luy demander congé de se faire mourir : regardant son maintien decrepite, respondit plaisamment : Tu penfes donc estre en vie. Qui y tomberoit tout à vn coup, ie ne crois pas que nous fussons capables de porter vn tel changement : mais conduicts par sa main , d'une douce pente & comme insensible, peu à peu, de degré en degré, elle nous roule dans ce miserable estat, & nous y appriuoise. Si que nous ne sentons aucune secousse, quand la ieunesse meurt en nous : qui est en essence & en verité, vne mort plus dure, que n'est la mort entiere d'une vie languissante ; & que n'est la mort de la vieillesse : d'autant que le fault n'est pas si lourd du mal estre au non estre, comme il est d'un estre doux

& fleurissant, à vn estre penible & douloureux. Le corps courbe & plié a moins de force à soustenir vn fais, aussi a nostre ame. Il la faut dresser & esleuer contre l'effort de cet aduersaire. Car comme il est impossible, qu'elle se mette en repos pendant qu'elle le craint : si elle s'en assure aussi, elle se peut vanter, qui est chose comme surpassant l'humaine condition, qu'il est impossible que l'inquietude, le tourment, & la peur, non le moindre desplaisir loge en elle.

*Non vultus instantis tyranni
Mente quatit solida, neque Auster
Dux inquieti turbidus Adriæ,
Nec fulminantis magna Iouis manus.*

Elle est renduë maistresse de ses passions & concupiscences; maistresse de l'indigence, de la honte, de la pauvreté, & de toutes autres iniures de fortune. Gagnons cet aduantage qui pourra : c'est icy la vraye & souueraine liberté, qui nous donne dequoy faire la figue à la force, & à l'iniustice, & nous moquer des prisons & des fers.

*in manicis, &
Compeditibus, sæuo te sub custode tenebo.
Ipse Deus simul atque volam, me soluet : opinor,
Hoc sentit, moriar : mors vltima linea rerum est.*

Nostre religion n'a point eu de plus assuré fondement humain, que le mespris de la vie. Non seulement le discours de la raison nous y appelle; car pourquoy craindrions nous de perdre vne chose, laquelle perduë ne peut estre regrettée? mais aussi puis que nous sommes menacez de tant de façons de mort, n'y a il pas plus de mal à les craindre toutes,

qu'à en soustenir vne? Que chaut-il, quand ce soit, puis qu'elle est ineuitable? A celuy qui disoit à Socrates; Les trente tyrans t'ont condamné à la mort : Et nature, eux, respondit-il. Quelle sottise, de nous peiner, sur le point du passage à l'exemption de toute peine? Comme nostre naissance nous apporta la naissance de toutes choses : aussi fera la mort de toutes choses, nostre mort. Parquoy c'est pareille folie de pleurer de ce que d'icy à cent ans nous ne viurons pas, que de pleurer de ce que nous ne viuions pas, il y a cent ans. La mort est origine d'une autre vie : ainsi pleurâmes nous, & ainsi nous cousta-il d'entrer en cette-cy : ainsi nous despouillâmes nous de nostre ancien voile, en y entrant. Rien ne peut estre grief, qui n'est qu'une fois. Est-ce raison de craindre si long temps, chose de si brief temps? Le long temps viure, & le peu de temps viure est rendu tout vn par la mort. Car le long & le court n'est point aux choses qui ne sont plus. Aristote dit, qu'il y a des petites bestes sur la riuere Hypanis, qui ne viuent qu'un iour. Celle qui meurt à huit heures du matin, elle meurt en ieunesse : celle qui meurt à cinq heures du soir, meurt en sa decrepitude. Qui de nous ne se mocque de voir mettre en consideration d'heur ou de malheur, ce moment de durée? Le plus & le moins en la nostre, si nous la comparons à l'éternité, ou encores à la duree des montaignes, des riuieres, des estoilles, des arbres, & mesmes d'aucuns animaux, n'est pas moins ridicule. Mais nature nous y force. Sortez, dit-elle, de ce monde, comme vous y estes entrez. Le mesme passage que vous fistes de la mort à la vie, sans passion & sans frayeur, refaites le de la vie à la mort. Vostre mort est vne des pieces

de l'ordre de l'univers, c'est une pièce de la vie du monde.

*inter se mortales mutua vivunt,
Et quasi cursores vitæ lampada tradunt.*

Changeray-je pas pour vous cette belle contexture des choses? C'est la condition de votre création; c'est une partie de vous que la mort : vous vous fuyez vous mêmes. Cettuy votre estre, que vous iouissez, est également party à la mort & à la vie. Le premier iour de votre naissance vous achemine à mourir comme à vivre.

*Prima, quæ vitam dedit, hora, carpit.
Nascentes morimur, finisque ab origine pendet.*

Tout ce que vous vivez, vous le déboutez à la vie : c'est à ses despens. Le continuel ouvrage de votre vie, c'est bâtir la mort. Vous estes en la mort, pendant que vous estes en vie : car vous estes après la mort, quand vous n'estes plus en vie. Ou, si vous l'aymez mieux ainsi, vous estes mort après la vie : mais pendant la vie, vous estes mourant : & la mort touche bien plus rudement le mourant que le mort, & plus vivement & essentiellement. Si vous avez fait votre profit de la vie, vous en estes repeu, allez vous en satisfait.

Cur non ut plenus vitæ conuiua recedis ?

Si vous n'en avez sçeu user, si elle vous estoit inutile, que vous chaut-il de l'avoir perduë? à quoy faire la voulez vous encores?

*cur amplius addere queris
Rursum quod pereat malè, & ingratum occidas omne?*

La vie n'est de foy ny bien ny mal : c'est la place du bien & du mal, selon que vous la leur faictes. Et si vous auez vescu vn iour, vous auez tout veu : vn iour est égal à tous iours. Il n'y a point d'autre lumiere, ny d'autre nuit. Ce Soleil, cette Lune, ces Estoilles, cette disposition, c'est celle mesme que vos ayeuls ont iouye, & qui entretiendra vos arriere-nepueux.

*Non alium videre patres : aliumve nepotes
Aspiciunt.*

Et au pis aller, la distribution & variété de tous les actes de ma comedie, se parfournit en vn an. Si vous auez pris garde au branle de mes quatre saisons, elles embrassent l'enfance, l'adolescence, la virilité, & la vieillesse du monde. Il a ioué son ieu : il n'y sçait autre finesse, que de recommencer ; ce sera tousiours cela mesme.

*versamur ibidem , atque infumus vsque ,
Atque in se sua per vestigia voluitur annus.*

Je ne suis pas deliberée de vous forger autres nouveaux passetemps.

*Nam tibi præterea quod machiner, inueniſſimque
Quod placeat, nihil est, eadem sunt omnia semper.*

Faictes place aux autres, comme d'autres vous l'ont faite. L'égalité est la premiere piece de l'équité. Qui se peut plaindre d'estre comprins où tous sont comprins ? Aussi auez vous beau viure, vous n'en rabattrez rien du temps que vous auez à estre mort : c'est pour neant ; aussi long temps ferez vous en cet

estat là, que vous craingnez, comme si vous estiez mort en nourrisse :

*licet, quod vis, viuendo vincere secla,
Mors aeterna tamen, nihilominus illa manebit.*

Et si vous mettray en tel point, auquel vous n'aurez aucun mescontentement.

*In vera nescis nullum fore morte alium te,
Qui possit viuus tibi te lugere peremptum,
Stansque iacentem.*

Ny ne desirerez la vie que vous plaingnez tant.

*Nec sibi enim quisquam tum se vitamque requirit,
Nec desiderium nostri nos afficit vllum.*

La mort est moins à craindre que rien, s'il y auoit quelque chose de moins, que rien.

*multo mortem minus ad nos esse putandum,
Si minus esse potest quàm quod nihil esse videmus.*

Elle ne vous concerne ny mort ny vif. Vif, par ce que vous estes : mort, par ce que vous n'estes plus. D'auantage nul ne meurt auant son heure. Ce que vous laissez de temps, n'estoit non plus vostre, que celui qui s'est passé auant vostre naissance : & ne vous touche non plus.

*Respice enim quàm nil ad nos antè aetæ vetustas
Temporis aeterni fuerit.*

Où que vostre vie finisse, elle y est toute. L'utilité du viure n'est pas en l'espace : elle est en l'vsage. Tel a vescu long temps, qui a peu vescu. Attendez

vous y pendant que vous y estes. Il gist en vostre volonté, non au nombre des ans, que vous ayez assez vescu. Pensiez vous iamais n'arriuer là, où vous alliez sans cesse? encore n'y a-il chemin qui n'aye son issuë. Et si la compagnie vous peut soulager, le monde ne va-il pas mesme train que vous allez?

omnia te vita perfuncta sequuntur.

Tout ne branle-il pas vostre branle? y a-il chose qui ne vieillisse quant & vous? Mille hommes, mille animaux & mille autres creatures meurent en ce mesme instant que vous mourez.

*Nam nox nulla diem, neque noctem aurora sequuta est,
Quæ non audieris mistos vagitibus agris
Ploratus mortis comites & funeris atri.*

A quoy faire y reculez vous, si vous ne pouuez tirer arriere? Vous en auez assez veu qui se sont bien trouués de mourir, escheuant par là des grandes miseres. Mais quelqu'un qui s'en soit mal trouué, en auez vous veu? Si est-ce grande simplesse, de condamner chose que vous n'avez esprouuée ny par vous ny par autre. Pourquoi te plains-tu de moy & de la destinée? Te faisons nous tort? Est-ce à toy de nous gouverner, ou à nous toy? Encore que ton aage ne soit pas acheué, ta vie l'est. Vn petit homme est homme entier comme vn grand. Ny les hommes ny leurs vies ne se mesurent à l'aune. Chiron refusa l'immortalité, informé des conditions d'icelle, par le Dieu mesme du temps, & de la durée, Saturne son pere. Imaginez de vray, combien seroit vne vie perdurable, moins supportable à l'homme, & plus penible, que n'est la vie que ie luy ay donnée. Si vous

n'auiez la mort, vous me maudiriez sans cesse de vous en auoir priué. I'y ay à escient meslé quelque peu d'amertume, pour vous empescher, voyant la commodité de son vsage, de l'embrasser trop auidement & indiscretement. Pour vous loger en cette moderation, ny de fuir la vie, ny de refuir à la mort, que ie demande de vous ; i'ay temperé l'une & l'autre entre la douceur & l'aigreur. L'apprens à Thales le premier de voz sages, que le viure & le mourir estoit indifferent : par où, à celui qui luy demanda, pourquoy donc il ne mouroit, il respondit tressagement, Pour ce qu'il est indifferent. L'eau, la terre, l'air & le feu, & autres membres de ce mien bastiment, ne sont non plus instruments de ta vie, qu'instruments de ta mort. Pourquoy crains-tu ton dernier iour ? Il ne confere non plus à ta mort que chascun des autres. Le dernier pas ne fait pas la lassitude : il la declare. Tous les iours vont à la mort : le dernier y arriue. Voila les bons aduertissemens de nostre mere Nature. Or i'ay pensé souuent d'où venoit cela, qu'aux guerres le visage de la mort, soit que nous la voyons en nous ou en autrui, nous semble sans comparaison moins effroyable qu'en nos maisons : autrement ce seroit une armée de medecins & de pleurars : & elle estant tousiours une, qu'il y ait toutes-fois beaucoup plus d'assurance parmy les gens de village & de basse condition qu'és autres. Je croy à la verité que ce sont ces mines & appareils effroyables, dequoy nous l'entourrons, qui nous font plus de peur qu'elle : une toute nouvelle forme de viure : les cris des meres, des femmes, & des enfans : la uisitation de personnes estonnees, & transies : l'affistance d'un nombre de valets pasles & éplorés : une chambre sans iour : des cierges allumez : nostre cheuet assié

de medecins & de prescheurs : fomme tout horreur & tout effroy autour de nous. Nous voyla des-ia enseuelis & enterrez. Les enfans ont peur de leurs amis mesmes quand ils les voyent masquez; aussi auons nous. Il faut oster le masque aussi bien des choses, que des personnes. Osté qu'il sera, nous ne trouuerons au dessoubs, que cette mesme mort, qu'un valet ou simple chambriere passerent dernièrement sans peur. Heureuse la mort qui oste le loisir aux apprests de tel equipage !





De la force de l'imagination.

CHAPITRE XX.



Fortis imaginatio generat casum,
disent les clerks.

Je suis de ceux qui sentent tres-grand effort de l'imagination. Chacun en est heurté, mais aucuns en sont renuersez. Son impression me perse; & mon art est de luy eschapper, par faute de force à luy resister. Je viuroye de la seule assistance de personnes saines & gaies. La veuë des angoisses d'autrui m'angoisse materiellement : & a mon sentiment souuent vsurpé le sentiment d'un tiers. Vn touffeur continuel irrite mon poulmon & mon gosier. Je visite plus mal volontiers les malades, auxquels le deuoir m'interesse, que ceux auxquels ie m'attens moins, & que ie considere moins. Je saisis le mal, que i'estudie, & le couche en moy. Je ne trouue pas estrange qu'elle donne & les fieures, & la mort, à ceux qui la laissent faire, & qui luy applaudissent. Simon Thomas estoit vn grand medecin de son temps. Il me souuient que me rencontrant vn iour à Thoulouse chez vn riche vieillard pulmonique, & traitant avec luy des moyens de sa guarison, il luy dist, que c'en estoit l'un, de me donner occasion

de me plaire en sa compagnie : & que fichant ses yeux sur la frescheur de mon visage, & sa pensée sur cette allegresse & vigueur, qui regorgeoit de mon adolescence : & remplissant tous ses sens de cet estat florissant en quoy i'estoy lors, son habitude s'en pourroit amender : mais il oublioit à dire, que la mienne s'en pourroit empirer aussi. Gallus Vibius banda si bien son ame, à comprendre l'essence & les mouuemens de la folie, qu'il emporta son iugement hors de son siege, si qu'onques puis il ne l'y peut remettre : & se pouuoit vanter d'estre deuenu fol par sagesse. Il y en a, qui de frayeur anticipent la main du bourreau; & celui qu'on debandoit pour luy lire sa grace, se trouua roide mort sur l'eschafaut du seul coup de son imagination. Nous treffuons, nous tremblons, nous pallissons, & rougissons aux secousses de nos imaginations; & renuersez dans la plume sentons nostre corps agité à leur branle, quelques-fois iusques à en expirer. Et la ieunesse bouillante s'eschauffe si auant en son harmois toute endormie, qu'elle assouuit en songe ses amoureux desirs.

*Vt quasi transactis sæpe omnibus rebu'profundant
Fluminis ingentes fluctus, vestemque cruentent.*

Et encore qu'il ne soit pas nouveau de voir croistre la nuit des cornes à tel, qui ne les auoit pas en se couchant : toutesfois l'euenement de Cyppus Roy d'Italie est memorable, lequel pour auoir assisté le iour auec grande affection au combat des taureaux, & auoir eu en songe toute la nuit des cornes en la teste, les produisit en son front par la force de l'imagination. La passion donna au fils de Cræsus la voix, que nature luy auoit refusée. Et Antiochus print la fieure, par la beauté de Stratonice trop

viuement empreinte en son ame. Pline dit auoir veu Lucius Cossitius, de femme changé en homme le iour de ses nopces. Pontanus & d'autres racontent pareilles metamorphoses aduenues en Italie ces siecles passez : & par vehement desir de luy & de sa mere,

Vota puer soluit, quæ fœmina vouerat Iphis.

Passant à Vitry le François ie peu voir vn homme que l'Euesque de Soissons auoit nommé Germain en confirmation, lequel tous les habitans de là ont cogneu, & veu fille, iusques à l'aage de vingt deux ans, nommée Marie. Il estoit à cette heure là fort barbu, & vieil, & point marié. Faisant, dit-il, quelque effort en sautant, ses membres virils se produisirent : & est encore en vsage entre les filles de là, vne chançon, par laquelle elles s'entrauertissent de ne faire point de grandes eniambees, de peur de deuenir garçons, comme Marie Germain. Ce n'est pas tant de merueille que cette sorte d'accident se rencontre frequent : car si l'imagination peut en telles choses, elle est si continuellement & si vigoureusement attachée à ce subiect, que pour n'auoir si souuent à rechoir en mesme pensée & aspreté de desir, elle a meilleur compte d'incorporer, vne fois pour toutes, cette virile partie aux filles. Les vns attribuent à la force de l'imagination les cicatrices du Roy Dagobert & de Saint François. On dit que les corps s'en-enleuent telle fois de leur place. Et Celsus recite d'un Prestre, qui rauissoit son ame en telle extase, que le corps en demeueroit longue espace sans respiration & sans sentiment. Saint Augustin en nomme vn autre, à qui il ne falloit que faire ouïr des cris lamentables & plaintifs : soudain il defailloit,

& s'emportoit si viuement hors de soy, qu'on auoit beau le tempester, & hurler, & le pincer, & le griller, iusques à ce qu'il fust resuscité : lors il disoit auoir ouy des voix, mais comme venant de loing : & s'aperceuoit de ses eschaudures & meurtrisseures. Et que ce ne fust vne obstination apostée contre son sentiment, cela le monstroït, qu'il n'auoit ce pendant ny poulx ny haleine. Il est vraysemblable, que le principal credit des visions, des enchantemens, & de tels effectz extraordinaires, vienne de la puissance de l'imagination, agissant principalement contre les ames du vulgaire, plus molles. On leur a si fort saisi la creance, qu'ils pensent voir ce qu'ils ne voyent pas. Je suis encore en ce doute, que ces plaïsantes liaisons dequoy nostre monde se voit si entraué qu'il ne se parle d'autre chose, ce sont volontiers des impressions de l'apprehension & de la crainte. Car ie sçay par experience, que tel de qui ie puis respondre, comme de moy-mesme, en qui il ne pouuoit choir soupçon aucun de foiblesse, & aussi peu d'enchantement, ayant ouy faire le conte à vn sien compagnon d'une defaillance extraordinaire, en quoy il estoit tombé sur le point qu'il en auoit le moins de besoin, se trouuant en pareille occasion, l'horreur de ce conte luy vint à coup si rudement frapper l'imagination, qu'il en courut vne fortune pareille. Et de là en hors fut subiect à y renchoir : ce villain souuenir de son inconuenient le gourmandant & tyrannissant. Il trouua quelque remede à cette resuerie, par vne autre resuerie. C'est qu'aduouant luy mesme, & preschant auant la main, cette sienne subiection, la contention de son ame se soulageoit, sur ce, qu'apportant ce mal comme attendu, son obligation en amoindrissoit, & luy en poisoit moins. Quand il a eu

loy, à son choix (sa pensée desbrouillée & desbandée, son corps se trouvant en son deu) de le faire lors premierement tenter, saisir, & surprendre à la connoissance d'autrui, il s'est guari tout net. A qui on a esté vne fois capable, on n'est plus incapable, sinon par iuste foiblesse. Ce malheur n'est à craindre qu'aux entreprinſes, où nostre ame se trouue outre mesure tendue de desir & de respect; & notamment où les commoditez se rencontrent improuueues & pressantes. On n'a pas moyen de se rauoir de ce trouble. L'en ſçay, à qui il a seruy d'y apporter le corps meſme, demy rassasié d'ailleurs, pour endormir l'ardeur de cette fureur, & qui par l'aage, se trouue moins impuissant, de ce qu'il est moins puissant: & tel autre, à qui il a serui aussi qu'un amy l'ayt asſeuré d'estre fourni d'une contrebatterie d'enchantements certains, à le preferuer. Il vaut mieux, que ie die comment ce fut. Un Comte de tresbon lieu, de qui i'estoye fort priué, se mariant avec vne belle dame, qui auoit esté poursuiuie de tel qui asſiſtoit à la feste, mettoit en grande peine ses amis: & nommément vne vieille dame sa parente, qui presidoit à ces nopces, & les faisoit chez elle, craintiue de ces forcelleries: ce qu'elle me fit entendre. Je la priay s'en reposer sur moy. L'auoye de fortune en mes coffres, certaine petite piece d'or platte, où estoient grauées quelques figures celestes, contre le coup du Soleil, & pour oster la douleur de teste, la logeant à point, sur la cousture du test: & pour l'y tenir, elle estoit couſuë à un ruban propre à rattacher souz le menton. Refuerie germaine à celle dequoy nous parlons. Iacques Peletier, viuant chez moy, m'auoit faiſt ce present singulier. L'aduifay d'en tirer quelque vsage, & dis au Comte, qu'il pourroit courre fortune comme les

autres, y ayant là des hommes pour luy en vouloir prester vne; mais que hardiment il s'allast coucher : que ie luy fero y vn tour d'amy : & n'espargneroy à son besoin, vn miracle, qui estoit en ma puissance : pourueu que sur son honneur, il me promist de le tenir tresfidelement secret. Seulement, comme sur la nuit on iroit luy porter le refueillon, s'il luy estoit mal allé, il me fist vn tel signe. Il avoit eu l'ame & les oreilles si battues, qu'il se trouua lié du trouble de son imagination : & me fait son signe à l'heure susditte. Je luy dis lors à l'oreille, qu'il se leuast, souz couleur de nous chasser, & print en se iouant la robbe de nuit, que i'auoye sur moy (nous estions de taille fort voisine) & s'en vestist, tant qu'il auroit executé mon ordonnance, qui fut; Quand nous serions fortis, qu'il se retirast à tomber de l'eau : dist trois fois telles parolles : & fist tels mouuements. Qu'à chascune de ces trois fois, il ceignist le ruban, que ie luy mettoys en main, & couchast bien soigneusement la medaille qui y estoit attachée, sur ses roignons : la figure en telle posture. Cela faict, ayant à la derniere fois bien estreint ce ruban, pour qu'il ne se peust ny desnouer, ny mouuoir de sa place, qu'en toute assurance il s'en retournast à son prix faict : & n'oubliait de reietter ma robbe sur son liest, en maniere qu'elle les abriast tous deux. Ces singeries sont le principal de l'effect. Nostre pensée ne se pouuant desmesler, que moyens si estranges ne viennent de quelque abstruse science. Leur inanité leur donne poids & reuerence. Somme il fut certain, que mes caracteres se trouuerent plus Veneriens que Solaires, plus en action qu'en prohibition. Ce fut vne humeur prompte & curieuse, qui me conuia à tel effect, esloigné de ma nature. Je

fuis ennemy des actions subtiles & feintes : & hay la finesse, en mes mains, non seulement recreative, mais aussi profitable. Si l'action n'est vicieuse, la route l'est. Amasis Roy d'Ægypte, espousa Laodice tresbelle fille Grecque : & luy, qui se monroit gentil compagnon par tout ailleurs, se trouua court à iouir d'elle : & menaça de la tuer, estimant que ce fust quelque sorcerie. Comme és choses qui consistent en fantasie, elle le reietta à la deuotion : & ayant fait les vœus & promesses à Venus, il se trouua diuinement remis, dès la premiere nuit, d'apres ses oblations & sacrifices. Or elles ont tort de nous recueillir de ces contenance mineuses, querelleuses & fuyardes, qui nous esteignent en nous allumant. La bru de Pythagoras, disoit, que la femme qui se couche avec vn homme, doit avec sa cotte laisser quant & quant la honte, & la reprendre avec sa cotte. L'ame de l'assaillant troublée de plusieurs diuerses allarmes, se perd aisement. Et à qui l'imagination a fait vne fois souffrir cette honte (& elle ne la fait souffrir qu'aux premieres accointances, d'autant qu'elles sont plus ardantes & aspres; & aussi qu'en cette premiere cognoissance qu'on donne de soy, on craint beaucoup plus de faillir) ayant mal commencé, il entre en fieure & despit de cet accident, qui luy dure aux occasions suiuentes. Les mariez, le temps estant tout leur, ne doiuent ny presser ny taster leur entreprinse, s'ils ne sont prests. Et vault mieux faillir indecemment, à estreiner la couche nuptiale, pleine d'agitation & de fieure, attendant vne & vne autre commodité plus priuée & moins allarmée, que de tomber en vne perpetuelle misere, pour s'estre estonné & desesperé du premier refus. Auant la possession prinse, le patient se doit à faillies & di-

uers temps, legerement essayer & offrir, sans se piquer & opiniastrer, à se conuaincre definitiuelement soy-mesme. Ceux qui sçauent leurs membres de nature dociles, qu'ils se soignent seulement de contre-pipper leur fantasie. On a raison de remarquer l'indocile liberté de ce membre, s'ingerant si importunément lors que nous n'en auons que faire, & defaillant si importunément lors que nous en auons le plus affaire : & contestant de l'autorité, si imperieusement, avec nostre volonté, refusant avec tant de fierté & d'obstination noz sollicitations & mentales & manuelles. Si toutesfois en ce qu'on gourmande sa rebellion, & qu'on en tire preuue de sa condamnation, il m'auoit payé pour plaider sa cause : à l'aduenture mettroy-ie en souspeçon noz autres membres ses compagnons, de luy estre allé dresser par belle enuie, de l'importance & douceur de son vsage, cette querelle apostée, & auoir par complot, armé le monde à l'encontre de luy, le chargeant malignement seul de leur faute commune. Car ie vous donne à penser, s'il y a vne seule des parties de nostre corps, qui ne refuse à nostre volonté souuent son operation, & qui souuent ne s'exerce contre nostre volonté : elles ont chacune des passions propres, qui les esueillent & endorment, sans nostre congé. A quant de fois tesmoignent les mouuements forcez de nostre visage, les pensées que nous tenions secretes, & nous trahissent aux assistants ? Cette mesme cause qui anime ce membre, anime aussi sans nostre sceu, le cœur, le poulmon, & le pouls : la veue d'un obiect agreable, respendant imperceptiblement en nous la flamme d'une emotion sieureuse. N'y a-il que ces muscles & ces veines, qui s'eleuent & se couchent, sans l'adueu non seulement de nostre volonté, mais aussi de nostre pensée ? Nous ne

commandons pas à noz cheueux de se heriffer, & à nostre peau de fremir de desir ou de crainte. La main se porte souuent où nous ne l'enuoyons pas. La langue se transist, & la voix se fige à son heure. Lors mesme que n'ayans de quoy frire, nous le luy desfendrions volontiers, l'appetit de manger & de boire ne laisse pas d'emouuoir les parties, qui luy sont subiettes, ny plus ny moins que cet autre appetit : & nous abandonne de mesme, hors de propos, quand bon luy semble. Les vtils qui seruent à descharger le ventre, ont leurs propres dilatations & compressions, outre & contre nostre aduis, comme ceux-cy destinés à descharger les roignons. Et ce que pour autorizer la puissance de nostre volonté, Sainct Augustin allegue auoir veu quelqu'un, qui commandoit à son derriere autant de pets qu'il en vouloit : & que Viues encherit d'un autre exemple de son temps, de pets organizez, suiuañs le ton des voix qu'on leur prononçoit, ne suppose non plus pure l'obeissance de ce membre. Car en est-il ordinairement de plus indiscret & tumultuaire? Ioint que i'en cognoy vn, si turbulent & reuesche, qu'il y a quarante ans, qu'il tient son maistre à peter d'une haleine & d'une obligation constante & irremittente, & le menne ainsin à la mort. Et pleust à Dieu, que ie ne le sceusse que par les histoires, combien de fois nostre ventre par le refus d'un seul pet, nous menne iusques aux portes d'une mort tres-angoisseuse : & que l'Empereur qui nous donna liberté de peter par tout, nous en eust donné le pouuoir. Mais nostre volonté, pour les droits de qui nous mettons en auant ce reproche, combien plus vray-semblablement la pouuons nous marquer de rebellion & sedition, par son desreglement & desobeissance? Veut elle tousiours ce que

nous voudrions qu'elle voulüst? Ne veut elle pas souuent ce que nous luy prohibons de vouloir; & à nostre euident dommage? se laisse elle non plus mener aux conclusions de nostre raison? En fin, ie diroy pour monsieur ma partie, que plaise à confiderer, qu'en ce fait sa cause estant inseparablement coniointe à vn confort, & indistinctement, on ne s'adresse pourtant qu'à luy, & par les arguments & charges qui ne peuuent appartenir à sondit confort. Car l'effect d'iceluy est bien de conuier inopportunement par fois, mais refuser, iamais : & de conuier encore tacitement & quietement. Partant se void l'animosité & illegalité manifeste des accusateurs. Quoy qu'il en soit, protestant, que les Aduocats & Iuges ont beau quereller & sentencier : nature tirera cependant son train : qui n'auroit fait que raison, quand elle auroit doué ce membre de quelque particulier priuilege. Autheur du seul ouurage immortel, des mortels. Ourage diuin selon Socrates : & Amour desir d'immortalité, & Dæmon immortel luy mesmes. Tel à l'aduenture par cet effect de l'imagination, laisse icy les escrouelles, que son compagnon reporte en Espaigne. Voyla pourquoy en telles choses l'on a accoustumé de demander vne ame preparée. Pourquoi praticquent les Medecins auant main, la creance de leur patient, avec tant de fausses promesses de sa guerison : si ce n'est afin que l'effect de l'imagination supplée l'imposture de leur aposème? Ils scauent qu'un des maistres de ce mestier leur a laissé par escrit, qu'il s'est trouué des hommes à qui la seule veuë de la medecine faisoit l'operation. Et tout ce caprice m'est tombé presentement en main, sur le conte que me faisoit vn domestique apotiquaire de feu mon pere, homme

simple & Souyffe, nation peu vaine & menfongiere : d'auoir cogneu long temps vn marchand à Toulouſe maladiſ & ſubieſt à la pierre, qui auoit ſouuent beſoing de clyſteres, & ſe les faiſoit diuerſement ordonner aux Medecins, ſelon l'occurrence de ſon mal : apportez qu'ils eſtoient, il n'y auoit rien obmis des formes accouſtumées : ſouuent il taſtoit s'ils eſtoient trop chauds : le voyla couché, renuerſé, & toutes les approches faiſtes, ſauf qu'il ne s'y faiſoit aucune iniection. L'apotiquaire retiré apres cette ceremonie, le patient accommodé, comme s'il auoit veritablement pris le clyſtere, il en ſentoit pareil eſſect à ceux qui les prennent. Et ſi le Medecin n'en trouuoit l'operation ſuffiſante, il luy en redonnoit deux ou trois autres, de meſme forme. Mon teſmoin iure, que pour eſpargner la deſpence, car il les payoit, comme s'il les eut receus, la femme de ce malade ayant quelquefois eſſayé d'y faire ſeulement mettre de l'eau tiede, l'eſſect en deſcouurit la fourbe; & pour auoir trouué ceux-la inutiles, qu'il faudroit reuenir à la premiere façon. Vne femme penſant auoir aualé vne eſpingle avec ſon pain, crioit & ſe tourmentoit comme ayant vne douleur inſupportable au goſier, où elle penſoit la ſentir arreſtée : mais par ce qu'il n'y auoit ny enſieure ny alteration par le dehors, vn habil'homme ayant iugé que ce n'eſtoit que fantaſie & opinion, priſe de quelque morceau de pain qui l'auoit picquée en paſſant, la fit vomir, & ietta à la deſrobée dans ce qu'elle rendit, vne eſpingle tortue. Cette femme cuidant l'auoir rendue, ſe ſentit ſoudain deſchargée de ſa douleur. Je ſçay qu'un Gentil'homme ayant traité chez luy vne bonne compagnie, ſe vanta trois ou quatre iours apres par maniere de ieu, car il n'en eſtoit rien, de leur auoir faiſt manger vn chat en paſte :

dequoy vne damoyfelle de la troupe print telle horreur, qu'en eftant tombée en vn grand déuoyement d'estomac & fieure, il fut impossible de la fauuer. Les bestes mefmes se voyent comme nous, fubieftes à la force de l'imagination : teſmoins les chiens, qui se laiſſent mourir de dueil de la perte de leurs maîtres : nous les voyons auſſi iapper & tremouſſer en ſonge, hannir les cheuaux & se debatre. Mais tout cecy se peut rapporter à l'eſtroite couſture de l'eſprit & du corps ſ'entre-communiquants leurs fortunes. C'eſt autre choſe; que l'imagination agiſſe quelque fois, non contre ſon corps ſeulement, mais contre le corps d'autrui. Et tout ainſi qu'un corps reiette ſon mal à ſon voiſin, comme il ſe voit en la peſte, en la verolle, & au mal des yeux, qui ſe chargent de l'un à l'autre :

*Dum ſpectant oculi laſos, laeduntur & ipſi :
Multaque corporibus tranſitione nocent.*

pareillement l'imagination eſbranlée avecques vehemence, eſſance des traits, qui puiſſent offencer l'obiet eſtrangier. L'ancienneté a tenu de certaines femmes en Scythie, qu'animées & courrouſſées contre quelqu'un, elles le tuoient du ſeul regard. Les torues, & les autruches couuent leurs œufs de la ſeule veuë, ſigne qu'ils y ont quelque vertu eiaculatrice. Et quant aux forciers, on les dit auoir des yeux offenſifs & nuifans.

Nefcio quis teneros oculus mihi facinat agnos.

Ce ſont pour moy mauuais reſpondans que magiciens. Tant y a que nous voyons par experience, les femmes enuoyer aux corps des enfans, qu'elles portent

au ventre, des marques de leurs fantasies : tesmoin celle qui engendra le More. Et il fut présenté à Charles Roy de Boheme & Empereur, vne fille d'aupres de Pise toute velue & herissée, que sa mere disoit auoir esté ainsi conceüe, à cause d'un' image de Saint Iean Baptiste pendue en son liét. Des animaux il en est de mesmes : tesmoing les brebis de Iacob, & les perdrix & lieures, que la neige blanchit aux montagnes. On vit dernièrement chez moy vn chat guesant vn oyseau au hault d'un arbre, & s'estans ficher la veüe ferme l'un contre l'autre, quelque espace de temps, l'oyseau s'estre laissé choir comme mort entre les pates du chat, ou enyuré par sa propre imagination, ou attiré par quelque force attractiue du chat. Ceux qui ayment la volerie ont ouy faire le conte du fauconnier, qui arrestant obstinément sa veüe contre Vn milan en l'air, gageoit, de la seule force de sa veüe le ramener contrebas : & le faisoit, à ce qu'on dit. Car les histoires que i'emprunte, ie les renuoye sur la conscience de ceux de qui ie les prens. Les discours sont à moy, & se tiennent par la preuue de la raison, non de l'experience; chacun y peut ioindre ses exemples : & qui n'en a point, qu'il ne laisse pas de croire qu'il en est assez, veu le nombre & varieté des accidens. Si ie ne comme bien, qu'un autre comme pour moy. Aussi en l'estude que ie traite, de noz mœurs & mouuements, les tesmoignages fabuleux, pourueu qu'ils soient possibles, y seruent comme les vrais. Aduenu ou non aduenu, à Rome ou à Paris, à Iean ou à Pierre, c'est tousiours vn tour de l'humaine capacité : duquel ie suis vtilement aduisé par ce recit. Ie le voy, & en fay mon profit, également en vmbre qu'en corps. Et aux diuerses leçons, qu'ont souuent les histoires, ie prens

à me seruir de celle qui est la plus rare & memorable. Il y a des auteurs, desquels la fin c'est dire les euenemens. La mienne, si i'y scauoye aduenir, seroit dire sur ce qui peut aduenir. Il est iustement permis aux Escholes, de supposer des similitudes, quand ilz n'en ont point. Je n'en fay pas ainsi pourtant, & surpasse de ce costé là, en religion superstitieuse, toute foy historique. Aux exemples que ie tire ceans, de ce que i'ay leu, ouï, fait, ou dict, ie me suis defendu d'oser alterer iusques aux plus legeres & inutiles circonstances, ma conscience ne falsifie pas vn iota, mon inscience ie ne sçay. Sur ce propos, i'entre par fois en pensée, qu'il puisse assez bien conuenir à vn Theologien, à vn Philosophe, & telles gens d'exquise & exacte conscience & prudence, d'escrire l'histoire. Comment peuuent-ils engager leur foy sur vne foy populaire? comment respondre des pensées de personnes incognues; & donner pour argent contant leurs coniectures? Des actions à diuers membres, qui se passent en leur presence, ils refuseroient d'en rendre tesmoignage, affermentez par vn iuge. Et n'ont homme si familier, des intentions duquel ils entreprennent de pleinement respondre. Je tien moins hazardeux d'escrire les choses passées, que presentes: d'autant que l'escriuain n'a à rendre compte que d'une verité empruntée. Aucuns me conuient d'escrire les affaires de mon temps: estimants que ie les voy d'une veüe moins blessée de passion, qu'un autre, & de plus pres, pour l'accès que fortune m'a donné aux chefs de diuers partis. Mais ils ne disent pas, que pour la gloire de Salluste ie n'en prendroys pas la peine: ennemy iuré d'obligation, d'affiduité, de constance: qu'il n'est rien si contraire à mon stile, qu'une narration estendue. Je me recoupe si sou-

uent, à faute d'haleine. Je n'ay ny composition ny explication, qui vaille. Ignorant au delà d'un enfant, des frases & vocables, qui seruent aux choses plus communes. Pourtant ay-ie prins à dire ce que ie sçay dire : accommodant la matiere à ma force. Si i'en prenois qui me guidaist, ma mesure pourroit faillir à la sienne. Que ma liberté, estant si libre, i'eusse publié des iugements, à mon gré mesme, & selon raison, illegitimes & punissables. Plutarque nous diroit volontiers de ce qu'il en a fait, que c'est l'ouurage d'autrui, que ses exemples soient en tout & par tout veritables : qu'ils soient vtils à la posterité, & presentez d'un lustre, qui nous esclaire à la vertu, que c'est son ouurage. Il n'est pas dangereux, comme en vne drogue medicinale, en un compte ancien, qu'il soit ainfin ou ainfi.





Le profit de l'un est dommage de l'autre.

CHAPITRE XXII



EMADES Athenien condamna vn homme de sa ville, qui faisoit mestier de vendre les choses necessaires aux enterremens, sous tiltre de ce qu'il en demandoit trop de profit, & que ce profit ne luy pouuoit venir sans la mort de beaucoup de gens. Ce iugement semble estre mal pris; d'autant qu'il ne se faict aucun profit qu'au dommage d'autrui, & qu'à ce compte il faudroit condamner toute sorte de guain. Le marchand ne faict bien ses affaires, qu'à la débauche de la ieunesse : le laboureur à la cherté des bleds : l'architecte à la ruine des maisons : les officiers de la Iustice aux procez & querelles des hommes : l'honneur mesme & pratique des Ministres de la religion se tire de nostre mort & de noz vices. Nul Medecin ne prent plaisir à la santé de ses amis mesmes, dit l'ancien Comique Grec; ny soldat à la paix de sa ville : ainsi du reste. Et qui pis est, que chacun se sonde au dedans, il trouuera que nos souhairs interieurs pour la plus part naissent & se nourrissent aux despens d'autrui. Ce que considerant, il m'est venu en fantasie, comme

nature ne se dement point en cela de sa generale police : car les Physiciens tiennent, que la naissance, nourrissement, & augmentation de chasque chose, est l'alteration & corruption d'un'autre.

*Nam quodcunque suis mutatum finibus exit,
Continuò hoc mors est illius, quod fuit antè.*





*De la coustume, & de ne changer aisément
vne loy receüe.*

CHAPITRE XXII.



ELVY me semble auoir tres-bien conceu la force de la coustume, qui premier forgea ce compte, qu'une femme de village ayant appris de caresser & porter entre ses bras vn veau des l'heure de sa naissance, & continuant tousiours à ce faire, gaigna cela par l'accoustumance, que tout grand beuf qu'il estoit, elle le portoit encore. Car c'est à la verité vne violente & traistresse maistresse d'escole, que la coustume. Elle establit en nous, peu à peu, à la desrobée, le pied de son autorité : mais par ce doux & humble commencement, l'ayant rassis & planté avec l'ayde du temps, elle nous descouure tantost vn furieux & tyrannique visage, contre lequel nous n'auons plus la liberté de hausser seulement les yeux. Nous luy voyons forcer tous les coups les regles de nature : *Vsus efficacissimus rerum omnium magister*. l'en croy l'antre de Platon en sa republique, & les Medecins, qui quittent si souuent à son autorité les raisons de leur art : & ce Roy qui par son moyen rangea son estomac à se

nourrir de poison : & la fille qu'Albert recite s'estre accoustumée à viure d'araignées : & en ce monde des Indes nouuelles on trouua des grands peuples, & en fort diuers climats, qui en viuoient, en faisoient prouision, & les appaistoient : comme aussi des sauterelles, formiz, laizards, chauuefouriz, & fut vn crapault vendu six escus en vne necessité de viures : ils les cuisent & apprestent à diuerses sauces. Il en fut trouué d'autres auxquels noz chairs & noz viandes estoient mortelles & venimeuses. *Consuetudinis magna vis est. Pernoctant venatores in niue : in montibus vi se patiuntur : Pugiles, castibus confusi, ne ingemiscunt quidem.* Ces exemples estrangers ne font pas estranges, si nous considerons ce que nous essayons ordinairement ; combien l'accoustumance hebeete noz sens. Il ne nous faut pas aller chercher ce qu'on dit des voisins des cataractes du Nil : & ce que les Philosophes estiment de la musique celeste ; que les corps de ces cercles, estants solides, polis, & venants à se lescher & frotter l'un à l'autre en roulant, ne peuuent faillir de produire vne merueilleuse harmonie : aux couppures & muances de laquelle se manient les contours & changements des caroles des astres. Mais qu'uniuersellement les ouies des creatures de çà bas, endormies, comme celles des *Ægyptiens*, par la continuation de ce son, ne le peuuent appercevoir, pour grand qu'il soit. Les mareschaux, meulniers, armuriers, ne sçauroient demeurer au bruit, qui les frappe, s'il les perçoit comme nous. Mon collet de fleurs sert à mon nez : mais apres que ie m'en suis vestu trois iours de suite, il ne sert qu'aux nez assistants. Cецy est plus estrange, que, nonobstant les longs interualles & intermissions, l'accoustumance puisse ioindre & establir l'effect de son

impression sur noz sens : comme essayent les voyfins des clochiers. Je loge chez moy en vne tour, où à la diane & à la retraitte vne fort grosse cloche sonne tous les iours l'Aué Maria. Ce tintamarre estonne ma tour mesme : & aux premiers iours me semblant insupportable, en peu de temps m'appriuoise de maniere que ie l'oy sans offense, & souuent sans m'en esueiller. Platon tanfa vn enfant, qui iouoit aux noix. Il luy respondit : Tu me tanfes de peu de chose. L'accoustumance, repliqua Platon, n'est pas chose de peu. Je trouue que noz plus grands vices prennent leur ply des nostre plus tendre enfance, & que nostre principal gouuernement est entre les mains des nourrices. C'est passetemps aux meres de veoir vn enfant tordre le col à vn poulet, & s'esbatre à bleffer vn chien & vn chat. Et tel pere est si sot, de prendre à bon augure d'une ame martiale, quand il voit son fils gourmer iniurieusement vn païsant, ou vn laquay, qui ne se defend point : & à gentilleffe, quand il le void affiner son compagnon par quelque malicieuse desloyauté, & tromperie. Ce sont pourtant les vrayes semences & racines de la cruauté, de la tyrannie, de la trahyson. Elles se germent là, & s'esleuent apres gaillardement, & profitent à force entre les mains de la coustume. Et est vne tres-dangereuse institution, d'excufer ces villaines inclinations, par la foiblesse de l'aage, & legereté du subiect. Premierement c'est nature qui parle ; de qui la voix est lors plus pure & plus naifue, qu'elle est plus gresse & plus neufue. Secondement, la laideur de la piperie ne depend pas de la difference des escutz aux espingles : elle depend de foy. Je trouue bien plus iuste de conclurre ainsi : Pourquoi ne tromperoit il aux escutz, puis qu'il trompe aux espingles? que, comme

ils font; Ce n'est qu'aux épingles : il n'auroit garde de le faire aux escutz. Il faut apprendre soigneusement aux enfans de haïr les vices de leur propre contexture, & leur en faut apprendre la naturelle difformité, à ce qu'ils les fuient non en leur action seulement, mais sur tout en leur cœur : que la pensée mesme leur en soit odieuse, quelque masque qu'ils portent. Je sçay bien, que pour m'estre duiét en ma puerilité, de marcher tousiours mon grand & plain chemin, & auoir eu à contrecœur de mesler ny tricoterie ny finesse à mes ieux enfantins, (comme de vray il faut noter, que les ieux des enfans ne sont pas ieux : & les faut iuger en eux, comme leurs plus serieuses actions) il n'est passeremps si leger, où ie n'apporte du dedans, & d'une propension naturelle, & sans estude, une extreme contradiction à tromper. Je manie les chartes pour les doubles, & tien compte, comme pour les doubles doublons, lors que le gagner & le perdre, contre ma femme & ma fille, m'est indifferant, comme lors qu'il va de bon. En tout & par tout, il y a assés de mes yeux à me tenir en office : il n'y en a point, qui me veillent de si pres, ny que ie respecte plus. Je viens de voir chez moy vn petit homme natif de Nantes, né sans bras, qui a si bien façonné ses pieds, au seruice que luy deuoient les mains, qu'ils en ont à la verité à demy oublié leur office naturel. Au demourant il les nomme ses mains, il trenche, il charge vn pistolet & le lasche, il enfille son eguille, il coud, il escrit, il tire le bonnet, il se peigne, il ioué aux cartes & aux dez, & les remue avec autant de dexterité que sçauroit faire quelqu'autre : l'argent que luy ay donné, il l'a emporté en son pied, comme nous faisons en nostre main. l'en vy vn autre estant enfant, qui manioit

vn'espee à deux mains, & vn'hallebarde, du ply du col à faute de mains, les iettoit en l'air & les reprenoit, lançoit vne dague, & faisoit craqueter vn fouët aussi bien que charretier de France. Mais on descouure bien mieux ses effets aux estranges impressions, qu'elle fait en nos ames, où elle ne trouue pas tant de resistance. Que ne peut elle en nos iugemens & en nos creances? y a il opinion si bizarre: ie laisse à part la grossiere imposture des religions, dequoy tant de grandes nations, & tant de suffisants personnages se sont veuz enyurer: car cette partie estant hors de nos raisons humaines, il est plus excusable de s'y perdre, à qui n'y est extraordinairement éclairé par faueur diuine: mais d'autres opinions y en a il de si estranges, qu'elle n'aye planté & estably par loix és regions que bon luy a semblé? Et est tres-iuste cette ancienne exclamation: *Non pudet physicum, id est speculatorem venatorumque naturæ, ab animis consuetudine imbutis querere testimonium veritatis?* L'estime qu'il ne tombe en l'imagination humaine aucune fantasie si forcenee qui ne rencontre l'exemple de quelque vsage public, & par consequent que nostre raison n'estaye & ne fonde. Il est des peuples où on tourne le doz à celuy qu'on saluë, & ne regarde l'on iamais celuy qu'on veut honorer. Il en est où quand le Roy crache, la plus fauorie des dames de sa Cour tend la main: & en autre nation les plus apparens qui sont autour de luy se baissent à terre, pour amasser en du linge son ordure. Defrobons icy la place d'un compte. Vn Gentil-homme François se mouchoit tousiours de sa main, chose tres-ennemie de nostre vsage, defendant là dessus son fait: & estoit fameux en bonnes rencontres. Il me demanda, quel priuilege auoit ce sale excrement, que nous allassions luy appre-

stant vn beau linge delicat à le receuoir; & puis, qui plus est, à l'empaqueter & ferrer soigneusement sur nous. Que cela deuoit faire plus de mal au cœur, que de le voir verser où que ce fust : comme nous faisons toutes nos autres ordures. Le trouuay, qu'il ne parloit pas du tout sans raison : & m'auoit la coustume osté l'apperceuance de cette estrangeté, laquelle pourtant nous trouuons si hideuse, quand elle est recitee d'un autre país. Les miracles font, selon l'ignorance en quoy nous sommes de la nature, non selon l'estre de la nature. L'assuesfaction endort la veuë de nostre iugement. Les Barbares ne nous font de rien plus merueilleux que nous sommes à eux : ny avec plus d'occasion, comme chascun aduoüeroit, si chascun scauoit, apres s'estre promené par ces loingtains exemples, se coucher sur les propres, & les conferer sainement. La raison humaine est vne teinture infuse enuiron de pareil pois à toutes nos opinions & mœurs, de quelque forme qu'elles soient : infinie en matiere, infinie en diuersité. Je m'en retourne. Il est des peuples, où sauf sa femme & ses enfans aucun ne parle au Roy que par sarbatane. En vne mesme nation & les vierges montrent à descouuert leurs parties honteuses, & les mariees les couurent & cachent soigneusement. A quoy cette autre coustume qui est ailleurs a quelque relation : la chasteté n'y est en prix que pour le seruice du mariage : car les filles se peuuent abandonner à leur poste, & engroissees se faire auorter par medicamens propres, au veu d'un chascun. Et ailleurs si c'est vn marchand qui se marie, tous les marchans conuiez à la nopce, couchent avec l'espousee auant luy : & plus il y en a, plus a elle d'honneur & de recommandation de fermeté & de capacité : si vn officier se marie, il en va de mesme ;

de meſme ſi c'eſt vn noble; & ainſi des autres : ſauf ſi c'eſt vn laboureur ou quelqu'un du bas peuple : car lors c'eſt au Seigneur à faire : & ſi on ne laiſſe pas d'y recommander eſtroitement la loyauté, pendant le mariage. Il en eſt, où il ſe void des bordaux publics de maſſes, voire & des mariages : où les femmes vont à la guerre quand & leurs maris, & ont rang, non au combat ſeulement, mais auſſi au commandement. Où non ſeulement les bagues ſe portent au nez, aux leures, aux ioues, & aux orteils des pieds : mais des verges d'or bien poiſantes au trauers des tetins & des fefſes. Où en mangeant on s'eſſuye les doigts aux cuiſſes, & à la bourſe des genitoires, & à la plante des pieds. Où les enfans ne ſont pas heritiers, ce ſont les freres & nepueux : & ailleurs les nepueux ſeulement : ſauf en la ſucceſſion du Prince. Où pour regler la communauté des biens, qui ſ'y obſerue, certains Magiſtrats ſouuerains ont charge vniuerſelle de la culture des terres, & de la diſtribution des fruitſ, ſelon le beſoing d'un chacun. Où l'on pleure la mort des enfans, & feſtoye l'on celle des vieillarts. Où ils couchent en des liſts dix ou douze enſemble avec leurs femmes. Où les femmes qui perdent leurs maris par mort violente, ſe peuvent remarier, les autres non. Où l'on eſtime ſi mal de la condition des femmes, que l'on y tuë les femmes qui y naiſſent, & achepte l'on des voiſins, des femmes pour le beſoing. Où les maris peuvent repudier ſans alleguer aucune cauſe, les femmes non pour cauſe quelconque. Où les maris ont loy de les vendre, ſi elles ſont ſteriles. Où ils ſont cuire le corps du treſpaſſé, & puis piler, iuſques à ce qu'il ſe forme comme en bouillie, laquelle ils meſlent à leur vin, & la boient. Où la plus deſirable ſepulture eſt d'eſtre mangé

des chiens : ailleurs des oyseaux. Où l'on croit que les ames heureuses vivent en toute liberté, en des champs plaisans, fournis de toutes commoditez : & que ce sont elles qui font cet echo que nous oyons. Où ils combattent en l'eau, & tirent seurement de leurs arcs en nageant. Où pour signe de subiection il faut hausser les espauls, & baïsser la teste : & deschauffer ses fouliers quand on entre au logis du Roy. Où les unuques qui ont les femmes religieuses en garde, ont encore le nez & leures à dire, pour ne pouuoir estre aymez : & les prestres se creuent les yeux pour accointer les demons, & prendre les oracles. Où chacun faißt vn Dieu de ce qu'il luy plaist, le chasseur d'un lyon ou d'un renard, le pescheur de certain poisson : & des idoles de chaque action ou passion humaine : le soleil, la lune, & la terre, sont les Dieux principaux : la forme de iurer, c'est toucher la terre regardant le soleil : & y mange l'on la chair & le poisson crud. Où le grand ferment, c'est iurer le nom de quelque homme trespasé, qui a esté en bonne reputation au pais, touchant de la main sa tombe. Où les estrenes que le Roy enuoye aux Princes ses vassaux, tous les ans, c'est du feu, lequel apporté, tout le vieil feu est esteint : & de ce nouveau sont tenus les peuples voisins venir puiser chacun pour soy, sur peine de crime de leze maiesté. Où, quand le Roy pour s'adonner du tout à la deuotion, se retire de sa charge, ce qui auient souvent, son premier successeur est obligé d'en faire autant : & passe le droit du Royaume au troisième successeur. Où lon diuersifie la forme de la police, selon que les affaires semblent le requérir : on depose le Roy quand il semble bon : & luy substitue lon des anciens à prendre le gouuernail de l'Estat :

& le laisse lon par fois auffi és mains de la commune. Où hommes & femmes sont circoncis, & pareillement baptisés. Où le soldar, qui en vn ou diuers combats, est arriué à presenter à son Roy sept testes d'ennemis, est fait noble. Où lon vit sous cette opinion si rare & insociable de la mortalité des ames. Où les femmes s'accouchent sans plainte & sans effroy. Où les femmes en l'une & l'autre iambe portent des greues de cuiure : & si vn pouil les mord, sont tenues par deuoir de magnanimité de le remordre : & n'osent espouser, qu'elles n'ayent offert à leur Roy, s'il le veut, leur pucelage. Où l'on saluë mettant le doigt à terre : & puis le haussant vers le ciel. Où les hommes portent les charges sur la teste, les femmes sur les espaules : elles pissent debout, les hommes, accroupis. Où ils enuoient de leur sang en signe d'amitié, & encensent comme les Dieux, les hommes qu'ils veulent honorer. Où non seulement iusques au quatriesme degré, mais en aucun plus esloigné, la parenté n'est soufferte aux mariages. Où les enfans sont quatre ans à nourrisse, & souuent douze : & là mesme il est estimé mortel de donner à l'enfant à tetter tout le premier iour. Où les peres ont charge du chastiment des masles, & les meres à part, des femelles : & est le chastiment de les fumer pendus par les pieds. Où on fait circoncire les femmes. Où lon mange toute sorte d'herbes sans autre discretion, que de refuser celles qui leur semblent auoir mauuaise senteur. Où tout est ouuert : & les maisons pour belles & riches qu'elles soyent sans porte, sans fenestre, sans coffre qui ferme : & sont les larrons doublement punis qu'ailleurs. Où ils tuent les pouils avec les dents comme les Magots, & trouuent horrible de les voir escacher sous les

ongles. Où lon ne coupe en toute la vie ny poil ny ongle : ailleurs où lon ne coupe que les ongles de la droite, celles de la gauche se nourrissent par gentillesse. Où ils nourrissent tout le poil du costé droit, tant qu'il peut croistre : & tiennent raz le poil de l'autre costé. Et en voisines prouinces, celle icy nourrit le poil de deuant, celle là le poil de derriere : & rasent l'opposite. Où les peres prestent leurs enfans, les maris leurs femmes, à iouyr aux hostes, en payant. Où on peut honnestement faire des enfans à sa mere, les peres se mesler à leurs filles, & à leurs fils. Où aux assembles des festins ils s'entrepresentent sans distinction de parenté les enfans les vns aux autres. Icy on vit de chair humaine : là c'est office de pieté de tuer son pere en certain aage : ailleurs les peres ordonnent des enfans encore au ventre des meres, ceux qu'ils veulent estre nourriz & conseruez, & ceux qu'ils veulent estre abandonnez & tuez : ailleurs les vieux maris prestent leurs femmes à la ieunesse pour s'en seruir : & ailleurs elles sont communes sans peché : voire en tel pais portent pour marque d'honneur autant de belles houpes frangees au bord de leurs robes, qu'elles ont accointé de masles. N'a pas fait la coustume encore vne chose publique de femmes à part leur a elle pas mis les armes à la main ? fait dresser des armées, & liurer des batailles ? Et ce que toute la philosophie ne peut planter en la teste des plus sages, ne l'apprend elle pas de sa seule ordonnance au plus grossier vulgaire ? car nous scauons des nations entieres, où non seulement la mort estoit mesprisee, mais festoyee : où les enfans de sept ans souffroient à estre fouiettez iusques à la mort, sans changer de visage : où la richesse estoit en tel mespris, que le plus chetif citoyen

de la ville n'eust daigné baïsser le bras pour amasser vne bource d'escus. Et sçauons des regions tres-fertiles en toutes façons de viures, où toutesfois les plus ordinaires mės & les plus sauoureux, c'estoient du pain, du nasitort & de l'eau. Fit elle pas encore ce miracle en Cio, qu'il s'y passa sept cens ans, sans memoire que femme ny fille y eust fait faute à son honneur? Et somme, à ma fantasie, il n'est rien qu'elle ne face, ou qu'elle ne puisse : & auec raison l'appelle Pindarus, à ce qu'on m'a dict, la Royne & Emperiere du monde. Celuy qu'on rencontra battant son pere, respondit, que c'estoit la coustume de sa maison : que son pere auoit ainsi batu son ayeul ; son ayeul son bisayeul : & montrant son fils : Cettuy cy me battra quand il sera venu au terme de l'aage où ie suis. Et le pere que le fils tiraffoit & sabouloit emmy la ruë, luy commanda de s'arrester à certain huis ; car luy, n'auoit trainé son pere que iusques là : que c'estoit la borne des iniurieux traitemens hereditaires, que les enfants auoient en vsage faire aux peres en leur famille. Par coustume, dit Aristote, aussi souuent que par maladie, des femmes s'arrachent le poil, rongent leurs ongles, mangent des charbons & de la terre : & plus par coustume que par nature les masles se meslent aux masles. Les loix de la conscience, que nous disons naistre de nature, naissent de la coustume : chacun ayant en veneration interne les opinions & mœurs approuuees & receuës autour de luy, ne s'en peut desprendre sans remors, ny s'y appliquer sans applaudissement. Quand ceux de Crete vouloient au temps passé maudire quelqu'un, ils prioient les Dieux de l'engager en quelque mauuaise coustume. Mais le principal effect de la puissance, c'est de nous saisir & empieter de telle

forte, qu'à peine soit-il en nous, de nous r'auoir de sa prinse, & de r'entrer en nous, pour discourir & raisonner de ses ordonnances. De vray, parce que nous les humons auec le laiſt de nostre naiſſance, & que le viſage du monde ſe preſente en cet eſtat à nostre premiere veüë, il ſemble que nous ſoyons naiz à la condition de ſuyure ce train. Et les communes imaginations, que nous trouuons en credit autour de nous, & infuſes en nostre ame par la ſemence de nos peres, il ſemble que ce ſoyent les generalles & naturelles. Par où il aduiet, que ce qui eſt hors les gonds de la couſtume, on le croid hors les gonds de la raiſon : Dieu ſçait combien defraiſonnablement le plus ſouuent. Si comme nous, qui nous eſtudions, auons apprins de faire, chaſcun qui oid vne iuſte ſentence, regardoit incontinent par où elle luy appartient en ſon propre : chaſcun trouueroit, que cette cy n'eſt pas tant vn bon mot comme vn bon coup de fouet à la beſtiſe ordinaire de ſon iugement. Mais on reçoit les aduis de la verité & ſes preceptes, comme adreſſés au peuple, non iamais à ſoy : & au lieu de les coucher ſur ſes mœurs, chaſcun les couche en ſa memoire, tres-ſotteement & tres-inutilement. Reuenons à l'empire de la couſtume. Les peuples nourris à la liberté & à ſe commander eux meſmes, eſtiment toute autre forme de police monſtrueuſe & contre nature. Ceux qui ſont duits à la monarchie en ſont de meſme. Et quelque facilité que leur preſté fortune au changement, lors meſme qu'ils ſe ſont auec grandes difficultez deffaitz de l'importunité d'vn maiſtre, ils courent à en replanter vn nouueau auec pareilles difficultez, pour ne ſe pouuoir reſoudre de prendre en haine la maiſtriſe. C'eſt par l'entremiſe de la couſtume que chaſcun eſt contant du lieu où

nature l'a planté : & les fauuaiges d'Escoffe n'ont que faire de la Touraine, ny les Scythes de la Theſſalie. Darius demandoit à quelques Grecs, pour combien ils voudroient prendre la couſtume des Indes, de manger leurs peres treſpaſſez (car c'eſtoit leur forme, eſtimans ne leur pouuoir donner plus fauorable ſepulture, que dans eux-mêmes) ils luy reſpondirent que pour choſe du monde ils ne le feroient : mais s'eſtant auſſi eſſayé de perſuader aux Indiens de laiſſer leur façon, & prendre celle de Grece, qui eſtoit de bruler les corps de leurs peres, il leur fit encore plus d'horreur. Chacun en fait ainſi, d'autant que l'vſage nous defrobbe le vray viſage des choſes.

*Nil adeo magnum, nec tam mirabile quicquam
Principio, quod non minuunt mirarier omnes
Paulatim.*

Autrefois ayant à faire valoir quelqu'vné de nos obſeruations, & receuë avec reſoluë authorité bien loing autour de nous : & ne voulant point, comme il ſe fait, l'eſtablir ſeulement par la force des loix & des exemples, mais queſtant touſiours iuſques à ſon origine, i'y trouuay le fondement ſi foible, qu'à peine que ie ne m'en degouſtaſſe, moy, qui auois à la confirmer en autrui. C'eſt cette recepte, par laquelle Platon entreprend de chaffer les des-naturees & prepoſteres amours de ſon temps : qu'il eſtime ſouueraine & principale : aſſauoir, que l'opinion publique les condamne : que les Poëtes, que chacun en face de mauuais comptes. Recepte, par le moyen de laquelle, les plus belles filles n'attirent plus l'amour des peres, ny les freres plus excellents en beauté, l'amour des ſœurs. Les fables mêmes de Thyeftes, d'Oedipus,

de Macareus, ayant, avec le plaisir de leur chant, infus cette vtile creance, en la tendre ceruelle des enfans. De vray, la pudicité est vne belle vertu, & de laquelle l'vtilité est assez connuë : mais de la traitter & faire valoir selon nature, il est autant mal-ayfé, comme il est ayfé de la faire valoir selon l'vsage, les loix, & les preceptes. Les premieres & vniuerselles raisons sont de difficile perscrutation. Et les passent noz maistres en escumant, ou en ne les osant pas seulement taster, se iettent d'abodee dans la franchise de la coustume : là ils s'enfient, & triomphent à bon compte. Ceux qui ne se veulent laisser tirer hors cette originelle source, faillent encore plus : & s'obligent à des opinions sauuages, tefmoin Chrysippus : qui sema en tant de lieux de ses escrits, le peu de compte en quoy il tenoit les conionctions incestueuses, quelles qu'elles fussent. Qui voudra se deffaire de ce violent preiudice de la coustume, il trouuera plusieurs choses receuës d'vne resolution indubitable, qui n'ont appuy qu'en la barbe chenüe & rides de l'vsage, qui les accompagne : mais ce masque arraché, rapportant les choses à la verité & à la raison, il sentira son iugement, comme tout bouleuersé, & remis pourtant en bien plus seur estat. Pour exemple, ie luy demanderay lors, quelle chose peut estre plus estrange, que de voir vn peuple obligé à suiure des loix qu'il n'entendit oncques : attaché en tous ses affaires domestiques, mariages, donations, testaments, ventes, & achapts, à des regles qu'il ne peut sçauoir, n'estans escrites ny publiees en sa langue, & desquelles par necessité il luy faille acheter l'interpretation & l'vsage. Non selon l'ingenieuse opinion d'Isocrates, qui conseille à son Roy de rendre les trafiques & negociations de ses subiects libres,

franches, & lucratiues; & leurs debats & querelles, onereufes, chargees de poifans fubfides : mais felon vne opinion prodigieufe, de mettre en trafique, la raifon mefme, & donner aux loix cours de marchandife. Je fçay bon gré à la fortune, dequoy, comme difent nos hiftoriens, ce fut vn Gentil-homme Gascon & de mon pays, qui le premier s'oppofa à Charlemaigne, nous voulant donner les loix Latines & imperiales. Qu'est-il plus farouche que de voir vne nation, où par legitime couftume la charge de iuger fe vende; & les iugemens foyent payez à purs deniers contans; & où legitiment la iuftice foit refufée à qui n'a dequoy la payer : & aye cette marchandife fi grand credit, qu'il fe face en vne police vn quatrième estat, de gens manians les procès, pour le ioindre aux trois anciens, de l'Eglife, de la Nobleffe, & du Peuple : lequel estat ayant la charge des loix & fouueraine autorité des biens & des vies, face vn corps à part de celuy de la nobleffe : d'où il aduienne qu'il y ayt doubles loix, celles de l'honneur, & celles de la iuftice, en plusieurs chofes fort contraires : auffi rigoureufement condamnent celles-là vn demanti fouffert, comme celles icy vn demanti reuanché : par le deuoir des armes, celuy-là foit degradé d'honneur & de nobleffe qui fouffre vn'iniure, & par le deuoir ciuil, celuy qui s'en venge encoure vne peine capitale; qui s'adrefse aux loix pour auoir raifon d'une offence faicte à fon honneur, il fe defhonnore : & qui ne s'y adrefse, il en eft puny & chaflié par les loix : & de ces deux pieces fi diuerfes, fe rapportans toutesfois à vn feul chef, ceux-là ayent la paix, ceux-cy la guerre en charge : ceux-là ayent le gain, ceux-cy l'honneur : ceux-là le fçauoir, ceux-cy la vertu : ceux-là la parole, ceux-cy l'action : ceux-là la iuftice,

ceux-cy la vaillance : ceux-là la raison, ceux-cy la force : ceux-là la robbe longue, ceux-cy la courte en partage. Quant aux choses indifferentes, comme vestemens, qui les voudra ramener à leur vraye fin, qui est le seruice & commodité du corps, d'où depend leur grace & bien-seance originelle, pour les plus fantastiques à mon gré qui se puissent imaginer, ie luy donray entre autres nos bonnets carrez : cette longue queue de veloux plissé, qui pend aux testes de nos femmes, avec son attirail bigarré : & ce vain modelle & inutile, d'un membre que nous ne pouvons seulement honnestement nommer, duquel toutes-fois nous faisons montre & parade en public. Ces considerations ne destournent pourtant pas un homme d'entendement de suiure le stile commun. Ains au rebours, il me semble que toutes façons escartees & particulieres partent plustost de folie, ou d'affectation ambitieuse, que de vraye raison : & que le sage doit au dedans retirer son ame de la presse, & la tenir en liberté & puissance de iuger librement des choses : mais quant au dehors, qu'il doit suiure entierement les façons & formes receuës. La société publique n'a que faire de nos pensées : mais le demeurant, comme nos actions, nostre travail, nos fortunes & nostre vie, il la faut prester & abandonner à son seruice & aux opinions communes : comme ce bon & grand Socrates refusa de sauuer sa vie par la desobeissance du magistrat, voire d'un magistrat tres-iniuste & tres-inique. Car c'est la regle des regles, & generale loy des loix, que chacun obserue celles du lieu où il est : νόμοις ἑσθαι τοῖσιν ἐγχώρις καλόν. En voicy d'une autre cuuee. Il y a grand doute, s'il se peut trouuer si euident profit au changement d'une loy receüe telle qu'elle soit, qu'il y a de mal à la remuer :

d'autant qu'une police, c'est comme un bastiment de diverses pieces jointes ensemble d'une telle liaison, qu'il est impossible d'en esbranler une que tout le corps ne s'en sente. Le legistateur des Thuriens ordonna, que quiconque voudroit ou abolir une des vieilles loix, ou en establir une nouvelle, se presenteroit au peuple la corde au col : afin que si la nouuelleté n'estoit approuvee d'un chacun, il fust incontinent estranglé. Et celui de Lacedemone employa sa vie pour tirer de ses citoyens une promesse asseuree, de n'enfreindre aucune de ses ordonnances. L'Ephore qui coupa si rudement les deux cordes que Phrynys avoit adiousté à la musique, ne s'esmoie pas, si elle en vaut mieux, ou si les accords en sont mieux remplis : il luy suffit pour les condamner, que ce soit une alteration de la vieille façon. C'est ce que signifioit cette espee rouillee de la Justice de Marseille. Je suis desgousté de la nouuelleté, quelque visage qu'elle porte ; & ay raison, car i'en ay veu des effets tres-dommageables. Celle qui nous presse depuis tant d'ans, elle n'a pas tout exploité : mais on peut dire avec apparence, que par accident, elle a tout produit & engendré ; voire & les maux & ruines, qui se font depuis sans elle, & contre elle : c'est à elle à s'en prendre au nez,

Heu patior telis vulnera facta meis !

Ceux qui donnent le branle à un Estat, sont volontiers les premiers absorbez en sa ruine. Le fruit du trouble ne demeure guere à celui qui l'a esmeu ; il bat & brouille l'eau pour d'autres pecheurs. La liaison & contexture de cette monarchie & ce grand bastiment, ayant esté desmis & dissout, notamment

sur ses vieux ans par elle, donne tant qu'on veut d'ouverture & d'entree à pareilles iniures. La maïesté royale s'auale plus difficilement du sommet au milieu, qu'elle ne se precipite du milieu à fons. Mais si les inuenteurs sont plus dommageables, les imitateurs sont plus vicieux, de se ietter en des exemples, desquels ils ont senti & puni l'horreur & le mal. Et s'il y a quelque degré d'honneur, mesmes au mal faire, ceux cy doiuent aux autres, la gloire de l'inuention, & le courage du premier effort. Toutes sortes de nouuelle desbauche puyssent heureusement en cette premiere & fœconde source, les images & patrons à troubler nostre police. On lit en nos loix mesmes, faictes pour le remede de ce premier mal, l'apprentissage & l'excuse de toutes sortes de mauuaises entreprises. Et nous aduient ce que Thucydides dit des guerres ciuiles de son temps, qu'en faueur des vices publiques, on les battisoit de mots nouueaux plus doux pour leur excuse, abastardissant & amollissant leurs vrais titres. C'est pourtant, pour reformer nos consciences & nos creances, *honestioratio est*. Mais le meilleur pretexte de nouuelleté est tres-dangereux.

Adeo nihil motum ex antiquo probabile est.

Si me semble-il, à le dire franchement, qu'il y a grand amour de soy & presomption, d'estimer ses opinions iusques-là, que pour les establis, il faille renuerfer vne paix publique, & introduire tant de maux ineuitables, & vne si horrible corruption de mœurs que les guerres ciuiles apportent, & les mutations d'Etat, en chose de tel pois, & les introduire en son pays propre. Est-ce pas

mal mesné, d'aduancer tant de vices certains & cognus, pour combattre des erreurs contestées & debatables? Est-il quelque pire espèce de vices, que ceux qui choquent la propre conscience & naturelle cognoissance? Le Senat osa donner en payement cette deffaitte, sur le different d'entre luy & le peuple, pour le ministere de leur religion : *Ad deos, id magis quàm ad se pertinere, ipsos visuros, ne sacra sua polluantur* : conformément à ce que respondit l'oracle à ceux de Delphes, en la guerre Medoise, craignans l'inuasion des Perses. Ils demanderent au Dieu, ce qu'ils auoient à faire des tresors sacrez de son temple, ou les cacher, ou les emporter. Il leur respondit, qu'ils ne bougeassent rien, qu'ils se souciaissent d'eux : qu'il estoit suffisant pour prouuoir à ce qui luy estoit propre. La religion Chrestienne a toutes les marques d'extreme iustice & vtilité : mais nulle plus apparente, que l'exacte recommandation de l'obeissance du magistrat, & manutention des polices. Quel merueilleux exemple nous en a laissé la sapience diuine; qui pour establir le salut du genre humain, & conduire cette sienne glorieuse victoire contre la mort & le peché, ne l'a voulu faire qu'à la mercy de nostre ordre politique : & a soubmis son progres & la conduite d'un si haut effet & si salutaire, à l'aveuglement & iniustice de nos obseruations & vsances : y laissant courir le sang innocent de tant d'esleuz ses fauoriz, & souffrant vne longue perte d'années à meurir ce fruit inestimable? Il y a grand à dire entre la cause de celuy qui suit les formes & les loix de son pays, & celuy qui entreprend de les regenter & changer. Celuy là allegue pour son excuse, la simplicité, l'obeissance & l'exemple : quoy qu'il face ce ne peut estre malice, c'est pour le plus

malheur. *Quis est enim, quem non moueat clarissimis monumentis testata consignatâque antiquitas?* Outre ce que dit Isocrates, que la defectuosité a plus de part à la moderation, que n'a l'exces. L'autre est en bien plus rude party. Car qui se mesle de choisir & de changer, vsurpe l'autorité de iuger : & se doit faire fort, de voir la faute de ce qu'il chasse, & le bien de ce qu'il introduit. Cette si vulgaire consideration m'a fermé en mon siege : & tenu ma ieunesse mesme, plus temeraire, en bride : de ne charger mes espauls d'un si lourd faix, que de me rendre respondant d'une science de telle importance. Et oser en cette cy, ce qu'en sain iugement, ie ne pourroy oser en la plus facile de celles ausquelles on m'auoit instruit, & ausquelles la temerité de iuger est de nul preiudice. Me semblant tres-inique, de vouloir soumettre les constitutions & obseruances publiques & immobiles, à l'instabilité d'une priuée fantasie (la raison priuée n'a qu'une iurisdiction priuée) & entreprendre sur les loix diuines, ce que nulle police ne supporteroit aux ciuiles. Ausquelles, encore que l'humaine raison aye beaucoup plus de commerce, si sont elles souuerainement iuges de leurs iuges : & l'extreme suffisance sert à expliquer & estendre l'vsage, qui en est receu, non à le destourner & innouer. Si quelques fois la prouidence diuine a passé par dessus les regles, ausquelles elle nous a necessairement astreints : ce n'est pas pour nous en dispenser. Ce sont coups de sa main diuine : qu'il nous faut, non pas imiter, mais admirer : & exemples extraordinaires, marques d'un expres & particulier adieu : du genre des miracles, qu'elle nous offre, pour tesmoignage de sa toute puissance, au dessus de noz ordres & de noz forces : qu'il est folie & impieté d'essayer à

nage, non pas du nostre. Contunément : *Quum de religione* ,
P. Scipionem, P. Scauolam, p
Zenonem, aut Cleanthem, au
Dieu le sçache en nostre prese-
cent articles à oster & remettre
articles, combien ils sont qu
d'auoir exactement recogneu l
ments de l'un & l'autre party.
c'est nombre, qui n'auroit pas g
troubler. Mais toute cette autre
soubz quelle enseigne se iette elle
uient de la leur, comme des autres
& mal appliquees : les humeurs
ger en nous, elle les a eschauffées
gries par le conflit, & si nous est
corps. Elle n'a sçeu nous purger
nous a cependant affoiblis : en ma
la pouuons vuidier non plus, & n
operation que des douleurs longue
est-ce que la fortune reseruant tou
rité au dessus de nos discours, nous
fois la necessité si vrgente, qu'il es
loix luy facent quelque place. Et qu
l'accroissance d'une innouation qui vi
à s'introduire, de se tenir en tout & p
& en regle contre ceux qui ont la cl
ausquels tout cela est.

est en sa santé, ne pouruoit pas à ces accidens extraordinaires : elle presuppose vn corps qui se tient en ses principaux membres & offices, & vn commun consentement à son obseruation & obeissance. L'aller legitime, est vn aller froid, poissant & contraint : & n'est pas pour tenir bon, à vn aller licencieux & effrené. On sçait qu'il est encore reproché à ces deux grands personnages, Octavius & Caton, aux guerres ciuiles, l'vn de Sylla, l'autre de Cæsar, d'auoir plustost laissé encourir toutes extremitez à leur patrie, que de la secourir aux despens de ses loix, & que de rien remuer. Car à la verité en ces dernieres necessitez, où il n'y a plus que tenir, il feroit à l'auanture plus sagement fait, de baisser la teste & prester vn peu au coup, que s'ahurtant outre la possibilité à ne rien relascher, donner occasion à la violence de fouler tout aux pieds : & vaudroit mieux faire vouloir aux loix ce qu'elles peuuent, puis qu'elles ne peuuent ce qu'elles veulent. Ainsi fit celuy qui ordonna qu'elles dormissent vingt quatre heures : & celuy qui remua pour cette fois vn iour du calendrier : & cet autre qui du mois de Iuin fit le second May. Les Lacedemoniens mesmes, tant religieux obseruateurs des ordonnances de leur pais, estans pressez de leur loy, qui deffendoit d'eslire par deux fois Admiral vn mesme personnage, & de l'autre part leurs affaires requerans de toute necessité, que Lyfander print de rechef cette charge, ils firent bien vn Aracus Admiral, mais Lyfander surintendant de la marine. Et de mesme subtilité, vn de leurs Ambassadeurs estant enuoyé vers les Atheniens, pour obtenir le changement de quelque ordonnance, & Pericles luy alleguant qu'il estoit deffendu d'oster le tableau, où vne loy estoit vne fois posée, luy con-

seilla de le tourner seulement, d'autant que cela n'estoit pas deffendu. C'est ce dequoy Plutarque loüe Philopœmen, qu'estant né pour commander, il sçauoit non seulement commander selon les loix, mais aux loix mesmes, quand la necessité publique le requeroit.





Diuers euenemens de mesme Conseil.

CHAPITRE XXIII.



AQVES Amiot, grand Aumosnier de France, me recita vn iour cette histoire à l'honneur d'un Prince des nostres (& nostre estoit-il à tres-bonnes enseignes, encore que son origine fust estrangere) que durant nos premiers troubles au siege de Roüan, ce Prince ayant esté aduerti par la Royne mere du Roy d'une entreprise qu'on faisoit sur sa vie, & instruit particulièrement par ses lettres, de celuy qui la deuoit conduire à chef, qui estoit vn Gentil-homme Angeuin ou Manceau, frequentant lors ordinairement pour cet effet, la maison de ce Prince : il ne communiqua à personne cet aduertissement : mais se promenant l'endemain au mont sainte Catherine, d'où se faisoit nostre batterie à Rouan (car c'estoit au temps que nous la tenions assiegee) ayant à ses costez ledit Seigneur grand Aumosnier & vn autre Euesque, il apperçeut ce Gentil-homme, qui luy auoit esté remarqué, & le fit appeller. Comme il fut en sa presence, il luy dit ainsi le voyant desia pallir & fremir des alarmes de sa conscience : Monsieur de tel lieu, vous vous doutez

bien de ce que ie vous veux, & vostre visage le montre : vous n'avez rien à me cacher : car ie suis instruiſt de vostre affaire ſi auant, que vous ne feriez qu'empirer vostre marché, d'eſſayer à le courir. Vous ſçavez bien telle choſe & telle (qui eſtoient les tenans & aboutiſſans des plus ſecretes pieces de cette menee) ne faillez ſur vostre vie à me confeſſer la verité de tout ce deſſein. Quand ce pauvre homme ſe trouua pris & conuaincu, car le tout auoit eſté deſcouuert à la Royne par l'un des complices, il n'eut qu'à ioindre les mains & requerir la grace & miſericorde de ce Prince; aux pieds duquel il ſe voulut ietter, mais il l'en garda, ſuyuant ainſi ſon propos : Venez çà, vous ay-ie autre-fois fait deſplaiſir? ay-ie offencé quelqu'un des vôtres par haine particuliere? Il n'y a pas trois ſemaines que ie vous cognois, quelle raiſon vous a peu mouuoir à entreprendre ma mort? Le Gentil-homme reſpondit à cela d'une voix tremblante, que ce n'eſtoit aucune occaſion particuliere qu'il en euſt, mais l'intereſt de la cauſe generale de ſon party, & qu'aucuns luy auoient perſuadé que ce ſeroit une execution pleine de pieté, d'extirper en quelque maniere que ce fuſt, un ſi puiffant ennemy de leur religion. Or, ſuiuit ce Prince, ie vous veux montrer, combien la religion que ie tiens eſt plus douce, que celle dequoy vous faiſtes profeſſion. La votre vous a conſeillé de me tuer ſans m'ouir, n'ayant receu de moy aucune offence; & la mienne me commande que ie vous pardonne, tout conuaincu que vous eſtes de m'auoir voulu tuer ſans raiſon. Allez vous en, retirez vous, que ie ne vous voye plus icy : & ſi vous eſtes ſage, prenez doreſnauant en voz entrepriſes des conſeillers plus gens de bien que ceux là. L'Empereur

Auguste estant en la Gaule, reçeut certain auertissement d'une coniuration que luy brassoit L. Cinna : il delibera de s'en venger, & manda pour cet effect au lendemain le conseil de ses amis : mais la nuit d'entredeux il la passa avec grande inquietude, considerant qu'il auoit à faire mourir vn ieune homme de bonne maison, & neveu du grand Pompeius : & produisoit en se pleignant plusieurs diuers discours. Quoy donq, faisoit-il, sera-il dict que ie demeureray en crainte & en alarme, & que ie lairray mon meurtrier se pourmener cependant à son aise ? S'en ira-il quitte, ayant assailly ma teste, que i'ay sauuee de tant de guerres ciuiles, de tant de batailles, par mer & par terre ? & apres auoir estably la paix vniuerselle du monde, sera-il absouz, ayant deliberé non de me meurtrir seulement, mais de me sacrifier ? Car la coniuration estoit faicte de le tuer, comme il seroit quelque sacrifice. Apres cela s'estant tenu coy quelque espace de temps, il recommençoit d'une voix plus forte, & s'en prenoit à soy-mesme : Pourquoi vis tu, s'il importe à tant de gens que tu meures ? n'y aura-il point de fin à tes vengeancees & à tes cruautez ? Ta vie vaut-elle que tant de dommage se face pour la conseruer ? Liuia sa femme le sentant en ces angouisses : Et les conseils des femmes y seront-ils receuz, luy dit elle ? Fais ce que font les medecins, quand les receptes accoustumees ne peuuent seruir, ils en essayent de contraires. Par feuerité tu n'as iusques à cette heure rien profité : Lepidus a suiuy Saudienus, Murena Lepidus, Cæpio Murena, Egnatius Cæpio. Commence à experimenter comment te succederont la douceur & la clemence. Cinna est conuaincu, pardonne luy ; de te nuire desormais, il ne pourra, & profitera à ta gloire. Auguste fut bien

ayse d'auoir trouué vn aduocat de son humeur, & ayant remercié sa femme & contremandé ses amis, qu'il auoit assignez au Conseil, commanda qu'on fist venir à luy Cinna tout seul. Et ayant fait sortir tout le monde de sa chambre, & fait donner vn siege à Cinna, il luy parla en cette maniere : En premier lieu ie te demande Cinna, paisible audience : n'interromps pas mon parler, ie te donray temps & loysir d'y respondre. Tu sçais Cinna que t'ayant pris au camp de mes ennemis, non seulement t'estant fait mon ennemy, mais estant né tel, ie te sauuy; ie te mis entre mains tous tes biens, & t'ay en fin rendu si accommodé & si ayse, que les victorieux sont enuieux de la condition du vaincu : l'office du sacerdote que tu me demandas, ie te l'ottroiy, l'ayant refusé à d'autres, desquels les peres auoyent tousiours combatu avec moy : t'ayant si fort obligé, tu as entrepris de me tuer. A quoy Cinna s'estant escrié qu'il estoit bien esloigné d'une si meschante pensée : Tu ne me tiens pas Cinna ce que tu m'auois promis, suyuit Auguste : tu m'auois asseuré que ie ne serois pas interrompu : ouy, tu as entrepris de me tuer, en tel lieu, tel iour, en telle compagnie, & de telle façon : & le voyant transi de ces nouuelles, & en silence, non plus pour tenir le marché de se taire, mais de la presse de sa conscience : Pourquoi, adiousta il, le fais tu ? Est-ce pour estre Empereur ? Vrayement il va bien mal à la chose publique, s'il n'y a que moy, qui t'empesche d'arriuer à l'Empire. Tu ne peux pas seulement deffendre ta maison, & perdis dernièrement vn procès par la faueur d'un simple libertin. Quoy ? n'as tu pas moyen ny pouuoir en autre chose qu'à entreprendre César ? Je le quitte, s'il n'y a que moy qui empesche tes esperances. Penfes-tu, que Paulus,

que Fabius, que les Cosséens & Serviliens te souffrent? & vne si grande troupe de nobles, non seulement nobles de nom, mais qui par leur vertu honnoient leur noblesse? Apres plusieurs autres propos, car il parla à luy plus de deux heures entieres, Or va, luy dit-il, ie te donne, Cinna, la vie à traistre & à parricide, que ie te donnay autres-fois à ennemy : que l'amitié commence de ce iourd'huy entre nous : essayons qui de nous deux de meilleure foy, moy r'aye donné ta vie, ou tu l'ayes receuë. Et se départit d'auec luy en cette maniere. Quelque temps apres il luy donna le consulat, se pleignant dequoy il ne le luy auoit osé demander. Il l'eut depuis pour fort amy, & fut seul fait par luy heritier de ses biens. Or depuis cet accident, qui aduint à Auguste au quarantième an de son aage, il n'y eut iamais de coniuration ny d'entreprise contre luy, & receut vne iuste recompense de cette sienne clemence. Mais il n'en aduint pas de mesmes au nostre : car sa douceur ne le sceut garentir, qu'il ne cheust depuis aux lacs de pareille trahison. Tant c'est chose vaine & friuole que l'humaine prudence : & au trauers de tous nos proiects, de nos conseils & precautions, la fortune maintient tousiours la possession des euemens. Nous appellons les medecins heureux, quand ils arriuent à quelque bonne fin : comme s'il n'y auoit que leur art, qui ne se peust maintenir d'elle mesme, & qui eust les fondemens trop frailes, pour s'appuyer de sa propre force : & comme s'il n'y auoit qu'elle, qui ayt besoin que la fortune preste la main à ses operations. Ie croy d'elle tout le pis ou le mieux qu'on voudra : car nous n'auons, Dieu mercy, nul commerce ensemble. Ie suis au rebours des autres : car ie la mesprise bien tousiours, mais quand ie suis

malade, au lieu d'entrer en composition, ie commence encore à la haïr & à la craindre : & respons à ceux qui me pressent de prendre medecine, qu'ils attendent au moins que ie sois rendu à mes forces & à ma santé, pour auoir plus de moyen de soustenir l'effort & le hazard de leur breuuage. Ie laisse faire nature, & presuppse qu'elle se soit pourueue de dents & de griffes, pour se deffendre des assaux qui luy viennent, & pour maintenir cette contexture, dequoy elle fuit la dissolution. Ie crain au lieu de l'aller secourir, ainsi comme elle est aux prises bien estroites & bien iointes avec la maladie, qu'on secoure son aduersaire au lieu d'elle, & qu'on la recharge de nouueaux affaires. Or ie dy que non en la medecine seulement, mais en plusieurs arts plus certaines, la fortune y a bonne part. Les faillies poëtiques, qui emportent leur auteur, & le rauissent hors de soy, pourquoy ne les attribuerons nous à son bon heur, puis qu'il confesse luy mesme qu'elles surpassent sa suffisance & ses forces, & les recognoit venir d'ailleurs que de soy, & ne les auoir aucunement en sa puissance : non plus que les orateurs ne disent auoir en la leur ces mouuemens & agitations extraordinaires, qui les poussent au delà de leur dessein? Il en est de mesmes en la peinture, qu'il eschappe par fois des traits de la main du peintre surpassans sa conception & sa science, qui le tirent luy mesmes en admiration, & qui l'estonnent. Mais la fortune montre bien encores plus euidentement, la part qu'elle a en tous ces ouurages, par les graces & beautez qui s'y treuuent, non seulement sans l'intention, mais sans la cognoissance mesme de l'ouurier. Vn suffisant lecteur descouure souuent és escrits d'autrui, des perfections autres que celles que l'au-

theur y a mîles & apperceuës, & y preste des sens & des visages plus riches. Quant aux entreprises militaires, chacun void comment la fortune y a bonne part. En nos conseils mesmes & en nos deliberations, il faut certes qu'il y ayt du fort & du bonheur meslé parmy : car tout ce que nostre sagesse peut, ce n'est pas grandchose. Plus elle est aigue & viue, plus elle trouue en soy de foiblesse, & se desfie d'autant plus d'elle mesme. Je suis de l'aduis de Sylla : & quand ie me prens garde de pres aux plus glorieux exploicts de la guerre, ie voy, ce me semble, que ceux qui les conduisent, n'y employent la deliberation & le conseil, que par acquit ; & que la meilleure part de l'entreprinse, ils l'abandonnent à la fortune ; & sur la fiance qu'ils ont à son secours, passent à tous les coups au delà des bornes de tout discours. Il suruiuent des allegresses fortuites, & des fureurs estrangeres parmy leurs deliberations, qui les poussent le plus souuent à prendre le party le moins fondé en apparence, & qui grossissent leur courage au dessus de la raison. D'où il est aduenu à plusieurs grands Capitaines anciens, pour donner credit à ces conseils temeraires, d'alleguer à leurs gens, qu'ils y estoient conuiez par quelque inspiration, par quelque signe & prognostique. Voyla pourquoy en cette incertitude & perplexité, que nous apporte l'impuissance de voir & choisir ce qui est le plus commode, pour les difficultez que les diuers accidens & circonstances de chaque chose tirent : le plus seur, quand autre consideration ne nous y conuiroit, est à mon aduis de se reietter au party, où il y a plus d'honnesteté & de iustice : & puis qu'on est en doute du plus court chemin, tenir tousiours le droit. Comme en ces deux exemples, que ie vien de

proposer, il n'y a point de doubte, qu'il ne fust plus beau & plus genereux à celuy qui auoit receu l'offense, de la pardonner, que s'il eust fait autrement. S'il en est mes-aduenu au premier, il ne s'en faut pas prendre à ce sien bon dessein : & ne sçait on, quand il eust pris le party contraire, s'il eust eschapé la fin, à laquelle son destin l'appelloit; & si eust perdu la gloire d'une telle humanité. Il se void dans les histoires, force gens, en cette crainte; d'où la plus part ont fuiuy le chemin de courir au deuant des coniurations, qu'on faisoit contre eux, par vengeance & par supplices : mais i'en voy fort peu auxquels ce remede ayt seruy; tefmoing tant d'Empe-reurs Romains. Celuy qui se trouue en ce danger, ne doit pas beaucoup esperer ny de sa force, ny de sa vigilance. Car combien est-il mal aisé de se garentir d'un ennemy, qui est couuert du visage du plus officieux amy que nous ayons? & de cognoistre les volonteiz & pensemens interieurs de ceux qui nous assistent? Il a beau employer des nations estrangeres pour sa garde, & estre tousiours ceint d'une haye d'hommes armez : Quiconque aura sa vie à mespris, se rendra tousiours maistre de celle d'autrui. Et puis ce continuel soupçon, qui met le Prince en doute de tout le monde, luy doit seruir d'un merueilleux tourment. Pourtant Dion estant aduertuy que Callippus espioit les moyens de le faire mourir, n'eut iamais le cœur d'en informer, disant qu'il ay-moit mieux mourir que viure en cette misere, d'auoir à se garder non de ses ennemys seulement, mais aussi de ses amis. Ce qu'Alexandre representa bien plus viuement par effect, & plus roidement, quand ayant eu aduis par une lettre de Parmenion, que Philippus son plus cher medecin estoit corrompu par l'argent

de Darius pour l'empoisonner; en mesme temps qu'il donnoit à lire sa lettre à Philippus, il auala le bruuage qu'il luy auoit présenté. Fut-ce pas exprimer cette resolution, que si ses amis le vouloient tuer, il consentoit qu'ils le peussent faire? Ce Prince est le souuerain patron des actes hazardeux : mais ie ne sçay s'il y a traitt en sa vie, qui ayt plus de fermeté que cestui-cy, ny vne beauté illustre par tant de visages. Ceux qui preschent aux Princes la deffiance si attentive, sous couleur de leur prescher leur seurté, leur preschent leur ruine & leur honte. Rien de noble ne se fait sans hazard. I'en sçay vn de courage tres-martial de sa complexion & entreprenant, de qui tous les iours on corrompt la bonne fortune par telles persuasions : Qu'il se resserre entre les siens, qu'il n'entende à aucune reconciliation de ses anciens ennemys, se tienne à part, & ne se commette entre mains plus fortes, quelque promesse qu'on luy face, quelque vtilité qu'il y voye. I'en sçay vn autre, qui a inespérément auancé sa fortune, pour auoir pris conseil tout contraire. La hardiesse dequoy ils cherchent si auidement la gloire, se represente, quand il est besoin, aussi magnifiquement en pourpoint qu'en armes : en vn cabinet, qu'en vn camp : le bras pendant, que le bras leué. La prudence si tendre & circonspecte, est mortelle ennemye des hautes executions. Scipion sceut, pour pratiquer la volonté de Syphax, quittant son armée, & abandonnant l'Espagne, douteuse encore sous sa nouvelle conqueste, passer en Afrique, dans deux simples vaisseaux, pour se commettre en terre ennemie, à la puissance d'un Roy barbare, à vne foy incogneue, sans obligation, sans hostage, sous la seule seurreté de la grandeur de son propre courage, de son bon heur,

& de la promesse de ses hautes esperances. *Habita fides ipsam plerumque fidem obligat.* A vne vie ambitieuse & fameuse, il faut au rebours, prester peu, & porter la bride courte aux souspeçons. La crainte & la deffiance attirent l'offense & la conuient. Le plus deffiant de nos Roys establit ses affaires, principalement pour auoir volontairement abandonné & commis sa vie, & sa liberté, entre les mains de ses ennemis : montrant auoir entiere fiance d'eux, afin qu'ils la prinssent de luy. A ses legions mutinées & armées contre luy, Cæsar opposoit seulement l'autorité de son visage, & la fierté de ses paroles; & se fioit tant à foy & à sa fortune, qu'il ne craingnoit point de s'abandonner & commettre à vne armée seditieuse & rebelle;

Ætæt aggere fulsi

Cæspit, intrepidus vultu, meruitque timeri
Nil metuens.

Mais il est bien vray, que cette forte assurance ne se peut présenter bien entiere, & naïfue, que par ceux ausquels l'imagination de la mort, & du pis qui peut aduenir apres tout, ne donne point d'effroy; car de la représenter tremblante encore, douteuse & incertaine, pour le seruice d'une importante reconciliation, ce n'est rien faire qui vaille. C'est vn excellent moyen de gagner le cœur & volonté d'autrui, de s'y aller soubmettre & fier, pourueu que ce soit librement, & sans contrainte d'aucune necessité, & que ce soit en condition, qu'on y porte vne fiance pure & nette; le front au moins deschargé de tout scrupule. Je vis en mon enfance, vn Gentil-homme commandant à vne grande ville empressé à l'esmotion

d'un peuple furieux. Pour esteindre ce commencement du trouble, il print party de sortir d'un lieu tres-assuré où il estoit, & se rendre à cette tourbe mutine : d'où mal luy print, & y fut miserablement tué. Mais il ne me semble pas que sa faute fust tant d'estre sorty, ainsi qu'ordinairement on le reproche à sa memoire, comme ce fut d'avoir pris une voye de soubmission & de mollesse : & d'avoir voulu endormir cette rage, plustost en suivant qu'en guidant, & en requerant plustost qu'en remontrant : & estime que une gracieuse severité, avec un commandement militaire, plein de securité, & de confiance, convenable à son rang, & à la dignité de sa charge, luy eust mieux succédé, au moins avec plus d'honneur, & de bien-seance. Il n'est rien moins esperable de ce monstre ainsin agité, que l'humanité & la douceur, il receura bien plustost la reuerance & la crainte. Je luy reprocherois aussi, qu'ayant pris une resolution plustost braue à mon gré, que temeraire, de se ietter foible & en pourpoint, emmy cette mer tempestueuse d'hommes insensez, il la devoit aualler toute, & n'abandonner ce personnage. Là où il luy aduint apres avoir recogneu le danger de pres, de saigner du nez : & d'alterer encore depuis cette contenance démise & flatteuse, qu'il auoit entreprinse, en une contenance effraiee : chargeant sa voix & ses yeux d'estonnement & de penitence : cherchant à conuiller & à se desfrober, il les enflamma & appella sur soy. On deliberoit de faire une montre generale de diuerfes troupes en armes, (c'est le lieu des vengeancees secretes, & n'est point où en plus grande seureté on les puisse exercer) il y auoit publiques & notoires apparences, qu'il n'y faisoit pas fort bon pour aucuns, ausquels touchoit la principale & ne-

ceffaire charge de les recognoistre. Il s'y propofa diuers confeils, comme en chofe difficile, & qui auoit beaucoup de poids & de fuitte. Le mien fut, qu'on euitaft fur tout de donner aucun tefmoignage de ce doute, & qu'on s'y trouuaft & mellaft parmy les files, la teſte droiſte, & le viſage ouuert, & qu'au lieu d'en retrancher aucune chofe, à quoy les autres opinions viſoient le plus, au contraire, l'on ſollicitaſt les Capitaines d'aduertir les ſoldats de faire leurs ſalues belles & gaillardes en l'honneur des aſſiſtans, & n'eſpargner leur poudre. Cela ſeruit de gratification enuers ces troupes ſuſpectes, & engendra dès lors en auant vne mutuelle & vtile confidence. La voye qu'y tint Iulius Cæſar, ie trouue que c'eſt la plus belle, qu'on y puiſſe prendre. Premièrement il eſſaya par clemence, à ſe faire aymer de ſes ennemis meſmes, ſe contentant aux coniurations qui luy eſtoient deſcouuertes, de declarer ſimplement qu'il en eſtoit aduerti. Cela faiſt, il print vne tres-noble reſolution, d'attendre ſans effroy & ſans ſolicitude, ce qui luy en pourroit aduenir, ſ'abandonnant & ſe remettant à la garde des Dieux & de la fortune. Car certainement c'eſt l'eſtat où il eſtoit quand il fut tué. Vn eſtranger ayant diſt & publié par tout qu'il pourroit inſtruire Dionyſius Tyran de Syracuſe, d'un moyen de ſentir & deſcouvrir en toute certitude, les parties que ſes ſubiets machineroient contre luy, s'il luy vouloit donner vne bonne piece d'argent, Dionyſius en eſtant aduerty, le fit appeller à ſoy, pour s'eſclaircir d'un art ſi neceſſaire à ſa conſeruation; cet eſtranger luy diſt, qu'il n'y auoit pas d'autre art, ſinon qu'il luy fiſt deliurer un talent, & ſe ventaſt d'auoir appris de luy un ſingulier ſecret. Dionyſius trouua cette inuention bonne, & luy fit comp-

ter six cens escus. Il n'estoit pas vray-semblable, qu'il eust donné si grande somme à vn homme incogneu, qu'en recompense d'un tres-vtile apprentissage, & seruoit cette reputation à tenir ses ennemis en crainte. Pourtant les Princes sagement publient les aduis qu'ils reçoient des menées qu'on dresse contre leur vie; pour faire croire qu'ilz sont bien aduertis, & qu'il ne se peut rien entreprendre dequoy ils ne sentent le vent. Le Duc d'Athenes fit plusieurs sottises en l'establissement de sa frefche tyrannie sur Florence : mais cette-cy la plus notable, qu'ayant receu le premier aduis des monopoles que ce peuple dresseoit contre luy, par Mattheo dit Morozo, complice d'icelles, il le fit mourir, pour supprimer cet aduertissement, & ne faire sentir, qu'aucun en la ville s'ennuist de sa domination. Il me souuient auoir leu autrefois l'histoire de quelque Romain, personnage de dignité, lequel fuyant la tyrannie du Triumvirat, auoit eschappé mille fois les mains de ceux qui le poursuiuoient, par la subtilité de ses inuentions. Il aduint vn iour, qu'une troupe de gens de cheual, qui auoit charge de le prendre, passa tout ioignant vn halier, où il s'estoit tapy, & faillit de le descourir. Mais luy sur ce point là, considerant la peine & les difficultez, ausquelles il auoit desia si long temps duré, pour se sauuer des continuelles & curieuses recherches, qu'on faisoit de luy par tout, le peu de plaisir qu'il pouuoit esperer d'une telle vie, & combien il luy valoit mieux passer vne fois le pas, que demeurer tousiours en cette transe, luy-mesme les r'appella, & leur trahit sa cachette, s'abandonnant volontairement à leur cruauté, pour oster eux & luy d'une plus longue peine. D'appeller les mains ennemies, c'est vn conseil vn peu gaillard : si croy-ie,

qu'encore vaudroit-il mieux le prendre, que de demeurer en la fieure continuelle d'un accident, qui n'a point de remede. Mais puis que les prouisions qu'on y peut apporter sont pleines d'inquietude, & d'incertitude, il vaut mieux d'une belle assurance se preparer à tout ce qui en pourra aduenir; & tirer quelque consolation de ce qu'on n'est pas assuré qu'il aduienne.





Du Pedantisme.

CHAPITRE XXIII.



E me suis souuent despité en mon enfance, de voir és comedies Italiennes, tousiours vn pedante pour badin, & le surnom de magister, n'auoir guere plus honorable signification parmy nous. Car leur estant donné en gouvernement, que pouuois-ie moins faire que d'estre ialoux de leur reputation? Je cherchois bien de les excuser par la disconuenance naturelle qu'il y a entre le vulgaire, & les personnes rares & excellentes en iugement, & en sçauoir : d'autant qu'ils vont vn train entierement contraire les vns des autres. Mais en cecy perdois-ie mon latin : que les plus galans hommes c'estoient ceux qui les auoyent le plus à mespris, tesmoing nostre bon du Bellay :

Mais ie hay par sur tout vn sçauoir pedantesque.

Et est cette coustume ancienne : car Plutarque dit que Grec & Escolier, estoient mots de reproche entre les Romains, & de mespris. Depuis avec l'aage i'ay trouué qu'on auoit vne grandissime raison, & que

magis magnos clericos non sunt magis magnos sapientes. Mais d'où il puisse aduenir qu'une ame riche de la cognoissance de tant de choses, n'en deuienne pas plus viuue, & plus esueillée; & qu'un esprit grossier & vulgaire puisse loger en soy, sans s'amender, les discours & les iugemens des plus excellens esprits, que le monde ait porté, i'en suis encore en doute. A receuoir tant de ceruelles estrangeres, & si fortes, & si grandes, il est necessaire, me disoit vne fille, la premiere de nos Princeesses, parlant de quelqu'un, que la sienne se foule, se contrainde & rappetisse, pour faire place aux autres. Je dirois volontiers, que comme les plantes s'estouffent de trop d'humour, & les lampes de trop d'huile, aussi fait l'action de l'esprit par trop d'estude & de matiere: lequel occupé & embarrassé d'une grande diuersité de choses, perde le moyen de se demeller. Et que cette charge le tienne courbe & croupy. Mais il en va autrement; car nostre ame s'eslargit d'autant plus qu'elle se remplit. Et aux exemples des vieux temps, il se voit tout au rebours, des suffisans hommes aux maniemens des choses publiques, des grands Capitaines, & grands conseillers aux affaires d'Estat, auoir esté ensemble tressçauans. Et quant aux Philosophes retirez de toute occupation publique, ils ont esté aussi quelque fois à la verité mesprizez, par la liberté Comique de leur temps, leurs opinions & façons les rendans ridicules. Les voulez vous faire iuges des droits d'un procès, des actions d'un homme? Ils en sont bien prests! Ils cherchent encore s'il y a vie, s'il y a mouuement, si l'homme est autre chose qu'un bœuf: que c'est qu'agir & souffrir, quelles bestes ce sont, que loix & iustice. Parlent ils du magistrat, ou parlent-ils à luy? c'est

d'une liberté irreuerente & inciuite. Oyent-ils louer vn Prince ou vn Roy? c'est vn pastre pour eux, oisif comme vn pastre, occupé à pressurer & tondre ses bestes : mais bien plus rudement. En estimez vous quelqu'un plus grand, pour posséder deux mille arpents de terre? eux s'en moquent, accoustumés d'embrasser tout le monde, comme leur possession. Vous ventez vous de vostre noblesse, pour compter sept ayeulx riches? ils vous estiment de peu, ne conceuant l'image vniuerselle de nature, & combien chascun de nous a eu de predecesseurs, riches, pauvres, Roys, valets, Grecs, Barbares. Et quand vous seriez cinquantième descendant de Hercules, ils vous trouuent vain, de faire valoir ce present de la fortune. Ainsi les desdeignoit le vulgaire, comme ignorants les premieres choses & communes, & comme presomptueux & insolents. Mais cette peinture Platonique est bien esloignée de celle qu'il faut à noz hommes. On enuioit ceux-là comme estans au dessus de la commune façon, comme mesprisans les actions publiques, comme ayans dressé vne vie particuliere & inimitable, réglée à certains discours hautains & hors d'usage : ceux-cy on les desdeigne, comme estans au dessous de la commune façon, comme incapables des charges publiques, comme trainans vne vie & des meurs basses & viles apres le vulgaire. *Odi homines ignaua opera, Philosophasententia.* Quant à ces Philosophes, dis-ie, comme ils estoient grands en science, ils estoient encore plus grands en toute action. Et tout ainsi qu'on dit de ce Geometrien de Syracuse, lequel ayant esté destourné de sa contemplation, pour en mettre quelque chose en pratique, à la deffence de son pais, qu'il mit soudain en train des engins espouuentables, &

des effects surpaffans toute creance humaine; defdai-
gnant toutefois luy mefme toute cette fienne manu-
facture, & pensant en cela auoir corrompu la dignité
de fon art, de laquelle ses ouurages n'estoient que
l'apprentiffage & le iouet. Aussi eux, si quelquefois
on les a mis à la preuue de l'action, on les a veu
voler d'une aifle si haulte, qu'il paroiffoit bien, leur
cœur & leur ame s'estre merueilleusement groffie &
enrichie par l'intelligence des choses. Mais aucuns
voyants la place du gouvernement politique faifie par
hommes incapables, s'en font reculés. Et celuy qui
demanda à Crates, iufques à quand il faudroit phi-
lofopher, en receut cette rëfponce : Iufques à tant
que ce ne foient plus des afniers, qui conduifent noz
armées. Heraclitus refigna la Royauté à fon frere.
Et aux Ephesiens, qui luy reprochoient, qu'il paffoit
fon temps à iouer avec les enfans deuant le temple :
Vaut-il pas mieux faire cecy, que gouverner les af-
faires en vofre compagnie? D'autres ayans leur
imagination logée au deffus de la fortune & du
monde, trouuerent les sieges de la iuftece, & les
thronef mefmes des Roys, bas & viles. Et refufa
Empedocles la royauté, que les Agrigentins luy of-
frirent. Thales accufant quelquefois le foing du mef-
nage & de s'enrichir, on luy reprocha que c'estoit
à la mode du renard, pour n'y pouuoir aduenir. Il
luy print enuie par paffetemps d'en montrer l'expe-
rience, & ayant pour ce coup rauulé fon fçauoir au
feruice du proffit & du gain, drefsa vne trafique,
qui dans vn an rapporta telles richelfes, qu'à peine
en toute leur vie, les plus experimentez de ce me-
ftier là, en pouuoient faire de pareilles. Ce qu'Ari-
ftote recite d'aucuns, qui appelloient & celuy là, &
Anaxagoras, & leurs femblables, fages & non pru-

dents, pour n'auoir assez de soin des choses plus viles : outre ce que ie ne digere pas bien cette difference de mots, cela ne sert point d'excuse à mes gens, & à voir la basse & necessiteuse fortune, dequoy ils se payent, nous aurions plustost occasion de prononcer tous les deux, qu'ils sont, & non sages, & non prudents. Je quitte cette premiere raison, & croy qu'il vaut mieux dire, que ce mal vienne de leur mauuaise façon de se prendre aux sciences : & qu'à la mode dequoy nous sommes instruits, il n'est pas merueille, si ny les escoliers, ny les maistres n'en deuiennent pas plus habiles, quoy qu'ils s'y facent plus doctes. De vray le soing & la despence de nos peres, ne vise qu'à nous meubler la teste de science : du iugement & de la vertu, peu de nouvelles. Criez d'un passant à nostre peuple : O le sçauant homme ! Et d'un autre, O le bon homme ! Il ne faudra pas à destourner les yeux & son respect vers le premier. Il y faudroit vn tiers crieur : O les lourdestes ! Nous nous enquerons volontiers, Sçait-il du Grec ou du Latin ? escrit-il en vers ou en prose ? mais, s'il est deuenu meilleur ou plus aduisé, c'estoit le principal, & c'est ce qui demeure derriere. Il falloit s'enquerir qui est mieux sçauant, non qui est plus sçauant. Nous ne trauiillons qu'à remplir la memoire, & laissons l'entendement & la conscience vuide. Tout ainsi que les oyseaux vont quelquefois à la queste du grain, & le portent au bec sans le taster, pour en faire bechée à leurs petits : ainsi nos pedantes vont pillotans la science dans les liures, & ne la logent qu'au bout de leurs léures, pour la dégorger seulement, & mettre au vent. C'est merueille combien proprement la sottise se loge sur mon exemple. Est-ce pas faire de mesme, ce que ie fay en la

plus part de cette composition ? Le m'en vay escorniffant par-cy par-là, des liures, les sentences qui me plaissent ; non pour les garder, car ie n'ay point de gardoire, mais pour les transporter en cettuy-cy ; où, à vray dire, elles ne sont non plus miennes, qu'en leur premiere place. Nous ne sommes, ce croyie, sçauants, que de la science presente : non de la passée, aussi peu que de la future. Mais qui pis est, leurs escoliers & leurs petits ne s'en nourrissent & alimentent non plus, ains elle passe de main en main, pour cette seule fin, d'en faire parade, d'en entretenir autrui, & d'en faire des comptes, comme vne vaine monnoye inutile à tout autre vsage & emploie, qu'à compter & ietter. *Apud alios loqui didicerunt, non ipsi secum. Non est loquendum, sed gubernandum.* Nature pour montrer, qu'il n'y a rien de sauage en ce qu'elle conduit, fait naistre souuent es nations moins cultiuées par art, des productions d'esprit, qui luittent les plus artistes productions. Comme sur mon propos, le prouerbe Gascon tiré d'une chalemie, est-il delicat, *Bouha prou bouha, mas à remuda lous dits qu'em.* Souffler prou souffler, mais à remuer les doigts, nous en sommes là. Nous sçauons dire, Cicero dit ainsi, voila les meurs de Platon, ce sont les mots mesmes d'Aristote : mais nous que disons nous nous mesmes ? que faisons nous ? que iugeons nous ? Autant en diroit bien vn perroquet. Cette façon me fait souuenir de ce riche Romain, qui auoit esté soigneux à fort grande despence, de recouurer des hommes suffisans en tout genre de science, qu'il tenoit continuellement autour de luy, affin que quand il escheoit entre ses amis, quelque occasion de parler d'une chose ou d'autre, ils suppleassent en sa place, & fussent tous prests à luy four-

nir, qui d'un discours, qui d'un vers d'Homere, chacun selon son gibier : & pensoit ce sçavoir estre sien, par ce qu'il estoit en la teste de ses gens. Et comme font aussi ceux, desquels la suffisance loge en leurs somptueuses librairies. L'en cognoy, à qui quand ie demande ce qu'il sçait, il me demande un liure pour le montrer : & n'oseroit me dire, qu'il a le derriere galeux, s'il ne va sur le champ estudier en son lexicon que c'est que galeux, & que c'est que derriere. Nous prenons en garde les opinions & le sçavoir d'autrui, & puis c'est tout : il les faut faire nostres. Nous semblons proprement celui, qui ayant besoing de feu, en iroit querir chez son voisin, & y en ayant trouué un beau & grand, s'arresteroit là à se chauffer, sans plus se souuenir d'en rapporter chez soy. Que nous sert-il d'auoir la panse pleine de viande, si elle ne se digere, si elle ne se transforme en nous? si elle ne nous augmente & fortifie? Pensons nous que Lucullus, que les lettres rendirent & formerent si grand capitaine sans experience, les eust prises à nostre mode? Nous nous laissons si fort aller sur les bras d'autrui, que nous aneantissons nos forces. Me veux-je armer contre la crainte de la mort? c'est aux despens de Seneca. Veux-je tirer de la consolation pour moy, ou pour un autre? ie l'emprunte de Cicero : ie l'eusse prise en moy-mesme, si on m'y eust exercé. Je n'ayme point cette suffisance relative & mendiee. Quand bien nous pourrions estre sçauans du sçavoir d'autrui, au moins sages ne pouuons nous estre que de nostre propre sagesse.

μὴ σοφιστὴν, ὅστις ἐν ἑαυτῷ σιφός.

Ex quo Ennius : *Nequidquam sapere sapientem, qui ipse sibi prodesse non quiret.*

fi cupidus, fi
Vanus, & Euganea quantumvis vilior agna.

Non enim paranda nobis solùm, sed fruenda sapientia est. Dionysius se moquoit des Grammariens, qui ont soin de s'enquerir des maux d'Vlysses, & ignorent les propres : des musiciens, qui accordent leurs fleutes, & n'accordent pas leurs mœurs : des orateurs qui estudient à dire iustice, non à la faire. Si nostre ame n'en va vn meilleur bransle, si nous n'en auons le iugement plus sain, i'aymerois aussi cher que mon escolier eut passé le temps à iouer à la paume, au moins le corps en feroit plus allegre. Voyez le reuenir de là, apres quinze ou seize ans employez, il n'est rien si mal propre à mettre en besongne, tout ce que vous y recognoissez d'auantage, c'est que son Latin & son Grec l'ont rendu plus sot & presumptueux qu'il n'estoit party de la maison. Il en deuoit rapporter l'ame pleine, il ne l'en rapporte que bouffie : & l'a seulement enflée, en lieu de la grossir. Ces maîtres icy, comme Platon dit des Sophistes, leurs germaines, sont de tous les hommes, ceux qui promettent d'estre les plus vtils aux hommes, & seuls entre tous les hommes, qui non seulement n'amendent point ce qu'on leur commet, comme fait vn charpentier & vn maçon : mais l'empirent, & se font payer de l'auoir empiré. Si la loy que Protagoras propoisoit à ses disciples, estoit suivie : ou qu'ils le payassent selon son mot, ou qu'ils iurassent au temple, combien ils estimoient le profit qu'ils auoient receu de sa discipline, & selon iceluy satisfissent sa peine : mes pedagogues se trouueroient chomez, s'estans remis au serment de mon experience. Mon vulgaire Perigordin appelle fort plai-

ſamment *Lettre ferits*, ces ſçauanteaux, comme ſi vous diſiez *Lettre-ferus*, auſquels les lettres ont donné vn coup de marteau, comme on dit. De vray le plus ſouuent ils ſemblent eſtre raualez, meſmes du ſens commun. Car le paſſant & le cordonnier vous leur voyez aller ſimplement & naïuement leur train, parlant de ce qu'ils ſçauent : ceux-cy pour ſe vouloir eſleuer & gendarmer de ce ſçauoir, qui nage en la ſuperficie de leur ceruelle, vont ſ'embarrasſant, & empetrant ſans ceſſe. Il leur eſchappe de belles parolles, mais qu'un autre les accommode : ils cognoiſſent bien Galien, mais nullement le malade : ils vous ont des-ia rempli la teſte de loix, & ſi n'ont encore conçu le neud de la cauſe : ils ſçauent la Theorique de toutes choſes, cherchez qui la mette en pratique. J'ay veu chez moy vn mien amy, par maniere de paſſetemps, ayant affaire à vn de ceux-cy, contrefaire vn iargon de Galimatias, propos ſans ſuitte, tiſſu de pieces rapportées, ſauf qu'il eſtoit ſouuent entrelardé de mots propres à leur diſpute, amuſer ainſi tout vn iour ce ſot à debattre, penſant touſiours reſpondre aux obiections qu'on luy faiſoit. Et ſi eſtoit homme de lettres & de reputation, & qui auoit vne belle robbe.

*Vos ô patritius ſanguis quos viuere par eſt
Occipiti caco, poſtica occurrere ſanna.*

Qui regardera de bien pres à ce genre de gens, qui s'eſtend bien loing, il trouuera comme moy, que le plus ſouuent ils ne s'entendent, ny autrui, & qu'ils ont la ſouuenance aſſez pleine, mais le iugement entierement creux : ſinon que leur nature d'elle meſme le leur ait autrement façonné. Comme j'ay veu Adrianus Turnebus, qui n'ayant faiſt autre profeſſion

que de lettres, en laquelle c'estoit, à mon opinion, le plus grand homme, qui fust il y a mil ans, n'ayant toutesfois rien de pedantesque que le port de sa robe, & quelque façon externe, qui pouuoit n'estre pas ciuivilisée à la courtisane : qui sont choses de neant. Et hay nos gens qui supportent plus mal-aysement vne robe qu'une ame de trauers : & regardent à sa reuerence, à son maintien & à ses bottes, quel homme il est. Car au dedans c'estoit l'ame la plus polie du monde. Je l'ay souuent à mon escient ietté en propos eslongnez de son vsage, il y voyoit si cler, d'une apprehension si prompte, d'un iugement si sain, qu'il sembloit, qu'il n'eust iamais fait autre mestier que la guerre, & affaires d'Estat. Ce sont natures belles & fortes :

*quis arte benigna
Et meliore luto finxit præcordia Titan,*

qui se maintiennent au trauers d'une mauuaise institution. Or ce n'est pas assez que nostre institution ne nous gaste pas, il faut qu'elle nous change en mieux. Il y a aucuns de noz Parlemens, quand ils ont à receuoir des officiers, qui les examinent seulement sur la science : les autres y adioustent encores l'essay du sens, en leur presentant le iugement de quelque cause. Ceux-cy me semblent auoir vn beaucoup meilleur stile. Et encore que ces deux pieces soyent necessaires, & qu'il faille qu'elles s'y trouuent toutes deux : si est-ce qu'à la verité celle du sçauoir est moins prisable, que celle du iugement; cette-cy se peut passer de l'autre, & non l'autre de cette cy. Car comme dict ce vers Grec,

ὥς οὐδὲν ἢ μάθησις, ἢ μὴ νοῦς παρῆ.

A quoy faire la science, si l'entendement n'y est? Pleust à Dieu que pour le bien de nostre iustice ces compagnies là se trouuassent aussi bien fournies d'entendement & de conscience, comme elles sont encore de science. *Non vita, sed scholæ discimus.* Or il ne faut pas attacher le sçauoir à l'ame, il l'y faut incorporer : il ne l'en faut pas arrouser, il l'en faut teindre; & s'il ne la change, & meliore son estat imparfait, certainement il vaut beaucoup mieux le laisser là. C'est vn dangereux glaive, & qui empesche & offence son maistre s'il est en main foible, & qui n'en sçache l'vsage : *ut fuerit melius non didicisse.* A l'adventure est ce la cause, que & nous, & la Theologie ne requerons pas beaucoup de science aux femmes, & que François Duc de Bretagne filz de Iean V. comme on luy parla de son mariage avec Isabeau fille d'Escoffe, & qu'on luy adiouta qu'elle auoit esté nourrie simplement & sans aucune instruction de lettres, respondit, qu'il l'en aymoît mieux, & qu'une femme estoit assez sçauante, quand elle sçauoit mettre difference entre la chemise & le pourpoint de son mary. Aussi ce n'est pas si grande merueille, comme on crie, que nos ancestres n'ayent pas fait grand estat des lettres, & qu'encores aujourd'huy elles ne se trouuent que par rencontre aux principaux conseils de nos Roys : & si cette fin de s'en enrichir, qui seule nous est aujourd'huy proposée par le moyen de la Iurisprudence, de la Medecine, du pedantisme, & de la Theologie encore, ne les tenoit en credit, vous les verriez sans doubte aussi marmiteuses qu'elles furent onques. Quel dommage, si elles ne nous apprennent ny à bien penser, ny à bien faire? *Postquam docti prodierunt, boni defunt.* Toute autre science, est dommageable à celui qui n'a la science

de la bonté. Mais la raison que ie cherchoys tantost, seroit elle point aussi de là, que nostre estude en France n'ayant quasi autre but que le proufit, moins de ceux que nature a faict naistre à plus genereux offices que lucratifs, s'adonnans aux lettres, ou si courttement (retirez auant que d'en auoir pris appetit, à vne profession qui n'a rien de commun avec les liures) il ne reste plus ordinairement, pour s'engager tout à faict à l'estude, que les gents de basse fortune, qui y questent des moyens à viure? Et de ces gents-là, les ames estans & par nature, & par institution domestique & exemple, du plus bas aloy, rapportent faucement le fruit de la science. Car elle n'est pas pour donner iour à l'ame qui n'en a point : ny pour faire voir vn' aueugle. Son mestier est, non de luy fournir de veuë, mais de la luy dresser, de luy regler ses allures, pourueu qu'elle aye de foy les pieds, & les iambes droites & capables. C'est vne bonne drogue que la science, mais nulle drogue n'est assés forte, pour se preseruer sans alteration & corruption, selon le vice du vase qui l'estuye. Tel a la veuë claire, qui ne l'a pas droite : & par consequent void le bien, & ne le fuit pas : & void la science, & ne s'en sert pas. La principale ordonnance de Platon en sa republique, c'est donner à ses citoyens selon leur nature, leur charge. Nature peut tout, & fait tout. Les boiteux sont mal propres aux exercices du corps, & aux exercices de l'esprit les ames boiteuses. Les bastardes & vulgaires sont indignes de la philosophie. Quand nous voyons vn homme mal chauffé, nous disons que ce n'est pas merueille, s'il est chaufsetier. De mesme il semble, que l'experience nous offre souuent, vn medecin plus mal medeciné, vn Theologien moins reformé, & coustumierement vn

ſçauant moins ſuffiſant qu'un autre. Ariſto Chius auoit anciennement raiſon de dire, que les philoſophes nuifoiẽt aux auditeurs : d'autant que la plus part des ames ne ſe trouuent propres à faire leur profit de telle inſtruction : qui, ſi elle ne ſe met à bien, ſe met à mal : ἀσάρεος *ex Ariſtippi*, *acerbos ex Zenonis ſchola exire*. En cette belle inſtitution que Xenophon preſte aux Perſes, nous trouuons qu'ils apprenoiẽt la vertu à leurs enfans, comme les autres nations font les lettres. Platon dit que le fils ainſé en leur ſuccéſſion royale, eſtoit ainſi nourry. Apres ſa naiſſance, on le donnoit, non à des femmes, mais à des eunuches de la premiere autorité autour des Roys, à cauſe de leur vertu. Ceux-cy prenoiẽt charge de luy rendre le corps beau & ſain : & apres ſept ans le diuiſoiẽt à monter à cheual, & aller à la chaffe. Quand il eſtoit arriué au quatorziẽme, ils le depoſoiẽt entre les mains de quatre : le plus ſage, le plus iuſte, le plus temperant, le plus vaillant de la nation. Le premier luy apprenoit la religion : le ſecond, à eſtre touſiours veritable : le tiers, à ſe rendre maître des cupidités : le quart, à ne rien craindre. C'eſt choſe digne de tres-grande conſideration, que en cette excellente police de Lycurgus, & à la verité monſtrueuſe par ſa perfection, ſi ſongneuſe pourtant de la nourriture des enfans, comme de ſa principale charge, & au giſte meſmes des Muſes, il ſ'y face ſi peu de mention de la doctrine : comme ſi cette genereuſe ieuneſſe deſdaignant tout autre ioug que de la vertu, on luy aye deu fournir, au lieu de nos maîtres de ſcience, ſeulement des maîtres de vaillance, prudence & iuſtice. Exemple que Platon a ſuiuy en ſes loix. La façon de leur diſcipline, c'eſtoit leur faire des queſtions ſur le iugement des hommes, & de leurs

actions : & s'ils condamnoient & loüoient, ou ce personnage, ou ce faict, il falloit raisonner leur dire, & par ce moyen ils aiguisoient ensemble leur entendement, & apprennoient le droit. Astyages en Xenophon, demande à Cyrus compte de sa dernière leçon ; C'est, dit-il, qu'en nostre escole vn grand garçon ayant vn petit faye, le donna à l'vn de ses compagnons de plus petite taille, & luy osta son faye, qui estoit plus grand : nostre precepteur m'ayant fait iuge de ce different, ie iugeay qu'il falloit laisser les choses en cet estat, & que l'vn & l'autre sembloit estre mieux accommodé en ce point : fur quoy il me remontra que i'auois mal fait : car ie m'estois arresté à considerer la bien seance, & il falloit premierement auoir proueu à la iustice, qui vouloit que nul ne fust forcé en ce qui luy appartenoit. Et dit qu'il en fut fouëté, tout ainsi que nous sommes en nos villages, pour auoir oublié le premier aoriste de *τίπτω*. Mon regent me feroit vne belle harangue *in genere demonstratiuo*, auant qu'il me persuadast que son escole vaut cette-là. Ils ont voulu couper chemin : & puis qu'il est ainsi que les sciences, lors mesmes qu'on les prent de droit fil, ne peuuent que nous enseigner la prudence, la preud'hommie & la resolution, ils ont voulu d'arriuée mettre leurs enfans au propre des effects, & les instruire non par ouïr dire, mais par l'essay de l'action, en les formant & moulant vifuelement, non seulement de preceptes & parolles, mais principalement d'exemples & d'œuvres : afin que ce ne fust pas vne science en leur ame, mais sa complexion & habitude : que ce ne fust pas vn acquest, mais vne naturelle possession. A ce propos, on demandoit à Agefilaus ce qu'il feroit d'aduiz, que les enfans apprinsent : Ce qu'ils doiuent faire estans

hommes, respondit-il. Ce n'est pas merueille, si vne telle institution a produit des effects si admirables. On alloit, dit-on, aux autres villes de Grece chercher des Rhetoriciens, des Peintres, & des Musiciens : mais en Lacedemone des legistateurs, des magistrats, & Empereurs d'armée : à Athenes on aprenoit à bien dire, & icy à bien faire : là à se desmesler d'un argument sophistique, & à rabatre l'imposture des mots captieusement entrelassez ; icy à se desmesler des appats de la volupté, & à rabatre d'un grand courage les menasses de la fortune & de la mort : ceux-là s'embefongnoient apres les parolles, ceux-cy apres les choses : là c'estoit vne continuelle exercitation de la langue, icy vne continuelle exercitation de l'ame. Parquoy il n'est pas estrange, si Antipater leur demandant cinquante enfans pour ostages, ils respondirent tout au rebours de ce que nous ferions, qu'ils aymoient mieux donner deux fois autant d'hommes faicts ; tant ils estimoient la perte de l'education de leur pays. Quand Agefilaus conuie Xenophon d'enuoyer nourrir ses enfans à Sparte, ce n'est pas pour y apprendre la Rhetorique, ou Dialectique : mais pour apprendre, ce dit-il, la plus belle science qui soit, sçauoir la science d'obeir & de commander. Il est tres-plaisant, de voir Socrates, à sa mode se moquant de Hippias, qui luy recite, comment il a gagné, specialement en certaines petites villetes de la Sicile, bonne somme d'argent, à regenter : & qu'à Sparte il n'a gagné pas un fol. Que ce sont gens idiots, qui ne sçauent ny mesurer ny compter : ne font estat ny de Grammaire ny de rythme : s'amusement & decadence des Estats, & tels fatras de compres. Et au bout de cela, Socrates luy faisant

cette martiale police, & en to
que l'estude des sciences amollit
rages, plus qu'il ne les fermit
fort Estat, qui paroisse pour le
est celuy des Turcs, peuples ega
mation des armes, & mespris d
Rome plus vaillante auant qu'el
plus belliqueuses nations en nos
grossieres & ignorantes. Les Si
Tamburlan, nous seruent à ceto
Gots rauagerent la Grece, ce qu
brairies d'estre passées au feu, c
qui sema cette opinion, qu'il fail
entier aux ennemis: propre à les
cice militaire, & amuser à des oc
& oyliues. Quand nostre Roy,
quasi sans tirer l'espee du fourr
du Royaume de Naples, & d'
la Toscane, les Seigneurs de sa
cette inesperee facilité de conq
Princes & la noblesse d'Italie s
rendre ingenieux & sçauans,
guerriers.





*De l'Institution des enfans,
à Madame Diane de Foix, Contesse de Gurson.*

CHAPITRE XXV.



E ne vis iamais pere, pour bossé ou teigneux que fust son fils, qui laissast de l'aduouier : non pourtant, s'il n'est du tout enyuré de cet' affection, qu'il ne s'aperçoie de sa defaillance : mais tant y a qu'il est sien. Aussi moy, ie voy mieux que tout autre, que ce ne sont icy que refueries d'homme, qui n'a gousté des sciences que la crouste premiere en son enfance, & n'en a retenu qu'un general & informe visage : un peu de chaque chose, & rien du tout, à la Françoisse. Car en somme, ie sçay qu'il y a vne Medecine, vne Iurispudence, quatre parties en la Mathematique, & grossierement ce à quoy elles visent. Et à l'adventure encore sçay-ie la pretention des sciences en general, au seruice de nostre vie : mais d'y enfoncer plus auant, de m'estre rongé les ongles à l'estude d'Aristote monarque de la doctrine moderne, ou opiniaté apres quelque science, ie ne l'ay iamais fait : ny n'est art dequoy ie peusse peindre seulement les premiers lineaments. Et n'est enfant des classes moyennes, qui

ne se puisse dire plus sçauant que moy : qui n'ay seulement pas dequoy l'examiner sur sa premiere leçon. Et si l'on m'y force, ie suis contraint assez ineptement, d'en tirer quelque matiere de propos vniuersel, sur quoy i'examine son iugement naturel : leçon, qui leur est autant incognue, comme à moy la leur. Je n'ay dressé commerce avec aucun liure solide, sinon Plutarque & Seneque, où ie puyse comme les Danaïdes, remplissant & versant sans cesse. L'en attache quelque chose à ce papier, à moy, si peu que rien. L'histoire, c'est mon gibier en matiere de liures, ou la poësie, que i'ayme d'une particuliere inclination : car, comme disoit Cleanthes, tout ainsi que la voix contrainte dans l'estroit canal d'une trompette sort plus aigue & plus forte : ainsi me semble il que la sentence pressée aux pieds nombreux de la poësie, s'eslance bien plus brusquement, & me fiert d'une plus viuue secousse. Quant aux facultez naturelles qui sont en moy, dequoy c'est icy l'essay, ie les sens flechir sous la charge : mes conceptions & mon iugement ne marche qu'à tastons, chancelant, bronchant & chopant : & quand ie suis allé le plus auant que ie puis, si ne me suis-je aucunement satisfait. Je voy encore du pais au delà : mais d'une veüe trouble, & en nuage, que ie ne puis demesler. Et entreprenant de parler indifferemment de tout ce qui se presente à ma fantasie, & n'y employant que mes propres & naturels moyens, s'il m'aduiant, comme il fait souuent, de rencontrer de fortune dans les bons auteurs ces mesmes lieux, que i'ay entrepris de traiter, comme ie vien de faire chez Plutarque tout presentement, son discours de la force de l'imagination : à me recognoistre au prix de ces gens là, si foible & si chetif, si poissant &

si endormy, ie me fay pitié, ou desdain à moy mesmes. Si me gratifie-ie de cecy, que mes opinions ont cet honneur de rencontrer souuent aux leurs, & que ie vays au moins de loing apres, disant que voire. Aussi que i'ay cela, que chacun n'a pas, de cognoistre l'extreme difference d'entre-eux & moy : & laisse ce neant-moins courir mes inuentions ainfi foibles & basses, comme ie les ay produites, sans en replastrer & recoudre les defaux que cette comparaison m'y a descouuert. Il faut auoir les reins bien fermes pour entreprendre de marcher front à front avec ces gens là. Les escriuains indiscrets de nostre siecle, qui parmy leurs ourages de neant, vont semant des lieux entiers des anciens auteurs, pour se faire honneur, font le contraire. Car cett' infinie dissemblance de lustres rend vn visage si passe, si terni, & si laid à ce qui est leur, qu'ils y perdent beaucoup plus qu'ils n'y gagnent. C'estoient deux contraires fantasies. Le Philosophe Chrysippus mesloit à ses liures, non les passages seulement, mais des ourages entiers d'autres auteurs : & en vn la Medee d'Eurypides : & disoit Apollodorus, que, qui en retrancheroit ce qu'il y auoit d'estranger, son papier demeureroit en blanc. Epicurus au rebours, en trois cents volumes qu'il laissa, n'auoit pas mis vne seule allegation. Il m'aduint l'autre iour de tomber sur vn tel passage : i'auois trainé languissant apres des parolles Françoises, si exangues, si descharnees, & si vuides de matiere & de sens, que ce n'estoient voirement que parolles Françoises : au bout d'un long & ennuyeux chemin, ie vins à rencontrer vne piece haute, riche & esleuee iusques aux nues : si i'eusse trouué la pente douce, & la montee vn peu alongee, cela eust esté excusable : c'estoit vn precipice si droit & si

coupé que des six premieres parolles ie cogneuz que ie m'enuolois en l'autre monde : de là ie descouris la fondriere d'où ie venois, si basse & si profonde, que ie n'eus oncques puis le cœur de m'y raualer. Si i'estoffois l'vn de mes discours de ces riches despouilles, il esclaireroit par trop la bestise des autres. Reprendre en autruy mes propres fautes, ne me semble non plus incompatible, que de reprendre, comme ie fay souuent, celles d'autruy en moy. Il les faut accuser par tout, & leur oster tout lieu de franchise. Si sçay ie, combien audacieusement i'entreprends moy-mesmes à tous coups, de m'égaler à mes larrecins, d'aller pair à pair quand & eux : non sans vne temeraire esperance, que ie puisse tromper les yeux des iuges à les discerner. Mais c'est autant par le benefice de mon application, que par le benefice de mon inuention & de ma force. Et puis, ie ne luitte point en gros ces vieux champions là, & corps à corps : c'est par reprinſes, menues & legeres ataintes. Je ne m'y aheurte pas : ie ne fay que les rafter : & ne vay point tant, comme ie marchande d'aller. Si ie leur pouuoy tenir palot, ie ferois honnestes homme : car ie ne les entreprends, que par où ils sont les plus roides. De faire ce que i'ay decouuert d'aucuns, se couvrir des armes d'autruy, iusques à ne montrer pas seulement le bout de ses doigts : conduire son dessein (comme il est aysé aux sçauans en vne matiere commune) sous les inuentions anciennes, rappieees par cy par là : à ceux qui les veulent cacher & faire propres, c'est premierement iniustice & laſcheté, que n'ayans rien en leur vaillant, par où se produire, ils cherchent à se presenter par vne valeur purement estrangere : & puis, grande sottise, se contentant par piperie de s'acquérir l'ignorante ap-

probation du vulgaire, se descrier enuers les gens d'entendement, qui hochent du nez cette incrustation empruntée : desquels seuls la louange a du poids. De ma part il n'est rien que ie vueille moins faire. Je ne dis les autres, sinon pour d'autant plus me dire Cecy ne touche pas les centons, qui se publient pour centons : & i'en ay veu de tres-ingenieux en mon temps : entre-autres vn, sous le nom de Capilupus : outre les anciens. Ce sont des esprits, qui se font veoir, & par ailleurs, & par là, comme Lipsius en ce docte & laborieux tissu de ses Politiques. Quoy qu'il en soit, veux-ie dire, & quelles que soient ces inepeties, ie n'ay pas deliberé de les cacher, non plus qu'un mien pourtraiët chauue & grisonnant, où le peintre auroit mis non un visage parfaict, mais le mien. Car aussi ce sont icy mes humeurs & opinions : ie les donne, pour ce qui est en ma creance, non pour ce qui est à croire. Je ne vise icy qu'à decouvrir moy-mesmes, qui seray par aduenture autre demain, si nouuel apprentissage me change. Je n'ay point l'autorité d'estre creu, ny ne le desire, me sentant trop mal instruit pour instruire autrui. Quelcun doncq' ayant veu l'article precedant, me disoit chez moy l'autre iour, que ie me deuoyis estre un petit estendu sur le discours de l'institution des enfans. Or Madame si i'auoy quelque suffisance en ce subiect, ie ne pourroy la mieux employer que d'en faire un present à ce petit homme, qui vous menasse de faire tantost vne belle sortie de chez vous (vous estes trop genereuse pour commencer autrement que par un malle) Car ayant eu tant de part à la conduite de vostre mariage, i'ay quelque droit & interrest à la grandeur & prosperité de tout ce qui en viendra : outre ce que l'ancienne possession que vous

avez sur ma seruitude, m'oblige assez à desirer honneur, bien & aduantage à tout ce qui vous touche. Mais à la verité ie n'y entens sinon cela, que la plus grande difficulté & importance de l'humaine science semble estre en cet endroit, où il se traite de la nourriture & institution des enfans. Tout ainsi qu'en l'agriculture, les façons, qui vont deuant le planter, sont certaines & aysees, & le planter mesme. Mais depuis que ce qui est planté, vient à prendre vie : à l'esleuer, il y a vne grande varieté de façons, & difficulté : pareillement aux hommes, il y a peu d'industrie à les planter : mais depuis qu'ils sont naiz, on se charge d'un soing diuers, plein d'embefoignement & de crainte, à les dresser & nourrir. La montre de leurs inclinations est si tendre en ce bas aage, & si obscure, les promesses si incertaines & fauces, qu'il est mal-aisé d'y establir aucun solide iugement. Voyez Cimon, voyez Themistocles & mille autres, combien ils se sont disconuenus à eux mesmes. Les petits des ours, & des chiens, montrent leur inclination naturelle ; mais les hommes se iettans incontinent en des accoustumances, en des opinions, en des loix, se changent ou se deguisent facilement. Si est-il difficile de forcer les propensions naturelles. D'où il aduient que par faute d'auoir bien choisi leur route, pour neant se traueille on souuent, & employe lon beaucoup d'aage, à dresser des enfans aux choses, ausquelles ils ne peuuent prendre pied. Toutesfois en cette difficulté mon opinion est, de les acheminer tousiours aux meilleures choses & plus profitables ; & qu'on se doit peu appliquer à ces legeres diuinations & prognostiques, que nous prenons des mouemens de leur enfance. Platon en sa republique, me semble leur donner trop d'autorité. Madame c'est

vn grand ornement que la science, & vn vtil de merueilleux seruice, notamment aux personnes esleuees en tel degré de fortune, comme vous estes. A la verité elle n'a point son vray vñage en mains viles & basses. Elle est bien plus fiere, de prester ses moyens à conduire vne guerre, à commander vn peuple, à pratiquer l'amitié d'un Prince, ou d'une nation estrangere, qu'à dresser vn argument dialectique, ou à plaider vn appel, ou ordonner vne masse de pillules. Ainsi Madame, par ce que ie croy que vous n'oubliez pas cette partie en l'institution des vostres, vous qui en auez saouré la douceur, & qui estes d'une race lettree (car nous auons encore les escrits de ces anciens Comtes de Foix, d'où Monsieur le Comte vostre mary & vous, estes descendus : & François Monsieur de Candale, vostre oncle, en fait naistre tous les iours d'autres, qui estendront la cognoissance de cette qualité de vostre famille, à plusieurs siecles) ie vous veux dire là dessus vne seule fantasie, que i'ay contraire au commun vsage. C'est tout ce que ie puis conferer à vostre seruice en cela. La charge du gouuerneur, que vous luy donrez, du choiz duquel depend tout l'effect de son institution, elle a plusieurs autres grandes parties, mais ie n'y touche point, pour n'y sçauoir rien apporter qui vaille : & de cet article, sur lequel ie me mesle de luy donner aduis, il m'en croira autant qu'il y verra d'apparence. A vn enfant de maison, qui recherche les lettres, non pour le gaing (car vne fin si abiecte, est indigne de la grace & faueur des Muses, & puis elle regarde & depend d'autrui) ny tant pour les commoditez externes, que pour les sienes propres, & pour s'en enrichir & parer au dedans, ayant plustost enuie d'en reussir habil'homme, qu'homme sçauant, ie voudrois aussi

en sa charge d'une nouvelle man
criailler à nos oreilles, comme q
antonnoir; & nostre charge ce
qu'on nous a dit. Je voudrois c
partie; & que de belle arriuee,
l'ame, qu'il a en main, il comme
la montre, luy faisant goustier les
& discerner d'elle mesme. Quel
le chemin, quelquefois le luy la
veux pas qu'il inuente, & parle
escoute son disciple parler à son
depuis Arcesilaus, faisoient premie
disciples, & puis ils parloient à e
ijs, qui discere volunt, auctoritas
Il est bon qu'il le face trotter de
de son train : & iuger iusques à c
raualler, pour s'accommoder à f
cette proportion, nous gastons to
choisir, & s'y conduire bien me
des plus ardues besongnes que ie
fect d'une haute ame & bien for
cendre à ses allures pueriles, &
che plus ferme & plus seur, à n
qui, comme nostre vsage porte,
mesme leçon & pareille mesure d
plusieurs esprits de si diuerses
ce n'est pas merueille, si en tout

leçon, mais du sens & de la substance. Et qu'il iuge du profit qu'il aura fait, non par le tesmoignage de sa memoire, mais de sa vie. Que ce qu'il viendra d'apprendre, il le luy face mettre en cent visages, & accommoder à autant de diuers subiets, pour voir s'il l'a encore bien pris & bien fait sien, prenant l'instruction à son progrez, des paidagogismes de Platon. C'est tesmoignage de crudité & indigestion que de regorger la viande comme on l'a auallee : l'estomach n'a pas fait son operation, s'il n'a fait changer la façon & la forme, à ce qu'on luy auoit donné à cuire. Nostre ame ne branle qu'à credit, liee & contrainte à l'appetit des fantasies d'autrui, serue & captiuee sous l'autorité de leur leçon. On nous a tant assubiectis aux cordes, que nous n'auons plus de franchises alleures : nostre vigueur & liberté est esteinte.

Nunquam tutela sue fiunt.

Je vy priuément à Pise vn honnest homme, mais si Aristotelicien, que le plus general de ses dogmes est : Que la touche & regle de toutes imaginations solides, & de toute verité, c'est la conformité à la doctrine d'Aristote : que hors de là, ce ne sont que chimeres & inanité : qu'il a tout veu & tout dict. Cette sienne proposition, pour auoir esté vn peu trop largement & iniquement interpretée, le mit autrefois & tint long temps en grand accessoire à l'inquisition à Rome. Qu'il luy face tout passer par l'estamine, & ne loge rien en sa teste par simple autorité, & à credit. Les principes d'Aristote ne luy soyent principes, non plus que ceux des Stoiciens ou Epicuriens. Qu'on luy propose cette diuersité de iugemens, il choisira s'il peut : sinon il en demeurera en doute.

Che non men che saper dubbiar m'aggrada.

Car s'il embrasse les opinions de Xenophon & de Platon, par son propre discours, ce ne seront plus les leurs, ce seront les siennes. Qui fuit vn autre, il ne fuit rien : il ne trouue rien : voire il ne cherche rien. *Non sumus sub rege, fibi quisque se vindicet.* Qu'il sache, qu'il sçait, au moins. Il faut qu'il imboiue leurs humeurs, non qu'il apprenne leurs preceptes. Et qu'il oublie hardiment s'il veut, d'où il les tient, mais qu'il se les sache approprier. La verité & la raison sont communes à vn chacun, & ne sont non plus à qui les a dites premierelement, qu'à qui les dit apres. Ce n'est non plus selon Platon, que selon moy : puis que luy & moy l'entendons & voyons de mesme. Les abeilles pillotent deçà delà les fleurs, mais elles en font apres le miel, qui est tout leur; ce n'est plus thin, ny mariolaine. Ainsi les pieces empruntees d'autrui, il les transformera & confondra, pour en faire vn ouurage tout sien : à sçauoir son iugement, son institution, son trauail & estude ne vise qu'à le former. Qu'il cele tout ce dequoy il a esté secouru, & ne produise que ce qu'il en a fait. Les pilleurs, les emprunteurs, mettent en parade leurs bastiments, leurs achapts, non pas ce qu'ils tirent d'autrui. Vous ne voyez pas les espices d'un homme de parlement : vous voyez les alliances qu'il a gaignees, & honneurs à ses enfants. Nul ne met en compte publique sa recette : chacun y met son acquest. Le guain de nostre estude, c'est en estre deuenu meilleur & plus sage. C'est, disoit Epicharmus, l'entendement qui voyt & qui oyt : c'est l'entendement qui profite tout, qui dispose tout, qui agit, qui domine & qui

regne : toutes autres choses sont aueugles, sourdes & sans ame. Certes nous le rendons seruite & coïard, pour ne luy laisser la liberté de rien faire de foy. Qui demanda iamais à son disciple ce qu'il luy semble de la Rhetorique & de la Grammaire, de telle ou telle sentence de Ciceron? On nous les plaque en la memoire toutes empennees, comme des oracles, où les lettres & les syllables sont de la substance de la chose. Sçauoir par cœur n'est pas sçauoir : c'est tenir ce qu'on a donné en garde à sa memoire. Ce qu'on sçait droittement, on en dispose, sans regarder au patron, sans tourner les yeux vers son liure. Facheuse suffisance, qu'une suffisance pure liuresque! Je m'attens qu'elle serue d'ornement, non de fondement : suiuant l'aduis de Platon, qui dit, la fermeté, la foy, la sincerité, estre la vraye philosophie : les autres sciences, & qui visent ailleurs, n'estre que fard. Je voudrois que le Paluël ou Pompee, ces beaux danseurs de mon temps, apprinrent des caprioles à les voir seulement faire, sans nous bouger de nos places, comme ceux-cy veulent instruire nostre entendement, sans l'esbranler : ou qu'on nous apprinst à manier vn cheual, ou vne pique, ou vn luth, ou la voix, sans nous y exercer : comme ceux icy nous veulent apprendre à bien iuger, & à bien parler, sans nous exercer à parler ny à iuger. Or à cet apprentissage tout ce qui se presente à nos yeux, sert de liure suffisant : la malice d'un page, la sottise d'un valet, vn propos de table, ce sont autant de nouuelles matieres. A cette cause le commerce des hommes y est merueilleusement propre, & la visite des pays estrangers : non pour en rapporter seulement, à la mode de nostre noblesse Françoisé, combien de pas a *Santa rotonda*, ou la richesse de caleçons de la *Signora*

de ces nations & leurs façons
limer nostre ceruelle contre cel
drois qu'on commençast à le pr
enfance : & premierement, poi
deux coups, par les nations voisir
plus esloigné du nostre, & au
formez de bon'heure, la langu
Aussi bien est-ce vne opinion r
que ce n'est pas raison de nourri
de ses parens. Cette amour na
trop, & relasche, voire les plus
capables ny de chastier ses fau
nourry grossierement comme il
sement. Ils ne le sçauroient souf
poudreux de son exercice, boire
ny le voir sur vn cheual rebours
tirez le floret au poing, ou la pr
Car il n'y a remede, qui en veut
bien, sans doubte il ne le faut esp
nesser : & faut souuent choquer
medecine :

*Vitæque sub dio & trepid.
In rebus.*

Ce n'est pas assez de luy roidir l'a
roidir les muscles; elle est trop
seconde : & a trop à faire de s

fi fort aller sur elle. Et apperçoy souuent en ma leçon, qu'en leurs escrits, mes maîtres font valoir pour magnanimité & force de courage, des exemples, qui tiennent volontiers plus de l'espeffissure de la peau & durté des os. L'ay veu des hommes, des femmes & des enfans, ainsi nays, qu'une bastonnade leur est moins qu'à moy vne chiquenaude; qui ne remuent ny langue ny sourcil, aux coups qu'on leur donne. Quand les athletes contrefont les Philosophes en patience, c'est plustost vigueur de nerfs que de cœur. Or l'accoustumance à porter le trauail, est accoustumance à porter la douleur : *labor collum obducit dolori*. Il le faut rompre à la peine, & aspreté des exercices, pour le dresser à la peine, & aspreté de la dislocation, de la colique, du caustere : & de la geaule aussi, & de la torture. Car de ces derniers icy, encore peut-il estre en prise, qui regardent les bons, selon le temps, comme les meschants. Nous en sommes à l'espreuue. Quiconque combat les loix, menace les gens de bien d'escourgees & de la corde. Et puis, l'autorité du gouuerneur, qui doit estre souueraine sur luy, s'interrompt & s'empesche par la presence des parents. Ioint que ce respect que la famille luy porte, la cognoissance des moyens & grandeurs de sa maison, ce ne sont à mon opinion pas legeres incommoditez en cet aage. En cette escole du commerce des hommes, j'ay souuent remarqué ce vice, qu'au lieu de prendre cognoissance d'autrui, nous ne trauaillons qu'à la donner de nous : & sommes plus en peine d'employer nostre marchandise, que d'en acquerir de nouuelle. Le silence & la modestie sont qualitez trescommodes à la conuersation. On dressera cet enfant à estre espargnant & mesnager de sa suffisance, quand

il l'aura acquise, à ne se formalizer point des sottises & fables qui se diront en sa presence : car c'est vne inciuile importunité de choquer tout ce qui n'est pas de nostre appetit. Qu'il se contente de se corriger soy mesme. Et ne semble pas reprocher à autrui, tout ce qu'il refuse à faire : ny contraster aux mœurs publiques. *Licet sapere sine pompa, sine inuidia*. Fuie ces images regenteuses du monde, & inciuiles : & cette puerile ambition, de vouloir paroistre plus fin, pour estre autre ; & comme si ce fust marchandise malaizée, que reprehensions & nouuelletez, vouloir tirer de là, nom de quelque peculiere valeur. Comme il n'affiert qu'aux grands Poëtes, d'vser des licences de l'art : aussi n'est-il supportable, qu'aux grandes ames & illustres de se priuilegier au dessus de la coustume. *Si quid Socrates & Aristippus contra morem & consuetudinem fecerunt, idem sibi ne arbitretur licere : magnis enim illi & diuinis bonis hanc licentiam assequebantur*. On luy apprendra de n'entrer en discours & contestation, que là où il verra vn champion digne de sa lute : & là mesmes à n'employer pas tous les tours qui luy peuuent seruir, mais ceux-là seulement qui luy peuuent le plus seruir. Qu'on le rende delicat au choix & triage de ses raisons, & ayment la pertinence, & par consequent la briefueté. Qu'on l'instruise sur tout à se rendre, & à quitter les armes à la verité, tout aussi tost qu'il l'apperceura : soit qu'elle naisse és mains de son aduersaire, soit qu'elle naisse en luy-mesmes par quelque rauissement. Car il ne sera pas mis en chaise pour dire vn rolle prescript, il n'est engagé à aucune cause, que par ce qu'il l'apprenue. Ny ne sera du mestier, où se vend à purs deniers contans, la liberté de se pouoir repentir & reco-

gnoistre. *Neque, ut omnia, quæ præscripta & imperata sint, defendat, necessitate vlla cogitur.* Si son gouverneur tient de mon humeur, il luy formera la volonté à estre tres-loyal seruiteur de son Prince, & tres-affectionné, & tres-courageux : mais il luy refroidira l'enuie de s'y attacher autrement que par vn deuoir publique. Outre plusieurs autres inconueniens, qui blessent nostre liberté, par ces obligations particulieres, le iugement d'un homme gagé & achetté, ou il est moins entier & moins libre, ou il est taché & d'imprudence & d'ingratitude. Vn pur courtisan ne peut auoir ny loy ny volonté, de dire & penser que fauorablement d'un maistre, qui parmi tant de milliers d'autres subiects, l'a choisi pour le nourrir & eleuer de sa main. Cette faueur & vtilité corrompent non sans quelque raison, sa franchise, & l'esblouissent. Pourtant void on coustumierement, le langage de ces gens là, diuers à tout autre langage, en vn estat, & de peu de foy en telle matiere. Que sa conscience & sa vertu reluisent en son parler, & n'ayent que la raison pour conduite. Qu'on luy face entendre, que de confesser la faute qu'il descouurira en son propre discours, encore qu'elle ne soit apperceuë que par luy, c'est vn effet de iugement & de sincerité, qui sont les principales parties qu'il cherche. Que l'opiniatrer & contester, sont qualitez communes : plus apparentes aux plus basses ames. Que se r'aduifer & se corriger, abandonner vn mauuais party, sur le cours de son ardeur, ce sont qualitez rares, fortes, & philosophiques. On l'aduertira, estant en compagnie, d'auoir les yeux par tout : car ie trouue que les premiers sieges sont communement saisis par les hommes moins capables, & que les grandeurs de fortune ne se trouuent gueres meslees à

la suffisance. l'ay veu ce pendant qu'on s'entretenoit au bout d'une table, de la beauté d'une tapisserie, ou du goust de la maluoisie, se perdre beaucoup de beaux traicts à l'autre bout. Il sondera la portee d'un chacun : vn bouvier, vn masson, vn passant, il faut tout mettre en besongne, & emprunter chacun selon sa marchandise : car tout sert en mesnage : la fortise mesmes, & foiblesse d'autrui luy sera instruction. A contreroller les graces & façons d'un chacun, il s'engendrera enuie des bonnes, & mespris des mauuaises. Qu'on luy mette en fantasie vne honneste curiosité de s'enquerir de toutes choses : tout ce qu'il y aura de singulier autour de luy, il le verra : vn bastiment, vne fontaine, vn homme, le lieu d'une bataille ancienne, le passage de Cæsar ou de Charlemaigne.

*Quæ tellus fit lenta gelu, quæ putris ab æstu,
Ventus in Italiam quis bene vela ferat.*

Il s'enquerra des mœurs, des moyens & des alliances de ce Prince, & de celuy-là. Ce sont choses tres-plaisantes à apprendre, & tres-vtiles à sçauoir. En cette pratique des hommes, i'entens y comprendre, & principalement, ceux qui ne viuent qu'en la memoire des liures. Il pratiquera par le moyen des histoires, ces grandes ames des meilleurs siècles. C'est vn vain estude qui veut : mais qui veut aussi c'est vn estude de fruit estimable : & le seul estude, comme dit Platon, que les Lacedemoniens eussent reserué à leur part. Quel profit ne fera-il en cette part là, à la lecture des vies de nostre Plutarque? Mais que mon guide se souuienne où vise sa charge ; & qu'il n'imprime pas tant à son disciple, la

date de la ruine de Carthage, que les mœurs de Hannibal & de Scipion : ny tant où mourut Marcellus, que pourquoy il fut indigne de son deuoir, qu'il mourust là. Qu'il ne luy apprenne pas tant les histoires, qu'à en iuger. C'est à mon gré, entre toutes, la matiere à laquelle nos esprits s'appliquent de plus diuerse mesure. I'ay leu en Tite Liue cent choses que tel n'y a pas leu. Plutarque y en a leu cent; outre ce que i'y ay sçeu lire : & à l'aduenture outre ce que l'auteur y auoit mis. A d'aucuns c'est vn pur estude grammairien : à d'autres, l'anatomie de la Philosophie, par laquelle les plus abstruses parties de nostre nature se penetrent. Il y a dans Plutarque beaucoup de discours estendus tres-dignes d'estre sçeus : car à mon gré c'est le maistre ouurier de telle besongne : mais il y en a mille qu'il n'a que touché simplement : il guigne seulement du doigt par où nous irons, s'il nous plaist, & se contente quelquefois de ne donner qu'une atteinte dans le plus vif d'un propos. Il les faut arracher de là, & mettre en place marchande. Comme ce sien mot, Que les habitans d'Asie seruoient à vn seul, pour ne sçauoir prononcer vne seule syllable, qui est, Non, donna peut estre, la matiere, & l'occasion à la Boetie, de sa Seruitude volontaire. Cela mesme de luy voir trier vne legiere action en la vie d'un homme, ou vn mot, qui semble ne porter pas cela, c'est vn discours. C'est dommage que les gens d'entendement, ayment tant la briefueté : sans doubte leur reputation en vaut mieux, mais nous en valons moins. Plutarque ayme mieux que nous le vations de son iugement, que de son sçauoir : il ayme mieux nous laisser desir de soy, que satieté. Il sçauoit qu'és choses bonnes mesmes on peut trop dire, & que Alexandridas reprocha

iustement, à celui qui tenoit aux Ephores des bons propos, mais trop longs : O estranger, tu dis ce qu'il faut, autrement qu'il ne faut. Ceux qui ont le corps gresse, le grossissent d'embourrures : ceux qui ont la matiere exile, l'enflent de paroles. Il se tire vne merueilleuse clarté pour le iugement humain, de la frequentation du monde. Nous sommes tous contrainsts & amoncellez en nous, & auons la veuë racourcie à la longueur de nostre nez. On demandoit à Socrates d'où il estoit, il ne respondit pas, d'Athenes, mais, du monde. Luy qui auoit l'imagination plus plaine & plus estanduë, embrassoit l'vniuers, comme sa ville, iettoit ses cognoissances, sa societé & ses affections à tout le genre humain : non pas comme nous, qui ne regardons que sous nous. Quand les vignes gelent en mon village, mon prebtre en argumente l'ire de Dieu sur la race humaine, & iuge que la pepie en tienne def-ia les Cannibales. A voir nos guerres ciuiles, qui ne crie que cette machine se bouleuerse, & que le iour du iugement nous prent au collet : sans s'auiser que plusieurs pires choses se font veuës, & que les dix mille parts du monde ne laissent pas de galler le bon temps cependant ? Moy, selon leur licence & impunité, admire de les voir si douces & molles. A qui il gresse sur la teste, tout l'hemisphere semble estre en tempeste & orage. Et disoit le Sauoiard, que si ce sot de Roy de France, eut sceu bien conduire sa fortune, il estoit homme pour deuenir maistre d'hostel de son Duc. Son imagination ne conceuoit autre plus esleuee grandeur, que celle de son maistre. Nous sommes insensiblement tous en cette erreur : erreur de grande suite & preiudice. Mais qui se presente comme dans vn tableau, cette grande image de nostre mere nature,

en son entiere maieſté : qui lit en ſon viſage, vne ſi generale & conſtante varieté : qui ſe remarque là dedans, & non ſoy, mais tout vn royaume, comme vn traitt d'une pointe tres-delicate, celuy-là ſeul eſtime les choſes ſelon leur iuſte grandeur. Ce grand monde, que les vns multiplient encore comme eſpeces ſoubs vn genre, c'eſt le miroüier, où il nous faut regarder, pour nous cognoiſtre de bon biais. Somme ie veux que ce ſoit le liure de mon eſcolier. Tant d'humeurs, de ſectes, de iugemens, d'opinions, de loix, & de couſtumes, nous apprennent à iuger ſainement des noſtres, & apprennent noſtre iugement à recognoiſtre ſon imperfection & ſa naturelle foibleſſe : qui n'eſt pas vn legier apprentiſſage. Tant de remuemens d'eſtat, & changemens de fortune publique, nous inſtruiſent à ne faire pas grand miracle de la noſtre. Tant de noms, tant de victoires & conquêtes enſeuelies ſoubs l'oubliance, rendent ridicule l'eſperance d'eterniſer noſtre nom par la priſe de dix argoulets, & d'un pouillier, qui n'eſt connu que de ſa cheute. L'orgueil & la fiereté de tant de pompes eſtrangeres, la maieſté ſi enſlee de tant de cours & de grandeurs, nous ſermit & aſſeure la veüe, à ſoute-nir l'eſclat des noſtres, ſans ſiller les yeux. Tant de milliaſſes d'hommes enterrez auant nous, nous encouragent à ne craindre d'aller trouuer ſi bonne compagnie en l'autre monde : ainſi du reſte. Noſtre vie, diſoit Pythagoras, retire à la grande & populaire aſſemblée des ieux Olympiques. Les vns exercent le corps, pour en acquerir la gloire des ieux : d'autres y portent des marchandises à vendre, pour le gain. Il en eſt, & qui ne ſont pas les pires, leſquels n'y cherchent aucun fruit, que de regarder comment & pourquoy chaſque choſe ſe faiſt : & eſtre

spectateurs de la vie des autres hommes, pour en juger & regler la leur. Aux exemples se pourront proprement assortir tous les plus profitables discours de la philosophie, à laquelle se doiuent toucher les actions humaines, comme à leur regle. On luy dira,

*quid fas optare, quid asper
Vtile nummus habet, patriæ charisque propinquis
Quantum largiri deceat, quem te Deus esse
Iussit, & humana qua parte locatus es in re,
Quid sumus, aut quidnam victuri gignimur :*

Que c'est que sçauoir & ignorer, qui doit estre le but de l'estude : que c'est que vaillance, temperance, & iustice : ce qu'il y a à dire entre l'ambition & l'auarice : la seruitude & la subiection, la licence & la liberté : à quelles marques on congnoit le vray & solide contentement : iusques où il faut craindre la mort, la douleur & la honte.

Et quo quemque modo fugiâtque ferâtque laborem.

Quels refflors nous meuent, & le moyen de tant diuers branles en nous. Car il me semble que les premiers discours, dequoy on luy doit abreuer l'entendement, ce doiuent estre ceux, qui reglent ses mœurs & son sens, qui luy apprendront à se cognoistre, & à sçauoir bien mourir & bien viure. Entre les arts liberaux, commençons par l'art qui nous fait libres. Elles seruent toutes voirement en quelque maniere à l'instruction de nostre vie, & à son vsage : comme toutes autres choses y seruent en quelque maniere aussi. Mais choisissons celle qui y sert directement & professoirement. Si nous sçauions restraindre les appartenances de nostre vie à leurs

iustes & naturels limites, nous trouuerions, que la meilleure part des sciences, qui sont en vsage, est hors de nostre vsage. Et en celles mesmes qui le sont, qu'il y a des estendues & enfonceures tres-inutiles, que nous ferions mieux de laisser là : & suiuant l'institution de Socrates, borner le cours de nostre estude en icelles, où faut l'vtilité.

sapere aude,
Incipe : Viuendi qui rectè prorogat horam,
Rusticus expectat dum defluat amnis, at ille
Labitur, & labetur in omne volubilis æuam.

C'est vne grande simpleesse d'apprendre à nos enfans ,

Quid moueant pisces, animosâque signa leonis,
Lotus & Hesperia quid capricornus aqua.

la science des astres & le mouuement de la huitiesme sphere, auant que les leurs propres.

τί πλειάδισσι καί μοι.
 τί δ' ἀστράσι βρώτω.

Anaximenes escriuant à Pythagoras : De quel sens puis ie m'amuser aux secrets des estoilles, ayant la mort ou la seruitude tousiours presente aux yeux? Car lors les Roys de Perse preparoient la guerre contre son pays. Chacun doit dire ainfin. Estant battu d'ambition, d'auarice, de temerité, de superstition : & ayant au dedans tels autres ennemis de la vie : iray-ie songer au bransle du monde? Apres qu'on luy aura appris ce qui fert à le faire plus sage & meilleur, on l'entretiendra que c'est que Logique, Physique, Geometrie, Rhetorique : & la science qu'il choisira,

ayant desia le iugement formé, il en viendra bien tost à bout. Sa leçon se fera tantost par deuis, tantost par liure : tantost son gouuerneur luy fournira de l'autheur mesme propre à cette fin de son institution : tantost il luy en donnera la moelle, & la substance toute maschee. Et si de soy mesme il n'est assez familier des liures, pour y trouuer tant de beaux discours qui y sont, pour l'effect de son dessein, on luy pourra ioinde quelque homme de lettres, qui à chaque besoing fournisse les munitions qu'il faudra, pour les distribuer & dispenser à son nourrisson. Et que cette leçon ne soit plus aisee, & naturelle que celle de Gaza, qui y peut faire doute? Ce sont là preceptes espineux & mal plaisans, & des mots vains & descharnez, où il n'y a point de prise, rien qui vous esueille l'esprit : en cette cy l'ame trouue où mordre, où se paistre. Ce fruit est plus grand sans comparaison, & si fera plustost meury. C'est grand cas que les choses en soyent là en nostre siecle, que la philosophie soit iusques aux gens d'entendement, vn nom vain & fantastique, qui se treuve de nul vsage, & de nul pris par opinion & par effect. Je croy que ces ergotismes en sont cause, qui ont faisi ses auenues. On a grand tort de la peindre inaccessible aux enfans, & d'un visage renfroigné, sourcilleux & terrible : qui me l'a masquee de ce faux visage passe & hideux? Il n'est rien plus gay, plus gaillard, plus enioué, & à peu que ie ne die follastre. Elle ne presche que feste & bon temps. Vne mine triste & transie, montre que ce n'est pas là son giste. Demetrius le Grammairien rencontrant dans le temple de Delphes vne troupe de Philosophes assis ensemble, il leur dit : Ou ie me trompe, ou à vous voir la contenance si paisible & si gaye, vous n'estes

pas en grand discours entre vous. A quoy l'un d'eux, Heracleon le Megarien, respondit : C'est à faire à ceux qui cherchent si le futur du verbe βαλλω a double λ, ou qui cherchent la derivation des comparatifs χαίρον & βλάπτον, & des superlatifs χαίριστον & βλάπιστον, qu'il faut rider le front s'entretenant de leur science : mais quant aux discours de la philosophie, ils ont accoustumé d'esgayer & resjouir ceux qui les traitent, non les renfroigner & contrister.

*Deprendas animi tormenta latentis in agro
Corpore, deprendas & gaudia, sumit vtrumque
Inde habitum facies.*

L'ame qui loge la philosophie, doit par sa fanté rendre fain encores le corps : elle doit faire luyre iusques au dehors son repos, & son aise : doit former à son moule le port extérieur, & l'armer par consequent d'une gracieuse fierté, d'un maintien actif, & allaire, & d'une contenance constante & debonnaire. La plus expresse marque de la sagesse, c'est une esjouissance constante : son estat est comme des choses au dessus de la lune, tousiours serein. C'est *Baroco* & *Baralipton*, qui rendent leurs supposts ainsi crotez & enfumez ; ce n'est pas elle, ils ne la cognoissent que par ouyr dire. Comment ? elle fait estat de sereiner les tempestes de l'ame, & d'apprendre la faim & les fiebures à rire : non par quelques Epicycles imaginaires, mais par raisons naturelles & palpables. Elle a pour son but, la vertu : qui n'est pas, comme dit l'eschole, plantée à la teste d'un mont coupé, raboteux & inaccessible. Ceux qui l'ont approchée, la tiennent au rebours, logée dans une belle plaine fertile & fleurissante : d'où elle void

bien souz foy toutes choses; mais si peut on y arriuer, qui en sçait l'adresse, par des routes ombrageuses, gazonnées, & doux fleurantes; plaifamment, & d'une pente facile & polie, comme est celle des voutes celestes. Pour n'auoir hanté cette vertu supreme, belle, triumpante, amoureuse, delicieuse pareillement & courageuse, ennemie professe & irreconciliable d'aigreur, de desplaisir, de crainte, & de contrainte, ayant pour guide nature, fortune & volupté pour compagnes : ils sont allez selon leur foiblesse, faindre cette sotte image, triste, querelleuse, despite, menaceuse, mineuse, & la placer sur vn rocher à l'escart, emmy des ronces : fantosme à estonner les gents. Mon gouuerneur qui cognoist deuoir remplir la volonté de son disciple, autant ou plus d'affection, que de reuerence enuers la vertu, luy sçaura dire, que les poëtes suient les humeurs communes : & luy faire toucher au doigt, que les Dieux ont mis plustost la sueur aux aduenues des cabinetz de Venus que de Pallas. Et quand il commencera de se sentir, luy presentant Bradamant ou Angelique, pour maistresse à iouïr : & d'une beauté naïue, actiue, genereuse, non hommasse, mais virile, au prix d'une beauté molle, affectée, delicate, artificielle; l'une trauestie en garçon, coiffée d'un morrion luisant : l'autre vestue en garce, coiffée d'un atiffet emperlé : il iugera masse son amour mesme, s'il choisit tout diuersement à cet effeminé pasteur de Phrygie. Il luy fera cette nouuelle leçon, que le prix & hauteur de la vraye vertu, est en la facilité, vtilité & plaisir de son exercice : si elloigné de difficulté, que les enfans y peuuent comme les hommes, les simples comme les subtilz. Le reglement c'est son vtil, non pas la force. Socrates son premier mignon,

quité à escient sa force, pour glisser en la naïveté & aisance de son progrès. C'est la mere nourrice des plaisirs humains. En les rendant iustes, elle les rend seurs & purs. Les moderant, elle les tient en haleine & en appetit. Retranchant ceux qu'elle refuse, elle nous aiguise enuers ceux qu'elle nous laisse : & nous laisse abondamment tous ceux que veut nature : & iusques à la satieté, sinon iusques à la lasseté; maternellement : si d'adventure nous ne voulons dire, que le regime, qui arreste le beueur auant l'yuresse, le mangeur auant la crudité, le paillard auant la pelade, soit ennemy de noz plaisirs. Si la fortune commune luy faut, elle luy eschappe; ou elle s'en passe, & s'en forge vne autre toute sienne : non plus flottante & roulante : elle sçait estre riche, & puissante, & sçauante, & coucher en des matelats musquez. Elle aime la vie, elle aime la beauté, la gloire, & la santé. Mais son office propre & particulier, c'est sçauoir vser de ces biens là reglément, & les sçauoir perdre constamment : office bien plus noble qu'aspre, sans lequel tout cours de vie est desnaturé, turbulent & difforme : & y peut-on iustement attacher ces escueils, ces haliers, & ces monstres. Si ce disciple se rencontre de si diuerse condition, qu'il aime mieux ouyr vne fable, que la narration d'un beau voyage, ou vn sage propos, quand il l'entendra. Qui au son du tabourin, qui arme la ieune ardeur de ses compagnons, se destourne à vn autre, qui l'appelle au ieu des batteleurs. Qui par souhait ne trouue plus plaisant & plus doux, reuenir poudreux & victorieux d'un combat, que de la paulme ou du bal, avec le prix de cet exercice : ie n'y trouue autre remede, sinon qu'on le mette patissier dans quelque bonne ville : fust il

filz d'un Duc : fuiuant le precepte de Platon, qu'il faut colloquer les enfans, non selon les facultez de leur pere, mais selon les facultez de leur ame. Puis que la Philosophie est celle qui nous instruit à viure, & que l'enfance y a sa leçon, comme les autres aages, pourquoy ne la luy communique lon ?

*Vdum & molle lutum est, nunc nunc properandus, & acri
Fingendus sine fine rota.*

On nous apprend à viure, quand la vie est passée. Cent escoliers ont pris la verolle auant que d'estre arriuez à leur leçon d'Aristote de la temperance. Cicero disoit, que quand il viuroit la vie de deux hommes, il ne prendroit pas le loisir d'estudier les Poëtes Lyriques. Et ie trouue ces ergotistes plus tristement encores inutiles. Nostre enfant est bien plus pressé : il ne doit au paidagogisme que les premiers quinze ou seize ans de sa vie : le demeurant est deu à l'action. Employons vn temps si court aux instructions necessaires. Ce sont abus, ostez toutes ces subtilitez espineuses de la Dialectique, dequoy nostre vie ne se peut amender, prenez les simples discours de la philosophie, sçachez les choisir & traiter à point, ils sont plus aisez à conceuoir qu'un conte de Boccace. Vn enfant en est capable au partir de la nourrisse, beaucoup mieux que d'apprendre à lire ou escrire. La philosophie a des discours pour la naissance des hommes, comme pour la decrepitude. Je suis de l'aduis de Plutarque, qu'Aristote n'amusa pas tant son grand disciple à l'artifice de composer syllogismes, ou aux principes de Geometrie, comme à l'instruire des bons preceptes,

touchant la vaillance, prouësse, la magnanimité & temperance, & l'assurance de ne rien craindre : & avec cette munition, il l'enuoya encores enfant subiuguer l'empire du monde à tout 30000. hommes de pied, 4000. cheuaulx, & quarante deux mille escuz seulement. Les autres arts & sciences, dit-il, Alexandre les honoroit bien, & loüoit leur excellence & gentillesse, mais pour plaisir qu'il y prist, il n'estoit pas facile à se laisser surprendre à l'affection de les vouloir exercer.

*petite hinc iuuenésque senésque
Finem animo certum, miserique viatica canis.*

C'est ce que disoit Epicurus au commencement de sa lettre à Meniceus : Ny le plus ieune refuse à philosopher, ny le plus vieil s'y lasse. Qui fait autrement, il semble dire, ou qu'il n'est pas encores saison d'heureusement viure : ou qu'il n'en est plus saison. Pour tout cecy, ie ne veux pas qu'on emprisonne ce garçon, ie ne veux pas qu'on l'abandonne à la colere & humeur melancholique d'un furieux maistre d'escole : ie ne veux pas corrompre son esprit, à le tenir à la gehenne & au trauail, à la mode des autres, quatorze ou quinze heures par iour, comme un portefaiz. Ny ne trouueroy bon, quand par quelque complexion solitaire & melancholique, on le verroit adonné d'une application trop indiscrete à l'estude des liures, qu'on la luy nourrist. Cela les rend ineptes à la conuersation ciuile, & les destourne de meilleures occupations. Et combien ay-ie veu de mon temps, d'hommes abestis, par temeraire audité de science ? Carneades s'en trouua

si affollé, qu'il n'eut plus le loisir de se faire le poil & les ongles. Ny ne veux gaster ses meurs genereuses par l'incivilité & barbarie d'autrui. La sagesse Françoisé a esté anciennement en prouerbe, pour vne sagesse qui prenoit de bon'heure, & n'auoit guerres de tenue. A la verité nous voyons encores qu'il n'est rien si gentil que les petits enfans en France : mais ordinairement ils trompent l'esperance qu'on en a conceüe, & hommes faicts, on n'y voit aucune excellence. I'ay ouy tenir à gens d'entendement, que ces colleges où on les enuoie, dequoy ils ont foison, les abrutissent ainfin. Au nostre, vn cabinet, vn iardin, la table, & le liët, la solitude, la compagnie, le matin & le vespre, toutes heures luy seront vnes : toutes places luy seront estude : car la philosophie, qui, comme formatrice des iugemens & des meurs, fera sa principale leçon, a ce priuilege, de se mesler par tout. Isocrates l'orateur estant prié en vn festin de parler de son art, chacun trouue qu'il eut raison de respondre : Il n'est pas maintenant temps de ce que ie sçay faire, & ce dequoy il est maintenant temps, ie ne le sçay pas faire. Car de presenter des harangues ou des disputes de rhetorique, à vne compagnie assemblée pour rire & faire bonne chere, ce seroit vn melange de trop mauuais accord. Et autant en pourroit-on dire de toutes les autres sciences. Mais quant à la philosophie, en la partie où elle traicte de l'homme & de ses deuoirs & offices, ç'a esté le iugement commun de tous les sages, que pour la douceur de sa conuersation, elle ne deuoit estre refusée, ny aux festins, ny aux ieux. Et Platon l'ayant inuitée à son conuiue, nous voyons comme elle entretient l'assistance d'une façon molle, & accommodée au temps & au

lieu, quoy que ce soit de ses plus hauts discours & plus salutaires.

*Aequè pauperibus prodest, locupletibus aequè,
Et neglecta aequè pueris senibûsque nocebit.*

Ainsi sans doubte il choumera moins, que les autres. Mais comme les pas que nous employons à nous promener dans vne galerie, quoy qu'il y en ait trois fois autant, ne nous lassent pas, comme ceux que nous mettons à quelque chemin dessigné : aussi nostre leçon se passant comme par rencontre, sans obligation de temps & de lieu, & se meslant à toutes noz actions, se coulera sans se faire sentir. Les ieux mesmes & les exercices seront vne bonne partie de l'estude : la course, la lutte, la musique, la danse, la chasse, le maniement des cheuaux & des armes. Je veux que la bien-seance exterieure, & l'entre-gent, & la disposition de la personne se façonne quant & quant l'ame. Ce n'est pas vne ame, ce n'est pas vn corps qu'on dresse, c'est vn homme, il n'en faut pas faire à deux. Et comme dit Platon, il ne faut pas les dresser l'un sans l'autre, mais les conduire également, comme vne couple de cheuaux attelés à mesme timon. Et à l'ouir semble il pas prester plus de temps & de sollicitude, aux exercices du corps : & estimer que l'esprit s'en exerce quant & quant, & non au contraire? Au demeurant, cette institution se doit conduire par vne seure douceur, non comme il se fait. Au lieu de conuier les enfans aux lettres, on ne leur presente à la verité, qu'horreur & cruauté. Ostez moy la violence & la force; il n'est rien à mon aduis qui abattardisse & estourdisse si fort vne nature bien née. Si vous avez enuie qu'il craigne la honte & le chastie-

ment, ne l'y endurecissez pas. Endurecissez le à la fueur & au froid, au vent, au soleil & aux hazards qu'il luy faut mespriser. Ostez luy toute mollesse & delicateffe au vestir & coucher, au manger & au boire : accoustumez le à tout : que ce ne soit pas vn beau garçon & dameret, mais vn garçon vert & vigoureux. Enfant, homme, vieil, i'ay tousiours creu & iugé de mesme. Mais entre autres choses, cette police de la plus part de noz colleges, m'a tousiours desplu. On eust failly à l'aduenture moins dommaageablement, s'inclinant vers l'indulgence. C'est vne vraye geaule de ieunesse captiue. On la rend desbauchée, l'en punissant auant qu'elle le soit. Arriuez y sur le point de leur office; vous n'oyez que cris, & d'enfants suppliciez, & de maistres enuyrez en leur cholere. Quelle maniere, pour esueiller l'appetit enuers leur leçon, à ces tendres ames, & craintiues, de les y guider d'une troigne effroyable, les mains armées de fouets? Inique & pernicieuse forme. Ioint ce que Quintilian en a tres-bien remarqué, que cette imperieuse autorité, tire des fuittes perilleuses : & nommément à nostre façon de chastiment. Combien leurs classes seroient plus decemment ionchées de fleurs & de feuillées, que de tronçons d'osiers sanglants? I'y feroiy pourtraire la ioye, l'allegresse, & Flora, & les Graces : comme fit en son eschole le philosophe Speusippus. Où est leur profit, que là fust aussi leur esbat. On doit ensucrer les viandes salubres à l'enfant : & enfieller celles qui luy sont nuisibles. C'est merueille combien Platon se montre soigneux en ses loix, de la gayeté & passetemps de la ieunesse de sa cité : & combien il s'arreste à leurs courses, ieux, chansons, faults & danfes : desquelles il dit, que l'antiquité a donné la conduite & le pa-

tronnage aux Dieux mesmes, Apollon, aux Muses & Minerue. Il s'estend à mille preceptes pour ses gymnases. Pour les sciences lettrées, il s'y amuse fort peu : & semble ne recommander particulièrement la poësie, que pour la musique. Toute estrangeté & particularité en noz mœurs & conditions est euitable, comme ennemie de société. Qui ne s'estonneroit de la complexion de Demophon, maistre d'hostel d'Alexandre, qui suoit à l'ombre, & trembloit au soleil? L'en ay veu fuir la senteur des pommes, plus que les harquebuzades; d'autres s'effrayer pour vne fouris : d'autres rendre la gorge à voir de la cresse : d'autres à voir brasser vn liët de plume : comme Germanicus ne pouuoit souffrir ny la veuë ny le chant des cocqs. Il y peut auoir à l'aduanture à cela quelque propriété occulte, mais on l'esteindroit, à mon aduis, qui s'y prendroit de bon'heure. L'institution a gaigné cela sur moy, il est vray que ce n'a point esté sans quelque soing, que sauf la biere, mon appetit est accommodable indifferemment à toutes choses, dequoy on se paist. Le corps est encore souple, on le doit à cette cause plier à toutes façons & coustumes : & pourueu qu'on puisse tenir l'appetit & la volonté sous boucle, qu'on rende hardiment vn ieune homme commode à toutes nations & compagnies, voire au desreglement & aux excés, si besoing est. Son exercitation suiue l'vsage. Qu'il puisse faire toutes choses, & n'ayme à faire que les bonnes. Les philosophes mesmes ne trouuent pas louable en Callisthenes, d'auoir perdu la bonne grace du grand Alexandre son maistre, pour n'auoir voulu boire d'autant à luy. Il rira, il folastuera, il se desbauchera avec son Prince. Je veux qu'en la desbauche mesme, il surpasse en vigueur & en fermeté ses com-

pagnons, & qu'il ne laisse à faire le mal, ny à faute de force ny de science, mais à faute de volonté. *Multum interest, utrum peccare quis nolit, aut nesciat.* Je pensois faire honneur à vn Seigneur aussi esloigné de ces debordemens, qu'il en soit en France, de m'enquerir à luy en bonne compagnie, combien de fois en sa vie il s'estoit enyuré, pour la necessité des affaires du Roy en Allemaigne : il le print de cette façon, & me respondit que c'estoit trois fois, lesquelles il recita. L'en sçay, qui à faute de cette faculté, se sont mis en grand peine, ayans à pratiquer cette nation. J'ay souuent remarqué avec grande admiration la merueilleuse nature d'Alcibiades, de se transformer si aisément à façons si diuerses, sans interest de sa santé; surpassant tantost la sumptuosité & pompe Perlienne, tantost l'austerité & frugalité Lacedemonienne; autant reformé en Sparte, comme voluptueux en Ionie.

Omnis Aristippum decuit color, & status & res.

Tel voudrois-ie former mon disciple,

*quem duplici panno patientia velat,
Mirabor, vitæ via si conuersa decebit,
Personamque feret non inconcinna vtramque.*

Voicy mes leçons : Celuy-là y a mieux profité, qui les fait, que qui les sçait. Si vous le voyez, vous l'oyez : si vous l'oyez, vous le voyez. Ia à Dieu ne plaîse, dit quelqu'un en Platon, que philosopher ce soit apprendre plusieurs choses, & traiter les arts. *Hanc amplissimam omnium artium bene viuendi disciplinam, vita magis quàm literis persequuti sunt.*

Leon Prince des Phliasiens, s'enquerant à Heraclides Ponticus, de quelle science, de quelle art il faisoit profession : Je ne sçay, dit-il, ny art, ny science : mais ie suis Philosophe. On reprochoit à Diogenes, comment, estant ignorant, il se mesloit de la Philosophie : Je m'en mesle, dit-il, d'autant mieux à propos. Hegesias le prioit de luy lire quelque liure : Vous estes plaissant, luy respondit il : vous choisissés les figures vrayes & naturelles, non peintes : que ne choisissiez vous aussi les exercices naturelles, vrayes, & non escrites ? Il ne dira pas tant sa leçon, comme il la fera. Il la repetera en ses actions. On verra s'il y a de la prudence en ses entreprises : s'il y a de la bonté, de la iustice en ses deportemens : s'il a du iugement & de la grace en son parler : de la vigueur en ses maladies : de la modestie en ses jeux : de la temperance en ses voluptez : de l'ordre en son œconomie : de l'indifference en son goust, soit chair, poisson, vin ou eau. *Qui disciplinam suam non ostentationem scientiæ, sed legem vitæ puset : quique obtemperet ipse sibi, & decretis pareat.* Le vray miroir de nos discours, est le cours de nos vies. Zeuxidamus respondit à vn qui luy demanda pourquoy les Lacedemoniens ne redigeoient par escrit les ordonnances de la prouesse, & ne les donnoient à lire à leurs ieunes gens ; que c'estoit parce qu'ils les vouloient accoustumer aux faits, non pas aux parolles. Comparez au bout de 15. ou 16. ans, à cettuy-cy, vn de ces latineurs de college, qui aura mis autant de temps à n'apprendre simplement qu'à parler. Le monde n'est que babil, & ne vis iamais homme, qui ne die plustost plus, que moins qu'il ne doit : toutes-fois la moitié de nostre aage s'en va là. On nous tient quatre ou cinq ans à entendre les mots & les

coudre en clauses, encores autant à en proportionner vn grand corps estendu en quatre ou cinq parties, autres cinq pour le moins à les sçauoir breuement mesler & entrelasser de quelque subtile façon. Laissons le à ceux qui en font profession expresse. Allant vn iour à Orleans, ie trouuay dans cette plaine au deça de Clery, deux regents qui venoyent à Bourdeaux, enuiron à cinquante pas l'vn de l'autre : plus loing derriere eux, ie voyois vne troupe, & vn maistre en teste, qui estoit feu Monsieur le Comte de la Rochefoucaut : vn de mes gens s'enquit au premier de ces regents, qui estoit ce Gentil'homme qui venoit apres luy : luy qui n'auoit pas veu ce train qui le suiuiot, & qui pensoit qu'on luy parlast de son compagnon, respondit plaifamment, Il n'est pas Gentil'homme, c'est vn grammairien, & ie suis logicien. Or nous qui cherchons icy au rebours, de former non vn grammairien ou logicien, mais vn Gentil'homme, laissons les abuser de leur loisir : nous auons affaire ailleurs. Mais que notre disciple soit bien pourueu de choses, les parolles ne suiuront que trop : il les trainera, si elles ne veulent suiure. I'en oy qui s'excusent de ne se pouuoir exprimer ; & font contenance d'auoir la teste pleine de plusieurs belles choses, mais à faute d'eloquence, ne les pouuoir mettre en euidence : c'est vne baye. Sçauiez vous à mon aduis que c'est que cela ? ce sont des ombrages, qui leur viennent de quelques conceptions informes, qu'ils ne peuuent démesler & esclarcir au dedans, ny par consequent produire au dehors. Ils ne s'entendent pas encore eux mesmes : & voyez les vn peu begayer sur le point de l'enfanter, vous iugez que leur traual n'est point à l'accouchement, mais à la conception, & qu'ils ne font que lecher encores

cette matiere imparfaicte. De ma part, ie tiens, & Socrates ordonne, que qui a dans l'esprit vne viue imagination & claire, il la produira, soit en Bergamalque, soit par mines, s'il est muet :

Verbaque prauisam rem non inuita sequuntur.

Et comme disoit celuy-là, aussi poëtiquement en sa prose, *cum res animum occupauere, verba ambiunt*. Et cest autre : *ipsæ res verba rapiunt*. Il ne sçait pas ablatif, coniunctif, substantif, ny la grammaire; ne fait pas son laquais, ou vne harangere de Petit pont : & si vous entretiendront tout vostre soul, si vous en auez enuie, & se desferrent aussi peu, à l'aduenture, aux regles de leur langage, que le meilleur maistre és arts de France. Il ne sçait pas la rhetorique, ny pour auant-jeu capter la beneuolence du candide lecteur, ny ne luy chaut de le sçauoir. De vray, toute cette belle peinture s'efface aisément par le lustre d'une verité simple & naifue. Ces gentillesse ne seruent que pour amuser le vulgaire, incapable de prendre la viande plus massiue & plus ferme; comme Afer montre bien clairement chez Tacitus. Les Ambassadeurs de Samos estoient venus à Cleomenes Roy de Sparte, preparez d'une belle & longue oraison, pour l'esmouuoir à la guerre contre le tyran Polycrates : apres qu'il les eut bien laissez dire, il leur respondit : Quant à vostre commencement, & exorde, il ne m'en souuiet plus, ny par consequent du milieu; & quant à vostre conclusion, ie n'en veux rien faire. Voila vne belle responce, ce me semble, & des harangueurs bien camus. Et quoy cet autre? Les Atheniens estoient à choisir de deux architectes, à conduire vne grande fabrique; le pre-

mier plus affecté, se presenta avec vn beau discours premedité sur le subiect de cette besongne, & tiroit le iugement du peuple à sa faueur : mais l'autre en trois mots : Seigneurs Atheniens, ce que cettuy a dict, ie le feray. Au fort de l'eloquence de Cicero, plusieurs en entroient en admiration, mais Caton n'en faisant que rire : Nous auons, disoit-il, vn plaisant Consul. Aille deuant ou apres : vne vtile sentence, vn beau traitt est tousiours de saison. S'il n'est pas bien à ce qui va deuant, ny à ce qui vient apres, il est bien en soy. Je ne suis pas de ceux qui pensent la bonne rythme faire le bon poëme : laissez luy allonger vne courte syllabe s'il veut, pour cela non force; si les inuentions y rient, si l'esprit & le iugement y ont bien fait leur office : voyla vn bon poëte, diray-ie, mais vn mauuais versificateur,

Emunctæ naris durus, componere versus.

Qu'on face, dit Horace, perdre à son ouurage toutes les coustures & mesures,

*Tempora certa modòsque, & quod prius ordine verbum est,
Posterius facias, præponens vltima primis,
Inuenias etiam disiecti membra poetæ :*

il ne se dementira point pour cela : les pieces mesmes en seront belles. C'est ce que respondit Menander, comme on le tenfast, approchant le iour, auquel il auoit promis vne comedie, dequoy il n'y auoit encore mis la main : Elle est composée & preste, il ne reste qu'à y adiouster les vers. Ayant les choses & la matiere disposée en l'ame, il mettoit en peu de compte le demeurant. Depuis que Ronfard & du

Bellay ont donné credit à nostre poésie Françoisë, ie ne vois si petit apprenti, qui n'enſe des mots, qui ne reſonge les cadences à peu pres, comme eux. *Plus sonat qudm valet.* Pour le vulgaire, il ne fut iamais tant de poètes : mais comme il leur a eſté bien aiſé de repreſenter leurs rythmes, ils demeurent bien auſſi court à imiter les riches deſcriptions de l'vn, & les delicates inuentions de l'autre. Voire mais que fera-il, ſi on le preſſe de la ſubtilité ſophiſtique de quelque ſyllogiſme? Le iambon fait boire, le boire deſaltere, parquoi le iambon deſaltere. Qu'il s'en mocque. Il eſt plus ſubtil de s'en mocquer, que d'y reſpondre. Qu'il emprunte d'Ariſtippus cette plaiſante contrefineſſe : Pourquoi le deſlieray-ie, puis que tout lié il m'empêche? Quelqu'vn propoſoit contre Cleanthes des fineſſes dialectiques : à qui Chryſippus dit, Iouë toy de ces battelages avec les enfans, & ne deſtourne à cela les penſées ſerieuſes d'un homme d'aage. Si ces ſottes arguties, *contorta & aculeata ſophiſmata*, luy doiuent perſuader vne menſonge, cela eſt dangereux : mais ſi elles demeurent ſans eſſect, & ne l'eſmeuuent qu'à rire, ie ne voy pas pourquoy il s'en doie donner garde. Il en eſt de ſi ſots, qu'ils ſe deſtournent de leur voye vn quart de lieuë, pour courir apres vn beau mot : *aut qui non verba rebus aptant, ſed res extrinſecus arceſſunt, quibus verba conueniant.* Et l'autre : *Qui alicuius verbi decore placentis vocentur ad id quod non propoſuerant ſcribere.* Je tors bien plus volontiers vne belle ſentence, pour la coudre ſur moy, que ie ne deſtors mon fil, pour l'aller querir. Au rebours, c'eſt aux paroles à ſeruir & à ſuiure, & que le Gaſcon y arriue, ſi le François n'y peut aller. Je veux que les choſes ſurmontent, & qu'elles rempliſſent de façon

l'imagination de celuy qui escoute, qu'il n'aye aucune souuenance des mots. Le parler que i'ayme, c'est vn parler simple & naif, tel sur le papier qu'à la bouche : vn parler succulent & nerueux, court & ferré, non tant delicat & peigné, comme vehement & brusque.

Hac demum sapiet diſſio, quæ feriet.

Pluſtoſt difficile qu'ennuieux, eſloigné d'affectation : deſreglé, deſcouſu, & hardy : chaque loppin y face ſon corps : non pedanteſque, non frateſque, non pleidereſque, mais pluſtoſt ſoldateſque, comme Suetone appelle celuy de Iulius Cæſar. Et ſi ne ſens pas bien, pourquoy il l'en appelle. I'ay volontiers imité cette deſbauche qui ſe voit en noſtre ieuneſſe, au port de leurs veſtemens. Vn manteau en eſcharpe, la cape ſur vne eſpaule, vn bas mal tendu, qui repreſente vne fierté deſdaigneuſe de ces paremens eſtrangers, & nonchallante de l'art : mais ie la trouue encore mieux employée en la forme du parler. Toute affectation, nommément en la gayeté & liberté Françoisé, eſt meſaduenante au courtiſan. Et en vne Monarchie, tout Gentil'homme doit eſtre dreſſé au port d'un courtiſan. Parquoy nous faiſons bien de gauchir vn peu ſur le naïf & meſpriſant. Ie n'ayme point de tiſſure, où les liaiſons & les couſtures paroiſſent : tout ainſi qu'en vn beau corps, il ne faut qu'on y puiſſe compter les os & les veines. *Quæ veritati operam dat oratio, incompoſita ſit & ſimplex. Quis accuratè loquitur, niſi qui vult puridè loqui?* L'eloquence faiſt iniure aux choſes, qui nous deſtourne à ſoy. Comme aux accouſtremens, c'eſt puſillanimité, de ſe vouloir marquer par quelque façon par-

ticuliere & inusitée. De mesme au langage, la recherche des fraises nouvelles, & des mots peu cogneuz, vient d'une ambition scholastique & puerile. Peusse-je ne me servir que de ceux qui servent aux haies à Paris ! Aristophanes le Grammairien n'y entendoit rien, de reprendre en Epicurus la simplicité de ses mots : & la fin de son art oratoire, qui estoit, perspicuité de langage seulement. L'imitation du parler, par sa facilité, suit incontinent tout un peuple. L'imitation du iuger, de l'inventer, ne va pas si viste. La plus part des lecteurs, pour avoir trouué une pareille robbe, pensent tresfaucement tenir un pareil corps. La force & les nerfs, ne s'empruntent point : les atours & le manteau s'empruntent. La plus part de ceux qui me hantent, parlent de mesmes les Effais : mais ie ne sçay, s'ils pensent de mesmes. Les Atheniens, dit Platon, ont pour leur part, le soing de l'abondance & elegance du parler, les Lacedemoniens de la briefueté, & ceux de Crete, de la fecundité des conceptions, plus que du langage : ceux-cy sont les meilleurs. Zenon disoit qu'il auoit deux sortes de disciples : les uns qu'il nommoit φιλόλογος, curieux d'apprendre les choses, qui estoient ses mignons : les autres λογοφίλους, qui n'auoyent soing que du langage. Ce n'est pas à dire que ce ne soit une belle & bonne chose que le bien dire : mais non pas si bonne qu'on la fait, & suis despit dequoy nostre vie s'embesongne toute à cela. Je voudrois premierement bien sçauoir ma langue, & celle de mes voisins, où i'ay plus ordinaire commerce. C'est un bel & grand agencement sans doubte, que le Grec & Latin, mais on l'achepte trop cher. Je diray icy une façon d'en avoir meilleur marché que de coustume, qui a esté essayée en moy-mesmes ; s'en

seruira qui vouldra. Feu mon pere, ayant fait toutes les recherches qu'homme peut faire, parmy les gens sçauans & d'entendement, d'une forme d'institution exquisite; fut aduisé de cet inconuenient, qui estoit en vsage : & luy disoit-on que cette longueur que nous mettions à apprendre les langues qui ne leur coustoient rien, est la seule cause, pourquoy nous ne pouuons arriuer à la grandeur d'ame & de cognoissance des anciens Grecs & Romains. Je ne croy pas que c'en soit la seule cause. Tant y a que l'expedient que mon pere y trouua, ce fut qu'en nourrice, & auant le premier desnouement de ma langue, il me donna en charge à vn Allemand, qui depuis est mort fameux medecin en France, du tout ignorant de nostre langue, & tresbien versé en la Latine. Cettuy-cy, qu'il auoit fait venir expres, & qui estoit bien chèrement gagé, m'auoit continuellement entre les bras. Il en eut aussi avec luy deux autres moindres en sçauoir, pour me suiure, & soulager le premier : ceux-cy ne m'entretenoient d'autre langue que Latine. Quant au reste de sa maison, c'estoit une regle inuiolable, que ny luy mesme, ny ma mere, ny valet, ny chambriere, ne parloient en ma compagnie, qu'autant de mots de Latin, que chacun auoit appris pour iargonner avec moy. C'est merueille du fruit que chacun y fit : mon pere & ma mere y apprirent assez de Latin pour l'entendre, & en acquirent à suffisance, pour s'en seruir à la necessité, comme firent aussi les autres domestiques, qui estoient plus attachez à mon seruice. Somme, nous nous latinizames tant, qu'il en regorgea iusques à nos villages tout autour, où il y a encores, & ont pris pied par l'vsage, plusieurs appellations Latines d'artisans & d'utiles. Quant à moy, j'auois plus de six

ans, auant que i'entendisse non plus de François ou de Perigordin, que d'Arabesque : & sans art, sans liure, sans grammaire ou precepte, sans fouet, & sans larmes, i'auois appris du Latin, tout aussi pur que mon maistre d'escole le sçauoit : car ie ne le pouuois auoir meslé ny alteré. Si par essay on me vouloit donner vn theme, à la mode des colleges ; on le donne aux autres en François, mais à moy il me le falloit donner en mauuais Latin, pour le tourner en bon. Et Nicolas Grouchi, qui a escript *de comitiis Romanorum*, Guillaume Guerente, qui a commenté Aristote, George Bucanan, ce grand poëte Escossois, Marc Antoine Muret, que la France & l'Italie recognoist pour le meilleur orateur du temps, mes precepteurs domestiques, m'ont dit souuent, que i'auois ce langage en mon enfance, si prest & si à main, qu'ils craignoient à m'accoster. Bucanan, que ie vis depuis à la suite de feu Monsieur le Mareschal de Brissac, me dit, qu'il estoit apres à escrire de l'institution des enfans : & qu'il prenoit l'exemplaire de la mienne : car il auoit lors en charge ce Comte de Brissac, que nous auons veu depuis si valeureux & si braue. Quant au Grec, duquel ie n'ay quasi du tout point d'intelligence, mon pere desseigna me le faire apprendre par art. Mais d'une voie nouuelle, par forme d'ébat & d'exercice : nous pelotions nos declinaisons, à la maniere de ceux qui par certains ieux de tablier apprennent l'Arithmetique & la Geometrie. Car entre autres choses, il auoit esté conseillé de me faire goustier la science & le deuoir, par vne volonté non forcée, & de mon propre desir ; & d'esleuer mon ame en toute douceur & liberté, sans rigueur & contrainte. Je dis iusques à telle superstition, que par ce qu'aucuns tiennent, que cela trouble la cer-

uelle tendre des enfans, de les esueiller le matin en surfaul, & de les arracher du sommeil (auquel ils sont plongez beaucoup plus que nous ne sommes) tout à coup, & par violence, il me faisoit esueiller par le son de quelque instrument, & ne fus iamais sans homme qui m'en seruist. Cet exemple suffira pour en iuger le reste, & pour recommander aussi & la prudence & l'affection d'un si bon pere : auquel il ne se faut prendre, s'il n'a recueilly aucuns fruits respondans à vne si exquise culture. Deux choses en furent cause : en premier, le champ sterile & incommode. Car quoy que i'eusse la santé ferme & entiere, & quant & quant un naturel doux & traitable, i'estois parmy cela si poissant, mol & endormy, qu'on ne me pouuoit arracher de l'oïsiueté, non pas pour me faire iouer. Ce que ie voyois, ie le voyois bien ; & souz cette complexion lourde, nourrissois des imaginations hardies, & des opinions au dessus de mon aage. L'esprit, ie l'auois lent, & qui n'alloit qu'autant qu'on le menoit : l'apprehension tardive, l'inuention lasche, & apres tout un incroyable defect de memoire. De tout cela il n'est pas merueille, s'il ne sceut rien tirer qui vaille. Secondement, comme ceux que presse un furieux desir de guerison, se laissent aller à toute sorte de conseil, le bon homme, ayant extreme peur de faillir en chose qu'il auoit tant à cœur, se laissa en fin emporter à l'opinion commune, qui suit tousiours ceux qui vont deuant, comme les grûes ; & se rengea à la coustume, n'ayant plus autour de luy ceux qui luy auoient donné ces premieres institutions, qu'il auoit apportées d'Italie : & m'enuoya environ mes six ans au college de Guienne, tres-florissant pour lors, & le meilleur de France. Et là, il n'est possible de rien adiouster au soing qu'il eut, & à me

choisir des precepteurs de chambre suffisans, & à toutes les autres circonstances de ma nourriture; en laquelle il reserua plusieurs façons particulieres, contre l'usage des colleges : mais tant y a que c'estoit tousiours college. Mon Latin s'abastardit incontinent, duquel depuis par desaccoustumance i'ay perdu tout usage. Et ne me seruit cette mienne inaccoustumée institution, que de me faire eniamber d'arriüée aux premieres classes. Car à treize ans, que ie sortis du college, i'auois acheué mon cours (qu'ils appellent) & à la verité sans aucun fruit, que ie peusse à present mettre en compte. Le premier goust que i'euz aux liures, il me vint du plaisir des fables de la Metamorphose d'Ouide. Car enuiron l'aage de 7. ou 8. ans, ie me desrobois de tout autre plaisir, pour les lire : d'autant que cette langue estoit la mienne maternelle; & que c'estoit le plus aisé liure, que ie cogneusse, & le plus accommodé à la foiblesse de mon aage, à cause de la matiere. Car des Lancelots du Lac, des Amadis, des Huons de Bordeaux, & tels fatras de liures, à quoy l'enfance s'amuse, ie n'en cognoissois pas seulement le nom, ny ne fais encore le corps : tant exacte estoit ma discipline. Je m'en rendois plus nonchalant à l'estude de mes autres leçons prescrites. Là il me vint singulierement à propos, d'auoir affaire à vn homme d'entendement de precepteur, qui sceust dextrement conuiuer à cette mienne desbauche, & autres pareilles. Car par là, i'enfilay tout d'un train Vergile en l'Æneide, & puis Terence, & puis Plaute, & des comedies Italiennes, leurré tousiours par la douceur du subiect. S'il eust esté si fol de rompre ce train, i'estime que ie n'eusse rapporté du college que la haine des liures, comme fait quasi toute nostre noblesse. Il s'y gouuerna in-

genieusement, faisant semblant de n'en voir rien. Il aiguisoit ma faim, ne me laissant qu'à la defrobée gourmander ces liures, & me tenant doucement en office pour les autres estudes de la regle. Car les principales parties que mon pere cherchoit à ceux à qui il donnoit charge de moy, c'estoit la debonnaireté & facilité de complexion. Aussi n'auoit la mienne autre vice, que langueur & paresse. Le danger n'estoit pas que ie fisse mal, mais que ie ne fisse rien. Nul ne prognostiquoit que ie deusse deuenir mauuais, mais inutile : on y preuoyoit de la faineantise, non pas de la malice. Ic sens qu'il en est aduenue comme cela. Les plaintes qui me cornent aux oreilles, sont telles : Il est oisif, froid aux offices d'amitié, & de parenté : & aux offices publiques, trop particulier, trop desdaigneux. Les plus iniurieux mesmes ne disent pas, Pourquoi a il prins, pourquoi n'a-il payé? mais, Pourquoi ne quitte-il, pourquoi ne donne-il? Le receuroy à faueur, qu'on ne desirast en moy que tels effects de supererogation. Mais ils sont iniustes, d'exiger ce que ie ne doy pas, plus rigoureusement beaucoup, qu'ils n'exigent d'eux ce qu'ils doiuent. En m'y condamnant, ils effacent la gratification de l'action, & la gratitude qui m'en seroit deuë. Là où le bien faire actif, deuroit plus peser de ma main, en consideration de ce que ie n'en ay de passif nul qui soit. Je puis d'autant plus librement disposer de ma fortune, qu'elle est plus mienne : & de moy, que ie suis plus mien. Toutesfois si i'estoy grand enlumineur de mes actions, à l'aduenture rembarrerois-je bien ces reproches ; & à quelques-vns apprendrois, qu'ils ne sont pas si offensés que ie ne face pas assez : que dequoy ie puisse faire assez plus que ie ne fay. Mon ame ne laissoit pourtant en mesme

temps d'avoir à part soy des remuemens fermes : & des iugemens feurs & ouverts autour des obiects qu'elle cognoissoit : & les digeroit seule, sans aucune communication. Et entre autres choses ie croy à la verité qu'elle eust esté du tout incapable de se rendre à la force & violence. Mettray-ie en compte cette faculté de mon enfance, Vne assurance de visage, & souppléssé de voix & de geste, à m'appliquer aux roles que j'entreprendois? Car avant l'age,

Alter ab undecimo tum me vix ceperat annus :

j'ay soustenu les premiers peronnages, és tragedies latines de Bucanan, de Guerente, & de Muret, qui se representerent en nostre college de Guienne avec dignité. En cela, Andreas Goueanus nostre principal, comme en toutes autres parties de sa charge, fut sans comparaison le plus grand principal de France; & m'en tenoit-on maistre ouurier. C'est vn exercice, que ie ne mesloué point aux ieunes enfans de maison; & ay veu nos Princes s'y addonner depuis, en personne, à l'exemple d'aucuns des anciens, honnestement & louablement. Il estoit loisible, mesme d'en faire mestier, aux gents d'honneur & en Grece, *Aristoni tragico actori rem aperit : huic & genus & fortuna honesta erant : nec ars, quia nihil tale apud Gracos pudori est, ea deformabat.* Car j'ay tousiours accusé d'impertinence, ceux qui condamnent ces esbatemens : & d'iniustice, ceux qui refusent l'entrée de nos bonnes villes aux comediens qui le valent, & enuient au peuple ces plaisirs publiques. Les bonnes polices prennent soing d'assembler les citoyens, & les r'allier, comme aux offices serieux de la deuotion, aussi aux exercices & jeux. La société & amitié s'en

augmente, & puis on ne leur sçauroit concéder des passetemps plus reglez, que ceux qui se font en présence d'un chacun, & à la veüe mesme du magistrat : & trouuerois raisonnable que le Prince à ses despens en gratifiast quelquefois la commune, d'une affection & bonté comme paternelle : & qu'aux villes peuplées il y eust des lieux destinez & disposez pour ces spectacles : quelque diuertissement de pires actions & occultes. Pour reuenir à mon propos, il n'y a tel, que d'allecher l'appetit & l'affection, autrement on ne fait que des ânes chargez de liures : on leur donne à coups de fouët en garde leur pochette pleine de science. Laquelle pour bien faire, il ne faut pas seulement loger chez soy, il la faut espouser.





*C'est folie de rapporter le vray & le faux
à nostre suffisance.*

CHAPITRE XXVI.



E n'est pas à l'aduanture sans raison, que nous attribuons à simplesse & ignorance, la facilité de croire & de se laisser persuader. Car il me semble auoir appris autrefois, que la creance estoit comme vne impression, qui se faisoit en nostre ame; & à mesure qu'elle se trouuoit plus molle & de moindre resistance, il estoit plus aysé à y empreindre quelque chose. *Vt necesse est lancem in libra ponderibus impositis deprimi : sic animum perspicuis cedere.* D'autant que l'ame est plus vuide, & sans contrepoids, elle se baïsse plus facilement souz la charge de la premiere persuasion. Voylà pourquoy les enfans, le vulgaire, les femmes & les malades sont plus suiets à estre menez par les oreilles. Mais aussi de l'autre part, c'est vne sottise presomption, d'aller desdeignant & condamnant pour faux, ce qui ne nous semble pas vray-semblable : qui est vn vice ordinaire de ceux qui pensent auoir quelque suffisance, outre la commune. L'en faisoï ainfin autrefois, & si i'oyois parler ou des esprits qui

reuiennent, ou du prognostique des choses futures, des enchantemens, des forcelleries, ou faire quelque autre conte, où ie ne puisse pas mordre,

*Somnia, terrores magicos, miracula, sagas,
Nocturnos lemures, portentâque Thessala :*

il me venoit compassion du pauvre peuple abusé de ces folies. Et à present ie treuve, que i'estoy pour le moins autant à plaindre moy mesme. Non que l'experience m'aye depuis rien fait voir, au dessus de mes premieres creances ; & si n'a pas tenu à ma curiosité : mais la raison m'a instruit, que de condamner ainsi resolument vne chose pour fausse, & impossible, c'est se donner l'aduantage d'auoir dans la teste, les bornes & limites de la volonté de Dieu, & de la puissance de nostre mere nature : & qu'il n'y a point de plus notable folie au monde, que de les ramener à la mesure de nostre capacité & suffisance. Si nous appellons monstres ou miracles, ce où nostre raison ne peut aller, combien s'en presente il continuellement à nostre veüe ? Considerons au trauers de quels nuages, & comment à tastons on nous meine à la cognoissance de la pluspart des choses qui nous sont entre mains : certes nous trouuerons que c'est plustost accoustumance, que science, qui nous en oste l'estrangeté :

*iam nemo fessus saturisque videndi,
Susplicere in cæli dignatur lucida templa :*

& que ces choses là, si elles nous estoient presentees de nouveau, nous les trouuerions autant ou plus incroyables qu'aucunes autres.

*ſi nunc primum mortalibus adſunt
Ex improuiſo, ceu ſint obiecta repente,
Nil magis his rebus poterat mirabile dici,
Aut minus antè quod auderent fore credere gentes.*

Celuy qui n'auoit iamais veu de riuiera, à la premiere qu'il rencontra, il penſa que ce fuſt l'Ocean : & les choſes qui ſont à noſtre cognoiſſance les plus grandes, nous les iugeons eſtre les extremes que nature face en ce genre.

*Scilicet & fluuius qui non eſt maximus, ei eſt
Qui non antè aliquem maiorem vidit, & ingens
Arbor homòque videtur, & omnia de genere omni
Maxima quæ vidit quiſque, hæc ingentia fingit.*

Conſuetudine oculorum aſſueſcunt animi, neque admirantur, neque requirunt rationes earum rerum, quas ſemper vident. La nouuelleté des choſes nous incite plus que leur grandeur, à en rechercher les cauſes. Il faut iuger avec plus de reuerence de cette infinie uiſſance de nature, & plus de recognoiſſance de noſtre ignorance & foibleſſe. Combien y a il de choſes peu vray-ſemblables, teſmoignees par gens dignes de foy, deſquelles ſi nous ne pouuons eſtre perſuadez, au moins les faut-il laiſſer en ſuſpens : car de les condamner impoſſibles, c'eſt ſe faire fort, par vne temeraire preſumption, de ſçauoir iuſques où va la poſſibilité. Si lon entendoit bien la difference qu'il y a entre l'impoſſible & l'inuſité; & entre ce qui eſt contre l'ordre du cours de nature, & contre la commune opinion des hommes, en ne croyant pas temerairement, ny auſſi ne deſcroyant pas facilement : on obſerueroit la regle de Rien trop, commandee par Chilon. Quand on trouue dans


Froiffard, que le Conte de Foix sceut en Bearn la defaïste du Roy Iean de Castille à Iuberoth, le lendemain qu'elle fut aduenue, & les moyens qu'il en allegue, on s'en peut moquer : & de ce mesme que nos Annales disent, que le Pape Honorius le propre iour que le Roy Philippe Auguste mourut à Mante, fit faire ses funerailles publiques, & les manda faire par toute l'Italie. Car l'autorité de ces tesmoings n'a pas à l'adventure assez de rang pour nous tenir en bride. Mais quoy ? si Plutarque outre plusieurs exemples, qu'il allegue de l'antiquité, dit sçauoir de certaine science, que du temps de Domitian, la nouvelle de la bataille perdue par Antonius en Allemaigne à plusieurs iournees de là, fut publiee à Rome, & semee par tout le monde le mesme iour qu'elle auoit esté perduë : & si Cæsar tient, qu'il est souuent aduenü que la renommee a deuancé l'accident : dirons-nous pas que ces simples gens là, se sont laissez piper apres le vulgaire, pour n'estre pas clair-voyans comme nous ? Est-il rien plus delicat, plus net, & plus vif, que le iugement de Pline, quand il luy plaist de le mettre en ieu ? rien plus esloigné de vanité ? ie laisse à part l'excellence de son sçauoir, duquel ie fay moins de conte : en quelle partie de ces deux là le surpassons nous ? toutesfois il n'est si petit escolier, qui ne le conuainque de mensonge, & qui ne luy vueille faire leçon sur le progrez des ouurages de nature. Quand nous lisons dans Bouchet les miracles des reliques de Saint Hilaire : passe : son credit n'est pas assez grand pour nous oster la licence d'y contredire : mais de condamner d'un train toutes pareilles histoires, me semble singuliere impudence. Ce grand Saint Augustin tesmoigne auoir veu sur les reliques

Sainct Geruais & Protaise à Milan, vn enfant aueugle recouurer la veuë : vne femme à Carthage estre guerrie d'vn cancer par le signe de la croix, qu'une femme nouvellement baptisee luy fit : Hesperius, vn sien familier auoir chassé les esprits qui infestoient sa maison, avec vn peu de terre du Sepulchre de nostre Seigneur : & cette terre depuis transportee à l'Eglise, vn paralytique en auoir esté soudain guery : vne femme en vne procession ayant touché à la chasle S. Estienne, d'vn bouquet, & de ce bouquet s'estant frottée les yeux, auoir recouuré la veuë pieça perduë : & plusieurs autres miracles, où il dit luy mesmes auoir assisté. Dequoy accuserons nous & luy & deux S. Euesques Aurelius & Maximinus, qu'il appelle pour ses recors? fera-ce d'ignorance, simplese, facilité, ou de malice & imposture? Est-il homme en nostre siecle si impudent, qui pense leur estre comparable, soit en vertu & pieté, soit en sçauoir, iugement & suffisance?

Qui vt rationem nullam afferrent, ipsa autoritate me frangerent.

C'est vne hardiesse dangereuse & de consequence, outre l'absurde temerité qu'elle traîne quant & soy, de mespriser ce que nous ne conceuons pas. Car apres que selon vostre bel entendement, vous auez estably les limites de la verité & de la mensonge, & qu'il se treuve que vous auez necessairement à croire des choses où il y a encores plus d'estrangeté qu'en ce que vous niez, vous vous estes des-ia obligé de les abandonner. Or ce qui me semble apporter autant de desordre en nos consciences en ces troubles où nous sommes, de la Religion, c'est

articles de ceux qui sont en
qu'ils ne voyent pas quel
qui vous charge, de com
vous tirer arriere, & combi
suiure sa pointe : ces artic
pour les plus legers, sont
tans. Ou il faut se submett
de nostre police ecclesiastiqu
penfer. Ce n'est pas à nous
nous luy deuons d'obeissance
puis dire pour l'auoir essayé,
cette liberté de mon choix &
tant à nonchaloir certains po
nostre Eglise, qui semblent a
vain, ou plus estrange, venu
aux hommes sçauans, j'ay tr
ont vn fondement massif & tr
que bestise & ignorance, qui
auec moindre reuerence que
souuient il combien nous se
en nostre iugement mesmes? e
feruoyent hyer d'articles de f
aujourd'huy? La gloire & la
de nostre ame. Cette cy nous
par tout, & celle là nous des
solu & indecis.





De l'Amitié.

CHAPITRE XXVII.



ONSIDERANT la conduite de la besongne d'un peintre que j'ay, il m'a pris enuie de l'ensuiure. Il choisit le plus bel endroit & milieu de chaque paroy, pour y logger vn tableau élaboré de toute sa suffisance; & le vuide tout au tour, il le remplit de crotresques : qui sont peintures fantasques, n'ayans grace qu'en la varieté & estrangeté. Que sont-ce icy aussi à la verité que crotresques & corps monstrueux, rappez de diuers membres, sans certaine figure, n'ayans ordre, suite, ny proportion que fortuite?

Definit in piscem mulier formosa supernè.

Je vay bien iusques à ce second point, avec mon peintre : mais ie demeure court en l'autre, & meilleure partie : car ma suffisance ne va pas si auant, que d'oser entreprendre vn tableau riche, poly & formé selon l'art. Je me suis aduisé d'en emprunter vn d'Estienne de la Boitie, qui honorera tout le reste de cette besongne. C'est vn discours auquel il donna

les tyrans. Il court pieça
dement, non sans bien gr
dation : car il est gentil,
fible. Si y a il bien à dire
qu'il peust faire : & si en
plus auancé, il eust pris v
de mettre par escrit ses fai
sieurs choses rares, & qui
pres de l'honneur de l'anti
cette partie des dons de nat
qui luy soit comparable. I
luy que ce discours, encor
qu'il ne le veit oncques dep
& quelques memoires sur c
meux par nos guerres ciuiles,
ailleurs peut estre leur place
peu recouurer de ses reliques
si amoureuse recommandati
dents, par son testament, her
& de ses papiers) outre le li
i'ay fait mettre en lumiere.
culierement à cette piece, d'au
moyen à nostre premiere acc
fut montree longue espace aua
& me donna la premiere cog
acheminant ains

bastir, que c'est beaucoup si la fortune y arriue vne fois en trois siecles. Il n'est rien à quoy il semble que nature nous aye plus acheminés qu'à la societé. Et dit Aristote, que les bons legiflateurs ont eu plus de soing de l'amitié, que de la iustice. Or le dernier point de sa perfection est cetuy-cy. Car en general toutes celles que la volupté, ou le profit, le besoin public ou priué, forge & nourrit, en sont d'autant moins belles & genereuses, & d'autant moins amitez, qu'elles meslent autre cause & but & fruit en l'amitié qu'elle mesme. Ny ces quatre especes anciennes, naturelle, sociale, hospitaliere, venerienne, particulièrement n'y conuiennent, ny conjointement. Des enfans aux peres, c'est plustost respect. L'amitié se nourrit de communication, qui ne peut se trouuer entre eux, pour la trop grande disparité, & offenceroit à l'aduenture les deuoirs de nature : car ny toutes les secrettes pensees des peres ne se peuuent communiquer aux enfans, pour n'y engendrer vne messeante priuauté : ny les aduertissemens & corrections, qui est vn des premiers offices d'amitié, ne se pourroient exercer des enfans aux peres. Il s'est trouué des nations, où par vsage les enfans tuoyent leurs peres : & d'autres, où les peres tuoyent leurs enfans, pour euitier l'empeschement qu'ils se peuuent quelquesfois entreporter : & naturellement l'un depend de la ruine de l'autre. Il s'est trouué des philosophes desdaignans cette cousture naturelle, tesmoing Aristippus qui quand on le pressoit de l'affection qu'il deuoit à ses enfans pour estre sortis de luy, il se mit à cracher, disant, que cela en estoit aussi bien sorty : que nous engendrions bien des pouz & des vers. Et cet autre que Plutarque vouloit induire à s'accorder avec son frere : le n'en

usage de biens, ces partage
soit la pauvreté de l'autre
leusement & relasche cette
freres ayants à conduire le
ment, en mesme sentier &
qu'ils se heurtent & choqu
la correspondance & rela
vrayes & parfaites amitez
elle en ceux cy? Le pere &
complexion entierement ei
aussi. C'est mon fils, c'est m
homme farouche, vn mescha
à mesure que ce sont amitez
tion naturelle nous commande
de nostre choix & liberté v
berté volontaire n'a point d
plus proprement sienne, que
amitié. Ce n'est pas que ie n
là, tout ce qui en peut estre,
pere qui fut onques, & le plus
son extreme vieillesse : & est
meuse de pere en fils, & exem
de la concorde fraternele :

Notus in f...

*neque enim est dea nescia nostri
Quæ dulcem curis miscet amaritiam,*

est plus actif, plus cuisant, & plus aspre. Mais c'est vn feu temeraire & volage, ondoyant & diuers, feu de fiebure, subiect à accez & remises, & qui ne nous tient qu'à vn coing. En l'amitié, c'est vne chaleur generale & vniuerselle, temperee au demeurant & égale, vne chaleur constante & rassize, toute douceur & polliiffure, qui n'a rien d'aspre & de poignant. Qui plus est en l'amour ce n'est qu'un desir forcené apres ce qui nous fuit,

*Come segue la lepre il cacciatore
Al freddo, al caldo, alla montagna, al lito,
Ne piu l'estima poi, che presa vede,
Et sol dietro à chi fugge affreta il piede.*

Aussi tost qu'il entre aux termes de l'amitié, c'est à dire en la conuenance des volontez, il s'esuanouist & s'alanguist: la iouissance le perd, comme ayant la fin corporelle & suiette à facieté. L'amitié au rebours, est iouye à mesure qu'elle est desirée, ne s'esseue, se nourrit, ny ne prend accroissance qu'en la iouissance, comme estant spirituelle, & l'ame s'affinant par l'usage. Sous cette parfaite amitié, ces affections volages ont autresfois trouué place chez moy, affin que ie ne parle de luy, qui n'en confesse que trop par ses vers. Ainsi ces deux passions sont entrees chez moy en cognoissance l'une de l'autre, mais en comparaison iamais: la premiere maintenant sa route d'un vol hautain & superbe, & regardant desdainneusement cette cy passer ses pointes bien loing au dessoubs d'elle. Quant au mariage, outre ce que c'est vn marché qui n'a que l'entree libre, sa duree

estant contrainte & forcee, dependant d'ailleurs que de nostre vouloir : & marché, qui ordinairement se fait à autres fins : il y suruiuent mille fusees estrangeres à desmeler parmy, suffisantes à rompre le fil & troubler le cours d'une viue affection : là où en l'amitié, il n'y a affaire ny commerce que d'elle mesme. Ioint qu'à dire vray, la suffisance ordinaire des femmes, n'est pas pour respondre à cette conference & communication, nourrisse de cette sainte cousture : ny leur ame ne semble assez ferme pour soustenir l'estreinte d'un neud si pressé, & si durable. Et certes sans cela, s'il se pouuoit dresser une telle accointance libre & volontaire, où non seulement les ames eussent cette entiere iouissance, mais encores où les corps eussent part à l'alliance, où l'homme fust engagé tout entier : il est certain que l'amitié en seroit plus pleine & plus comble : mais ce sexe par nul exemple n'y est encore peu arriuer, & par les escholes anciennes en est reietté. Et cette autre licence Grecque est iustement abhorree par nos mœurs. Laquelle pourtant, pour auoir selon leur vsage, une si necessaire disparité d'âges, & difference d'offices entre les amants, ne respondoit non plus assez à la parfaite vnion & conuenance qu'icy nous demandons. *Quis est enim iste amor amicitiae? cur neque deformem adolescentem quisquam amat, neque formosum senem?* Car la peinture mesme qu'en faict l'Academie ne me deladuouiera pas, comme ie pense, de dire ainsi de sa part : Que cette premiere fureur, inspiree par le fils de Venus au cœur de l'amant, sur l'obiet de la fleur d'une tendre ieunesse, à laquelle ils permettent tous les insolents & passionnez efforts, que peut produire une ardeur immoderee, estoit simplement fondee en une beauté externe : fauce image de la generation corporelle. Car en l'esprit

elle ne pouuoit, duquel la montre estoit encore cachee : qui n'estoit qu'en sa naissance, & auant l'aage de germer. Que si cette fureur faisoit vn bas courage, les moyens de sa poursuite c'estoient richesses, presents, faueur à l'auancement des dignitez : & telle autre basse marchandise, qu'ils reprouent. Si elle tomboit en vn courage plus genereux, les entremises estoient genereuses de mesmes : Instructions philosophiques, enseignements à reuerer la religion, obeir aux loix, mourir pour le bien de son pais : exemples de vaillance, prudence, iustice. S'estudiant l'amant de se rendre acceptable par la bonne grace & beauté de son ame, celle de son corps estant pieça fanée : & esperant par cette societé mentale, establir vn marché plus ferme & durable. Quand cette poursuite arriuoit à l'effect, en sa saison (car ce qu'ils ne requierent point en l'amant, qu'il apportast loysir & discretion en son entreprise ; ils le requierent exactement en l'aimé : d'autant qu'il luy falloit iuger d'une beauté interne, de difficile cognoissance, & abstruse descouuerte) lors naissoit en l'aymé le desir d'une conception spirituelle, par l'entremise d'une spirituelle beauté. Cette cy estoit icy principale : la corporelle, accidentale & seconde : tout le rebours de l'amant. A cette cause preferent ils l'aymé : & verifient, que les Dieux aussi le preferent : & tansent grandement le poëte Aischylus, d'auoir en l'amour d'Achilles & de Patroclus, donné la part de l'amant à Achilles, qui estoit en la première & imberbe verueur de son adolescence, & le plus beau des Grecs. Apres cette communauté generale, la maistresse & plus digne partie d'icelle, exerçant ses offices, & predominant : ils disent, qu'il en prouenoit des fruiçts tres-vtiles au priué & au public.

n'est à leur compte, que la
lascheté des peuples, qui luy
tout ce qu'on peut donner
mie, c'est dire, que c'estoit v
amitié: chose qui ne se rapp
tion Stoique de l'amour: *Am
icitia faciendæ ex pulcritud
ma* description, de façon plus
ble. *Omnino amicitia, cor
risque ingeniis & atatibus*
demeurant, ce que nous appel
& amitez, ce ne sont qu'accoi
nouees par quelque occasion
moyen de laquelle nos ames s'
tié dequoy ie parle, elles se
l'une en l'autre, d'un meslang
effacent, & ne retrouuent plu
ioinctes. Si on me presse de dire
ie sens que cela ne se peut ex
dant: Parceque c'estoit luy, par
a au delà de tout mon discour
dire particulierement, ie ne sc
cable & fatale, mediatrice de
cherchions auant que de nous
rapports que nous oyions l'un
en nostre affection plus d'effo
son des rapports: ie croy pa

trouuâmes si prins, si cognus, si obligez entre nous, que rien des lors ne nous fut si proche, que l'un à l'autre. Il escriuit vne Satyre Latine excellente, qui est publiee : par laquelle il excuse & explique la precipitation de nostre intelligence, si promptement paruenue à sa perfection. Ayant si peu à durer, & ayant si tard commencé (car nous estions tous deux hommes faits : & luy plus de quelque annee) elle n'auoit point à perdre temps. Et n'auoit à se regler au patron des amitez molles & regulieres, ausquelles il faut tant de precautions de longue & preallable conuersation. Cette cy n'a point d'autre idee que d'elle mesme, & ne se peut rapporter qu'à soy. Ce n'est pas vne speciale consideration, ny deux, ny trois, ny quatre, ny mille : c'est ie ne sçay quelle quinte-essence de tout ce meslange, qui ayant saisi toute ma volonté, l'amena se plonger & se perdre dans la sienne, qui ayant saisi toute sa volonté, l'amena se plonger & se perdre en la mienne : d'une faim, d'une concurrence pareille. Je dis perdre à la verité, ne nous reseruant rien qui nous fust propre, ny qui fust ou sien ou mien. Quand Lælius en presence des Consuls Romains, lesquels apres la condamnation de Tiberius Gracchus, poursuivoient tous ceux qui auoient esté de son intelligence, vint à s'enquerir de Caius Blossius, qui estoit le principal de ses amis, combien il eust voulu faire pour luy, & qu'il eust respondu : Toutes choses. Comment toutes choses ? suiuit-il, & quoy, s'il l'eust commandé de mettre le feu en nos temples ? Il ne me l'eust iamais commandé, repliqua Blossius. Mais s'il l'eust fait ? adiousta Lælius : l'y eusse obey, respondit-il. S'il estoit si parfaitement amy de Gracchus, comme disent les histoires, il n'auoit que faire d'offenser les Consuls par cette derniere & hardie

Ilz estoient plus amis que ci
ou que ennemis de leur païs
de trouble. S'estans parfaite-
tre, ils tenoient parfaitement
l'un de l'autre : & faites gu-
vertu & conduitte de la rai-
tout impossible de l'atteler sa
Blosius est telle, qu'elle deu-
se demancherent, ils n'estoi-
sure, l'un de l'autre, ny ar-
demeurant cette responce ne
feroit la mienne, à qui s'enq-
façon : Si vostre volonté vou-
vostre fille, la tueriez vous ?
car cela ne porte aucun tesmoi-
à ce faire : par ce que ie ne sui-
volonté, & tout aussi peu de
n'est pas en la puissance de
monde, de me desloger de
des intentions & iugemens du
actions ne me sçauroit estre pr-
qu'elle eust, que ie n'en tr-
ressort. Nos ames ont charié
elles se sont considerees d'une
de pareille affection descouuer
des entrailles l'une à l'autre
ie cognoissoy la sienné comme.

qu'à moy. Qu'on ne me mette pas en ce rang ces autres amitez communes : i'en ay autant de cognoissance qu'un autre, & des plus parfaites de leur genre. Mais ie ne conseille pas qu'on confonde leurs regles, on s'y tromperoit. Il faut marcher en ces autres amitez, la bride à la main, avec prudence & precaution : la liaison n'est pas nouée en maniere, qu'on n'ait aucunement à s'en deffier. Aymez le, disoit Chilon, comme ayant quelque iour à le haïr : haïssiez le, comme ayant à l'aymer. Ce precepte qui est si abominable en cette souueraine & maistresse amitié, il est salubre en l'usage des amitez ordinaires & coustumieres : à l'endroit desquelles il faut employer le mot qu'Aristote auoit tres familier, O mes amys, il n'y a nul amy. En ce noble commerce, les offices & les bien-faiçts nourrisfiers des autres amitez, ne meritent pas seulement d'estre mis en compte : cette confusion si pleine de nos volonteiz en est causée : car tout ainsi que l'amitié que ie me porte, ne reçoit point augmentation, pour le secours que ie me donne au besoin, quoy que dient les Stoiciens : & comme ie ne me sçay aucun gré du seruice que ie me fay : aussi l'union de tels amis estant veritablement parfaite, elle leur faict perdre le sentiment de tels deuoirs, & haïr & chasser d'entre eux, ces mots de diuision & de difference, bien-faict, obligation, recognoissance, priere, remerciement, & leurs pareils. Tout estant par effect commun entre eux, volonteiz, pensemens, iugemens, biens, femmes, enfans, honneur & vie : & leur conuenance n'estant qu'une ame en deux corps, selon la tres-propre definition d'Aristote, ils ne se peuuent ny prester ny donner rien. Voila pourquoy les faiseurs de loix, pour honnorer le mariage de quelque imaginaire ressemblance de cette diuine liaison,

Si en l'autre dequoy le p
à l'autre, ce seroit celuy
qui obligeroit son compa
l'autre, plus que toute au
faire, celuy qui en preste la
celuy là qui fait le liberal,
à son amy, d'effectuer en si
le plus. Quand le Philosop
d'argent, il disoit, qu'il le
non qu'il le demandoit. Et
cela se pratique par effect,
exemple singulier. Eudamid
amis, Charixenus Sycionien,
venant à mourir estant pa
riches, il fit ainsi son testam
de nourrir ma mere, & l'en
à Charixenus de marier ma
douïaire le plus grand qu'il
l'un d'eux vienne à defaillir
celuy, qui suruiura. Ceux
testament, s'en moquerent : m
esté aduertis, l'accepterent a
tement. Et l'un d'eux, Cha
cinq iours apres, la substit
faueur d'Aretheus, il nourrit
& de cinq talens qu'il auoit e
les deux & demy en mariag
que, & deux & demy pour

parfaicte amitié, dequoy ie parle, est indiuifible : chacun se donne fi entier à son amy, qu'il ne luy reſte rien à departir ailleurs : au rebours il eſt marry qu'il ne ſoit double, triple, ou quadruple, & qu'il n'ait pluſieurs ames & pluſieurs volontez, pour les confeſſer toutes à ce ſubiet. Les amitez communes on les peut départir, on peut aymer en ceſtuy-cy la beauté, en cet autre la facilité de ſes mœurs, en l'autre la liberalité, en celuy-là la paternité, en cet autre la fraternité, ainſi du reſte : mais cette amitié, qui poſſede l'ame, & la regente en toute ſouueraineté, il eſt impoſſible qu'elle ſoit double. Si deux en meſme temps demandoient à eſtre ſecours, auquel courriez vous ? S'ils requeroient de vous des offices contraires, quel ordre y trouueriez vous ? Si l'un commettoit à voſtre ſilence choſe qui fuſt vtile à l'autre de ſçauoir, comment vous en deſmelleriez vous ? L'vnique & principale amitié deſcouſt toutes autres obligations. Le ſecret que i'ay iuré ne deceller à vn autre, ie le puis ſans pariure, communiquer à celuy, qui n'eſt pas autre, c'eſt moy. C'eſt vn aſſez grand miracle de ſe doubler : & n'en cognoiſſent pas la hauteur ceux qui parlent de ſe tripler. Rien n'eſt extreme, qui a ſon pareil. Et qui preſuppoſera que de deux i'en aime autant l'un que l'autre, & qu'ils s'entr'aiment, & m'aiment autant que ie les aime : il multiplie en confrairie, la choſe la plus vne & vnue, & dequoy vne ſeule eſt encore la plus rare à trouuer au monde. Le demeurant de cette hiſtoire conuient tres-bien à ce que ie diſois : car Eudamidas donne pour grace & pour faueur à ſes amis de les employer à ſon beſoin : il les laiſſe heritiers de cette ſienne liberalité, qui conſiſte à leur mettre en main les moyens de luy bien-faire. Et ſans doute, la force de l'amitié ſe montre

à luy, pour combien il vould
par le moyen duquel il venoit
la course : & s'il le voudroit es
Non certes, Sire : mais bien l
pour en aquerir vn amy, Si ie
de telle alliance. Il ne disoit pas
on trouue facilement des homm
ficielle accointance : mais en c
negotie du fin fons de son cou
de reste : il est besoin, que tous
& seurs parfaitement. Aux c
tiennent que par vn bout, on r
imperfections, qui particulier
bout là. Il ne peut chaloir de
mon medecin, & mon aduocat
n'a rien de commun avec les off
ne doiuent. Et en l'accointan
dressent avec moy ceux qui me
mesmes : & m'enquiers peu d'vn
ie cherche s'il est diligent : & l
muletier ioueur qu'imbecille : n
qu'ignorant. Je ne me melle pas
faire au monde : d'autres affés
ce que i'y fay,

Mihi sic usus est : Tibi, vt o

preud'homme, pareillement ailleurs. Tout ainsi que cil qui fut rencontré à cheuachons sur vn baton, se iouant avec ses enfans, pria l'homme qui l'y surprint, de n'en rien dire, iusques à ce qu'il fust pere luy-mesme, estimant que la passion qui luy naistroit lors en l'ame, le rendroit iuge equitable d'une telle action. Je souhaiterois aussi parler à des gens qui eussent essayé ce que ie dis : mais sçachant combien c'est chose esloignée du commun vïage qu'une telle amitié, & combien elle est rare, ie ne m'attens pas d'en trouuer aucun bon iuge. Car les discours mesmes que l'antiquité nous a laissé sur ce subiect, me semblent lasches au prix du sentiment que l'en ay. Et en ce point les effects surpassent les preceptes mesmes de la philosophie.

Nil ego contulerim iucundo sanus amico.

L'ancien Menander disoit celui-là heureux, qui auoit peu rencontrer seulement l'ombre d'un amy : il auoit certes raison de le dire, mesmes s'il en auoit tasté. Car à la verité si ie compare tout le reste de ma vie, quoy qu'avec la grace de Dieu ie l'aye passée douce, aisée, & sauf la perte d'un tel amy, exempte d'affliction poissante, pleine de tranquillité d'esprit, ayant prins en payement mes commoditez naturelles & originelles, sans en rechercher d'autres : si ie la compare, dis-ie, toute, aux quatre annees, qu'il m'a esté donné de iouyr de la douce compagnie & societé de ce personnage, ce n'est que fumée, ce n'est qu'une nuit obscure & ennuyeuse. Depuis le iour que ie le perdy,

*quem semper acerbum,
Semper honoratum (sic Dij voluistis) habeo,*

*Nec fas esse vlla me voi
Decreui, tantisper dum ill*

l'estois desia si faiët & accou
par tout, qu'il me semble n'

*Illam meæ si partem an
Maturior vis, quid mori
Nec charus æquè nec j
Integer? Ille dies vt
Duxit ruinam.*

Il n'est action ou imaginatio
dire, comme si eust-il bien fai
qu'il me surpassoit d'une dist
tre suffisance & vertu, aussi
l'amitié.

*Quis desiderio fit pudor aut
Tam chari capitis?*

*O misero frater ademp
Omnia tecum vna perierunt
Quæ tuus in vita dulcis
Tu mea, tu moriens fregisti
Tecum vna tota est nostra
Cuius ego interitu tota de m
Hæc studia, atque omnes
Alloquar? audiero nunquam
Nunquam ego te vita frat*

Parce que l'ay trouué que cet ouurage a esté depuis mis en lumiere, & à mauuaise fin, par ceux qui cherchent à troubler & changer l'estat de nostre police, sans se soucier s'ils l'amenderont, qu'ils ont meslé à d'autres escrits de leur farine, ie me suis dédit de le loger icy. Et affin que la memoire de l'auteur n'en soit interessée en l'endroit de ceux qui n'ont peu cognoistre de pres ses opinions & ses actions : ie les auidse que ce subiect fut traité par luy en son enfance, par maniere d'exercitation seulement, comme subiect vulgaire & tracassé en mil endroits des liures. Je ne fay nul doubte qu'il ne creust ce qu'il escriuoit : car il estoit assez conscientieux, pour ne mentir pas mesmes en se iouant : & sçay d'auantage que s'il eust eu à choisir, il eust mieux aymé estre nay à Venise qu'à Sarlac ; & avec raison. Mais il auoit vn'autre maxime souuerainement empreinte en son ame, d'obeyr & de se soubmettre tres-religieusement aux loix, sous lesquelles il estoit nay. Il ne fut iamais vn meilleur citoyen, ny plus affectionné au repos de son pais, ny plus ennemy des remuements & nouuelletez de son temps : il eust bien plustost employé sa suffisance à les esteindre, qu'à leur fournir dequoy les émouuoir d'auantage : il auoit son esprit moulé au patron d'autres siecles que ceux-cy. Or en eschange de cest ouurage serieux i'en substitueray vn autre, produit en cette mesme saison de son aage, plus gaillard & plus enioué.





*Vingt & neuf sonnets d'Estienne de la Boetie,
à Madame de Grammont Contesse de Guiffen.*

CHAPITRE XXVIII.



MADAME ie ne vous offre rien du mien, ou par ce qu'il est desia vostre, ou pour ce que ie n'y trouue rien digne de vous. Mais i'ay voulu que ces vers en quelque lieu qu'ils se vissent, portassent vostre nom en teste, pour l'honneur que ce leur fera d'auoir pour guide cette grande Corisande d'Andoins. Ce present m'a semblé vous estre propre, d'autant qu'il est peu de dames en France, qui iugent mieux, & se seruent plus à propos que vous, de la poésie : & puis qu'il n'en est point qui la puissent rendre viue & animee, comme vous faites par ces beaux & riches accords, dequoy parmy vn milion d'autres beautez, nature vous a estrenee : Madame ces vers meritent que vous les cherissiez : car vous serez de mon aduis, qu'il n'en est point sorty de Gascongne, qui eussent plus d'inuention & de gentillesse, & qui telmoignent estre sortis d'une plus riche main. Et n'entrez pas en ialousie, dequoy vous n'avez que le reste de ce que pieça i'en ay fait imprimer sous le nom de Monsieur de Foix, vostre bon parent : car

certes ceux-cy ont ie ne sçay quoy de plus vif & de plus bouillant : comme il les fit en sa plus verte ieunesse, & eschauffé d'une belle & noble ardeur que ie vous diray, Madame, vn iour à l'oreille. Les autres furent faits depuis, comme il estoit à la poursuite de son mariage, en faueur de sa femme, & sentant desia ie ne sçay quelle froideur maritale. Et moy ie suis de ceux qui tiennent, que la poésie ne rid point ailleurs, comme elle faiet en vn subiect folatre & desreglé.

Ces vingt neuf sonnetz d'Estienne de la Boëtie qui estoient mis en ce lieu ont esté despuis imprimez avec ses œuvres.





De la Moderation.

CHAPITRE XXIX.



OMME si nous auions l'atrouche-
ment infect, nous corrompons
par nostre maniemment les choses
qui d'elles mesmes sont belles &
bonnes. Nous pouuons saisir la
vertu, de façon qu'elle en de-
uiendra vicieuse : si nous l'em-
brassons d'un desir trop aspre & violent. Ceux qui
disent qu'il n'y a iamais d'exces en la vertu, d'au-
tant que ce n'est plus vertu, si l'exces y est, se iouent
des paroles.

*Insani sapiens nomen ferat, æquus iniqui,
Vltra quàm satis est, virtutem si petat ipsam.*

C'est vne subtile 'consideration de la philosophie.
On peut & trop aymer la vertu, & se porter ex-
cessiuement en vne action iuste. A ce biaiz s'accom-
mode la voix diuine, Ne soyez pas plus sages qu'il
ne faut, mais soyez sobrement sages. L'ay veu tel
grand, blesser la reputation de sa religion, pour se
montrer religieux outre tout exemple des hommes de
sa sorte. L'ayme des natures temperees & moyennes.

L'immoderation vers le bien mesme, si elle ne m'offense, elle m'estonne, & me met en peine de la baptizer. Ny la mere de Pausanias, qui donna la premiere instruction, & porta la premiere pierre à la mort de son fils : ny le dictateur Posthumius, qui feist mourir le sien, que l'ardeur de ieunesse auoit heureusement poussé sur les ennemis, vn peu auant son reng, ne me semble si iuste, comme estrange. Et n'ayme ny à conseiller, ny à suiure vne vertu si sauage & si chere. L'archer qui outrepasse le blanc, faut comme celuy, qui n'y arriue pas. Et les yeux me troublent à monter à coup, vers vne grande lumiere également comme à deualer à l'ombre. Calliciez en Platon dit, l'extremité de la philosophie estre dommageable : & conseille de ne s'y enfoncer outre les bornes du profit : que prinse avec moderation, elle est plaifante & commode : mais qu'en fin elle rend vn homme sauage & vicieux : desdaigneux des religions, & loix communes : ennemy de la conuersation ciuile : ennemy des voluptez humaines : incapable de toute administration politique, & de secourir autrui, & de se secourir soy-mesme : propre à estre impunement souffletté. Il dit vray : car en son excès, elle esclauie nostre naturelle franchise : & nous desuoye par vne importune subtilité, du beau & plain chemin, que nature nous trace. L'amitié que nous portons à nos femmes, elle est tres-legitime : la Theologie ne laisse pas de la brider pourtant, & de la restraindre. Il me semble auoir leu autresfois chez S. Thomas, en vn endroit où il condamne les mariages des parans és degrez deffendus, cette raison parmy les autres : Qu'il y a danger que l'amitié qu'on porte à vne telle femme soit immodérée : car si l'affection maritalle s'y trouue entiere & parfaicte, comme elle

doit; & qu'on la surcharge encore de celle qu'on doit à la parentele, il n'y a point de doubte, que ce surcroist n'emporte vn tel mary hors les barrieres de la raison. Les sciences qui reglent les mœurs des hommes, comme la Theologie & la Philosophie, elles se meslent de tout. Il n'est action si priuée & secrette, qui se desrobbe de leur cognoissance & iurisdiction. Bien apprentis sont ceux qui syndiquent leur liberté. Ce sont les femmes qui communiquent tant qu'on veut leurs pieces à garçonner : à medeciner, la honte le deffend. Je veux donc de leur part apprendre cecy aux maris, s'il s'en trouue encore qui y soient trop acharnez : c'est que les plaisirs mesmes qu'ils ont à l'accointance de leurs femmes, sont reprouuez, si la moderation n'y est obseruée : & qu'il y a dequoy faillir en licence & desbordementence subiect là, comme en vn subiect illegitime. Ces encheriments delhontez, que la chaleur premiere nous suggere en ce ieu, sont non indecemment seulement, mais dommageablement employez enuers noz femmes. Qu'elles apprennent l'impudence au moins d'une autre main. Elles sont tousiours assés esueillées pour nostre besoing. Je ne m'y suis seruy que de l'instruction naturelle & simple. C'est vne religieuse liaison & deuote que le mariage : voyla pourquoy le plaisir qu'on en tire, ce doit estre vn plaisir retenu, serieux & meslé à quelque seuerité : ce doit estre vne volupté aucunement prudente & conscientieuse. Et par ce que sa principale fin c'est la generation, il y en a qui mettent en doubte, si lors que nous sommes sans l'esperance de ce fruit, comme quand elles sont hors d'aage, ou enceintes, il est permis d'en rechercher l'embrassement. C'est vn homicide à la mode de Platon. Certaines nations, & entre autres la Mahumetane, abominent la conionction

avec les femmes enceintes. Plusieurs aussi avec celles qui ont leurs fleurs. Zenobia ne recevoit son mary que pour vne charge ; & cela fait elle le laissoit courir tout le temps de sa conception, luy donnant lors seulement loy de recommencer : braue & genereux exemple de mariage. C'est de quelque poëte difectueux & affamé de ce deduit, que Platon emprunta cette narration : Que Iuppiter fit à sa femme vne si chaleureuse charge vn iour, que ne pouuant auoir patience qu'elle eust gaigné son liët, il la versa sur le plancher : & par la vehemence du plaisir, oublia les resolutions grandes & importantes, qu'il venoit de prendre avec les autres Dieux en sa cour celeste : se ventant qu'il l'auoit trouué aussi bon ce coup là, que lors que premierement il la depucella à cachette de leurs parents. Les Roys de Perse appelloient leurs femmes à la compagnie de leurs festins, mais quand le vin venoit à les eschauffer en bon escient, & qu'il falloit tout à fait, lascher la bride à la volupté, ils les r'enuoioient en leur priué ; pour ne les faire participantes de leurs appetits immoderez ; & faisoient venir en leur lieu, des femmes, auxquelles ils n'eussent point cette obligation de respect. Tous plaisirs & toutes gratifications ne sont pas bien logées en toutes gens. Epaminondas auoit fait emprisonner vn garçon desbauché ; Pelopidas le pria de le mettre en liberté en sa faueur ; il l'en refusa, & l'accorda à vne sienne garfe, qui aussi l'en pria : disant, que c'estoit vne gratification deuë à vne amie, non à vn Capitaine. Sophocles estant compagnon en la Preture avec Pericles, voyant de cas de fortune passer vn beau garçon : O le beau garçon que voyla ! feit-il à Pericles. Cela seroit bon à vn autre qu'à vn Preteur, luy dit Pericles ; qui doit auoir non les mains seulement,

mais aussi les yeux chastes. *Ælius Verus* l'Empereur respondit à sa femme comme elle se plaignoit, dequoy il se laissoit aller à l'amour d'autres femmes; qu'il le faisoit par occasion consciencieuse, d'autant que le mariage estoit vn nom d'honneur & dignité, non de folastre & lasciuue concupiscence. Et nostre histoire Ecclesiastique a conserué avec honneur la memoire de cette femme, qui repudia son mary, pour ne vouloir seconder & soustenir ses attouchemens trop insolens & desbordez. Il n'est en somme aucune si iuste volupté, en laquelle l'excez & l'intemperance ne nous soit reprochable. Mais à parler en bon escient, est-ce pas vn miserable animal que l'homme? A peine est-il en son pouuoir par sa condition naturelle, de gouter vn seul plaisir entier & pur, encore se met-il en peine de le retrancher par discours : il n'est pas assez chetif, si par art & par estude il n'augmente sa misere,

Fortunæ miseras auximus arte vias.

La sagesse humaine fait bien sottement l'ingenieuse, de s'exercer à rabattre le nombre & la douceur des voluptez, qui nous appartiennent : comme elle fait fauorablement & industrieusement, d'employer ses artifices à nous peigner & farder les maux, & en alléger le sentiment. Si i'eusse esté chef de part, i'eusse prins autre voye plus naturelle : qui est à dire, vraye, commode & sainte : & me fusse peut estre rendu assez fort pour la borner. Quoy que noz medecins spirituels & corporels, comme par complot fait entre eux, ne trouuent aucune voye à la guerison, ny remede aux maladies du corps & de l'ame, que par le tourment, la douleur & la peine. Les veilles, les ieunes, les haïres, les exils lointains & solitaires, les

prisons perpetuelles, les verges & autres afflictions, ont esté introduites pour cela. Mais en telle condition, que ce soyent veritablement afflictions, & qu'il y ait de l'aigreur poignante : & qu'il n'en aduienne point comme à vn Gallio, lequel ayant esté enuoyé en exil en l'isle de Lesbos, on fut aduertý à Rome qu'il s'y donnoit du bon temps, & que ce qu'on luy auoit enioint pour peine, luy tournoit à commodité. Parquoy ils se rauiserent de le r'appeller pres de sa femme, & en sa maison; & luy ordonnerent de s'y tenir, pour accommoder leur punition à son ressentiment. Car à qui le ieufne aiguiferoit la santé & l'allegresse, à qui le poisson seroit plus appetissant que la chair, ce ne seroit plus recepte salutaire : non plus qu'en l'autre medecine, les drogues n'ont point d'effect à l'endroit de celuy qui les prent avec appetit & plaisir. L'amertume & la difficulté sont circonstances seruants à leur operation. Le naturel qui accepteroit la rubarbe comme familiere, en corromproit l'vsage : il faut que ce soit chose qui blesse nostre estomac pour le guerir : & icy faut la regle commune, que les choses se guerissent par leurs contraires : car le maly guerit le mal. Cette impression se rapporte aucunement à cette autre si ancienne, de penser gratifier au Ciel & à la nature par nostre massacre & homicide, qui fut vniuersellement embrassée en toutes religions. Encore du temps de noz peres, Amurat en la prinse de l'Isthme, immola six cens ieunes hommes Grecs à l'ame de son pere : afin que ce sang seruist de propitiation à l'expiation des pechez du trespasse. Et en ces nouuelles terres descouuertes en nostre aage, pures encore & vierges au prix des nostres, l'vsage en est aucunement receu par tout. Toutes leurs Idoles s'abreuuent de sang humain, non sans diuers exem-

ples d'horrible cruauté. On les brule vifs, & demy rostis on les retire du brasier, pour leur arracher le cœur & les entrailles. A d'autres, voire aux femmes, on les escorche vives, & de leur peau ainsi sanglante en reuest on & masque d'autres. Et non moins d'exemples de constance & resolution. Car ces pauvres gens sacrifiables, vieillars, femmes, enfans, vont quelques iours avant, questans eux mesmes les aumosnes pour l'offrande de leur sacrifice, & se presentent à la boucherie chantans & dançans avec les assistans. Les ambassadeurs du Roy de Mexico, faisant entendre à Fernand Cortez la grandeur de leur faux, desquels chacun pouuoit assembler cent mille combatans, & qu'il se tenoit en la plus belle & forte ville qui fust sous le Ciel, luy adiouterent, qu'il avoit à sacrifier aux Dieux cinquante mille

ls disent qu'il nourrissoit
 les peuples voisins, non
 la jeunesse du pais,
 pour dequoy fournir à
 leurs guerres. Ail-
 la bien-venue dudit
 tant d'hommes tout à
 propos : Aucuns de ces
 luy, envoyèrent le
 message : les messagers
 le presens, en cette
 esclaves : si tu es
 de chair & de sang,
 plus d'auantage : si tu
 as de l'encens & des
 as les oiseaux & les



Des Cannibales.

CHAPITRE XXX.



QVAND le Roy Pyrrhus passa en Italie, apres qu'il eut recongneu l'ordonnance de l'armée que les Romains luy enuoyoit au deuant; Je ne sçay, dit-il, quels barbares sont ceux-cy (car les Grecs appelloient ainsi toutes les nations estrangeres) mais la disposition de cette armée que ie voy, n'est aucunement barbare. Autant en dirent les Grecs de celle que Flaminius fit passer en leur pais : & Philippus voyant d'un tertre, l'ordre & distribution du camp Romain, en son Royaume, sous Publius Sulpicius Galba. Voila comment il se faut garder de s'attacher aux opinions vulgaires, & les faut iuger par la voye de la raison, non par la voix commune. J'ay eu long temps avec moy un homme qui auoit demeuré dix ou douze ans en cet autre monde, qui a esté descouvert en nostre siecle, en l'endroit où Vilegaignon print terre, qu'il surnomma la France Antartique. Cette decouverte d'un pais infiny, semble de grande consideration. Je ne sçay si ie me puis respondre, qu'il ne s'en face à l'aduenir quelque autre, tant de person-

nages plus grands que nous ayans esté trompez en cette-cy. L'ay peur que nous ayons les yeux plus grands que le ventre, & plus de curiosité, que nous n'auons de capacité. Nous embrassons tout, mais nous n'estreignons que du vent. Platon introduit Solon racontant auoir appris des Prestres de la ville de Saïs en Égypte, que iadis & auant le deluge, il y auoit vne grande Isle nommée Atlantide, droict à la bouche du destroit de Gibraltar, qui tenoit plus de païs que l'Afrique & l'Asie toutes deux ensemble : & que les Roys de cette contrée là, qui ne possédoient pas seulement cette Isle, mais s'estoyent estendus dans la terre ferme si auant, qu'ils tenoyent de la largeur d'Afrique, iusques en Égypte, & de la longueur de l'Europe, iusques en la Toscane, entreprendrent d'eniamber iusques sur l'Asie, & subiuguer toutes les nations qui bordent la mer Mediterannée, iusques au golfe de la mer Maiour : & pour cet effect, trauerferent les Espaignes, la Gaule, l'Italie iusques en la Grece, où les Atheniens les soustindrent : mais que quelque temps apres, & les Atheniens & eux & leur Isle furent engloutis par le deluge. Il est bien vray-semblable, que cet extreme rauage d'eau ait faict des changemens estranges aux habitations de la terre : comme on tient que la mer a retranché la Sicile d'auec l'Italie :

*Hæc loca vi quondam, & vasta conuulsa ruina
Diffiluisse ferunt, cum protinus vtraque tellus
Vna foret.*

Chypre d'auec la Surie; l'Isle de Negrepoint, de la terre ferme de la Bœoce : & ioint ailleurs les terres qui estoient diuisées, comblant de limon & de sable les fosses d'entre-deux.

*sterilisque diu palus aptaque remis
Vicinas vrbes alit, & graue sentit aratrum.*

Mais il n'y a pas grande apparence, que cette Isle soit ce monde nouveau, que nous venons de decouvrir : car elle touchoit quasi l'Espagne, & ce seroit vn effect incroyable d'inundation, de l'en auoir reculée comme elle est, de plus de douze cens lieues. Outre ce que les nauigations des modernes ont des-ia presque decouvert, que ce n'est point vne isle, ains terre ferme, & continente avec l'Inde Orientale d'un costé, & avec les terres, qui sont sous les deux poles d'autre part : ou si elle en est separée, que c'est d'un si petit destroit & interualle, qu'elle ne merite pas d'estre nommée Isle, pour cela. Il semble qu'il y aye des mouuemens naturels les vns, les autres sieureux en ces grands corps, comme aux nostres. Quand ie considere l'impression que ma riuere de Dordogne fait de mon temps, vers la riue droite de sa descente ; & qu'en vingt ans elle a tant gaigné, & desrobé le fondement à plusieurs bastimens, ie vois bien que c'est vne agitation extraordinaire : car si elle fust tousiours allée ce train, ou deust aller à l'aduenir, la figure du monde seroit renuersée. Mais il leur prend des changements. Tantost elles s'espandent d'un costé, tantost d'un autre, tantost elles se contiennent. Je ne parle pas des soudaines inondations dequoy nous manions les caufes. En Medoc, le long de la mer, mon frere Sieur d'Arzac, voit vne sienne terre, enseuclie sous les sables, que la mer vomit deuant elle : le feste d'aucuns bastimens paroist encore : ses rentes & domaines se sont eschangez en pasquages bien maigres. Les habitans disent que depuis quelque temps, la

mer se pouffe si fort vers eux, qu'ils ont perdu quatre lieuës de terre. Ces fables sont ses fourriers. Et voyons de grandes montioies d'arenes mouuantes, qui marchent vne demie lieuë deuant elle, & gagnent païs. L'autre tesmoignage de l'antiquité, auquel on veut rapporter cette descouuerte, est dans Aristote, au moins si ce petit liuret des merueilles inouyes est à luy. Il raconte là, que certains Carthaginois s'estants iettez au trauers de la mer Atlantique, hors le destroit de Gibaltar, & nauigé long temps, auoient descouuert en fin vne grande isle fertile, toute reuestuë de bois, & arroufée de grandes & profondes riuieres, fort elloignée de toutes terres fermes : & qu'eux, & autres depuis, attirez par la bonté & fertilité du terroir, s'y en allerent avec leurs femmes & enfans, & commencerent à s'y habiter. Les Seigneurs de Carthage, voyans que leur pays se dépeuploit peu à peu, firent deffence expresse sur peine de mort, que nul n'eust plus à aller là, & en chasserent ces nouveaux habitans, craignants, à ce qu'on dit, que par succession de temps ils ne vinssent à multiplier tellement qu'ils les supplantassent eux mesmes, & ruinaissent leur estat. Cette narration d'Aristote n'a non plus d'accord avec nos terres neufues. Cét homme que i'auoy, estoit homme simple & grossier, qui est vne condition propre à rendre veritable tesmoignage. Car les fines gens remarquent bien plus curieusement, & plus de choses, mais ils les glosent : & pour faire valoir leur interpretation, & la persuader, ils ne se peuuent garder d'akerer vn peu l'Histoire : ils ne vous representent iamais les choses pures ; ils les inclinent & masquent selon le visage qu'ils leur ont veu : & pour donner credit à leur iugement, & vous y attirer, prestent

volontiers de ce costé là à la matiere, l'allongent & l'amplifient. Ou il faut vn homme tres-fidelle, ou si simple, qu'il n'ait pas dequoy bastir & donner de la vray-semblance à des inuentions fauces; & qui n'ait rien espousé. Le mien estoit tel : & outre cela il m'a faict voir à diuerses fois plusieurs mattelots & marchans, qu'il auoit cogneuz en ce voyage. Ainsi ie me contente de cette information, sans m'enquerir de ce que les Cosmographes en disent. Il nous faudroit des topographes, qui nous fissent narration particuliere des endroits où ils ont esté. Mais pour auoir cet auantage sur nous, d'auoir veu la Palestine, ils veulent iouir du priuilege de nous conter nouuelles de tout le demeurant du monde. Je voudroye que chacun escriuist ce qu'il sçait, & autant qu'il en sçait : non en cela seulement, mais en tous autres subiects. Car tel peut auoir quelque particuliere science ou experience de la nature d'une riuiera, ou d'une fontaine, qui ne sçait au reste, que ce que chacun sçait : il entreprendra toutesfois, pour faire courir ce petit loppin, d'escrire toute la Physique. De ce vice sourdent plusieurs grandes incommoditez. Or ie trouue, pour reuenir à mon propos, qu'il n'y a rien de barbare & de sauuage en cette nation, à ce qu'on m'en a rapporté : sinon que chacun appelle barbarie, ce qui n'est pas de son vsage. Comme de vray nous n'auons autre mire de la verité, & de la raison, que l'exemple & idée des opinions & vsances du pais où nous sommes. Là est tousiours la parfaicte religion, la parfaicte police, parfaict & accompli vsage de toutes choses. Ils sont sauuages de mesmes que nous appellons sauuages les fruiets, que nature de foy & de son progrez ordinaire a produicts : là où à la verité ce sont ceux que nous auons alte-

rez par nostre artifice, & destournez de l'ordre commun, que nous deurions appeller plustost sauuages. En ceux là sont viues & vigoureuses, les vrayes, & plus vtils & naturelles, vertus & proprieté ; lesquelles nous auons abbastardies en ceux-cy, les accommodant au plaisir de nostre goust corrompu. Et si pourtant la saueur mesme & delicatesses se trouue à nostre goust mesme excellente à l'enui des nostres, en diuers fruits de ces contrées là, sans culture : ce n'est pas raison que l'art gaigne le point d'honneur sur nostre grande & puissante mere nature. Nous auons tant rechargé la beauté & richesse de ses ouurages par noz inuentions, que nous l'auons du tout estouffée. Si est-ce que par tout où sa pureté reluit, elle fait vne merueilleuse honte à noz vaines & friuoles entreprinſes.

*Et veniunt hedera sponte sua melius,
Surgit & in folis formosior arbutus antris,
Et volucres nulla dulcius arte canunt.*

Tous nos efforts ne peuuent seulement arriuer à représenter le nid du moindre oyselet, sa texture, sa beauté, & l'vtilité de son vsage : non pas la tiffure de la chetive araignée. Toutes choses, dit Platon, sont produites ou par la nature, ou par la fortune, ou par l'art. Les plus grandes & plus belles par l'vne ou l'autre des deux premieres : les moindres & imparfaites par la dernière. Ces nations me semblent donc ainsi barbares, pour auoir receu fort peu de façon de l'esprit humain, & estre encore fort voisines de leur naiffuete originelle. Les loix naturelles leur commandent encores, fort peu abbastardies par les nostres. Mais c'est en telle pureté, qu'il

me prend quelque fois desplaisir, dequoy la cognoissance n'en soit venuë plustost, du temps qu'il y auoit des hommes qui en eussent sceu mieux iuger que nous. Il me desplaist que Lycurgus & Platon ne l'ayent euë : car il me semble que ce que nous voyons par experience en ces nations là, surpasse non seulement toutes les peintures dequoy la poësie a embelly l'aage doré, & toutes ses inuentions à feindre vne heureuse condition d'hommes : mais encore la conception & le desir mesme de la philosophie. Ils n'ont peu imaginer vne naifueté si pure & simple, comme nous la voyons par experience : ny n'ont peu croire que nostre société se peust maintenir avec si peu d'artifice, & de soudeure humaine. C'est vne nation, diroy-ie à Platon, en laquelle il n'y a aucune espece de trafique; nulle cognoissance de lettres; nulle science de nombres; nul nom de magistrat, ny de superiorité politique; nul vsage de seruice, de richesse, ou de pauureté; nuls contrats; nulles successions; nuls partages; nulles occupations, qu'oy-siues; nul respect de parenté, que commun; nuls vestemens; nulle agriculture; nul metal; nul vsage de vin ou de bled. Les paroles mesmes, qui signifient la mensonge, la trahison, la dissimulation, l'auarice, l'enuie, la detraction, le pardon, inouyes. Combien trouueroit il la republique qu'il a imaginée, esloignée de cette perfection?

Hos natura modos primum dedit.

Au demeurant, ils vivent en vne contrée de pais tres-plaisante, & bien temperée : de façon qu'à ce que m'ont dit mes tesmoins, il est rare d'y voir vn homme malade : & m'ont asseuré, n'en y auoir veu

aucun tremblant, chassieux, edenté, ou courbé de vieillesse. Ils sont assis le long de la mer, & ferment du costé de la terre, de grandes & hautes montaignes, ayans entre-deux, cent lieuës ou enuiron d'estendue en large. Ils ont grande abondance de poisson & de chairs, qui n'ont aucune ressemblance aux nostres; & les mangent sans autre artifice, que de les cuire. Le premier qui y mena vn cheual, quoy qu'il les eust pratiquez à plusieurs autres voyages, leur fit tant d'horreur en cette assiette, qu'ils le tuerent à coups de traitt, auant que le pouuoir recognoistre. Leurs bastimens sont fort longs, & capables de deux ou trois cents ames, estoffez d'escorfe de grands arbres, tenans à terre par vn bout, & se soustenans & appuyans l'un contre l'autre par le feste, à la mode d'aucunes de noz granges, desquelles la couuerture pend iusques à terre, & sert de flanq. Ils ont du bois si dur qu'ils en coupent & en font leurs estpees, & des grils à cuire leur viande. Leurs lits sont d'un tissu de cotton, suspenduz contre le toist, comme ceux de noz nauires, à chacun le sien : car les femmes couchent à part des maris. Ils se leuent avec le Soleil, & mangent soudain apres s'estre leuez, pour toute la iournée : car ils ne font autre repas que celui-là. Ils ne boient pas lors, comme Suidas dit, de quelques autres peuples d'Orient, qui beuuoiient hors du manger : ils boient à plusieurs fois sur iour, & d'autant. Leur breuuage est fait de quelque racine, & est de la couleur de noz vins claires. Ils ne le boient que tiede. Ce breuuage ne se conserue que deux ou trois iours : il a le goust vn peu picquant, nullement fumeux, salutaire à l'estomach, & laxatif à ceux qui ne l'ont accoustumé : c'est vne boisson tres-aggreable à qui y est duit. Au lieu du pain ils vsent

d'une certaine matiere blanche, comme du coriandre confit. l'en ay tasté, le goust en est doux & vn peu fade. Toute la iournée se passe à dancier. Les plus ieunes vont à la chasse des bestes, à tout des arcs. Vne partie des femmes s'amusent cependant à chauffer leur breuuage, qui est leur principal office. Il y a quelqu'un des vieillards, qui le matin auant qu'ils se mettent à manger, presche en commun toute la grangée, en se promenant d'un bout à autre, & redisant vne mesme clause à plusieurs fois, iusques à ce qu'il ayt acheué le tour, car ce sont bastimens qui ont bien cent pas de longueur; il ne leur recommande que deux choses, la vaillance contre les ennemis, & l'amitié à leurs femmes. Et ne faillent iamais de remarquer cette obligation, pour leur refrein, que ce sont elles qui leur maintiennent leur boisson tiede & assaisonnée. Il se void en plusieurs lieux, & entre autres chez moy, la forme de leurs lits, de leurs cordons, de leurs espées, & brasselets de bois, dequoy ils courent leurs poignets aux combats, & des grandes cannes ouuertes par vn bout, par le son desquelles ils soustiennent la cadance en leur dance. Ils sont raz par tout, & se font le poil beaucoup plus nettement que nous, sans autre rasouër que de bois, ou de pierre. Ils croyent les ames eternelles; & celles qui ont bien merité des Dieux, estre logées à l'endroit du ciel où le Soleil se leue : les maudites, du costé de l'Occident. Ils ont ie ne sçay quels Prestres & Prophetes, qui se presentent bien rarement au peuple, ayans leur demeure aux montaignes. A leur arriuée, il se fait vne grande feste & assemblée solennelle de plusieurs villages; chaque grange, comme ie l'ay descrite, fait vn village, & sont environ à vne lieuë Françoisé l'une de l'autre. Ce Pro-

phete parle à eux en public, les exhortant à la vertu & à leur deuoir : mais toute leur science ethique ne contient que ces deux articles de la resolution à la guerre, & affection à leurs femmes. Cettuy-cy leur prognostique les choses à venir, & les euenemens qu'ils doiuent esperer de leurs entreprinſes : les achemine ou deſtourne de la guerre : mais c'eſt par tel ſi que où il faut à bien deuiner, & ſ'il leur aduient autrement qu'il ne leur a predit, il eſt haché en mille pieces, s'ils l'attrapent, & condamné pour faux Prophete. A cette cauſe celuy qui s'eſt vne fois meſconté, on ne le void plus. C'eſt don de Dieu, que la diuination : voyla pourquoy ce deuroit eſtre vne impoſture puniſſable d'en abuſer. Entre les Scythes, quand les deuins auoient failly de rencontre, on les couchoit enforgez de pieds & de mains, ſur des charriotes pleines de bruyere, tirées par des bœufs, en quoy on les faiſoit bruſler. Ceux qui manient les choses ſubiettes à la conduite de l'humaine ſuffiſance, ſont excuſables d'y faire ce qu'ils peuuent. Mais ces autres, qui nous viennent pipant des aſſeurances d'une faculté extraordinaire, qui eſt hors de noſtre cognoiſſance : faut-il pas les punir, de ce qu'ils ne maintiennent l'effect de leur promeſſe, & de la temerité de leur impoſture ? Ils ont leurs guerres contre les nations, qui ſont au delà de leurs montaignes, plus auant en la terre ferme, auſquelles ils vont tous nuds, n'ayants autres armes que des arcs ou des eſpées de bois, appointées par vn bout, à la mode des langues de noz eſpieuz. C'eſt choſe eſmerueillable que de la fermeté de leurs combats, qui ne finiſſent iamais que par meurtre & effuſion de ſang : car de routes & d'effroy, ils ne tçauent que c'eſt. Chacun rapporte pour ſon trophée la teſte de l'ennemy qu'il a tué, & l'attache

à l'entrée de son logis. Apres auoir long temps bien traité leurs prisonniers, & de toutes les commoditez, dont ils se peuuent aduiser, celui qui en est le maistre, faict vne grande assemblée de ses cognoissans. Il attache vne corde à l'vn des bras du prisonnier, par le bout de laquelle il le tient, esloigné de quelques pas, de peur d'en estre offensé, & donne au plus cher de ses amis, l'autre bras à tenir de mesme; & eux deux en presence de toute l'assemblée l'affomment à coups d'espée. Cela faict ils le rostissent, & en mangent en commun, & en enuoyent des loppins à ceux de leurs amis, qui sont absens. Ce n'est pas comme on pense, pour s'en nourrir, ainsi que faisoient anciennement les Scythes, c'est pour représenter vne extreme vengeance. Et qu'il soit ainsin, ayans apperceu que les Portugais, qui s'estoient r'alliez à leurs aduersaires, vsoient d'une autre sorte de mort contre eux, quand ils les prenoient; qui estoit, de les enterrer iusques à la ceinture, & tirer au demeurant du corps force coups de traict, & les pendre apres: ils penserent que ces gens icy de l'autre monde (comme ceux qui auoient semé la cognoissance de beaucoup de vices parmy leur voisinage, & qui estoient beaucoup plus grands maistres qu'eux en toute sorte de malice) ne prenoient pas sans occasion cette sorte de vengeance, & qu'elle deuoit estre plus aigre que la leur, dont ils commencerent de quitter leur façon ancienne, pour suiure cette-cy. Je ne suis pas marry que nous remarquons l'horreur barbareque qu'il y a en vne telle action, mais ouy bien dequoy iugeans à point de leurs fautes, nous soyons si aueuglez aux nostres. Je pense qu'il y a plus de barbarie à manger vn homme viuant, qu'à le manger mort, à deschirer par tourmens & par gehennes, vn corps encore plein de sen-

timent, le faire rostir par le menu, le faire mordre & meurtrir aux chiens, & aux pourceaux (comme nous l'auons non seulement leu, mais veu de fresche memoire, non entre des ennemis anciens, mais entre des voisins & concitoyens, & qui pis est, sous pre-texte de pieté & de religion) que de le rostir & manger apres qu'il est trespasé. Chrysippus & Zenon chefs de la secte Stoicque, ont bien pensé qu'il n'y auoit aucun mal de se seruir de nostre charoigne, à quoy que ce fust, pour nostre besoin, & d'en tirer de la nourriture: comme nos ancestres estans assiegez par Cæsar en la ville d'Alexia, se resolurent de souffrenir la faim de ce siege par les corps des vieillars, des femmes, & autres personnes inutiles au combat.

*Vascones, fama est, alimentis talibus vsi
Produxere animas.*

Et les medecins ne craignent pas de s'en seruir à toute sorte d'vsage, pour nostre santé; soit pour l'appliquer au dedans, ou au dehors. Mais il ne se trouua iamais aucune opinion si desreglée, qui excusast la trahison, la desloyauté, la tyrannie, la cruauté, qui sont noz fautes ordinaires. Nous les pouuons donc bien appeller barbares, eu esgard aux regles de la raison, mais non pas eu esgard à nous, qui les surpassons en toute sorte de barbarie. Leur guerre est toute noble & genereuse, & a autant d'excuse & de beauté que cette maladie humaine en peut receuoir: elle n'a autre fondement parmy eux, que la seule ialousie de la vertu. Ils ne sont pas en debat de la conquête de nouuelles terres: car ils iouyssent encore de cette vberté naturelle, qui les fournit sans trauail & sans peine, de toutes choses necessaires, en telle

abondance, qu'ils n'ont que faire d'agrandir leurs limites. Ils sont encore en cet heureux point, de ne desirer qu'autant que leurs necessitez naturelles leur ordonnent: tout ce qui est au delà, est superflu pour eux. Ils s'entr'appellent generally ceux de mesme aage freres: enfans, ceux qui sont au deffouz; & les vieillards sont peres à tous les autres. Ceux-cy laissent à leurs heritiers en commun, cette pleine possession de biens par indiuïs, sans autre titre, que celui tout pur, que nature donne à ses creatures, les produisant au monde. Si leurs voisins passent les montaignes pour les venir assaillir, & qu'ils emportent la victoire sur eux, l'acquest du victorieux, c'est la gloire, & l'auantage d'estre demeuré maistre en valeur & en vertu: car autrement ils n'ont que faire des biens des vaincus, & s'en retournent à leurs pays, où ils n'ont faite d'aucune chose necessaire; ny faite encore de cette grande partie, de sçauoir heureusement iouir de leur condition, & s'en contenter. Autant en font ceux-cy à leur tour. Ils ne demandent à leurs prisonniers, autre rançon que la confession & recognoissance d'estre vaincus. Mais il ne s'en trouue pas vn en tout vn siecle, qui n'ayme mieux la mort, que de relascher, ny par contenance, ny de parole, vn seul point d'une grandeur de courage inuincible. Il ne s'en void aucun, qui n'ayme mieux estre tué & mangé, que de requerir seulement de ne l'estre pas. Ils les traitent en toute liberté, afin que la vie leur soit d'autant plus chere: & les entretiennent communément des menasses de leur mort future, des tourmens qu'ils y auront à souffrir, des apprests qu'on dresse pour cet effect, du detranchement de leurs membres, & du festin qui se fera à leurs despens. Tout cela se fait pour cette seule fin, d'ar-

racher de leur bouche quelque parole molle ou rabaissée, ou de leur donner enuie de s'en fuyr ; pour gagner cet auantage de les auoir espouuanitez, & d'auoir fait force à leur constance. Car aussi à le bien prendre, c'est en ce seul point que consiste la vraye victoire :

Victoria nulla est
Quam quæ confessos animo quoque subiugat hostes.

Les Hongres tres-belliqueux combattants, ne poursuioient iadis leur pointe outre auoir rendu l'ennemy à leur mercy. Car en ayant arraché cette confession, ils le laissoient aller sans offense, sans rançon ; sauf pour le plus d'en tirer parole de ne s'armer des lors en auant contre eux. Assez d'auantages gaignons nous sur nos ennemis, qui sont auantages empruntez, non pas nostres. C'est la qualité d'un porte-faix, non de la vertu, d'auoir les bras & les iambes plus roides : c'est vne qualité morte & corporelle, que la disposition : c'est un coup de la fortune, de faire broncher nostre ennemy, & de luy esblouyr les yeux par la lumiere du Soleil : c'est un tour d'art & de science, & qui peut tomber en vne personne lasche & de neant, d'estre suffisant à l'escrime. L'estimation & le prix d'un homme consiste au cœur & en la volonté : c'est là où gist son vray honneur : la vaillance c'est la fermeté, non pas des iambes & des bras, mais du courage & de l'ame : elle ne consiste pas en la valeur de nostre cheual, ny de nos armes, mais en la nostre. Celuy qui tombe obstiné en son courage, *si succideris, de genu pugnât*. Qui pour quelque danger de la mort voisine, ne relasche aucun point de son assurance, qui regarde encores en rendant l'ame, son ennemy d'une veuë ferme & desdaigneuse, il est battu, non

pas de nous, mais de la fortune : il est tué, non pas vaincu : les plus vaillans sont par fois les plus infortunez. Aussi y a-il des pertes triomphantes à l'enui des victoires. Ny ces quatre victoires sœurs, les plus belles que le Soleil aye onques veu de ses yeux, de Salamine, de Platées, de Mycale, de Sicile, n'osèrent onques opposer toute leur gloire ensemble, à la gloire de la desconfiture du Roy Leonidas & des siens au pas de Thermopyles. Qui courut iamais d'une plus glorieuse enuie, & plus ambitieuse au gain du combat, que le Capitaine Ischolas à la perte ? Qui plus ingenieusement & curieusement s'est assuré de son salut, que luy de sa ruine ? Il estoit commis à deffendre certain passage du Peloponnese, contre les Arcadiens ; pour quoy faire, se trouvant du tout incapable, veu la nature du lieu, & inégalité des forces : & se resolvant que tout ce qui se presenteroit aux ennemis, auroit de necessité à y demeurer : d'autre part, estimant indigne & de sa propre vertu & magnanimité, & du nom Lacedemonien, de faillir à sa charge : il print entre ces deux extremités, vn moyen party, de telle sorte : Les plus ieunes & dispos de sa troupe, il les conserua à la ruicion & seruice de leur pais, & les y renuoya : & avec ceux desquels le defaut estoit moindre, il delibera de soustenir ce pas : & par leur mort en faire acheter aux ennemis l'entrée la plus chere, qu'il luy seroit possible : comme il aduint. Car estant tantost environné de toutes parts par les Arcadiens : apres en auoir fait vne grande boucherie, luy & les siens furent tous mis au fil de l'espee. Est-il quelque trophée assigné pour les veincueurs, qui ne soit mieux deu à ces veincus ? Le vray veincre a pour son roolle l'estour, non pas le salut : & consiste l'honneur

de la vertu, à combattre, non à battre. Pour reuenir à nostre histoire, il s'en faut tant que ces prisonniers se rendent, pour tout ce qu'on leur fait, qu'au rebours pendant ces deux ou trois mois qu'on les garde, ils portent vne contenance gaye, ils pressent leurs maistres de se haster de les mettre en cette espreuue, ils les deffient, les iniurient, leur reprochent leur lacheté, & le nombre des batailles perduës contre les leurs. I'ay vne chanson faicte par vn prisonnier, où il y a ce traiët : Qu'ils viennent hardiment trétous, & s'assemblent pour disner de luy, car ils mangeront quant & quant leurs peres & leurs ayeulx, qui ont seruy d'aliment & de nourriture à son corps : ces muscles, dit-il, cette chair & ces veines, ce sont les vostres, pauvre fols que vous estes : vous ne reconnoissez pas que la substance des membres de vos ancestres s'y tient encore : sauourez les bien, vous y trouuerez le goust de vostre propre chair : inuention, qui ne sent aucunement la barbarie. Ceux qui les peignent mourans, & qui representent cette action quand on les assomme, ils peignent le prisonnier, crachant au visage de ceux qui le tuent, & leur faisant la mouë. De vray ils ne cessent iusques au dernier soupir, de les brauer & deffier de parole & de contenance. Sans mentir, au prix de nous, voila des hommes bien sauuages : car ou il faut qu'ils le foyent bien à bon escient, ou que nous le foyons : il y a vne merueilleuse distance entre leur forme & la nostre. Les hommes y ont plusieurs femmes, & en ont d'autant plus grand nombre, qu'ils sont en meilleure reputation de vaillance. C'est vne beauté remarquable en leurs mariages, que la mesme ialousie que nos femmes ont pour nous empescher de l'amitié & bien-vueillance d'autres femmes, les leurs l'ont toute pareille pour

la leur acquerir. Estans plus soigneuses de l'honneur de leurs maris, que de toute autre chose, elles cherchent & mettent leur sollicitude à auoir le plus de compaignes qu'elles peuuent, d'autant que c'est vn tesmoignage de la vertu du mary. Les nostres crieront au miracle : ce ne l'est pas. C'est vne vertu proprement matrimoniale : mais du plus haut estage. Et en la Bible, Lea, Rachel, Sara & les femmes de Iacob fournirent leurs belles seruantes à leurs maris, & Liuia seconda les appetits d'Auguste, à son interest : & la femme du Roy Deiotarus Stratonique, presta non seulement à l'vfrage de son mary, vne fort belle ieune fille de chambre, qui la seruoit, mais en nourrit soigneusement les enfans : & leur fait espauler à succeder aux estats de leur pere. Et afin qu'on ne pense point que tout cecy se face par vne simple & seruile obligation à leur vsance, & par l'impression de l'autorité de leur ancienne coustume, sans discours & sans iugement, & pour auoir l'ame si stupide, que de ne pouuoir prendre autre party, il faut alleguer quelques traits de leur suffisance. Outre celuy que ie vien de reciter de l'une de leurs chansons guerrieres, i'en ay vn'autre amoureuse, qui commence en ce sens : Couleuvre arreste toy, arreste toy couleuvre, afin que ma sœur tire sur le patron de ta peinture, la façon & l'ouurage d'un riche cordon, que ie puisse donner à m'amie : ainsi soit en tout temps ta beauté & ta disposition preferée à tous les autres serpens. Ce premier couplet, c'est le refrain de la chanson. Or i'ay assez de commerce avec la poésie pour iuger cecy, que non seulement il n'y a rien de barbarie en cette imagination, mais qu'elle est tout à fait Anacreontique. Leur langage au demeurant, c'est vn langage doux, & qui a le son

aggreable, retirant aux terminaïsons Grecques. Trois d'entre eux, ignorans combien courtera vn iour à leur repos, & à leur bon heur, la cognoissance des corruptions de deçà, & que de ce commerce nailtra leur ruine, comme ie presuppõe qu'elle soit des-ia auancée (bien miserables de s'estre laissez piper au desir de la nouuelleté, & auoir quitté la douceur de leur ciel, pour venir voir le nostre) furent à Roüan, du temps que le feu Roy Charles neufiesme y estoit : le Roy parla à eux long temps, on leur fit voir nostre façon, nostre pompe, la forme d'une belle ville : apres cela, quelqu'un en demanda leur aduis, & voulut sçauoir d'eux, ce qu'ils y auoient trouué de plus admirable : ils respondirent trois choses, dont j'ay perdu la troisieme, & en suis bien marry ; mais j'en ay encore deux en memoire. Ils dirent qu'ils trouuoient en premier lieu fort estrange, que tant de grands hommes portans barbe, forts & armez, qui estoient autour du Roy (il est vray-semblable qu'ils parloient des Suisses de sa garde) se soubmissent à obeir à vn enfant, & qu'on ne choisissoit plustost quelqu'un d'entre eux pour commander. Secondement (ils ont vne façon de leur langage telle qu'ils nomment les hommes, moitié les vns des autres) qu'ils auoyent apperceu qu'il y auoit parmy nous des hommes pleins & gorgez de toutes sortes de commoditez, & que leurs moitez estoient mendians à leurs portes, décharnez de faim & de pauureté ; & trouuoient estrange comme ces moitez icy necessiteuses, pouuoient souffrir vne telle iniustice, qu'ils ne prissent les autres à la gorge, ou missent le feu à leurs maisons. Je parlay à l'un d'eux fort long temps, mais j'auois vn truchement qui me suiuiroit si mal, & qui estoit si empesché à recevoir

mes imaginations par sa bestise, que ie n'en peus tirer rien qui vaille. Sur ce que ie luy demanday quel fruit il receuoit de la superiorité qu'il auoit parmy les siens, car c'estoit vn Capitaine, & noz matelots le nommoient Roy, il me dit, que c'estoit, marcher le premier à la guerre : De combien d'hommes il estoit suiuy ; il me montra vne espace de lieu, pour signifier que c'estoit autant qu'il en pourroit en vne telle espace, ce pouuoit estre quatre ou cinq mille hommes : Si hors la guerre toute son autorité estoit expirée ; il dit qu'il luy en restoit cela, que quand il visitoit les villages qui dépendoient de luy, on luy dressoit des sentiers au trauers des hayes de leurs bois, par où il peust passer bien à l'aïse. Tout cela ne va pas trop mal : mais quoy ? ils ne portent point de haut de chausses.





*Qu'il faut sobrement se mesler de iuger
des ordonnances diuines.*

CHAPITRE XXXI.



LE vray champ & subiect de l'imposture, sont les choses inconnues : d'autant qu'en premier lieu l'estrangeté mesme donne credit, & puis n'estants point subiectes à nos discours ordinaires, elles nous ostent le moyen de les combattre.

A cette cause, dit Platon, est-il bien plus aisé de satisfaire, parlant de la nature des Dieux, que de la nature des hommes : par ce que l'ignorance des auditeurs preste vne belle & large carriere, & toute liberté, au maniemment d'une matiere cachee. Il aduient de là, qu'il n'est rien creu si fermement, que ce qu'on sçait le moins, ny gens si asseurez, que ceux qui nous content des fables, comme Alchymistes, Prognostiqueurs, Iudiciaires, Chiromantiens, Medecins, *id genus omne*. Ausquels ie ioindrois volontiers, si i'osois, vn tas de gens, interpretes & contrerolleurs ordinaires des dessains de Dieu, faisant estat de trouuer les causes de chasque accident, & de veoir dans les secrets de la volonté diuine, les motifs incomprehensibles de ses œuvres. Et quoy

que la variété & discordance continuelle des euenemens, les reiette de coin en coin, & d'Orient en Occident, ils ne laissent de fuiure pourtant leur esteuf, & de mesme creon peindre le blanc & le noir. En vne nation Indienne il y a cette louable obseruance, quand il leur mes-aduient en quelque rencontre ou bataille, ils en demandent publiquement pardon au Soleil, qui est leur Dieu, comme d'une action iniuste : rapportant leur heur ou malheur à la raison diuine, & luy submettant leur iugement & discours. Suffit à vn Chrestien croire toutes choses venir de Dieu : les recevoir avec recognoissance de sa diuine & inscrutable sapience : pourtant les prendre en bonne part, en quelque visage qu'elles luy soient enuoyees. Mais ie trouue mauuais ce que ie voy en vsage, de chercher à fermir & appuyer nostre religion par la prosperité de nos entreprises. Nostre creance a assez d'autres fondemens, sans l'autoriser par les euenemens. Car le peuple accoustumé à ces argumens plausibles, & proprement de son goust, il est danger, quand les euenemens viennent à leur tour contraires & des-auantageux, qu'il en esbranle sa foy. Comme aux guerres où nous sommes pour la Religion, ceux qui eurent l'auantage au rencontre de la Rochelabeille, faifans grand feste de cet accident, & se seruans de cette fortune, pour certaine approbation de leur party : quand ils viennent apres à excuser leurs defortunes de Mont-contour & de Iarnac, sur ce que ce sont verges & chastimens paternels, s'ils n'ont vn peuple du tout à leur mercy, ils luy font assez aisément sentir que c'est prendre d'un sac deux moulures, & de mesme bouche souffler le chaud & le froid. Il vaudroit mieux l'entretenir des vrayes fondemens de la verité. C'est vne belle

bataille nauale qui s'est gaignee ces mois passez contre les Turcs, soubz la conduite de dom Ioan d'Austria : mais il a bien pleu à Dieu en faire autres fois voir d'autres telles à nos despens. Somme, il est mal-aisé de ramener les choses diuines à nostre balance, qu'elles n'y souffrent du deschet. Et qui voudroit rendre raison de ce que Arrius & Leon son Pape, chefs principaux de cette heresie, moururent en diuers temps, de morts si pareilles & si estranges (car retirez de la dispute par douleur de ventre à la garderobe, tous deux y rendirent subitement l'ame) & exagerer cette vengeance diuine par la circonstance du lieu, y pourroit bien encore adiouster la mort de Heliogabalus, qui fut aussi tué en vn retraiët. Mais quoy ? Ireneë se trouue engagé en mesme fortune. Dieu nous voulant apprendre, que les bons ont autre chose à esperer : & les mauuais autre chose à craindre, que les fortunes ou infortunes de ce monde : il les manie & applique selon sa disposition occulte : & nous oste le moyen d'en faire sottement nostre profit. Et se moquent ceux qui s'en veulent preualoir selon l'humaine raison. Ils n'en donnent iamais vne touche, qu'ils n'en reçoient deux. Sainët Augustin en fait vne belle preuue sur ses aduersaires. C'est vn conflët, qui se decide par les armes de la memoire, plus que par celles de la raison. Il se faut contenter de la lumiere qu'il plaist au Soleil nous communiquer par ses rayons, & qui esleuera ses yeux pour en prendre vne plus grande dans son corps mesme, qu'il ne trouue pas estrange, si pour la peine de son outrecuidance il y perd la veuë. *Quis hominum potest scire consilium Dei? aut quis poterit cogitare, quid velit Dominus?*



De fuir les voluptez au pris de la vie.

CHAPITRE XXXII.



'Avois bien veu conuenir en cecy la pluspart des anciennes opinions : Qu'il est heure de mourir lors qu'il y a plus de mal que de bien à viure : & que de conseruer nostre vie à nostre tourment & incommodité, c'est choquer les regles mesmes de nature, comme disent ces vieilles regles,

ἡ ζῆν ἀλύπως, ἢ θανεῖν εὐδαιμόνως.
Καλὸν θνήσκειν οἷς ὕβριν τὸ ζῆν φέρει.
Κρεῖσσον τὸ μὴ ζῆν εἶστιν, ἢ ζῆν ἀδλίως.

Mais de pousser le mespris de la mort iusques à tel degré, que de l'employer pour se distraire des honneurs, richesses, grandeurs, & autres faueurs & biens que nous appellons de la fortune : comme si la raison n'auoit pas assez affaire à nous persuader de les abandonner, sans y adiouster cette nouuelle recharge, ie ne l'auois veu ny commander, ny pratiquer : iusques lors que ce passage de Seneca me tomba entre mains, auquel conseillant à Lucilius, personnage puissant &

de grande autorité autour de l'Empereur, de changer cette vie voluptueuse & pompeuse, & de se retirer de cette ambition du monde, à quelque vie solitaire, tranquille & philosophique : sur quoy Lucilius alleguoit quelques difficultez : Je suis d'aduis, dit-il, que tu quittes cette vie là, ou la vie tout à fait : bien te conseille-je de suivre la plus douce voye, & de destacher plustost que de rompre ce que tu as mal noué, pourueu que s'il ne se peut autrement destacher, tu le rompes. Il n'y a homme si couard qui n'ayme mieux tomber vne fois, que de demeurer tousiours en bransle. L'eusse trouué ce conseil fortable à la rudesse Stoïque : mais il est plus estrange qu'il soit emprunté d'Epicurus, qui escrit à ce propos, choses toutes pareilles à Idomeneus. Si est-ce que ie pense auoir remarqué quelque traitt semblable parmy nos gens, mais avec la moderation Chrestienne. Saint Hilaire Euesque de Poitiers, ce fameux ennemy de l'heresie Arrienne, estant en Syrie fut aduertty qu'Abra sa fille vnique, qu'il auoit laissée pardeça avec sa mere, estoit poursuyuie en mariage par les plus apparens Seigneurs du pais, comme fille tres-bien nourrie, belle, riche, & en la fleur de son aage : il luy escriuit, comme nous voyons, qu'elle ostast son affection de tous ces plaisirs & aduantages qu'on luy presentoit : qu'il luy auoit trouué en son voyage vn party bien plus grand & plus digne, d'vn mary de bien autre pouuoir & magnificence, qui luy feroit presens de robes & de ioyaux, de prix inestimable. Son dessein estoit de luy faire perdre l'appetit & l'usage des plaisirs mondains, pour la ioindre toute à Dieu. Mais à cela, le plus court & plus certain moyen luy semblant estre la mort de sa fille, il ne cessa par vœux, prieres, & oraisons, de faire requeste à Dieu

de l'oster de ce monde, & de l'appeller à soy : comme il aduint : car bien-tost apres son retour, elle luy mourut, dequoy il montra vne singuliere ioye. Cettuy-cy semble encherir sur les autres, de ce qu'il s'adresse à ce moyen de prime face, lequel ils ne prennent que subsidiairement, & puis que c'est à l'endroit de sa fille vnique. Mais ie ne veux obmettre le bout de cette histoire, encore qu'il ne soit pas de mon propos. La femme de Saint Hilaire ayant entendu par luy, comme la mort de leur fille s'estoit conduite par son dessein & volonté, & combien elle auoit plus d'heur d'estre deslogée de ce monde, que d'y estre, print vne si viue apprehension de la beatitude eternelle & celeste, qu'elle sollicita son mary avec extreme instance, d'en faire autant pour elle. Et Dieu à leurs prieres communes, l'ayant retirée à soy, bien tost apres, ce fut vne mort embrassée avec singulier contentement commun.





*La fortune se rencontre souuent au train
de la raison.*

CHAPITRE XXXIII.



L'INCONSTANCE du bransle diuers de la fortune, fait qu'elle nous doiue presenter toute espee de visages. Y a il action de iustice plus expresse que celle cy? Le Duc de Valentinois ayant resolu d'empoisonner Adrian Cardinal de Cornete, chez qui le Pape Alexandre sixiesme son pere, & luy alloient soupper au Vatican : enuoya deuant, quelque bouteille de vin empoisonné, & commanda au sommelier qu'il la gardait bien soigneusement : le Pape y estant arriué auant le fils, & ayant demandé à boire, ce sommelier, qui pensoit ce vin ne luy auoir esté recommandé que pour sa bonté, en seruit au Pape, & le Duc mesme y arriuant sur le point de la collation, & se fiant qu'on n'auroit pas touché à sa bouteille, en prit à son tour ; en maniere que le Pere en mourut soudain, & le fils apres auoir esté longuement tourmenté de maladie, fut reserué à vn'autre pire fortune. Quelquefois il semble à point nommé qu'elle se ioüe à nous. Le Seigneur d'Estree, lors guidon de Monsieur de Van-

dosme, & le Seigneur de Liques, Lieutenant de la compagnie du Duc d'Ascot, estans tous deux seruiteurs de la sœur du Sieur de Fougueselles, quoy que de diuers partis (comme il aduient aux voisins de la frontiere) le Sieur de Licques l'emporta : mais le mesme iour des nopces, & qui pis est, auant le coucher, le marié ayant enuie de rompre vn bois en faueur de sa nouuelle espouse, sortit à l'escarmouche pres de S. Omer, où le Sieur d'Estree se trouuant le plus fort, le feit son prisonnier : & pour faire valoir son aduantage, encore fallut-il que la Damoiselle,

*Coniugis antè coacta noui dimittere collum,
Quàm veniens vna atque altera rursus hyems
Noctibus in longis audium saturasset amorem,*

luy fist elle mesme requeste par courtoisie de luy rendre son prisonnier : comme il fit, la noblesse Francoise, ne refusant iamais rien aux Dames. Semble-il pas que ce soit vn fort artiste ? Constantin fils d'Helene fonda l'Empire de Constantinople : & tant de siecles apres Constantin fils d'Helene le finit. Quelquefois il luy plaist enuier sur nos miracles. Nous tenons que le Roy Clouis assiegeant Angoulesme, les murailles cheurent d'elles mesmes par faueur diuine. Et Bouchet emprunte de quelqu'auteur, que le Roy Robert assiegeant vne ville, & s'estant desrobé du siege, pour aller à Orleans solemnizer la feste Saint Aignan, comme il estoit en deuotion, sur certain point de la Messe, les murailles de la ville assiegee, s'en allerent sans aucun effort en ruine. Elle fit tout à contrepoil en nos guerres de Milan : car le Capitaine Rense assiegeant pour nous la ville d'Eronne,

& ayant fait mettre la mine sous vn grand pan de mur, & le mur en estant brusquement enleué hors de terre, recheut toutes-fois tout empenné, si droit dans son fondement, que les assiegez n'en vaufirent pas moins. Quelquefois elle fait la medecine. Iason Phe-reus estant abandonné des medecins, pour vne aposteme, qu'il auoit dans la poitrine, ayant enuie de s'en défaire, au moins par la mort, se ietta en vne bataille à corps perdu dans la presse des ennemis, où il fut blessé à trauers le corps, si à point, que son aposteme en creua, & guerit. Surpassa elle pas le peintre Protogenes en la science de son art? Cettuy-cy ayant parfaict l'image d'un chien las & recreu, à son contentement en toutes les autres parties, mais ne pouuant représenter à son gré l'escume & la baue, despité contre sa besongne, prit son esponge, & comme elle estoit abreuee de diuerses peintures, la ietta contre, pour tout effacer : la fortune porta tout à propos le coup à l'endroit de la bouche du chien, & y parfournit ce à quoy l'art n'auoit peu attaindre. N'adresse elle pas quelquefois nos conseils, & les corrige? Isabel Royne d'Angleterre, ayant à repasser de Zelande en son Royaume, avec vne armee, en faueur de son fils contre son mary, estoit perdue, si elle fust arriuee au port qu'elle auoit proietté, y estant attendue par ses ennemis : mais la fortune la ietta contre son vouloir ailleurs, où elle print terre en toute feureté. Et cet ancien qui ruant la pierre à vn chien, en assena & tua sa marastre, eut-il pas raison de prononcer ce vers :

Ταυτόματον ἡμῶν καλλίως βουλεύεται :

La fortune a meilleur aduis que nous. Iceres auoit

prattiqué deux soldats, pour tuer Timoleon, sejour-
nant à Adrane en la Sicile. Ils prindrent heure, sur le
point qu'il feroit quelque sacrifice. Et se meslans parmy
la multitude, comme ils se guignoyent l'un l'autre,
que l'occasion estoit propre à leur besoigne : voicy vn
tiers, qui d'un grand coup d'espee, en assene l'un par
la teste, & le rue mort par terre, & s'en fuit. Le com-
pagnon se tenant pour descouvert & perdu, recourut à
l'autel, requerant franchise, avec promesse de dire
route la verité. Ainsi qu'il faisoit le compte de la con-
iuration, voicy le tiers qui auoit esté attrapé, lequel
comme meurtrier, le peuple pouffe & saboule au
trauers la presse, vers Timoleon, & les plus apparents
de l'assemblée. Là il crie mercy : & dit auoir iuste-
ment tué l'assassin de son pere : verifiant sur le champ,
par des tesmoins que son bon sort luy fournit, tout
à propos, qu'en la ville des Leontins son pere, de
vray, auoit esté tué par celui sur lequel il s'estoit
vengé. On luy ordonna dix mines Attiques, pour
auoir eu cet heur, prenant raison de la mort de son
pere, de retirer de mort le pere commun des Siciliens.
Cette fortune surpasse en reglement, les regles de
l'humaine prudence. Pour la fin : en ce fait icy, se
descouure il pas vne bien expresse application de sa
faueur, de bonté & pieté singuliere? Ignatius Pere
& fils, proscripts par les Triumvirs à Rome, se reso-
lurent à ce genereux office, de rendre leurs vies, entre
les mains l'un de l'autre, & en frustrer la cruauté des
Tyrans : ils se coururent sus, l'espee au poing : elle
en dressa les pointes, & en fit deux coups esgalement
mortels : & donna à l'honneur d'une si belle amitié,
qu'ils eussent iustement la force de retirer encore des
playes leurs bras sanglants & armés, pour s'entrem-
braffer en cet estat, d'une si torte estrainte, que les

bourreaux couperent ensemble leurs deux testes, laif-
sans les corps tousiours pris en ce noble neud ; &
les playes iointes, humans amoureusement, le sang &
les restes de la vie, l'une de l'autre.





D'un defect de nos polices.

CHAPITRE XXXIIII.



EN mon pere, homme pour n'estre aydé que de l'experience & du naturel, d'un iugement bien net, m'a dict autrefois, qu'il auoit desiré mettre en train, qu'il y eust és villes certain lieu designé, auquel ceux qui auroient besoin de quelque chose, se peussent rendre, & faire enregistrer leur affaire à vn officier estably pour cet effect : comme, ie cherche à vendre des perles : ie cherche des perles à vendre ; tel veut compagnie pour aller à Paris ; tel s'enquiert d'un seruiteur de telle qualité, tel d'un maistre ; tel demande vn ouurier : qui cecy, qui cela, chacun selon son besoing. Et semble que ce moyen de nous entr'aduertir, apporteroit non legere commodité au commerce publique. Car à tous coups, il y a des conditions, qui s'entrecherchent, & pour ne s'entr'entendre, laissent les hommes en extreme necessité. L'entens avec vne grande honte de nostre siecle, qu'à nostre veuë, deux tres-excellens personnages en sçauoir, sont morts en estat de n'auoir pas leur saoul à manger : Lilius Gregorius Giralduſ en Italie, & Sebastianus Castalio en Allemaigne. Et croy qu'il y a

mil'hommes qui les eussent appelez avec tres-aduantageuses conditions, ou secourus où ils estoient s'ils l'eussent sçeu. Le monde n'est pas si generally corrompu, que ie ne sçache tel homme, qui souhaiteroit de bien grande affection, que les moyens que les siens luy ont mis en main, se peussent employer tant qu'il plaira à la fortune qu'il en iouisse, à mettre à l'abry de la necessité, les personages rares & remarquables en quelque espeece de valeur, que le mal-heur combat quelquefois iusques à l'extremité : & qui les mettroit pour le moins en tel estat, qu'il ne tiendrait qu'à faute de bon discours, s'ils n'estoyent contens. En la police œconomique mon pere auoit cet ordre, que ie sçay louer, mais nullement ensuiure. C'est qu'outre le registre des negoces du mefnage, où se logent les menus comptes, payements, marchés, qui ne requierent la main du Notaire, lequel registre, vn Receueur a en charge : il ordonnoit à celuy de ses gents, qui luy seruoit à escrire, vn papier iournal, à inserer toutes les suruenances de quelque remarque, & iour par iour les memoires de l'histoire de sa maison : tres-plaisante à veoir, quand le temps commence à en effacer la souuenance, & tres à propos pour nous oster souuent de peine. Quand fut entamee telle besoigne, quand acheuee : quels trains y ont passé, combien arresté : noz voyages, noz absences, mariages, morts : la reception des heurieuses ou malencontreuses nouvelles : changement des seruiteurs principaux : telles matieres. Vſage ancien, que ie trouue bon à rafraichir, chacun en sa chacuniere : & me trouue vn sot d'y auoir failly.



De l'usage de se vestir.

CHAPITRE XXXV.



v que ie vueille donner, il me faut forcer quelque barriere de la coustume, tant ell'a soigneusement bridé toutes nos auenues. Le deuïsoy en cette saison frilleuse, si la façon d'aller tout nud de ces nations dernièrement trouuees, est vne façon forcee par la chaude temperature de l'air, comme nous disons des Indiens, & des Mores, ou si c'est l'originelle des hommes. Les gens d'entendement, d'autant que tout ce qui est sous le ciel, comme dit la sainte Parole, est subiect à mesmes loix, ont accoustumé en pareilles considerations à celles icy, où il faut distinguer les loix naturelles des controuees, de recourir à la generale police du monde, où il n'y peut auoir rien de contre-faict. Or tout estant exactementourny ailleurs de filet & d'éguille, pour maintenir son estre, il est mécreable, que nous soyons seuls produits en estat deffectueux & indigent, & en estat qui ne se puisse maintenir sans secours estranger. Ainsi ie tiens que comme les plantes, arbres, animaux, & tout ce qui vit, se treuve naturellement équipé de

suffisante couverture, pour se deffendre de l'iniure du temps,

*Propterea que ferè res omnes, aut corio sunt,
Aut seta, aut conchis, aut callo, aut cortice testæ,*

aussi estions nous : mais comme ceux qui esteignent par artificielle lumiere celle du iour, nous auons esteint nos propres moyens, par les moyens empruntez. Et est aisé à voir que c'est la coustume qui nous fait impossible ce qui ne l'est pas. Car de ces nations qui n'ont aucune cognoissance de vestemens, il s'en trouue d'assises enuiron soubz mesme ciel, que le nostre, & soubz bien plus rude ciel que le nostre. Et puis la plus delicate partie de nous est celle qui se tient tousiours descouuerte : les yeux, la bouche, le nez, les oreilles : à noz contadins, comme à noz ayeulx, la partie pectorale & le ventre. Si nous fussions nez avec condition de corillons & de greguesques, il ne faut faire doubte, que nature n'eust armé d'une peau plus espoisse ce qu'elle eust abandonné à la baterie des saisons, comme elle a fait le bout des doigts & plante des pieds. Pourquoy semble il difficile à croire ? entre ma façon d'estre vestu, & celle du païsan de mon païs, ie trouue bien plus de distance, qu'il n'y a de sa façon, à celle d'un homme, qui n'est vestu que de sa peau. Combien d'hommes, & en Turchie sur tout, vont nuds par deuotion ? Ie ne sçay qui demandoit à un de nos gueux, qu'il voyoit en chemise en plein hyuer, aussi scarbillat que tel qui se tient ammitonné dans les martes iusques aux oreilles, comme il pouuoit auoir patience : Et vous monsieur, respondit-il, vous auez bien la face descouuerte : or moy ie suis tout face. Les Italiens content du fol du

Duc de Florence, ce me semble, que son maistre s'enquerant comment ainsi mal vestu, il pouuoit porter le froid, à quoy il estoit bien empesché luy-mesme : Suiuez, dit-il, ma recepte de charger sur vous tous vos accoustrements, comme ie fay les miens, vous n'en souffrirez non plus que moy. Le Roy Massinissa iusques à l'extreme vieillesse, ne peut estre induit à aller la teste couuerte par froid, orage, & pluye qu'il fist, ce qu'on dit aussi de l'Empereur Seuerus. Aux batailles donnees entre les Ægyptiens & les Perles, Herodote dit auoir esté remarqué & par d'autres, & par luy, que de ceux qui y demeuroident morts, le test estoit sans comparaison plus dur aux Ægyptiens qu'aux Perles : à raison que ceux cy portent tousiours leurs testes couuertes de beguins, & puis de turbans : ceux la rases des l'enfance & descouuertes. Et le Roy Agesilaus obserua iusques à sa decrepitude, de porter pareille vesture en hyuer qu'en esté. Cæsar, dit Suetone, marchoit tousiours deuant sa troupe, & le plus souuent à pied, la teste descouuerte, soit qu'il fist Soleil, ou qu'il pleust, & autant en dit-on de Hannibal,

tum vertice nudo

Excipere insanos imbres, cælique ruinam.

Vn Venitien, qui s'y est tenu long temps, & qui ne fait que d'en venir, escrit qu'au Royaume du Pegu, les autres parties du corps vestues, les hommes & les femmes vont tousiours les pieds nuds, mesme à cheual. Et Platon conseille merueilleusement pour la santé de tout le corps, de ne donner aux pieds & à la teste autre couuerture, que celle que nature y a mise. Celuy que les Polonnois ont choisi pour leur Roy, apres le nostre, qui est à la verité l'un des plus

grands Princes de nostre siecle, ne porte iamais gands, ny ne change pour hyuer & temps qu'il face, le mesme bonnet qu'il porte au couuert. Comme ie ne puis souffrir d'aller deboutonné & destaché, les laboureurs de mon voisinage se sentiroient entrauez de l'estre. Varro tient, que quand on ordonna que nous tinssions la teste descouuerte, en presence des Dieux ou du Magistrat, on le fit plus pour nostre santé, & nous fermir contre les iuiures du temps, que pour compte de la reuerence. Et puis que nous sommes sur le froid, & François accoustumez à nous bigarrer, (non pas moy, car ie ne m'habille guiere que de noir ou de blanc, à l'imitation de mon pere) adioustons d'une autre piece, que le Capitaine Martin du Bellay recite, au voyage de Luxembourg, auoir veu les geles si aspres, que le vin de la munition se coupoit à coups de hache & de coignee, se debitoit aux soldats par poix, & qu'ils l'emportoient dans des panners : & Ouide,

*Nudæque consistunt formam seruantia testæ
Vina, nec hausta meri, sed data frustra bibunt.*

Les geles sont si aspres en l'emboucheure des Palus Mæotides, qu'en la mesme place où le Lieutenant de Mithridates auoit liuré bataille aux ennemis à pied sec, & les y auoit desfaicts, l'esté venu, il y gaigna contre eux encore vne bataille nauale. Les Romains souffrirent grand desaduantage au combat qu'ils eurent contre les Carthaginois pres de Plaisance, de ce qu'ils allerent à la charge, le sang figé, & les membres contrainte de froid : là où Hannibal auoit fait espan dre du feu par tout son ost, pour eschauffer ses soldats : & distribuer de l'huyle par les bandes, afin

que s'oignants, ils rendissent leurs nerfs plus souples & desgourdis, & encroustassent les pores contre les coups de l'air & du vent gelé, qui couroit lors. La retraite des Grecs, de Babylone en leurs pais, est fameuse des difficultez & mesaises, qu'ils eurent à surmonter. Cette cy en fut, qu'accueillis aux montagnes d'Armenie d'un horrible rauage de neiges, ils en perdirent la cognoissance du pais & des chemins: & en estants assiegés tout court, furent un iour & une nuit, sans boire & sans manger, la plus part de leurs bestes mortes: d'entre eux plusieurs morts, plusieurs aueugles du coup du grefil, & lueur de la neige: plusieurs estropiés par les extremitéz: plusieurs roides transis & immobiles de froid, ayants encore le sens entier. Alexandre veit une nation en laquelle on enterre les arbres fruitiers en hyuer pour les defendre de la gelee: & nous en pouuons aussi voir. Sur le subiect de vestir, le Roy de la Mexique changeoit quatre fois par iour d'accoustremens, iamais ne les reiteroit, employant sa desferre à ses continuelles liberalitez & recompenses: comme aussi ny pot, ny plat, ny vrenfile de sa cuisine, & de sa table, ne luy estoient seruis à deux fois.





Du ieune Caton.

CHAPITRE XXXVI.



In n'ay point cette erreur commune, de iuger d'un autre selon que ie suis. l'en croy aysément des choses diuerses à moy. Pour me sentir engagé à vne forme, ie n'y oblige pas le monde, comme chascun fait, & croy, & conçoÿ mille contraires façons de vie: & au rebours du commun, reçoÿ plus facilement la difference, que la ressemblance en nous. Je descharge tant qu'on veut, vn autre estre, de mes conditions & principes: & le considere simplement en luy mesme, sans relation, l'estoffant sur son propre modelle. Pour n'estre continent, ie ne laisse d'aduouër sincerement, la continence des Feuillans & des Capuchins, & de bien trouuer l'air de leur train. Je m'insinue par imagination fort bien en leur place: & les ayme & les honore d'autant plus, qu'ils sont autres que moy. Je desire singulierement, qu'on nous iuge chascun à part soy: & qu'on ne me tire en consequence des communs exemples. Ma foiblesse n'altère aucunement les opinions que ie dois auoir de la force & vigueur de ceux qui le meritent. *Sunt, qui nihil suadent, quàm quod se imitari posse confidunt.* Ram-

pant au limon de la terre, ie ne laisse pas de remarquer iusques dans les nuës la hauteur inimitable d'aucunes ames heroïques. C'est beaucoup pour moy d'auoir le iugement réglé, si les effectis ne le peuuent estre, & maintenir au moins cette maistresse partie, exempte de corruption. C'est quelque chose d'auoir la volonté bonne, quand les iambes me faillent. Ce siecle, auquel nous viuons, au moins pour nostre climat, est si plombé, que ie ne dis pas l'execution, mais l'imagination mesme de la vertu en est à dire : & semble que ce ne soit autre chose qu'un iargon de college.

*virtutem verba putant, vt
Lucum ligna :*

quam vereri deberent, etiam si percipere non possent. C'est vn affiquet à pendre en vn cabinet, ou au bout de la langue, comme au bout de l'oreille, pour parement. Il ne se recognoist plus d'action vertueuse : celles qui en portent le visage, elles n'en ont pas pourtant l'essence : car le profit, la gloire, la crainte, l'accoutumance, & autres telles causes estrangeres nous acheminent à les produire. La iustice, la vaillance, la debonnaireté, que nous exerçons lors, elles peuuent estre ainsi nommees, pour la consideration d'autrui, & du visage qu'elles portent en public : mais chez l'ouurier, ce n'est aucunement vertu. Il y a vne autre fin proposee, autre cause mouuante. Or la vertu n'aduoue rien, que ce qui se faict par elle, & pour elle seule. En cette grande bataille de Potidee, que les Grecs sous Pausanias gaignerent contre Mardonius, & les Perles : les victorieux suiuant leur coustume, venants à partir entre eux la gloire de l'ex-

plait, attribuerent à la nation Spartiate la precellence de valeur en ce combat. Les Spartiates excellents iuges de la vertu, quand ils vindrent à decider, à quel particulier de leur nation debuoir demeurer l'honneur d'auoir le mieux fait en cette iournee, trouuerent qu'Aristodemus s'estoit le plus courageusement hazardé : mais pourtant ils ne luy en donnerent point de prix, par ce que sa vertu auoit esté incitée du desir de se purger du reproche, qu'il auoit encouru au fait des Thermopyles : & d'un appetit de mourir courageusement, pour garantir sa honte passée. Nos iugemens sont encores malades, & suyuent la deprauation de nos mœurs. Je voy la pluspart des esprits de mon temps faire les ingenieux à obscurcir la gloire des belles & genereuses actions anciennes, leur donnant quelque interpretation vile, & leur controuuant des occasions & des causes vaines. Grande subtilité. Qu'on me donne l'action la plus excellente & pure, ie m'en vois y fournir vraysemblablement cinquante vitieuses intentions. Dieu sçait, à qui les veut estendre, quelle diuersité d'images ne souffre nostre interne volonté. Ils ne font pas tant malicieusement, que lourdement & grossierement, les ingenieux, à tout leur mesdisance. La mesme peine, qu'on prend à detraire de ces grands noms, & la mesme licence, ie la prendroye volontiers à leur prester quelque tour d'espaule pour les hauffer. Ces rares figures, & triees pour l'exemple du monde, par le consentement des sages, ie ne me feindroy pas de les recharger d'honneur, autant que mon inuention pourroit, en interpretation & fauorable circonstance. Et il faut croire, que les efforts de nostre inuention sont loing au dessus de leur merite. C'est l'office des gents de bien, de peindre la vertu la plus belle

qui se puisse. Et ne messieroit pas, quand la passion nous transporterait à la faueur de si saintes formes. Ce que ceux cy font au contraire, ils le font ou par malice, ou par ce vice de ramener leur creance à leur portee, dequoy ie viens de parler : ou comme ie pense plustost, pour n'auoir pas la veuë assez forte & assez nette ny dressée à conceuoir la splendeur de la vertu en sa pureté naifue. Comme Plutarque dit, que de son temps, aucuns attribuoient la cause de la mort du ieune Caton, à la crainte qu'il auoit eu de Cæsar : dequoy il se picque auecques raison : & peut on iuger par là, combien il se fust encore plus offensé de ceux qui l'ont attribuee à l'ambition. Sottes gents. Il eust bien fait vne belle action, genereuse & iuste plustost auec ignominie, que pour la gloire. Ce personnage là fut veritablement vn patron, que nature choisit, pour montrer iusques où l'humaine vertu & fermeté pouuoit atteindre. Mais ie ne suis pas icy à mesmes pour traicter ce riche argument. Ie veux seulement faire luster ensemble, les traicts de cinq poëtes Latins, sur la louange de Caton, & pour l'interest de Caton : & par incident, pour le leur aussi. Or deura l'enfant bien nourry, trouuer au prix des autres, les deux premiers trainants. Le troisieme, plus verd : mais qui s'est abattu par l'extrauagance de sa force. Il estimera que là il y auroit place à vn ou deux degrez d'inuention encore, pour arriuer au quatrieme, sur le point duquel il ioindra ses mains par admiration. Au dernier, premier de quelque espace : mais laquelle espace, il iurera ne pouuoir estre remplie par nul esprit humain, il s'estonnera, il se transira. Voicy merueilles. Nous auons bien plus de poëtes, que de iuges & interpretes de poësie. Il est plus aisé de la faire, que

de la cognoître. A certaine mesure basse, on la peut iuger par les preceptes & par art. Mais la bonne, la supreme, la diuine, est au dessus des regles & de la raison. Quiconque en discerne la beauté, d'une veüe ferme & rassise, il ne la void pas : non plus que la splendeur d'un esclair. Elle ne pratique point nostre iugement : elle le raut & rauage. La fureur, qui espoïnçonne celui qui la sçait penetrer, fiert encores un tiers, à la luy ouyr traitter & reciter. Comme l'aymant attire non seulement une aiguille, mais infond encores en icelle, sa faculté d'en attirer d'autres : & il se void plus clairement aux theatres, que l'inspiration sacree des muses, ayant premierement agité le poëte à la cholere, au deuil, à la hayne, & hors de soy, où elles veulent, frappe encore par le poëte, l'acteur, & par l'acteur, consecutiuelement tout un peuple. C'est l'enfileure de noz aiguilles, suspendues l'une de l'autre. Dès ma premiere enfance, la poésie a eu cela, de me transpercer & transporter. Mais ce ressentiment bien vif, qui est naturellement en moy, a esté diuersement manié, par diuersité de formes, non tant, plus hautes & plus basses, car c'estoient tousiours des plus hautes en chascue espee, comme differentes en couleur. Premierement, une fluidité gaye & ingenieuse : depuis une subtilité aiguë & releuee. En fin, une force meure & constante. L'exemple le dira mieux. Ouide, Lucain, Vergile. Mais voyla nos gens sur la carriere.

Sic Cato dum viuit sanè vel Cæsare maior,

dit l'un :

Q' inuictum deuicta morte Cæsonem,

dit l'autre. Et l'autre, parlant des guerres ciuiles
d'entre Cæsar & Pompeius,

Victrix causa diis placuit, sed victa Catoni.

Et le quatriefme sur les louanges de Cæsar :

*Et cuncta terrarum subacta,
Præter atrocem animum Catonis.*

Et le maistre du cœur, apres auoir étalé les noms
des plus grands Romains en sa peinture, finit en
cette maniere :

his dantem iura Catonem.





Comme nous pleurons & rions d'une mesme chose.

CHAPITRE XXXVII.



VAND nous rencontrons dans les histoires, qu'Antigonus sceut tres-mauuais gré à son fils de luy auoir presenté la teste du Roy Pyrrhus son ennemy, qui venoit sur l'heure mesme d'estre tué combatant contre luy : & que l'ayant veuë il se print bien fort à pleurer : & que le Duc René de Lorraine, pleingnit aussi la mort du Duc Charles de Bourgoigne, qu'il venoit de deffaire, & en porta le deuil en son enterrement : & qu'en la bataille d'Auroy (que le Comte de Montfort gaigna contre Charles de Blois sa partie, pour le Duché de Bretagne) le victorieux rencontrant le corps de son ennemy trespaslé, en mena grand deuil, il ne faut pas s'escrier soudain,

*Et così auen che l'animo ciascuna
Sua passion sotto el contrario manto
Ricopre, con la vista hor' chiara, hor bruna.*

Quand on presenta à Cæsar la teste de Pompeius, les histoires disent qu'il en destourna sa veuë, comme d'un

vilain & mal plaifant fpectacle. Il y auoit eu entr'eux vne fi longue intelligence, & focieté au maniemet des affaires publiques, tant de communauté de fortunes, tant d'offices reciproques & d'alliance, qu'il ne faut pas croire que cette contenance fust toute fauce & contrefaïcte, comme eftime cet autre :

tutūque putauit

*Iam bonus effe focer, lacrymas non fponfe cadentes
Effudit, gemitūque expreffit peñore leto.*

Car bien qu'à la verité la pluspart de nos aétions ne foient que mafque & fard, & qu'il puiſſe quelque-fois eſtre vray,

Heredis fletus ſub perſona riſus eſt.

ſi eſt-ce qu'au iugement de ces accidens, il faut conſiderer, comme nos ames ſe trouuent ſouuent agitees de diuerſes paſſions. Et tout ainſi qu'en nos corps ils diſent qu'il y a vne aſſemblée de diuerſes humeurs, deſquelles celle là eſt maïſtreſſe, qui commande le plus ordinairement en nous, ſelon nos complexionſ : auſſi en noſtre ame, bien qu'il y ait diuers mouuements, qui l'agitent, ſi faut-il qu'il y en ayt vn à qui le champ demeure. Mais ce n'eſt pas avec ſi entier auantage, que pour la volubilité & ſoupleſſe de noſtre ame, les plus foibles par occaſion ne regaignent encores la place, & ne facent vne courte charge à leur tour. D'où nous voyons non ſeulement les enfans, qui vont tout naiſſeuement apres la nature, pleurer & rire ſouuent de meſme choſe : mais nul d'entre nous ne ſe peut vanter, quelque voyage qu'il face à ſon ſouhait, qu'encore au départir

de la famille, & de ses amis, il ne se sente frissonner le courage : & si les larmes ne luy en eschappent tout à fait, au moins met-il le pied à l'estrié d'un visage morne & contristé. Et quelque gentille flamme qui eschauffe le cœur des filles bien nees, encore les despend on à force du col de leurs meres, pour les rendre à leur espoux : quoy que die ce bon compagnon,

*Est ne nous nuptis odio Venus, anne parentum
Frustrantur falsis gaudia lacrymulis,
Vbertim thalami quas intra limina fundunt?
Non, ira me diui, vera gemunt, iuuerint.*

Ainsin il n'est pas estrange de plaindre celuy-là mort, qu'on ne voudroit aucunement estre en vie. Quand ie tance auec mon valer, ie tance du meilleur courage que i'aye : ce sont vrayes & non feintes imprecations : mais cette fumee passée, qu'il ayt besoing de moy, ie luy bien-feray volontiers, ie tourne à l'instant le fueillet. Quand ie l'appelle vn badin, vn veau : ie n'entrepren pas de luy coudre à iamais ces titres : ny ne pense me desdire, pour le nommer honeste homme tantost apres. Nulle qualité nous embrasse purement & vniuersellement. Si ce n'estoit la contenance d'un fol, de parler seul, il n'est iour ny heure à peine, en laquelle on ne m'ouist gronder en moy-mesme, & contre moy, Bren du fat : & si n'enten pas, que ce soit ma definition. Qui pour me voir vne mine tantost froide, tantost amoureuse enuers ma femme, estime que l'une ou l'autre soit feinte, il est vn sot. Neron prenant congé de sa mere, qu'il enuoioit noyer, sentit toutefois l'émotion de cet adieu maternel : & en eust horreur & pitié. On dit

que la lumiere du Soleil, n'est pas d'une piece continuë : mais qu'il nous élance si dru sans cesse nouveaux rayons les vns sur les autres, que nous n'en pouvons appercevoir l'entre deux.

*Largus enim liquidi fons luminis ætherius sol
Inrigat assidue cælum candore recenti,
Suppeditatque nouo confestim lumine lumen :*

ainsin essance nostre ame ses pointes diuersement & imperceptiblement. Artabanus surprint Xerxes son nepueu, & le rança de la mutation soudaine de sa contenance. Il estoit à considerer la grandeur desmesurée de ses forces, au passage de l'Hellespont, pour l'entreprinse de la Grece. Il luy print premierement vn tressaillement d'aise, à veoir tant de milliers d'hommes à son seruice, & le tesmoigna par l'allegresse & feste de son visage. Et tout soudain en mesme instant, sa pensée luy suggerant, comme tant de vies auoient à defaillir au plus loing, dans vn siecle, il refroigna son front, & s'attrista iusques aux larmes. Nous auons poursuiuy avec resoluë volonté la vengeance d'une iniure, & ressenty vn singulier contentement de la victoire; nous en pleurons pourtant : ce n'est pas de cela que nous pleurons : il n'y a rien de changé; mais nostre ame regarde la chose d'un autre oeil, & se la represente par vn autre visage : car chaque chose a plusieurs biais & plusieurs lustres. La parenté, les anciennes accointances & amitez, faisoient nostre imagination, & la passionnent pour l'heure, selon leur condition; mais le contour en est si brusque, qu'il nous eschappe.

*Nil adeo fieri celeri ratione videtur,
Quàm si mens fieri proponit & inchoat ipsa*

*Ocius ergo animus quàm res se perciet vlla,
Ante oculos quarum in promptu natura videtur.*

Et à cette cause, voulans de toute cette suite continuer vn corps, nous nous trompons. Quand Timoleon pleure le meurtre qu'il auoit commis d'une si meure & genereuse deliberation, il ne pleure pas la liberté rendue à sa patrie, il ne pleure pas le Tyran, mais il pleure son frere. L'une partie de son deuoir est iouée, laissons luy en iouer l'autre.





De la Solitude.

CHAPITRE XXXVIII.



LAISSONS à part cette longue comparaifon de la vie folitaire à l'actiue. Et quant à ce beau mot, dequoy fe couure l'ambition & l'auarice, Que nous ne fommes pas naiz pour noftre particulier, ains pour le publicq; rapportons nous en hardiment à ceux qui font en la danſe; & qu'ils ſe battent la conſcience, ſi au contraire, les eſtats, les charges, & cette tracafferie du monde, ne ſe recherche pluſtoſt, pour tirer du publicq ſon profit particulier. Les mauuais moyens par où on ſ'y pouſſe en noſtre ſiecle, montrent bien que la fin n'en vaut gueres. Reſpondons à l'ambition que c'eſt elle meſme qui nous donne goùt de la ſolitude. Car que fuit elle tant que la ſociété? que cherche elle tant que ſes coudées franches? Il y a dequoy bien & mal faire par tout. Toutesfois ſi le mot de Bias eſt vray, que la pire part c'eſt la plus grande, ou ce que dit l'Eccleſiaſtique, que de mille il n'en eſt pas vn bon :

*Rari quippe boni numero vix ſunt totidem, quot
Thebarum portæ vel diuiſis oſtia Nili :*

la contagion est tres-dangereuse en la presse. Il faut ou imiter les vitieux, ou les haïr. Tous les deux sont dangereux; & de leur ressembler, par ce qu'ils sont beaucoup, & d'en haïr beaucoup par ce qu'ils sont dissemblables. Et les marchands, qui vont en mer, ont raison de regarder, que ceux qui se mettent en mesme vaisseau, ne soyent dissolus, blasphemateurs, meschans : estimants telle societé infortunée. Parquoy Bias plaissamment, à ceux qui passioient avec luy le danger d'une grande tourmente, & appelloient le secours des Dieux : Taïsez vous, feit-il, qu'ils ne sentent point que vous soyez icy avec moy. Et d'un plus pressant exemple : Albuquerque Vice-Roy en l'Inde, pour Emanuel Roy de Portugal, en un extreme peril de fortune de mer, print sur ses espauls un ieune garçon pour cette seule fin, qu'en la societé de leur peril, son innocence luy seruist de garant, & de recommandation envers la faueur divine, pour le mettre à bord. Ce n'est pas que le sage ne puisse par tout viure content, voire & seul, en la foule d'un palais : mais s'il est à choisir, il en fuira, dit-il, mesmes la veue. Il portera s'il est besoing cela, mais s'il est en luy, il eslera cecy. Il ne luy semble point suffisamment s'estre desfait des vices, s'il faut encores qu'il conteste avec ceux d'autrui. Charondas chastioit pour mauuais ceux qui estoient conuaincus de hanter mauuaise compagnie. Il n'est rien si dissociable & sociable que l'homme : l'un par son vice, l'autre par sa nature. Et Antisthenes ne me semble auoir satisfait à celui, qui luy reprochoit sa conuersation avec les meschans, en disant, que les medecins vivent bien entre les malades. Car s'ils seruent à la santé des malades, ils deteriorent la leur, par la contagion, la veuë continuelle, & pratique des

maladies. Or la fin, ce crois-ie, en est tout'une, d'en viure plus à loisir & à son aise. Mais on n'en cherche pas tousiours bien le chemin. Souuent on pense auoir quitté les affaires, on ne les a que changez. Il n'y a guere moins de tourment au gouuernement d'une famille que d'un estat entier. Où que l'ame soit empeschée, elle y est toute. Et pour estre les occupations domestiques moins importantes, elles n'en sont pas moins importunes. D'auantage, pour nous estre deffaits de la Cour & du marché, nous ne sommes pas deffaits des principaux tourmens de nostre vie.

*ratio & prudentia curas ,
Non locus effusi latè maris arbiter aufert.*

L'ambition, l'auarice, l'irresolution, la peur & les concupiscences, ne nous abandonnent point pour changer de contrée :

Et post equitem sedet atra cura.

Elles nous suiuent souuent iusques dans les cloistres, & dans les escoles de Philosophie. Ny les desers, ny les rochers creusez, ny la here, ny les ieunes, ne nous en démeslent :

hæret lateri lethalis arundo.

On disoit à Socrates, que quelqu'un ne s'estoit aucunement amendé en son voyage : le croy bien, dit-il, il s'estoit emporté avecques soy.

*Quid terras alio calentes
Sole mutamus ? patria quis exul
Se quoque fugit ?*

Si on ne se descharge premierement & son ame, du faix qui la presse, le remuement la fera fouler d'auantage; comme en vn nauire, les charges empeschent moins, quand elles sont rassises. Vous faictes plus de mal que de bien au malade de luy faire changer de place. Vous enfachez le mal en le remuant : comme les pals s'enfoncent plus auant, & s'affermissent en les branlant & secouant. Parquoy ce n'est pas assez de s'estre escarté du peuple; ce n'est pas assez de changer de place, il se faut escarter des conditions populaires, qui sont en nous : il se faut sequestrer & r'auoir de foy.

*rupi iam vincula, dicas,
Nam luctata canis nodum arripit, attamen illa
Cum fugit, à collo trahitur pars longa catenæ.*

Nous emportons nos fers quand & nous. Ce n'est pas vne entiere liberté, nous tournons encore la veuë vers ce que nous auons laissé; nous en auons la fantaisie pleine.

*nisi purgatum est pectus, quæ prælia nobis
Atque pericula tunc ingratissimè insinuandum?
Quanta conscindunt hominem cupidinis acres
Sollicitum curæ, quantique perinde timores?
Quidue superbia, spurcitia, ac petulantia, quantas
Efficiunt clades, quid luxus desidiiisque?*

Nostre mal nous tient en l'ame : or elle ne se peut eschapper à elle mesme,

In culpa est animus, qui se non effugit vnquam.

Ainsin il la faut ramener & retirer en foy. C'est la vraye solitude, & qui se peut iouïr au milieu des villes &

des cours des Roys ; mais elle se iouyt plus commodément à part. Or puis que nous entreprenons de viure seuls, & de nous passer de compagnie, faisons que nostre contentement despende de nous : desprenons nous de toutes les liaisons qui nous attachent à autrui : gaignons sur nous, de pouuoir à bon escient viure seuls, & y viure à nostr'aïse. Stilpon estant échappé de l'embrasement de sa ville, où il auoit perdu femme, enfans, & cheuance ; Demetrius Poliorcetes, le voyant en vne si grande ruine de sa patrie, le visage non effrayé, luy demanda, s'il n'auoit pas eu du dommage ; il respondit que non, & qu'il n'y auoit Dieu mercy rien perdu de sien. C'est ce que le Philosophe Antisthenes disoit plaïssamment, Que l'homme se deuoit pourueoir de munitions, qui flottassent sur l'eau, & peussent à nage avec luy eschapper du naufrage. Certes l'homme d'entendement n'a rien perdu, s'il a foy mesme. Quand la ville de Nole fut ruinée par les Barbares, Paulinus qui en estoit Euesque, y ayant tout perdu, & leur prisonnier, prioit ainsi Dieu ; Seigneur garde moy de sentir cette perte : car tu sçais qu'ils n'ont encore rien touché de ce qui est à moy. Les richesses qui le faisoient riche, & les biens qui le faisoient bon, estoient encore en leur entier. Voyla que c'est de bien choisir les thresors qui se puissent affranchir de l'iniure : & de les cacher en lieu, où personne n'aïlle, & lequel ne puisse estre trahi que par nous mesmes. Il faut auoir femmes, enfans, biens, & sur tout de la santé, qui peut, mais non pas s'y attacher en maniere que nostre heur en despende. Il se faut reseruer vne arriereboutique, toute nostre, toute franche, en laquelle nous establissions nostre vraye liberté & principale retraicte & solitude. En cette-cy faut-il prendre

nostre ordinaire entretien, de nous à nous mesmes, & si priué, que nulle accointance ou communication de chose estrangere y trouue place : discourir & y rire, comme sans femme, sans enfans, & sans biens, sans train, & sans valetz : afin que quand l'occasion aduiendra de leur perte, il ne nous soit pas nouueau de nous en passer. Nous auons vne ame contournable en soy mesme; elle se peut faire compagnie, elle a dequoy assaillir & dequoy deffendre, dequoy receuoir, & dequoy donner : ne craignons pas en cette solitude, nous croupir d'oïsiuete ennuyeuse,

In solis fis tibi turba locis.

La vertu se contente de soy : sans discipline, sans paroles, sans effects. En noz actions accoustumees, de mille il n'en est pas vne qui nous regarde. Celuy que tu vois grim pant contremont les ruines de ce mur, furieux & hors de soy, en bute de tant de harquebuzades : & cet autre tout cicatricé, transi & passe de faim, delibéré de creuer plustost que de luy ouurir la porte; pen ses-tu qu'ils y soyent pour eux? pour tel à l'aduenture, qu'ils ne virent onques, & qui ne se donne aucune peine de leur fait, plongé cependant en l'oysiuete & aux delices. Cettuy-cy tout pituiteux, chassieux & crasseux, que tu vois sortir apres minuiet d'un estude, pen ses-tu qu'il cherche parmy les liures, comme il se rendra plus homme de bien, plus content & plus sage? nulles nouuelles. Il y mourra, ou il apprendra à la posterité la mesure des vers de Plaute, & la vraye orthographe d'un mot Latin. Qui ne contre-change volontiers la fanté, le repos, & la vie, à la reputation

& à la gloire? la plus inutile, vaine & fauce monnoye, qui soit en nostre vſage. Nostre mort ne nous faisoit pas assez de peur, chargeons nous encores de celle de nos femmes, de noz enfans, & de nos gens. Noz affaires ne nous donnoient pas assez de peine, prenons encores à nous tourmenter, & rompre la teste, de ceux de noz voisins & amis.

*Vah quemquámne hominem in animum instituire, aut
Parare, quod sit charius, quàm ipse est sibi?*

La solitude me semble auoir plus d'apparence, & de raison, à ceux qui ont donné au monde leur aage plus actif & fleurissant, à l'exemple de Thales. C'est assez vescu pour autrui, viuons pour nous au moins ce bout de vie : ramenons à nous, & à nostre aise nos pensées & nos intentions. Ce n'est pas vne legere partie que de faire seurement sa retraite; elle nous empesche assez sans y meller d'autres entreprises. Puis que Dieu nous donne loisir de disposer de notre deslogement; preparons nous y; plions bagage; prenons de bon'heure congé de la compagnie; despétons nous de ces violentes prinſes, qui nous engagent ailleurs, & esloignent de nous. Il faut desnoüer ces obligations si fortes : & meshuy aymer cecy & cela, mais n'espouser rien que soy. C'est à dire, le reste soit à nous : mais non pas ioint & colé en façon, qu'on ne le puisse desprendre sans nous escorcher, & arracher ensemble quelque piece du nostre. La plus grande chose du monde c'est de sçauoir estre à soy. Il est temps de nous desnoüer de la société, puis que nous n'y pouuons rien apporter. Et qui ne peut prester, qu'il se deffende d'emprunter. Noz forces nous faillent : retirons les, & resserrons

en nous. Qui peut renuerfer & confondre en soy les offices de tant d'amitié, & de la compagnie, qu'il le face. En cette cheute, qui le rend inutile, poissant, & importun aux autres, qu'il se garde d'estre importun à soy mesme, & poissant & inutile. Qu'il se flatte & caresse, & sur tout se regente, respectant & craignant sa raison & sa conscience : si qu'il ne puisse sans honte, broncher en leur presence. *Rarum est enim, ut satis se quisque vereatur.* Socrates dit, que les ieunes se doiuent faire instruire; les hommes s'exercer à bien faire : les vieux se retirer de toute occupation ciuile & militaire, viuants à leur discretion, sans obligation à certain office. Il y a des complexions plus propres à ces preceptes de la retraite les vnes que les autres. Celles qui ont l'apprehension molle & lasche, & vn'affection & volonté delicate, & qui ne s'asseruit & ne s'employe pas aysément, desquels ie suis, & par naturelle condition & par discours, ils se plieront mieux à ce conseil, que les ames actiues & occupées, qui embrassent tout, & s'engagent par tout, qui se passionnent de toutes choses : qui s'offrent, qui se presentent, & qui se donnent à toutes occasions. Il se faut seruir de ces commoditez accidentales & hors de nous, en tant qu'elles nous sont plaisantes; mais sans en faire nostre principal fondement. Ce ne l'est pas; ny la raison, ny la nature ne le veulent. Pourquoi contre les loix asseruirons nous nostre contentement à la puissance d'autrui? D'anticiper aussi les accidens de fortune, se priuer des commoditez qui nous sont en main, comme plusieurs ont fait par deuotion, & quelques Philosophes par discours, se seruir soy-mesmes, coucher sur la dure, se creuer les yeux, ietter ses richesses emmy la riuere, rechercher la douleur

(ceux-là pour par le tourment de cette vie, en acquérir la beatitude d'une autre : ceux-cy pour s'estans logez en la plus basse marche, se mettre en seureté de nouvelle cheute) c'est l'action d'une vertu excessive. Les natures plus roides & plus fortes facent leur cachette mesmes, glorieuse & exemplaire.

*tuta & parvula laudo,
Cum res deficiunt, satis inter vilia fortis :
Verum ubi quid melius contingit & vntius, idem
Hos sapere, & solos aio bene vivere, quorum
Conspicitur nitidis fundata pecunia villis.*

Il y a pour moy assez affaire sans aller si auant. Il me suffit souz la faueur de la fortune, me preparer à sa défaueur ; & me representer estant à mon aise, le mal aduenir, autant que l'imagination y peut attaindre : tout ainsi que nous nous accoustumons aux iouxtes & tournois, & contrefaisons la guerre en pleine paix. Je n'estime point Arcefilaus le Philosophe moins reformé, pour le sçauoir auoir vsé d'utenfiles d'or & d'argent, selon que la condition de sa fortune le luy permettoit : & l'estime mieux, que s'il s'en fust demis, de ce qu'il en vsoit modérément & liberalement. Je voy iusques à quels limites va la necessité naturelle : & considerant le pauvre mendiant à ma porte, souuent plus enioué & plus sain que moy, ie me plante en sa place : i'essaye de chauffer mon ame à son biaiz. Et courant ainsi par les autres exemples, quoy que ie pense la mort, la pauureté, le mespris, & la maladie à mes talons, ie me resous aisément de n'entrer en effroy, de ce qu'un moindre que moy prend avec telle patience. Et ne veux croire que la bassesse de l'entendement, puisse plus que la vigueur,

ou que les effets du discours, ne puissent arriuer aux effets de l'accoustumance. Et cognoissant combien ces commoditez accessiores tiennent à peu, ie ne laisse pas en pleine iouissance, de supplier Dieu pour ma souueraine requeste, qu'il me rende content de moy-mesme, & des biens qui naissent de moy. Ie voy des ieunes hommes gaillards, qui portent nonobstant dans leurs coffres vne masse de pillules, pour s'en seruir quand le rhume les pressera; lequel ils craignent d'autant moins, qu'ils en pensent auoir le remede en main. Ainsi faut il faire : & encore si on se sent subiect à quelque maladie plus forte, se garnir de ces medicamens qui assoupissent & endorment la partie. L'occupation qu'il faut choisir à vne telle vie, ce doit estre vne occupation non penible ny ennuyeuse; autrement pour neant ferions nous estat d'y estre venuz chercher le seiour. Cela depend du goust particulier d'un chacun. Le mien ne s'accommode aucunement au ménage. Ceux qui l'aiment, ils s'y doiuent addonner avec moderation,

Conentur sibi res, non se submittere rebus.

C'est autrement vn office seruile que la mesnagerie, comme le nomme Saluste. Elle a des parties plus excusables, comme le soing des iardinages que Xenophon attribue à Cyrus. Et se peut trouuer vn moyen, entre ce bas & vil soing, tendu & plein de sollicitude, qu'on voit aux hommes qui s'y plongent du tout; & cette profonde & extreme nonchalance laissant tout aller à l'abandon, qu'on voit en d'autres :

*Democriti pecus edit agellos
Cultaque, dum peregrè est animus sine corpore velox.*

Mais oyons le conseil que donne le ieune Pline à Cornelius Rufus son amy, sur ce propos de la solitude : Il te conseille en cette pleine & grasse retraite, où tu es, de quitter à tes gens ce bas & abieſt ſoing du meſnage, & t'addonner à l'eſtude des lettres, pour en tirer quelque choſe qui ſoit toute tienne. Il entend la reputation : d'une pareille humeur à celle de Cicero, qui dit vouloir employer ſa ſolitude & ſejour des affaires publiques, à s'en acquérir par ſes eſcrits une vie immortelle.

uſque adeo ne

ſcire tuum nihil eſt, niſi te ſcire hoc ſciat alter?

Il ſemble, que ce ſoit raiſon, puis qu'on parle de ſe retirer du monde, qu'on regarde hors de luy. Ceux-cy ne le font qu'à demy. Ils drefſent bien leur partie, pour quand ils n'y ſeront plus : mais le fruit de leur deſſein, ils pretendent le tirer encore lors, du monde, abſens, par une ridicule contradiction. L'imagination de ceux qui par deuotion, cherchent la ſolitude, rempliſſants leur courage, de la certitude des promeſſes diuines, en l'autre vie, eſt bien plus ſainement affortie. Ils ſe propoſent Dieu, obieſt infini en bonté & en puiffance. L'ame a dequoy y raffaſier ſes deſirs, en toute liberté. Les afflictions, les douleurs, leur viennent à profit, employées à l'acqueſt d'une ſanté & reſiouyſſance eternelle. La mort, à ſouhait : paſſage à un ſi parfait eſtat. L'aſpreté de leurs regles eſt incontinent applanie par l'accouſtumanſe : & les appetits charnels, rebutez & endormis par leur refus : car rien ne les entretient que l'uſage & l'exercice. Cette ſeule fin, d'une autre vie heureuſement immortelle, merite loyalement que nous aban-

donnions les commoditez & douceurs de cette vie nostre. Et qui peut embraser son ame de l'ardeur de cette viue foy & esperance, reellement & constamment, il se bastit en la solitude, vne vie voluptueuse & delicieuse, au delà de toute autre sorte de vie. Ny la fin donc ny le moyen de ce conseil ne me contente : nous retombons tousiours de sieure en chaud mal. Cette occupation des liures, est aussi penible que toute autre ; & autant ennemie de la santé, qui doit estre principalement considerée. Et ne se faut point laisser endormir au plaisir qu'on y prend : c'est ce mesme plaisir qui perd le mesnager, l'auaricieux, le voluptueux, & l'ambitieux. Les sages nous apprennent assez, à nous garder de la trahison de noz appetits ; & à discerner les vrayz plaisirs & entiers, des plaisirs mellez & bigarrez de plus de peine. Car la plupart des plaisirs, disent ils, nous chatouillent & embrassent pour nous estrangler, comme faisoient les larrons que les *Ægyptiens* appelloient *Philittas* : & si la douleur de teste nous venoit auant l'yuresse, nous nous garderions de trop boire ; mais la volupté, pour nous tromper, marche deuant, & nous cache sa suite. Les liures sont plaisans : mais si de leur frequentation nous en perdons en fin la gayeté & la santé, nos meilleures pieces, quittons les. Je suis de ceux qui pensent leur fruit ne pouuoir contrepeser cette perte. Comme les hommes qui se sentent de long temps affoiblis par quelque indisposition, se rengent à la fin à la mercy de la medecine ; & se font desseigner par art certaines regles de viure, pour ne les plus outrepasser : aussi celuy qui se retire ennuyé & desgousté de la vie commune, doit former cette-cy, aux regles de la raison ; l'ordonner & renger par premeditation & discours. Il doit auoir prins

congé de toute espèce de travail, quelque visage qu'il porte; & fuir en general les passions, qui empêchent la tranquillité du corps & de l'ame; & choisir la route qui est plus selon son humeur :

Vnusquisque sua nouerit ire via.

Au ménage, à l'estude, à la chasse, & tout autre exercice, il faut donner iusques aux derniers limites du plaisir; & garder de s'engager plus auant, ou la peine commence à se mesler parmy. Il faut reseruer d'embefoignement & d'occupation, autant seulement, qu'il en est besoing, pour nous tenir en haleine, & pour nous garantir des incommoditez que tire apres soy l'autre extremité d'une lasche oysiueté & assoupie. Il y a des sciences steriles & épineuses, & la plus part forgées pour la presse : il les faut laisser à ceux qui sont au seruice du monde. Je n'ayme pour moy, que des liures ou plaisans & faciles; qui me chatouillent; ou ceux qui me consolent, & conseillent à regler ma vie & ma mort.

*tacitum syluas inter reptare salubres,
Curantem quidquid dignum sapiente bonoque est.*

Les gens plus sages peuuent se forger vn repos tout spirituel, ayant l'ame forte & vigoureuse. Moy qui l'ay commune, il faut que j'ayde à me soustenir par les commoditez corporelles. Et l'aage m'ayant tantost desrobé celles qui estoient plus à ma fantaisie, j'instruis & aiguise mon appetit à celles qui restent plus fortibles à cette autre saison. Il faut retenir à tout nos dents & nos griffes, l'usage des plaisirs

de la vie, que nos ans nous arrachent des poings,
les vns apres les autres :

*carpamus dulcia, nostrum est
Quod viuus, cinis & manes & fabula fies.*

Or quant à la fin que Pline & Cicero nous proposent, de la gloire, c'est bien loing de mon conte. La plus contraire humeur à la retraicte, c'est l'ambition. La gloire & le repos sont choses qui ne peuuent loger en mesme giste : à ce que ie voy, ceux-cy n'ont que les bras & les iambes hors de la presse; leur ame, leur intention y demeure engagée plus que iamais.

Tun' vetule auriculis alienis colligis escus?

Ils se font seulement reculez pour mieux sauter, & pour d'un plus fort mouuement faire vne plus viue faucée dans la troupe. Vous plaist-il voir comme ils tirent court d'un grain? Mettons au contrepoix, l'aduis de deux philosophes, & de deux sectes tres-differentes, escriuans l'un à Idomeneus, l'autre à Lucilius leurs amis, pour du maniemment des affaires & des grandeurs, les retirer à la solitude. Vous auez, disent-ils, vescu nageant & flottant iusques à present, venez vous en mourir au port. Vous auez donné le reste de vostre vie à la lumiere, donnez cecy à l'ombre. Il est impossible de quitter les occupations, si vous n'en quittez le fruit; à cette cause desfaictes vous de tout soing de nom & de gloire. Il est danger que la lueur de voz actions passées, ne vous esclaire que trop, & vous suiue iusques dans vostre taniere. Quittez avecq les autres voluptez, celle qui vient de

l'approbation d'autrui. Et quant à vostre science & suffisance, ne vous chaille, elle ne perdra pas son effect, si vous en valez mieux vous mesme. Souuienne vous de celuy, à qui comme on demandaist, à quoy faire il se pénoit si fort en vn art, qui ne pouuoit venir à la cognoissance de guere de gens : l'en ay assez de peu, respondit-il, i'en ay assez d'vn, i'en ay assez de pas vn. Il disoit vray : vous & vn compaignon estes assez suffisant theatre l'vn à l'autre, ou vous à vous-mesmes. Que le peuple vous soit vn, & vn vous soit tout le peuple. C'est vne lâche ambition de vouloir tirer gloire de son oyssiuereté, & de sa cachette. Il faut faire comme les animaux, qui effacent la trace, à la porte de leur taniere. Ce n'est plus ce qu'il vous faut chercher, que le monde parle de vous, mais comme il faut que vous parliez à vous-mesmes. Retirez vous en vous, mais preparez vous premierement de vous y receuoir : ce seroit folie de vous fier à vous mesmes, si vous ne vous sçauiez gouuerner. Il y a moyen de faillir en la solitude, comme en la compagnie : iusques à ce que vous vous soyiez rendu tel, deuant qui vous n'osiez clocher, & iusques à ce que vous ayez honte & respect de vous mesmes, *obuersentur species honestæ animo* : presentez vous tousiours en l'imagination Caton, Phocion, & Aristides, en la presence desquels les fols mesme cacheroient leurs fautes, & establissez les contrerolleurs de toutes vos intentions. Si elles se detraquent, leur reuerence vous remettra en train : ils vous contiendront en cette voye, de vous contenter de vous mesmes, de n'emprunter rien que de vous, d'arrester & fermir vostre ame en certaines & limitées cogitations, où elle se puisse plaire : & ayant entendu les vrais biens, desquels on iouyt à mesure qu'on les entend, s'en contenter, sans desir

de prolongement de vie ny de nom. Voyla le conseil de la vraye & naifue philosophie, non d'une philosophie ostentatrice & parliere, comme est celle des deux premiers.





Consideration sur Ciceron.

CHAPITRE XXXIX.



ENCOR'vn traict à la comparaison de ces couples. Il se tire des escripts de Cicero, & de ce Pline peu retirant, à mon aduis, aux humeurs de son oncle, infinis tesmoignages de nature outre mesure ambitieuse : entre autres qu'ils sollicitent au sceu de tout le monde, les historiens de leur temps, de ne les oublier en leurs registres : & la fortune comme par despit, a faict durer iusques à nous la vanité de ces requestes, & pieça faict perdre ces histoires. Mais cecy surpasse toute bassesse de cœur, en personnes de tel rang, d'auoir voulu tirer quelque principale gloire du cacquet, & de la parlerie, iusques à y employer les lettres priuées escriptes à leurs amis : en maniere, que aucunes ayans failly leur saison pour estre enuoyées, ils les font ce neantmoins publier avec cette digne excuse, qu'ils n'ont pas voulu perdre leur trauail & veillées. Sied-il pas bien à deux consuls Romains, souuerains magistrats de la chose publique emperiere du monde, d'employer leur loisir, à ordonner & fagotter gentiment vne belle missiue, pour

en tirer la reputation, de bien entendre le langage de leur nourrisse? Que feroit pis vn simple maistre d'escole qui en gaignast sa vie? Si les gestes de Xenophon & de Cæsar, n'eussent de bien loing surpassé leur eloquence, ie ne croy pas qu'ils les eussent iamais escrits. Ils ont cherché à recommander non leur dire, mais leur faire. Et si la perfection du bien parler pouuoit apporter quelque gloire sortable à vn grand personnage, certainement Scipion & Lælius n'eussent pas resigné l'honneur de leurs comedies, & toutes les mignardises & delices du langage Latin, à vn serf Afriquain. Car que cet ouurage soit leur, sa beauté & son excellence le maintient assez, & Terence l'aduoüe luy mesme : & me feroit on desplaisir de me desloger de cette creance. C'est vne espece de mocquerie & d'iniure, de vouloir faire valoir vn homme, par des qualitez mes-aduenantes à son rang; quoy qu'elles soient autrement loüables; & par les qualitez aussi qui ne doiuent pas, estre les siennes principales. Comme qui loüeroit vn Roy d'estre bon peintre, ou bon architecte, ou encore bon arquebuzier, ou bon coureur de bague. Ces loüanges ne font honneur, si elles ne sont presentées en foule, & à la suite de celles qui luy sont propres : à sçauoir de la iustice, & de la science de conduire son peuple en paix & en guerre. De cette façon faict honneur à Cyrus l'agriculture, & à Charlemaigne l'eloquence, & cognoissance des bonnes lettres. L'ay veu de mon temps, en plus forts termes, des personnages, qui tiroient d'escire, & leurs tiltres, & leur vocation, desaduouier leur apprentissage, corrompre leur plume, & affecter l'ignorance de qualiré si vulgaire, & que nostre peuple tient, ne se rencontrer guere en mains sçauantes : & prendre souci, de se recommander par

meilleures qualitez. Les compagnons de Demosthenes en l'ambassade vers Philippus, louoyent ce Prince d'estre beau, eloquent, & bon beueur : Demosthenes disoit que c'estoient louanges qui appartenoient mieux à vne femme, à vn Aduocat, à vne esponge, qu'à vn Roy.

*Imperet bellante prior, iacentem
Lenis in hostem.*

Ce n'est pas sa profession de sçauoir, ou bien chasser, ou bien dancier,

*Orabunt causas alij, calique meatus
Describent radio, & fulgentia fidera dicent,
Hic regere imperio populos sciat.*

Plutarque dit d'auantage, que de paroistre si excellent en ces parties moins necessaires, c'est produire contre soy le tesmoignage d'auoir mal dispencé son loisir, & l'estude, qui deuoit estre employé à choses plus necessaires & vtils. De façon que Philippus Roy de Macedoine, ayant ouy ce grand Alexandre son fils, chanter en vn festin, à l'enui des meilleurs musiciens; N'as-tu pas honte, luy dit-il, de chanter si bien? Et à ce mesme Philippus, vn musicien contre lequel il debattoit de son art; Ia à Dieu ne plaïse Sire, dit-il, qu'il t'aduienne iamais tant de mal, que tu entendes ces choses là, mieux que moy. Vn Roy doit pouuoir respondre, comme Iphicrates respondit à l'orateur qui le pressoit en son inuectiue de cette maniere : Et bien qu'es-tu, pour faire tant le braue? es-tu homme d'armes, es-tu archer, es-tu piquier? Je ne suis rien de tout cela, mais ie suis celui qui

sçait commander à tous ceux-là. Et Antisthenes print pour argument de peu de valeur en Ismenias, dequoy on le vantoit d'estre excellent iouëur de flustes. Je sçay bien, quand i'oy quelqu'un, qui s'arreste au langage des Essais, que i'aimeroye mieux, qu'il s'en teust. Ce n'est pas tant esleuer les mots, comme deprimer le sens : d'autant plus picquamment, que plus obliquement. Si suis-ie trompé si guere d'autres donnent plus à prendre en la matiere : & comment que ce soit, mal ou bien, si nul escriuain l'a semée, ny guere plus materielle, ny au moins plus drue, en son papier. Pour en ranger d'auantage, ie n'en entasse que les testes. Que i'y attache leur suitte, ie multiplieray plusieurs fois ce volume. Et combien y ay-ie espandu d'histoires, qui ne disent mot, lesquelles qui voudra esplucher vn peu plus curieusement, en produira infinis Essais? Ny elles, ny mes allegations, ne seruent pas tousiours simplement d'exemple, d'autorité ou d'ornement. Je ne les regarde pas seulement par l'vsage, que i'en tire. Elles portent souuent, hors de mon propos, la semence d'une matiere plus riche & plus hardie : & souuent à gauche, vn ton plus delicat, & pour moy, qui n'en veux en ce lieu exprimer d'auantage, & pour ceux qui rencontreront mon air. Retournant à la vertu parliere, ie ne trouue pas grand choix, entre ne sçauoir dire que mal, ou ne sçauoir rien que bien dire. *Non est ornamentum virile concinnitas.* Les Sages disent, que pour le regard du sçauoir, il n'est que la philosophie, & pour le regard des effects, que la vertu, qui generalement soit propre à tous degrez, & à tous ordres. Il y a quelque chose de pareil en ces autres deux philosophes : car ils promettent aussi eternité aux lettres qu'ils escriuent à leurs amis. Mais c'est d'au-

tre façon, & s'accommodans pour vne bonne fin, à la vanité d'autrui. Car ils leur mandent, que si le soing de se faire cognoistre aux siecles aduenir, & de la renommée les arreste encore au manient des affaires, & leur fait craindre la solitude & la retraite, où ils les veulent appeller; qu'ils ne s'en donnent plus de peine: d'autant qu'ils ont assez de credit avec la posterité, pour leur respondre, que ne fust que par les lettres qu'ils leur escriuent, ils rendront leur nom aussi cogneu & fameux que pourroient faire leurs actions publiques. Et outre cette difference; encore ne sont-ce pas lettres vuides & descharnées, qui ne se soustiennent que par vn delicat choix de mots, entassez & rangez à vne iuste cadence; ains farcies & pleines de beaux discours de sapience, par lesquelles on se rend non plus eloquent, mais plus sage, & qui nous apprennent non à bien dire, mais à bien faire. Fy de l'eloquence qui nous laisse enuie de soy, non des choses. Si ce n'est qu'on die que celle de Cicero, estant en si extreme perfection, se donne corps elle mesme. l'adiousteray encore vn compte que nous lisons de luy, à ce propos, pour nous faire toucher au doigt son naturel. Il auoit à orer en public, & estoit vn peu pressé du temps, pour se preparer à son aise: Eros, l'un de ses serfs, le vint aduertir, que l'audience estoit remise au lendemain: il en fut si aise, qu'il luy donna liberté pour cette bonne nouuelle. Sur ce subiect de lettres, ie veux dire ce mot; que c'est vn ourage, auquel mes amis tiennent, que ie puis quelque chose. Et eusse prins plus volontiers cette forme à publier mes verues, si i'eusse eu à qui parler. Il me falloit, comme ie l'ay eu autrefois, vn certain commerce, qui m'attirast, qui me soustinst, & souleuast. Car de negocier au vent, comme d'autres,

ie ne sçauroy, que de songe : ny forger des vains noms à entretenir, en chose serieuse : ennemy iuré de toute espee de falsification. L'eusse esté plus attentif, & plus seur, ayant vne adresse forte & amie, que regardant les diuers visages d'un peuple : & suis deceu, s'il ne m'eust mieux succédé. L'ay naturellement vn stile comique & priué. Mais c'est d'une forme mienne, inepte aux negotiations publiques, comme en toutes façons est mon langage, trop ferré, desordonné, couppé, particulier. Et ne m'entens pas en lettres ceremonieuses, qui n'ont autre substance, que d'une belle enfileure de paroles courtoises. Je n'ay ny la faculté, ny le goust de ces longues offres d'affection & de seruice. Je n'en crois pas tant ; & me desplaist d'en dire guere, outre ce que i'en crois. C'est bien loing de l'usage present : car il ne fut iamais si abiecte & seruile prostitution de presentations : la vie, l'ame, deuotion, adoration, serf, esclau, tous ces mots y courent si vulgairement, que quand ils veulent faire sentir vne plus expresse volonté & plus respectueuse, ils n'ont plus de maniere pour l'exprimer. Je hay à mort de sentir au flatteur. Qui faict que ie me iettenaturellement à vn parler sec, rond & cru, qui tire à qui ne me cognoit d'ailleurs, vn peu vers le desdaigneux. L'honore le plus ceux que i'honore le moins : & où mon ame marche d'une grande allegresse, i'oublie les pas de la contenance : & m'offre maigrement & fierement, à ceux à qui ie suis : & me presente moins, à qui ie me suis le plus donné. Il me semble qu'ils le doiuent lire en mon cœur, & que l'expression de mes paroles, fait tort à ma conception. A bienuienner, à prendre congé, à remercier, à saluer, à presenter mon seruice, & tels compliments verbeux des loix ceremonieuses de nostre ciuilité, ie

ne cognois perſonne ſi ſotteſſement ſterile de langage que moy. Et n'ay iamais eſté employé à faire des lettres de faueur & recommandation, que celui pour qui c'eſtoit, n'aye trouuées ſeches & laſches. Ce ſont grands imprimeurs de lettres, que les Italiens, i'en ay, ce croiſ-ie, cent diuers volumes. Celles de Annibale Caro me ſemblent les meilleures. Si tout le papier que i'ay autresfois barbouillé pour les dames, eſtoit en nature, lors que ma main eſtoit veritablement emportée par ma paſſion, il s'en trouueroit à l'aduenture quelque page digne d'eſtre communiquée à la ieuneſſe oyſiue, embabouinée de cette fureur. L'eſcrits mes lettres touſiours en poſte, & ſi precipiteuſement, que quoy que ie peigne inſupportablement mal, i'ayme mieux eſcrire de ma main, que d'y en employer vn'autre, car ie n'en trouue point qui me puiſſe fuiure, & ne les tranſcrits iamais. I'ay accouſtumé les grands, qui me cognoiſſent, à y ſupporter des litures & des traſſeures, & vn papier ſans plieure & ſans marge. Celles qui me couſtent le plus, ſont celles qui valent le moins. Depuis que ie les traine, c'eſt ſigne que ie n'y ſuis pas. Ie commence volontiers ſans proieſt; le premier trait produit le ſecond. Les lettres de ce temps, ſont plus en bordures & prefaces, qu'en matiere. Comme i'ayme mieux compoſer deux lettres, que d'en clorre & plier vne; & reſigne touſiours cette commiſſion à quelque autre: de meſme quand la matiere eſt acheuée, ie donrois volontiers à quelqu'un la charge d'y adiouſter ces longues harangues, offres, & prieres, que nous logeons ſur la fin, & deſire que quelque nouuel vſage nous en deſcharge. Comme auſſi de les inſcrire d'une legende de qualitez & tiltres, pour auſquels ne broncher, i'ay maintesfois laiſſé d'eſcrire, & notamment

à gens de iustice & de finance. Tant d'innouations d'offices, vne si difficile dispensation & ordonnance de diuers noms d'honneur ; lesquels estans si chèrement achetez, ne peuuent estre eschangez, ou oubliez sans offence. Je trouue pareillement de mauuaise grace, d'en charger le front & inscription des liures, que nous faisons imprimer.





*Que le gouſt des biens & des maux deſpend en bonne
partie de l'opinion que nous en auons.*

CHAPITRE XL.



es hommes, dit vne ſentence Grecque ancienne, ſont tourmentez par les opinions qu'ils ont des choſes, non par les choſes meſmes. Il y auroit vn grand point gaigné pour le ſoulagement de noſtre miſerable condition humaine, qui pourroit eſtablir cette propoſition vraye tout par tout. Car ſi les maux n'ont entrée en nous, que par noſtre iugement, il ſemble qu'il ſoit en noſtre pouuoir de les meſpriſer ou contourner à bien. Si les choſes ſe rendent à noſtre mercy, pourquoy n'en cheuirons nous, ou ne les accommoderons nous à noſtre aduantage? Si ce que nous appellons mal & tourment, n'eſt ny mal ny tourment de ſoy, ains ſeulement que noſtre fantaſie luy donne cette qualité, il eſt en nous de la changer : & en ayant le choix, ſi nul ne nous force, nous ſommes eſtrangement fols de nous bander pour le party qui nous eſt le plus ennuyeux : & de donner aux maladies, à l'indigence & au meſpris vn aigre & mauuais gouſt, ſi nous le leur pouuons donner bon : & ſi la fortune

fournissant simplement de matiere, c'est à nous de luy donner la forme. Or que ce que nous appellons mal, ne le soit pas de soy, ou au moins tel qu'il soit, qu'il depende de nous de luy donner autre faueur, & autre visage, car tout reuiet à vn, voyons s'il se peut maintenir. Si l'estre originel de ces choses que nous craignons, auoit credit de se loger en nous de son autorité, il logeroit pareil & semblable en tous : car les hommes sont d'une espece : & sauf le plus & le moins, se trouuent garnis de pareils outils & instruments pour concevoir & iuger. Mais la diuersité des opinions, que nous auons de ces choses là, montre clairement qu'elles n'entrent en nous que par composition. Tel à l'adventure les loge chez soy en leur vray estre, mais mille autres leur donnent vn estre nouveau & contraire chez eux. Nous tenons la mort, la paureté & la douleur pour nos principales parties. Or cette mort que les vns appellent des choses horribles la plus horrible, qui ne sçait que d'autres la nomment l'unique port des tourmens de cette vie? le souverain bien de nature? seul appuy de nostre liberté? & commune & prompte recepte à tous maux? Et comme les vns l'attendent tremblans & effrayez, d'autres la supportent plus aysement que la vie. Celuy-là se plaint de sa facilité :

*Mors utinam pauidos vita subducere nolles,
Sed virtus te sola daret!*

Or laissons ces glorieux courages : Theodorus répondit à Lyfimachus menaçant de le tuer : Tu feras vn grand coup d'arriuer à la force d'une cantharide. La plus part des Philosophes se treuuent auoir ou preuenu par dessein, ou hasté & secouru leur mort.

Combien voit-on de personnes populaires, conduictes à la mort, & non à vne mort simple, mais meslee de honte, & quelquefois de griefs tourmens, y apporter vne telle asseurance, qui par opiniatreté, qui par simpleesse naturelle, qu'on n'y apperçoit rien de changé de leur estat ordinaire : establisans leurs affaires domestiques, se recommandans à leurs amis, chantans, preschans & entretenans le peuple : voire y meslans quelquefois des mots pour rire, & beuans à leurs cognoissans, aussi bien que Socrates? Vn qu'on menoit au gibet, disoit que ce ne fust pas par telle ruë, car il y auoit danger qu'un marchand luy fist mettre la main sur le collet, à cause d'un vieux debte. Vn autre disoit au bourreau qu'il ne le touchast pas à la gorge, de peur de le faire tressaillir de rire, tant il estoit chatouilleux : l'autre respondit à son confesseur, qui luy promettoit qu'il soupperait ce iour là avec nostre Seigneur, Allez vous y en vous, car de ma part ie ieufne. Vn autre ayant demandé à boire, & le bourreau ayant beu le premier, dit ne vouloir boire apres luy, de peur de prendre la verolle. Chacun a ouy faire le conte du Picard, auquel estant à l'eschelle on presente vne garse, & que, comme nostre iustice permet quelquefois, s'il la vouloit espouser, on luy sauuerait la vie : luy l'ayant vn peu contempee, & apperceu qu'elle boittoit : Attache, attache, dit-il, elle cloche. Et on dit de mesmes qu'en Dannemarc vn homme condamné à auoir la teste tranchee, estant sur l'eschaffaut, comme on luy presenta vne pareille condition, la refusa, par ce que la fille qu'on luy offrit, auoit les iouës auallees, & le nez trop pointu. Vn valet à Thoulouse accusé d'heresie, pour toute raison de sa creance, se rapportoit à celle de son maistre, ieune

escolier prisonnier avec luy, & ayma mieux mourir, que se laisser persuader que son maistre peut errer. Nous lifons de ceux de la ville d'Arras, lors que le Roy Loys vnziesme la print, qu'il s'en trouua bon nombre parmy le peuple qui se laisserent pendre, plustost que de dire, Viue le Roy. Et de ces viles ames de bouffons, il s'en est trouué qui n'ont voulu abandonner leur gaudifferie en la mort mesme. Celuy à qui le bourreau donnoit le branle, s'escria, Vogue la gallee, qui estoit son refrain ordinaire. Et l'autre qu'on auoit couché sur le point de rendre sa vie le long du foier sur vne paillasse, à qui le medecin demandant où le mal le tenoit; Entre le banc & le feu, respondit-il. Et le prestre, pour luy donner l'extreme onction, cherchant ses pieds, qu'il auoit referrez & contrains par la maladie : Vous les trouuerez, dit-il, au bout de mes iambes. A l'homme qui l'exhortoit de se recommander à Dieu, Qui y va? demanda-il : & l'autre respondant, Ce sera tantost vous mesmes, s'il luy plaist : Y fusse-ie bien demain au soir, repliqua-il : Recommandez vous seulement à luy, suiuit l'autre, vous y ferez bien tost : Il vaut donc mieux, adiousta-il, que ie luy porte mes recommandations moy-mesmes. Au Royaume de Narsingue encores au-iourd'huy, les femmes de leurs prestres sont viues enseuelies avec le corps de leurs maris. Toutes autres femmes sont bruslees aux funerailles des leurs : non constamment seulement, mais gaiement. A la mort du Roy, ses femmes & concubines, ses mignons & tous ses officiers & seruiteurs, qui font vn peuple, se presentent si allegrement au feu où son corps est brulé, qu'ils montrent prendre à grand honneur d'y accompagner leur maistre. Pendant nos dernieres guerres de Milan, & tant de prises & récouffes, le peuple

impatient de si diuers changemens de fortune, print telle resolution à la mort, que i'ay ouy dire à mon pere, qu'il y veit tenir comte de bien vingt & cinq maistres de maison, qui s'estoient deffaits eux-mesmes en vne sepmaine. Accident approchant à celuy des Xanthiens, lesquels assiegez par Brutus se precipiterent pesse mesle hommes, femmes, & enfans à vn si furieux appetit de mourir, qu'on ne fait rien pour fuir la mort, que ceux-cy ne fissent pour fuir la vie : en maniere qu'à peine peut Brutus en sauuer vn bien petit nombre. Toute opinion est assez forte, pour se faire espouser au prix de la vie. Le premier article de ce courageux serment, que la Grece iura, & maintint, en la guerre Medoise, ce fut, que chacun changeroit plustost la mort à la vie, que les loix Persiennes aux leurs. Combien void on de monde en la guerre des Turcs & des Grecs, accepter plustost la mort tres-aspre, que de se descirconcire pour se baptizer? Exemple dequoy nulle sorte de religion est incapable. Les Roys de Castille ayants banni de leur terre, les Iuifs, le Roy Iehan de Portugal leur vendit à huit escus pour teste, la retraicte aux siennes pour vn certain temps : à condition, que iceluy venu, ils auroient à les vuidier : & leur promettoit fournir de vaisseaux à les traicter en Afrique. Le iour arriue, lequel passé il estoit dit, que ceux qui n'auroient obeï, demeureroient esclaves : les vaisseaux leur furent fournis escharcement : & ceux qui s'y embarquerent, rudement & villainement traitez par les passagers : qui outre plusieurs autres indignitez les amuserent sur mer, tantost auant, tantost arriere, iusques à ce qu'ils eussent consumé leurs victuailles, & contraints d'en acheter d'eux si cherement & si longuement, qu'on ne les mit à bord, qu'ils ne fussent du tout en chemise. La

nouvelle de cette inhumanité, rapportee à ceux qui estoient en terre, la plus part se resolurent à la seruitude : aucuns firent contenance de changer de religion. Emmanuel successeur de Iehan, venu à la couronne, les meit premierement en liberté, & changeant d'aduis depuis, leur ordonna de sortir de ses pais, assignant trois ports à leur passage. Il esperoit, dit l'Euesque Oforius, non mesprisabled historien Latin, de noz siecles : que la faueur de la liberté, qu'il leur auoit rendue, aiant failli de les conuertir au Christianisme, la difficulté de se commettre à la volerie des mariniens, d'abandonner vn pais, où ils estoient habitez, auec grandes richesses, pour s'aller ietter en region incognue & estrangere, les y rameineroit. Mais se voyant decheu de son esperance, & eux tous deliberez au passage : il retrancha deux des ports, qu'il leur auoit promis : affin que la longueur & incommodité du traieict en reduisist aucuns : ou qu'il eust moien de les amonceller tous à vn lieu, pour vne plus grande commodité de l'exécution qu'il auoit destinée. Ce fut, qu'il ordonna qu'on arrachast d'entre les mains des peres & des meres, tous les enfans au dessous de quatorze ans, pour les transporter hors de leur veüe & conuersation, en lieu où ils fussent instruits à nostre religion. Il dit que cet effect produisit vn horrible spectacle : la naturelle affection d'entre les peres & enfans, & de plus, le zele à leur ancienne creance, combattant à l'encontre de cette violente ordonnance. Il fut veu communement des peres & meres se deffaisants eux mesmes : & d'un plus rude exemple encore, precipitans par amour & compassion, leurs ieunes enfans dans des puits, pour fuir à la loy. Au demeurant le terme qu'il leur auoit prefix expiré, par faute de moiens, ils se remirent en serui-

tude. Quelques vns se feirent Chrestiens : de la foy desquels, ou de leur race, encore aujourd'huy, cent ans apres, peu de Portugais s'asseurent : quoy que la coustume & la longueur du temps, soient bien plus fortes conseilleres à telles mutations, que toute autre contrainte. En la ville de Castelnau Darry, cinquante Albigeois heretiques, souffrirent à la fois, d'un courage déterminé, d'estre bruslez vifs en vn feu, auant desaduouer leurs opinions. *Quoties non modò ductores nostri, dit Cicero, sed vniuersi etiam exercitus, ad non dubiam mortem concurrerunt?* L'ay veu quelqu'un de mes intimes amis courre la mort à force, d'une vraye affection, & enracinee en son cœur par diuers visages de discours, que ie ne luy fçeu rabatre : & à la premiere qui s'offrit coiffée d'un lustre d'honneur, s'y precipiter hors de toute apparence, d'une fin aspre & ardente. Nous auons plusieurs exemples en nostre temps de ceux, iusques aux enfans, qui de craincte de quelque legere incommodité, se sont donnez à la mort. Et à ce propos, que ne craindrons nous, dit vn ancien, si nous craignons ce que la couardise mesme a choisi pour sa retraite ? D'enfiler icy vn grand rolle de ceux de tous sexes & conditions, & de toutes sectes, és siecles plus heureux, qui ont ou attendu la mort constamment, ou recerchee volontairement : & recerchee non seulement pour fuir les maux de cette vie, mais aucuns pour fuir simplement la fatieté de viure : & d'autres pour l'esperance d'une meilleure condition ailleurs, ie n'auroy iamais fait. Et en est le nombre si infini, qu'à la verité i'auroy meilleur marché de mettre en compte ceux qui l'ont crainte. Cecy seulement. Pyrrho le Philosophe se trouuant vn iour de grande tourmente dans vn batteau, monroit à

ceux qu'il voyoit les plus effrayez autour de luy, & les encourageoit par l'exemple d'un pourceau, qui y estoit, nullement soucieux de cet orage. Oserons nous donc dire que cet aduantage de la raison, de quoy nous faisons tant de feste, & pour le respect duquel nous nous tenons maistres & Empereurs du reste des creatures, ait esté mis en nous, pour nostre tourment? A quoy faire la cognoissance des choses, si nous en deuenons plus lasches? si nous en perdons le repos & la tranquillité, où nous serions sans cela? & si elle nous rend de pire condition que le pourceau de Pyrrho? L'intelligence qui nous a esté donnée pour nostre plus grand bien, l'employerons nous à nostre ruine; combatans le dessein de nature, & l'universel ordre des choses, qui porte que chacun vse de ses vtils & moyens pour sa commodité? Bien, me dira lon, vostre regle serue à la mort; mais que direz vous de l'indigence? que direz vous encor de la douleur, qu'Aristippus, Hieronymus & la plupart des sages, ont estimé le dernier mal: & ceux qui le nioient de parole, le confessoient par effect? Possidonius étant extrêmement tourmenté d'une maladie aiguë & douloureuse, Pompeius le fut voir, & s'excusa d'auoir prins heure si importune pour l'ouyr deuiser de la Philosophie: Ia à Dieu ne plaise, luy dit Possidonius, que la douleur gaigne tant sur moy, qu'elle m'empesche d'en discourir: & se ietta sur ce mesme propos du mespris de la douleur. Mais ce pendant elle iouoit son rolle, & le pressoit incessamment. A quoy il s'escricioit: Tu as beau faire douleur, si ne diray-ie pas, que tu sois mal. Ce comte qu'ils font tant valoir, que porte-il pour le mespris de la douleur? il ne debat que du mot. Et ce pendant si ces pointures ne l'esmeuuent, pourquoy en rompt-il son

propos? pourquoy pense-il faire beaucoup de ne l'appeller pas mal? Icy tout ne consiste pas en l'imagination. Nous opinons du reste; c'est icy la certaine science, qui iouë son rôle, nos sens mesmes en sont iuges :

Qui nisi sunt veri, ratio quoque falsa fit omnis.

Ferons nous accroire à nostre peau, que les coups d'estriuiere la chatoüillent? & à nostre goust que l'aloe soit du vin de Graues? Le pourceau de Pyrrho est icy de nostre escot. Il est bien sans effroy à la mort : mais si on le bat, il crie & se tourmente. Forcerons nous la generale loy de nature, qui se voit en tout ce qui est viuant sous le ciel, de trembler sous la douleur? Les arbres mesmes semblent gemir aux offences. La mort ne se sent que par le discours, d'autant que c'est le mouuement d'un instant.

*Aut fuit, aut veniet, nihil est presentis in illa,
Morsque minus panæ, quàm mora mortis habet.*

Mille bestes, mille hommes sont plustost morts, que menassés. Aussi ce que nous disons craindre principalement en la mort, c'est la douleur son auant-coureuse coustumiere. Toutesfois, s'il en faut croire vn saint pere, *malam mortem non facit, nisi quod sequitur mortem*. Et ie diroy encore plus vraysemblablement, que ny ce qui va deuant, ny ce qui vient apres, n'est des appartenances de la mort. Nous nous excusons faussement. Et ie trouue par experience, que c'est plustost l'impatience de l'imagination de la mort, qui nous rend impatiens de la douleur : & que nous la sentons doublement grieve, de ce qu'elle nous menace de mourir. Mais la raison accu-

fant nostre lascheté, de craindre chose si soudaine, si ineuitable, si insensible, nous prenons cet autre pre-texte plus excusable. Tous les maux qui n'ont autre danger que du mal, nous les disons sans danger. Celuy des dents, ou de la goutte, pour grief qu'il soit, d'autant qu'il n'est pas homicide, qui le met en conte de maladie? Or bien presupposons le, qu'en la mort nous regardons principalement la douleur. Comme aussi la pauureté n'a rien à craindre, que cela, qu'elle nous iette entre ses bras par la soif, la faim, le froid, le chaud, les veilles, qu'elle nous fait souffrir. Ainsi n'ayons affaire qu'à la douleur. Le leur donne que ce soit le pire accident de nostre estre : & volontiers. Car ie suis l'homme du monde qui luy veulx autant de mal, & qui la fuis autant, pour iusques à present n'auoir pas eu, Dieu mercy, grand commerce avec elle; mais il est en nous, sinon de l'aneantir, au moins de l'amoindrir par patience : & quand bien le corps s'en esmouuerait, de maintenir ce neant-moins l'ame & la raison en bonne trampe. Et s'il ne l'estoit, qui auroit mis en credit, la vertu, la vaillance, la force, la magnanimité & la resolution? où iouëroyent elles leur rolle, s'il n'y a plus de douleur à deffier? *Auida est periculi virtus*. S'il ne faut coucher sur la dure, soustenir armé de toutes pieces la chaleur du midy, se paistre d'un cheual, & d'un asne, se voir detailler en pieces, & arracher vne balle d'entre les os, se souffrir recoudre, cauterizer & fonder, par où s'acquerra l'aduantage que nous voulons auoir sur le vulgaire? C'est bien loing de fuir le mal & la douleur, ce que disent les Sages, que des actions également bonnes, celle-là est plus souhaitable à faire, où il y a plus de peine. *Non enim hilaritate nec lasciuiâ, nec risu aut ioco comite leuitatis, sed*

sæpe etiam tristes firmitate & constantia sunt beati.
 Et à cette cause il a esté impossible de persuader à nos peres, que les conquestes faites par viue force, au hazard de la guerre, ne fussent plus aduantageuses, que celles qu'on fait en toute seureté par pratiques & menees.

Latius est, quoties magno sibi constat honestum.

D'avantage cela nous doit consoler, que naturellement, si la douleur est violente, elle est courte : si elle est longue, elle est legere : *si grauis, brevis : si longus, levis.* Tu ne la sentiras guere long temps, si tu la sens trop : elle mettra fin à foy, ou à toy : l'un & l'autre reuient à vn. Si tu ne la portes, elle t'emportera. *Memineris maximos morte finiri; paruos multa habere interualla requietis : mediocrium nos esse dominos : ut si tolerabiles sint, feramus : sin minus, è vita, quum ea non placeat, tanquàm è theatro exeamus.* Ce qui nous fait souffrir avec tant d'impatience la douleur, c'est de n'estre pas accoustumez de prendre nostre principal contentement en l'ame, de ne nous attendre point assez à elle, qui est seule & souveraine maistresse de nostre condition. Le corps n'a, sauf le plus & le moins, qu'un train & qu'un pli. Elle est variable en toute sorte de formes, & renge à foy, & à son estat, quel qu'il soit, les sentiments du corps, & tous autres accidents. Pourtant la faut il estudier, & enquerir ; & esueiller en elle ses ressorts tout-puissants. Il n'y a raison, ny prescription, ny force, qui vaille contre son inclination & son choix. De tant de milliers de biais, qu'elle a en sa disposition, donnons luy en vn, propre à nostre repos & conseruation : nous voyla non couuerts seulement de toute

offense, mais gratifiez mesmes & flattez, si bon luy semble, des offenses & des maux. Elle fait son profit indifferemment de tout. L'erreur, les songes, luy seruent vtilement, comme vne loyale matiere, à nous mettre à garant, & en contentement. Il est aisé à voir, que ce qui aiguise en nous la douleur & la volupté, c'est la pointe de nostre esprit. Les bestes, qui le tiennent sous boucle, laissent aux corps leurs sentimens libres & naifs : & par consequent vns, à peu pres, en chascue espee, ainsi qu'elles montrent par la semblable application de leurs mouuements. Si nous ne troublions en noz membres, la iurisdiction qui leur appartient en cela : il est à croire, que nous en serions mieux, & que nature leur a donné vn iuste & moderé temperament, enuers la volupté & enuers la douleur. Et ne peut faillir d'estre iuste, estant egal & commun. Mais puis que nous nous sommes emancipez de ses regles, pour nous abandonner à la vagabonde liberté de noz fantasies : au moins aydons nous à les plier du costé le plus agreable. Platon craint nostre engagement aspre à la douleur & à la volupté, d'autant qu'il oblige & attache par trop l'ame au corps : moy plustost au rebours, d'autant qu'il l'en desprend & desclouë. Tout ainsi que l'ennemy se rend plus aspre à nostre fuite, aussi s'enorgueillit la douleur, à nous voir trembler sous elle. Elle se rendra de bien meilleure composition, à qui luy fera teste : il se faut opposer & bander contre. En nous acculant & tirant arriere, nous appellons à nous & attirons la ruyne, qui nous menasse. Comme le corps est plus ferme à la charge en le roidissant : ainfin est l'ame. Mais venons aux exemples, qui sont proprement du gibier des gens foibles de reins, comme moy : où nous trouuerons

qu'il va de la douleur, comme des pierres qui prennent couleur, ou plus haute, ou plus morne, selon la feuille où lon les couche, & qu'elle ne tient qu'autant de place en nous, que nous luy en faisons. *Tantum doluerunt, quantum doloribus se inferuerunt.* Nous sentons plus vn coup de rafoir du Chirurgien, que dix coups d'espee en la chaleur du combat. Les douleurs de l'enfantement, par les Medecins, & par Dieu mesme estimees grandes, & que nous passons avec tant de ceremonies, il y a des nations entieres, qui n'en font nul compte. Je laisse à part les femmes Lacedemoniennes : mais aux Souiffes parmy nos gens de pied, quel changement y trouuez vous? sinon que trottans apres leurs maris, vous leur voyez aujourd'huy porter au col l'enfant, qu'elles auoient hyer au ventre : & ces *Ægyptiennes* contre-faiçtes ramassées d'entre nous, vont elles mesmes lauer les leurs, qui viennent de naistre, & prennent leur baing en la plus prochaine riuere. Outre tant de garces qui desrobent tous les iours leurs enfans en la generation comme en la conception, cette belle & noble femme de Sabinus Patricien Romain, pour l'interest d'autruy porta seule & sans secours & sans voix & gemissemens l'enfantement de deux iumeaux. Vn simple garçonnet de Lacedemone, ayant derobé vn renard (car ils craignoient encore plus la honte de leur sottise au larecin, que nous ne craignons la peine de nostre malice) & l'ayant mis souz sa cappe, endura plustost qu'il luy eust rongé le ventre, que de se descourir. Et vn autre, donnant de l'encens à vn sacrifice, se laissa brusler iusques à l'os, par vn charbon tombé dans sa manche, pour ne troubler le mystere. Et s'en est veu vn grand nombre pour le seul essay de vertu, suiuant leur institution, qui ont souff-

fert en l'aage de sept ans, d'estre foüettez iusques à la mort, sans alterer leur visage. Et Cicero les a veuz se battre à troupes : de poings, de pieds, & de dents, iusques à s'euanouir auant que d'aduouier estre vaincus. *Nunquam naturam mos vinceret : est enim ea semper inuicta ; sed nos vmbris, delitiis, otio, languore, desidia, animum infecimus : opinionibus maloque more delinitum molliuimus.* Chacun sçait l'histoire de Sceuola, qui s'estant coulé dans le camp ennemy, pour en tuer le chef, & ayant failly d'atteincte, pour reprendre son effect d'une plus estrange inuention, & descharger sa patrie, confessa à Por-senna, qui estoit le Roy qu'il vouloit tuer, non seulement son desseing, mais adiousta qu'il y auoit en son camp vn grand nombre de Romains complices de son entreprise tels que luy. Et pour montrer quel il estoit, s'estant fait apporter vn brasier, veit & souffrit griller & rostir son bras, iusques à ce que l'ennemy mesme en ayant horreur, commanda offer le brasier. Quoy, celuy qui ne daigna interrompre la lecture de son liure pendant qu'on l'incisoit ? Et celuy, qui s'obstina à se mocquer & à rire à l'enuy des maux, qu'on luy faisoit : de façon que la cruauté irritée des bourreaux qui le tenoyent, & toutes les inuentions des tourmens redoublez les vns sur les autres luy donnerent gaigné ? Mais c'estoit vn Philosophe. Quoy ? vn gladiateur de Cæsar, endura tousiours riant qu'on luy sondast & detaillast ses playes. *Quis mediocris gladiator ingemuit ? quis vultum mutauit vnquam ? Quis non modò stetit, verùm etiam decubuit turpiter ? Quis cum decubisset, ferrum recipere iussus, collum contraxit ?* Meslons y les femmes. Qui n'a ouy parler à Paris de celle, qui se fit escorcher pour seulement en acquerir le teint plus frais d'une nouuelle peau ?

Il y en a qui se sont fait arracher des dents viues & saines, pour en former la voix plus molle, & plus grasse, ou pour les ranger en meilleur ordre. Combien d'exemples du mépris de la douleur auons nous en ce genre? Que ne peuuent elles? Que craignent elles, pour peu qu'il y ait d'agencement à esperer en leur beauté?

*Vellere quis cura est albos à stirpe capillos,
Et faciem dempta pelle referre nouam.*

L'en ay veu engloutir du sable, de la cendre, & se trauailler à point nommé de ruiner leur estomac, pour acquerir les palles couleurs. Pour faire vn corps bien espagnolé, quelle gehenne ne souffrent elles guindées & sanglées, avec de grosses coches sur les costez, iusques à la chair viue? ouy quelques fois à en mourir. Il est ordinaire à beaucoup de nations de nostre temps, de se bleffer à escient, pour donner foy à leur parole : & nostre Roy en recite des notables exemples, de ce qu'il en a veu en Poloigne, & en l'endroit de luy mesme. Mais outre ce que ie sçay en auoir esté imité en France par aucuns, quand ie veins de ces fameux Estats de Blois, i'auois veu peu auparauant vne fille en Picardie, pour tesmoigner l'ardeur de ses promesses, & aussi sa constance, se donner du poinçon, qu'elle portoit en son poil, quatre ou cinq bons coups dans le bras, qui luy faisoient craquetter la peau, & la saignoient bien en bon escient. Les Turcs se font de grandes escarres pour leurs dames : & afin que la merque y demeure, ils portent soudain du feu sur la playe, & l'y tiennent vn temps incroyable, pour arrester le sang, & former la cicatrice. Gents qui l'ont veu, l'ont escrit, & me

l'ont iure. Mais pour dix aspres, il se trouue tous les iours entre eux qui se donnera vne bien profonde taillade dans le bras, ou dans les cuisses. Je suis bien ayse que les tesmoins nous sont plus à main, où nous en auons plus affaire. Car la Chrestienté nous en fournit à suffisance. Et apres l'exemple de nostre saint guide, il y en a eu force, qui par deuotion ont voulu porter la croix. Nous apprenons par tesmoing tref-digne de foy, que le Roy S. Loys porta la here iusques à ce que sur sa vieillesse, son confesseur l'en dispensa; & que tous les Vendredis, il se faisoit battre les espaules par son prestre, de cinq chainettes de fer, que pour cet effet on portoit emmy ses besongnes de nuit. Guillaume nostre dernier Duc de Guyenne, pere de cette Alienor, qui transmit ce Duché aux maisons de France & d'Angleterre, porta les dix ou douze derniers ans de sa vie, continuellement vn corps de cuirasse, sous vn habit de religieux, par penitence. Foulques Comte d'Anjou alla iusques en Ierusalem, pour là se faire foëter à deux de ses valets, la corde au col, deuant le sepulchre de nostre Seigneur. Mais ne voit-on encore tous les iours au Vendredy S. en diuers lieux vn grand nombre d'hommes & femmes se battre iusques à se déchirer la chair & percer iusques aux os? Cela ay-ie veu souuent & sans enchantement. Et disoit-on, car ils vont masquez, qu'il y en auoit, qui pour de l'argent entreprenoient en cela de garantir la religion d'autrui; par vn mespris de la douleur, d'autant plus grand, que plus peuuent les éguillons de la deuotion, que de l'auarice. Q. Maximus enterra son fils Consulaire : M. Cato le sien Preteur designé : & L. Paulus les siens deux en peu de iours, d'un visage rassis, & ne portant nul tes-

moignage de deuil. Je disois en mes iours, de quelqu'un en goffant, qu'il auoit choué la diuine iustice. Car la mort violente de trois grands enfans, luy ayant eité enuoyée en vn iour, pour vn aspre coup de verge, comme il est à croire : peu s'en fallut qu'il ne la print à faueur & gratification singuliere du ciel. Je n'ensuis pas ces humeurs monstrueuses : mais i'en ay perdu en nourrice, deux ou trois, sinon sans regret, au moins sans falscherie. Si n'est-il guere accident, qui touche plus au vif les hommes. Je voy assez d'autres communes occasions d'affliction, qu'à peine sentiroy-ie, si elles me venoyent. Et en ay mesprisé quand elles me sont venues, de celles auxquelles le monde donne vne si atroce figure, que ie n'oserois m'en vanter au peuple sans rougir. *Ex quo intelligitur, non in natura, sed in opinione esse agritudinem.* L'opinion est vne puissante partie, hardie, & sans mesure. Qui rechercha iamais de telle faim la seurté & le repos, qu'Alexandre & Cæsar ont fait l'inquietude & les difficultez ? Terez le pere de Sitalcez souloit dire que quand il ne faisoit point la guerre, il luy estoit aduis qu'il n'y auoit point difference entre luy & son pallefrenier. Caton Consul, pour s'asseurer d'aucunes villes en Espagne, ayant seulement interdict aux habitans d'icelles, de porter les armes : grand nombre se tuerent : *Ferox gens, nullam vitam rati sine armis esse.* Combien en scauons nous qui ont fuy la douceur d'une vie tranquille, en leurs maisons parmy leurs cognoissans, pour suiure l'horreur des desers inhabitables ; & qui se sont iettez à l'abiection, vilité, & mespris du monde, & s'y sont pleuz iusques à l'affectation ? Le Cardinal Borrome, qui mourut dernièrement à Milan, au milieu de la desbauche, à quoy le conuioyt

& sa noblesse, & ses grandes richesses, & l'air de l'Italie, & sa ieunesse, se maintint en vne forme de vie si austere, que la mesme robbe qui luy seruoit en esté, luy seruoit en hyuer : n'auoit pour son coucher que la paille : & les heures qui luy restoyent des occupations de sa charge, il les passoit estudiant continuellement, planté sur ses genoux, ayant vn peu d'eau & de pain à costé de son liure : qui estoit toute la prouision de ses repas, & tout le temps qu'il y employoit. I'en scay qui à leur escient ont tiré & profit & auancement du cocuage, dequoy le seul nom effraye tant de gens. Si la veuë n'est le plus necessaire de nos sens, il est au moins le plus plaissant : mais les plus plaissans & vtiles de noz membres, semblent estre ceux qui seruent à nous engendrer : toutesfois assez de gens les ont pris en hayne mortelle, pour cella seulement, qu'ils estoient trop aymables ; & les ont reiettez à cause de leur prix. Autant en opina des yeux, celui qui se les creua. La plus commune & plus faine part des hommes, tient à grand heur l'abondance des enfans : moy & quelques autres, à pareil heur le defect. Et quand on demande à Thales pourquoy il ne se marie point : il respond, qu'il n'ayme point à laisser lignée de foy. Que nostre opinion donne prix aux choses ; il se void par celles en grand nombre, ausquelles nous ne regardons pas seulement, pour les estimer : ains à nous. Et ne considerons ny leurs qualitez, ny leurs vtilitez, mais seulement nostre coust à les recouurer : comme si c'estoit quelque piece de leur substance : & appellons valeur en elles, non ce qu'elles apportent, mais ce que nous y apportons. Sur quoy ie m'aduise, que nous sommes grands mefnagers de nostre mise. Selon qu'elle poise, elle sert, de ce mesmes qu'elle poise. Nostre opi-

nion ne la laisse iamais courir à faux fret. L'achat donne tiltre audiamant, & la difficulté à la vertu, & la douleur à la deuotion, & l'aspreté à la medecine. Tel pour arriuer à la pauureté ietta ses escus en cette mesme mer, que tant d'autres fouillent de toutes pars pour y pescher des richesses. Epicurus dit que l'estre riche n'est pas soulagement, mais changement d'affaires. De vray, ce n'est pas la disette, c'est plustost l'abondance qui produict l'auarice. Je veux dire mon experience autour de ce subiect. I'ay vescu en trois sortes de condition, depuis estre sorty de l'enfance. Le premier temps, qui a duré pres de vingt années, ie le passay, n'ayant autres moyens, que fortuites, & dependant de l'ordonnance & secours d'autrui, sans estat certain & sans prescription. Ma despense se faisoit d'autant plus allegrement & avec moins de soing, qu'elle estoit toute en la temerité de la fortune. Je ne fu iamais mieux. Il ne m'est oncques auenu de trouuer la bource de mes amis close : m'estant enioint au delà de toute autre necessité, la necessité de ne faillir au terme que i'auoy prins à m'acquiter, lequel ils m'ont mille fois alongé, voyant l'effort que ie me faisois pour leur satisfaire : en maniere que i'en rendoy vne loyauté mesnagere, & aucunement pipereffe. Je sens naturellement quelque volupté à payer ; comme si ie deschargeois mes espauls d'un ennuyeux poix, & de cette image de seruitude. Aussi qu'il y a quelque contentement qui me chatouille à faire vne action iuste, & contenter autrui. L'excepte les payements où il faut venir à marchander & conter : car si ie ne trouue à qui en commettre la charge, ie les esloigne honteusement & iniurieusement tant que ie puis, de peur de cette altercation, à laquelle & mon humeur & ma forme de parler est du

tout incompatible. Il n'est rien que ie hayffe comme à marchander : c'est vn pur commerce de trichoterie & d'impudence. Apres vne heure de debat & de barguignage, l'vn & l'autre abandonne sa parolle & ses sermens pour cinq sous d'amendement. Et si empruntons auec desaduantage. Car n'ayant point le cœur de requerir en presence, i'en renuoyois le hazard sur le papier, qui ne fait guere d'effort, & qui preste grandement la main au refuser. Je me remettois de la conduite de mon besoing plus gayement aux astres, & plus librement que ie n'ay fait depuis à ma prouidence & à mon sens. La plus part des mesnagers estiment horrible de viure ainfin en incertitude; & ne s'aduifent pas, premierement, que la plus part du monde vit ainfi. Combien d'honnestes hommes ont reietté tout leur certain à l'abandon, & le font tous les iours, pour chercher le vent de la faueur des Roys & de la fortune? Cæsar s'endebta d'vn million d'or outre son vaillant, pour deuenir Cæsar. Et combien de marchans commencent leur trafique par la vente de leur metairie, qu'ils enuoyent aux Indes.

Tot per impotentia freta?

En vne si grande siccité de deuotion, nous auons mille & mille Colleges, qui la passent commodément, attendans tous les iours de la liberalité du Ciel, ce qu'il faut à eux disner. Secondement, ils ne s'aduifent pas, que cette certitude, sur laquelle ils se fondent, n'est guere moins incertaine & hazardeuse que le hazard mesme. Je voy d'aussi pres la misere au delà de deux mille escus de rente, que si elle estoit tout contre moy. Car outre ce que le sort a dequoy

ouurir cent breches à la pauureté au trauers de nos richesses, n'y ayant souuent nul moyen entre la supreme & infime fortune,

Fortuna vitrea est : tum, quum splendet, frangitur :

& enuoyer cul sur pointe toutes nos deffences & leuées ; ie trouue que par diuerses causes, l'indigence se voit autant ordinairement logée chez ceux qui ont des biens, que chez ceux qui n'en ont point : & qu'à l'auanture est elle aucunement moins incommode, quand elle est seule, que quand elle se rencontre en compagnie des richesses. Elles viennent plus de l'ordre, que de la recepte : *Faber est suæ quisque fortunæ*. Et me semble plus miserable vn riche malaisé, necessiteux, affaireux, que celui qui est simplement pauure. *In diuitiis inopes, quod genus egestatis grauissimum est*. Les plus grands Princes & plus riches, sont par pauureté & disette pouffez ordinairement à l'extreme necessité. Car en est-il de plus extreme, que d'en deuenir tyrans, & iniustes vsurpateurs des biens de leurs subiets ? Ma seconde forme, ç'a esté d'auoir de l'argent. A quoy m'estant prins, i'en fis bien tost des referues notables selon ma condition : n'estimant pas que ce fust auoir, sinon autant qu'on possède outre sa despence ordinaire : ny qu'on se puisse fier du bien, qui est encore en esperance de recepte, pour claire qu'elle soit. Car quoy, disoy-ie, si i'estois surpris d'un tel, ou d'un tel accident ? Et à la fuitte de ces vaines & vitieuses imaginations, i'allois faisant l'ingenieux à prouoir par cette superflue referue à tous inconueniens. Et scauois encore respondre à celui qui m'alleguoit que le nombre des inconueniens estoit trop infiny ; que si ce n'estoit à

tous, c'estoit à aucuns & plusieurs. Cela ne se passoit pas sans penible sollicitude. L'en faisoyn vn secret : & moy, qui ose tant dire de moy, ne parloy de mon argent, qu'en menfonge : comme font les autres, qui s'appauurissent riches, s'enrichissent pauvres : & dissipent leur conscience de tesmoigner iamais sincerement de ce qu'ils ont. Ridicule & honteuse prudence. Allois-ie en voyage ? il ne me sembloit estre iamais suffisamment pourueu : & plus ie m'estois chargé de monnoye, plus aussi ie m'estois chargé de crainte : tantost de la seurte des chemins, tantost de la fidelité de ceux qui conduisoient mon bagage : duquel, comme d'autres que ie cognois, ie ne m'asseurois iamais assez, si ie ne l'auois deuant mes yeux. Laissoy-ie ma boyte chez moy ? combien de soupçons & pensements espineux, & qui pis est incommunicables ? l'auois toujours l'esprit de ce costé. Tout compté, il y a plus de peine à garder l'argent qu'à l'acquérir. Si ie n'en faisois du tout tant que i'en dis, au moins il me coustait à m'empescher de le faire. De commodité, i'en tirois peu ou rien. Pour auoir plus de moyen de despense, elle ne m'en poisoit pas moins. Car, comme disoit Bion, autant se fache le cheuelu comme le chauue, qu'on luy arrache le poil. Et depuis que vous estes accoustumé, & auez planté vostre fantasie sur certain monceau, il n'est plus à vostre seruice : vous n'oseriez l'escorner. C'est vn bastiment qui, comme il vous semble, croullera tout, si vous y touchez : il faut que la necessité vous prenne à la gorge pour l'entamer. Et au parauant i'engageois mes hardes, & vendois vn cheual, avec bien moins de contrainte & moins enuis, que lors ie ne faisois bresche à cette bource fauorie, que ie tenois à part. Mais le danger estoit, que mal aysement peut-on establir bornes cer-

taines à ce desir (elles sont difficiles à trouver, és choses qu'on croit bonnes) & arrester vn point à l'espargne : on va tousiours grossissant cet amas, & l'augmentant d'un nombre à autre, iusques à se priver vilainement de la iouissance de ses propres biens : & l'establis toute en la garde, & n'en user point. Selon cette espee d'usage, ce sont les plus riches gents du monde, ceux qui ont charge de la garde des portes & murs d'une bonne ville. Tout homme pecunieux est auaricieux à mon gré. Platon renga ainsi les biens corporels ou humains : la santé, la beauté, la force, la richesse : Et la richesse, dit-il, n'est pas aueugle, mais trefclair-voyante, quand elle est illuminée par la prudence. Dionysius le fils, eut bonne grace. On l'aduertit que l'un de ses Syracusains auoit caché dans terre vn thresor ; il luy manda de le luy apporter ; ce qu'il fit, s'en reseruant à la defrobbée quelque partie ; avec laquelle il s'en alla en vne autre ville, où ayant perdu cet appetit de thesaurizer, il se mit à viure plus liberallement. Ce qu'entendant Dionysius, luy fit rendre le demeurant de son thresor ; disant que puis qu'il auoit appris à en scauoir user, il le luy rendoit volontiers. Je fus quelques années en ce point. Je ne scay quel bon dæmon m'en ietta hors tref-vilement, comme le Syracusain ; & m'en-uoya toute cette conserue à l'abandon : le plaisir de certain voyage de grande despence, ayant mis au pied cette sottie imagination. Par où ie suis retombé à vne tierce sorte de vie, ie dis ce que i'en sens, certes plus plaisante beaucoup & plus réglée. C'est que ie fais courir ma despence quand & quand ma recepte ; tantost l'une deuant, tantost l'autre : mais c'est de peu qu'elles s'abandonnent. Je vis du iour à la iournée, & me contente d'auoir dequoy suffire

aux befoings prefens & ordinaires : aux extraordinaires toutes les prouifions du monde n'y fçauroyent fuffire. Et eft folle de s'attendre que fortune elle mefmes nous arme iamais fuffifamment contre soy. C'est de noz armes qu'il la faut combattre. Les fortuites nous trahiront au bon du fait. Si i'amaffe, ce n'est que pour l'efperance de quelque voisine emploite ; & non pour acheter des terres, dequoy ie n'ay que faire, mais pour acheter du plaifir. *Non effe cupidum, pecunia est : non effe emacem, vectigal est.* Je n'ay ny guere peur que bien me faille, ny nul defir qu'il m'augmente. *Diuitiarum fructus est in copia : copiam declarat fatietas.* Et me gratifie fingulierement que cette correction me foit arriuée en vn aage naturellement enclin à l'auarice, & que ie me vois desfaiet de cette folie fi commune aux vieux, & la plus ridicule de toutes les humaines folies. Feraulez, qui auoit paffé par les deux fortunes, & trouué que l'accroift de cheuance, n'estoit pas accroift d'appetit, au boire, manger, dormir, & embrasser fa femme : & qui d'autre part, sentoit poifer fur fes efpaules l'importunité de l'œconomie, ainfi qu'elle faiet à moy ; delibera de contenter vn ieune homme pauvre, fon fidele amy, abboyant apres les richesses ; & luy feit present de toutes les fiennes, grandes & exceffiues, & de celles encor qu'il estoit en train d'accumuler tous les iours par la liberalité de Cyrus son bon maiftre, & par la guerre : moyennant qu'il prinst la charge de l'entretenir & nourrir honneftement, comme son hofte & son amy. Ils vefcurent ainfi depuis tref-heureusement : & esgalement contents du changement de leur condition. Voyla vn tour que i'imiterois de grand courage. Et louë grandement la fortune d'un vieil Prelat, que ie voy s'estre si purement demis de sa

bourſe, & de ſa recepte, & de ſa miſe, tantost à vn ſeruiteur choiſi, tantost à vn autre, qu'il a coulé vn long eſpace d'années, autant ignorant cette ſorte d'affaires de ſon meſnage, comme vn eſtranger. La fiance de la bonté d'autrui, eſt vn non leger teſmoignage de la bonté propre : partant la fauoriſe Dieu volontiers. Et pour ſon regard, ie ne voy point d'ordre de maiſon, ny plus dignement ny plus conſtamment conduit que le ſien. Heureux, qui ait réglé à ſi iuſte meſure ſon beſoin, que ſes richesses y puiſſent ſuffire ſans ſon ſoing & empeschement : & ſans que leur diſpenſation ou aſſemblage, interrompe d'autres occupations, qu'il ſuit, plus conuenables, plus tranquilles, & ſelon ſon cœur. L'aiſance donc & l'indigence deſpendent de l'opinion d'un chacun, & non plus la ri cheſſe, que la gloire, que la ſanté, n'ont qu'autant de beauté & de plaiſir, que leur en preſte celui qui les poſſede. Chacun eſt bien ou mal, ſelon qu'il s'en trouue. Non de qui on le croid, mais qui le croid de ſoy, eſt content : & en cella ſeul la creance ſe donne eſſence & verité. La fortune ne nous fait ny bien ny mal : elle nous en offre ſeulement la matiere & la ſemence : laquelle noſtre ame, plus puiſſante qu'elle, tourne & applique comme il luy plaiſt : ſeule cauſe & maiſtreſſe de ſa condition heureuſe ou malheureuſe. Les acceſſions externes prennent faueur & couleur de l'interne conſtitution : comme les accouſtremens nous eſchauffent non de leur chaleur, mais de la noſtre, laquelle ils ſont propres à couuer & nourrir : qui en abrieroit vn corps froid, il en tireroit meſme ſeruiſſe pour la froideur : ainſi ſe conſerue la neige & la glace. Certes tout en la maniere qu'à vn faineant l'eſtude ſert de tourment, à vn yurongne l'abſtinance du vin, la

frugalité est supplice au luxurieux, & l'exercice ge-
henne à vn homme delicat & oisif : ainfin en est-il du
reste. Les choses ne sont pas si douloureuses, ny
difficiles d'elles mesmes : mais nostre foiblesse & las-
cheté les fait telles. Pour iuger des choses grandes
& haultes, il faut vn' ame de mesme, autrement nous
leur attribuons le vice, qui est le nostre. Vn auiron
droit semble courbe en l'eau. Il n'importe pas seu-
lement qu'on voye la chose, mais comment on la
voye. Or fus, pourquoy de tant de discours, qui
persuadent diuersement les hommes de mespriser la
mort, & de porter la douleur, n'en trouuons nous
quelcun qui face pour nous? Et de tant d'especes
d'imaginacions qui l'ont persuadé à autrui, que cha-
cun n'en applique il à foy vn le plus selon son hu-
meur? S'il ne peut digerer la drogue forte & abster-
siue, pour desfraciner le mal, au moins qu'il la prenne
lenitiue pour le soulager. *Opinio est quadam effami-
nata ac leuis : nec in dolore magis, quàm eadem in
voluptate : qua, quum liquefcimus fluimûsque mollitia,
apis aculeum sine clamore ferre non possumus. Totum
in eo est, vt tibi imperes.* Au demeurant on n'eschappe
pas à la philosophie, pour faire valoir outre mesure
l'aspreté des douleurs, & humaine foiblesse. Car on
la contraint de se reietter à ces inuincibles repliques :
S'il est mauuais de viure en necessité, au moins de
viure en necessité, il n'est aucune necessité. Nul
n'est mal long temps qu'à sa faute. Qui n'a le cœur
de souffrir ny la mort ny la vie; qui ne veut ny
resister ni fuir, que luy feroit-on?



De ne communiquer sa gloire.

CHAPITRE XLI.



Et toutes les refueries du monde, la plus receüe & plus vniuerselle, est le soing de la reputation & de la gloire, que nous espoufons iufques à quitter les richesses, le repos, la vie & la fanté, qui font biens effectuels & substantiaux, pour fuyure cette vaine image, & cette fimple voix, qui n'a ny corps ny prife :

*La fama ch'innaghifce à vn dolce fuono
Gli superbi mortali, & par'fi bella,
E vn echo, vn fogno, anzi d'un fogno vn' ombra
Ch'ad ogni vento fi delegua & sgombra.*

Et des humeurs def-raifonnables des hommes, il femble que les philosophes mefmes fe défacent plus tard & plus enuis de cette-cy que de nulle autre : c'est la plus reuefche & opiniastre. *Quia etiam bene proficientes animos sentire non cessat.* Il n'en est guiere de laquelle la raifon accufe fi clairement la vanité : mais elle a fes racines fi vifues en nous, que ie ne fçay fi iamais aucun s'en est peu nettement

descharger. Apres que vous auez tout dict & tout creu, pour la desaduouer, elle produist contre vostre discours vne inclination si intestine, que vous auez peu que tenir à l'encontre. Car comme dit Cicero, ceux mesmes qui la combattent, encores veulent-ils, que les liures, qu'ils en escriuent, portent au front leur nom, & se veulent rendre glorieux de ce qu'ils ont mesprisé la gloire. Toutes autres choses tombent en commerce. Nous prestons nos biens & nos vies au besoin de nos amis : mais de communiquer son honneur, & d'estrener autrui de sa gloire, il ne se voit gueres. Catulus Lufatius en la guerre contre les Cymbres, ayant fait tous efforts pour arrester ses soldats qui fuioient deuant les ennemis, se mit luy-mesmes entre les fuyards, & contrefit le coïard, affin qu'ils semblassent plustost fuiure leur Capitaine, que fuyr l'ennemy : c'estoit abandonner sa reputation, pour couvrir la honte d'autrui. Quand Charles cinquiesme passa en Prouence, l'an mil cinq cens trente sept, on tient que Antoine de Leue voyant l'Empereur resolu de ce voyage, & l'estimant luy estre merueilleusement glorieux, opinoit toutesfois le contraire, & le desconseilloit, à cette fin que toute la gloire & honneur de ce conseil, en fust attribué à son maistre : & qu'il fust dict, son bon aduis & sa preuoyance auoir esté telle, que contre l'opinion de tous, il eust mis à fin vne si belle entreprinse : qui estoit l'honorer à ses despens. Les Ambassadeurs Thraciens, consolans Archileonide mere de Brasidas, de la mort de son fils, & le haut-louans, iusques à dire, qu'il n'auoit point laissé son pareil : elle refusa cette louange priuee & particuliere, pour la rendre au public : Ne me dites pas cela, fit-elle, ie scay que la ville de Sparte a plusieurs citoyens plus grands

& plus vaillans qu'il n'estoit. En la bataille de Crecy, le Prince de Gales, encores fort ieune, auoit l'auantgarde à conduire : le principal effort du rencontre, fust en cet endroit : les Seigneurs qui l'accompagnoient se trouuans en dur party d'armes, manderent au Roy Edoüard de s'approcher, pour les secourir : il s'enquit de l'estat de son fils, & luy ayant esté respondu, qu'il estoit viuant & à cheual : le luy ferois, dit-il, tort de luy aller maintenant desrober l'honneur de la victoire de ce combat, qu'il a si long temps soustenu : quelque hazard qu'il y ait, elle sera toute sienne : & n'y voulut aller ny enuoyer : sçachant s'il y fust allé, qu'on eust dit que tout estoit perdu sans son secours, & qu'on luy eust attribué l'aduantage de cet exploit. *Semper enim quod postremum adiectum est, id rem totam videtur traxisse.* Plusieurs estimoient à Rome, & se disoit communément que les principaux beaux-faits de Scipion estoient en partie deuz à Lælius, qui toutesfois alla tousiours promouuant & secondant la grandeur & gloire de Scipion, sans aucun soing de la sienne. Et Theopompus Roy de Sparte à celuy qui luy disoit que la chose publique demeuroid sur ses pieds, pour autant qu'il sçauoit bien commander : C'est pluystost, dit-il, parce que le peuple sçait bien obeyr. Comme les femmes, qui succedoient aux pairries, auoient, nonobstant leur sexe, droit d'assister & opiner aux causes, qui appartiennent à la iurisdiction des pairs : aussi les pairs ecclesiastiques, nonobstant leur profession, estoient tenus d'assister nos Roys en leurs guerres, non seulement de leurs amis & seruiteurs, mais de leur personne. Aussi l'Euesque de Beauuais, se trouuant avec Philippe Auguste en la bataille de Bouuines, participoit bien fort courageusement à

l'effect : mais il luy sembloit, ne deuoir toucher au fruit & gloire de cet exercice sanglant & violent. Il mena de sa main plusieurs des ennemis à raison, ce iour là, & les donnoit au premier Gentilhomme qu'il trouuoit, à esgofiller, ou prendre prisonniers, luy en resignant toute l'exécution. Et le fit ainsi de Guillaume Comte de Salsberi à messire Iean de Nesle. D'une pareille subtilité de conscience, à cet autre : il vouloit bien assommer, mais non pas blesser : & pourtant ne combattoit que de masse. Quelcun en mes iours, estant reproché par le Roy d'auoir mis les mains sur vn prestre, le nioit fort & ferme : c'estoit qu'il l'auoit battu & foulé aux pieds.





De l'inegalité qui est entre nous.

CHAPITRE XLII.



PLUTARQUE dit en quelque lieu, qu'il ne trouue point si grande distance de beste à beste, comme il trouue d'homme à homme. Il parle de la suffisance de l'ame & qualitez internes. A la verité ie trouue si loing d'Epaminundas, comme ie l' imagine, iusques à tel que ie cognois, ie dy capable de sens commun, que i'encherirois volontiers sur Plutarque : & dirois qu'il y a plus de distance de tel à tel homme, qu'il n'y a de tel homme à telle beste :

Hem vir viro quid præstat!

& qu'il y a autant de degrez d'esprits, qu'il y a d'icy au ciel de brasses, & autant innombrables. Mais à propos de l'estimation des hommes, c'est merueille que sauf nous, aucune chose ne s'estime que par ses propres qualitez. Nous loüons vn cheual de ce qu'il est vigoureux & adroit,

volucrum

Sic laudamus equum, facili cui plurima palma

Feruet, & exultat rauco victoria circo,

non de son harnois : vn leurier, de sa vifteffe, non de son colier : vn oyseau, de son aile, non de ses longes & sonnettes. Pourquoy de mesmes n'estimons nous vn homme par ce qui est sien ? Il a vn grand train, vn beau palais, tant de credit, tant de rente : tout cela est autour de luy, non en luy. Vous n'achetez pas vn chat en poche : si vous marchandez vn cheual, vous luy ostez ses bardes, vous le voyez nud & à descouuert. Ou s'il est couuert, comme on les presentoit anciennement aux Princes à vendre, c'est par les parties moins necessaires, à fin que vous ne vous amusiez pas à la beauté de son poil, ou largeur de sa croupe, & que vous vous arrestiez principalement à considerer les iambes, les yeux, & le pied, qui sont les membres les plus viles,

*Regibus hic mos est, vbi equos mercantur, opertos
Inspiciunt, ne si facies, vt saepe, decora
Molli fulta pede est, emptorem inducat hiansem,
Quòd pulchræ clunes, breue quòd caput, ardua ceruix.*

Pourquoy estimant vn homme l'estimez vous tout enueloppé & empacqueté ? Il ne nous fait montre que des parties, qui ne sont aucunement siennes : & nous cache celles, par lesquelles seules on peut vrayement iuger de son estimation. C'est le prix de l'espée que vous cherchez, non de la guaine : vous n'en donnerez à l'aduenture pas vn quatrain, si vous l'auiez despouillée. Il le faut iuger par luy mesme, non par ses atours. Et comme dit tres-plaisamment vn ancien : Sçauz vous pourquoy vous l'estimez grand ? vous y comptez la hauteur de ses patins. La base n'est pas de la statue. Mesurez le sans ses eschaces. Qu'il

mette à part ses richesses & honneurs, qu'il se presente en chemise. A il le corps propre à ses fonctions, sain & allegre? Quelle ame a il? Est elle belle, capable, & heureusement pourueue de toutes ses pieces? Est elle riche du sien, ou de l'autrui? La fortune n'y a elle que voir? Si les yeux ouuerts elle attend les espées traites : s'il ne luy chaut par où luy sorte la vie, par la bouche, ou par le gosier : si elle est raffise, equable & contente : c'est ce qu'il faut veoir, & iuger par là les extremes differences qui sont entre nous. Est-il

*Sapiens, sibi que imperiosus,
Quem neque pauperies, neque mors, neque vincula terrent,
Respondere cupidinibus, contemnere honores
Fortis, & in seipso totus teres atque rotundus,
Externi ne quid valeat per læue morari,
In quem manca ruit semper fortuna?*

Vn tel homme est cinq cens brasses au dessus des Royaumes & des Duchez : il est luy mesmes à foy son empire.

Sapiens pol ipse fingit fortunam sibi.

Que luy reste il à desirer?

*nōne videmus
Nil aliud sibi naturam latrare, nisi vt quoi
Corpore seiunctus dolor absit, mente fruatur,
Iucundo sensu cura semotus metūque?*

Comparez luy la tourbe de nos hommes, stupide, basse, seruite, instable, & continuellement flotante en l'orage des passions diuerses, qui la poussent & repoussent, pendant toute d'autrui : il y a plus d'esloi-

gnement que du ciel à la terre : & toutefois l'aveuglement de nostre usage est tel, que nous en faisons peu ou point d'estat. Là où, si nous considerons vn païsan & vn Roy, vn noble & vn villain, vn magistrat & vn homme priué, vn riche & vn pauvre, il se presente soudain à nos yeux vn' extreme disparité, qui ne sont differents par maniere de dire qu'en leurs chausses. En Thrace, le Roy estoit distingué de son peuple d'une plaissante maniere, & bien r'encherie. Il auoit vne religion à part : vn Dieu tout à luy, qu'il n'appartenoit à ses subiects d'adorer : c'estoit Mercure. Et luy, dedaignoit les leurs, Mars, Bacchus, Diane. Ce ne sont pourtant que peintures, qui ne sont aucune dissemblance essentielle. Car comme les ioueurs de comedie, vous les voyez sur l'eschaffaut faire vne mine de Duc & d'Empereur, mais tantost apres, les voyla deuenuz valets & crocheteurs miserables, qui est leur nayfue & originelle condition : aussi l'Empereur, duquel la pompe vous eblouit en public :

*Scilicet & grandes viridi cum luce smaragdi
Auro includuntur, teriturque Thalassina vestis
Assiduè, & Veneris sudorem exercita potat,*

voyez le derriere le rideau, ce n'est rien qu'un homme commun, & à l'aduenture plus vil que le moindre de ses subiects. *Ille beatus introrsum est : istius bracteata felicitas est.* La couïardise, l'irresolution, l'ambition, le despit & l'enuie l'agitent comme vn autre :

*Non enim gaze, neque consularis
Summouet lictor, miseros tumultus*

*Mentis & curas laqueata circum
Tecta volantes :*

& le soing & la crainte le tiennent à la gorge au milieu de ses armées.

*Re verâque metus hominum, curâque sequaces,
Nec metuunt sonitus armorum, nec fera tela,
Audaçtérque inter reges, rerûmque potentes
Versantur, neque fulgorem reuerentur ab auro.*

La fièvre, la migraine & la goutte l'espargnent elles non plus que nous? Quand la vieilleſſe luy ſera ſur les eſpaules, les archers de ſa garde l'en deſchargeront ils? Quand la frayeur de la mort le tranſira, ſe r'affeurera il par l'afſiſtance des Gentils-hommes de ſa chambre? Quand il ſera en jalouſie & caprice, nos bonnerrades le remettront elles? Ce ciel de liſt tout enſé d'or & de perles, n'a aucune vertu à rapaifer les tranchées d'une verte colique.

*Nec calida citius decedunt corpore febres,
Textilibus ſi in piſturis oſtrôque rubenti
Iaſteris, quàm ſi plebeia in veſte cubandum eſt.*

Les flatteurs du grand Alexandre, luy faiſoyent à croire qu'il eſtoit fils de Jupiter : vn iour eſtant bleſſé, regardant eſcouler le ſang de ſa playe : Et bien qu'en dites vous? ſit-il : eſt-ce pas icy vn ſang vermeil, & purement humain? il n'eſt pas de la trampe de celui que Homere fait eſcouler de la playe des Dieux. Hermodorus le poète auoit fait des vers en l'honneur d'Antigonus, où il l'appelloit fils du Soleil : & luy au contraire : Celui, dit-il, qui vuide ma chaize percée, ſçait bien qu'il n'en eſt rien. C'eſt

vn homme pour tous potages. Et si de soy-mesmes c'est vn homme mal né, l'empire de l'vniuers ne le sçauroit rabiller.

puellæ

Hunc rapiant, quicquid calcauerit hic, rosa fiat.

Quoy pour cela, si c'est vne ame grossiere & stupide? la volupté mesme & le bon heur, ne s'apperçoient point sans vigueur & sans esprit.

*Hæc perinde sunt, vt illius animus qui ea possidet,
Qui vti scit, ei bona, illi qui non vtitur rectè, mala.*

Les biens de la fortune tous tels qu'ils sont, encores faut il auoir le sentiment propre à les sauouer. C'est le iouir, non le posséder, qui nous rend heureux.

*Non domus & fundus, non æris aceruus & auri,
Ægroto domini deduxit corpore febres,
Non animo curas, valeat possessor oportet,
Qui comportatis rebus benè cogitat vti.
Qui cupit, aut metuit, iuuat illum sic domus aut res,
Vt lippum pictæ tabulæ, fomenta podagram.*

Il est vn sot, son goust est moussé & hebeté; il n'en iouit non plus qu'un morfondu de la douceur du vin Grec, ou qu'un cheual de la richesse du harnois, duquel on l'a paré. Tout ainsi comme Platon dit, que la santé, la beauté, la force, les richesses, & tout ce qui s'appelle bien, est également mal à l'iniuste, comme bien au iuste, & le mal au rebours. Et puis, où le corps & l'ame sont en mauuais estat, à quoy faire ces commoditez externes? veu que la moindre picqueure d'espingle, & passion de l'ame, est suffisante à nous otter le plaisir de la monarchie du

monde. A la premiere strette que luy donne la goutte, il a beau estre Sire & Majesté,

Totus & argento conflatus, totus & auro,

perd il pas le souuenir de ses palais & de ses grandeurs? S'il est en colere, sa principauté le garde elle de rougir, de pâlir, de grincer les dents comme vn fol? Or si c'est vn habile homme & bien né, la royauté adioust peu à son bon heur :

*Si ventri bene, si lateri est pedibusque tuis, nil
Diuitiæ poterunt regales addere maius :*

il voit que ce n'est que biffe & piperie. Oui à l'adventure il sera de l'aduis du Roy Seleucus, Que qui sçauroit le poix d'un sceptre, ne daigneroit l'amasser quand il le trouueroit à terre : il le disoit pour les grandes & penibles charges, qui touchent vn bon Roy. Certes ce n'est pas peu de chose que d'auoir à regler autrui, puis qu'à regler nous mesmes, il se presente tant de difficultez. Quant au commander, qui semble estre si doux ; considerant l'imbecillité du iugement humain, & la difficulté du chois és choses nouuelles & douteuses, ie suis fort de cet aduis, qu'il est bien plus aisé & plus plaissant de suiure, que de guider : & que c'est vn grand seiour d'esprit de n'auoir à tenir qu'une voye tracée, & à respondre que de foy :

*Vt satiùs multo iam sit, parere quietum,
Quàm regere imperio res velle.*

Ioint que Cyrus disoit, qu'il n'appartenoit de commander à homme, qui ne vaille mieux que ceux à

qui il commande. Mais le Roy Hieron en Xenophon dict d'auantage, qu'à la iouyffance des voluptez meſmes, ils ſont de pire condition que les priuez : d'autant que l'ayſance & la facilité, leur oſte l'aigredouce pointe que nous y trouuons.

*Pinguis amor niniūmque potens, in tædia nobis
Vertitur, & ſtomacho dulcis vt eſca nocet.*

Penſons nous que les enfans de cœur prennent grand plaisir à la muſique? La ſacieté la leur rend pluſtoſt ennuyeuſe. Les feſtins, les danſes, les maſquarades, les tournois reiouyſſent ceux qui ne les voyent pas ſouuent, & qui ont deſiré de les voir : mais à qui en faiſt ordinaire, le gouſt en deuient fade & mal plaiſant : ny les dames ne chatouillent celuy qui en iouyt à cœur ſaoul. Qui ne ſe donne loilir d'auoir ſoiſ, ne ſçauroit prendre plaisir à boire. Les farces des bateleurs nous reſ-iouiſſent, mais aux ioüeurs elles ſeruent de coruée. Et qu'il ſoit ainſi, ce ſont delices aux Princes, c'eſt leur feſte, de ſe pouuoir quelque fois traueſtir, & démettre à la façon de viure baſſe & populaire.

*Plerumque gratæ principibus vices,
Mundæque paruo ſub lare pauperum
Cenæ fine aulæis & oſtro,
Solicitam explicuere frontem.*

Il n'eſt rien ſi empeſchant, ſi deſgouté que l'abondance. Quel appetit ne ſe rebuterait, à veoir trois cents femmes à ſa merci, comme les a le grand Seigneur en ſon ferrail? Et quel appetit & viſage de chaffe, s'eſtoit reſerué celuy de ſes anceſtres, qui

n'alloit iamais aux champs, à moins de sept mille fauconniers? Et outre cela, ie croy, que ce lustre de grandeur, apporte non legeres incommoditez à la iouyssance des plaisirs plus doux : ils sont trop esclairez & trop en butte. Et ie ne sçay comment on requiert plus d'eux de cacher & couvrir leur faute. Car ce qui est à nous indiscretion, à eux le peuple iuge que ce soit tyrannie, mespris, & desdain des loix. Et outre l'inclination au vice, il semble qu'ils y adioustent encore le plaisir de gourmander, & soumettre à leurs pieds les obseruances publiques. De vray Platon en son Gorgias, definit tyran celuy qui a licence en vne cité d'y faire tout ce qui luy plaist. Et souuent à cette cause, la montre & publication de leur vice, blesse plus que le vice mesme. Chacun craint à estre espié & contrerollé : ils le sont iusques à leurs contenance & à leurs pensées ; tout le peuple estimant auoir droict & intereit d'en iuger. Outre ce que les taches s'agrandissent selon l'eminence & clarté du lieu, où elles sont assises : & qu'un seing & vne verrue au front, paroissent plus que ne fait ailleurs vne balafre. Voyla pourquoy les poëtes feignent les amours de Iupiter conduites sous autre visage que le sien : & de tant de pratiques amoureuses qu'ils luy attribuent, il n'en est qu'une seule, ce me semble, où il se trouue en sa grandeur & Majesté. Mais reuenons à Hieron : il recite aussi combien il sent d'incommoditez en sa royauté, pour ne pouoir aller & voyager en liberté, estant comme prisonnier dans les limites de son pais : & qu'en toutes ses actions il se trouue enuélépé d'une facheuse presse. De vray, à voir les nostres tous seuls à table, assiegez de tant de parleurs & regardans inconnuz, i'en ay eu souuent plus de pitié que d'enuie. Le Roy

Alphonse disoit que les asnes estoient en cela de meilleure condition que les Roys : leurs maistres les laissent paistre à leur aise, là où les Roys ne peuuent pas obtenir cela de leurs seruiteurs. Et ne m'est iamais tombé en fantasie, que ce fust quelque notable commodité à la vie d'un homme d'entendement, d'auoir vne vingtaine de contrerolleurs à sa chaise percée : ny que les seruices d'un homme qui a dix mille liures de rente, ou qui a pris Casal, ou defendu Siene, luy soyent plus commodés & acceptables, que d'un bon valet & bien expérimenté. Les auantages principales sont quasi auantages imaginaires. Chaque degré de fortune a quelque image de principauté. César appelle Roytelets, tous les Seigneurs ayans iustice en France de son temps. De vray, sauf le nom de Sire, on va bien auant avec nos Roys. Et voyez aux Provinces esloignées de la Cour, nommons Bretagne pour exemple, le train, les subiects, les officiers, les occupations, le seruice & cerimonie d'un Seigneur retiré & casanier, nourry entre ses valets ; & voyez aussi le vol de son imagination, il n'est rien plus royal : il oyt parler de son maistre vne fois l'an, comme du Roy de Perse : & ne le recognoit, que par quelque vieux cousinage, que son secretaire tient en registre. A la verité nos loix sont libres assez ; & le pois de la souueraineté ne touche vn Gentil-homme François, à peine deux fois en sa vie. La subiection essentielle & effectuelle, ne regarde d'entre nous, que ceux qui s'y conuient, & qui ayment à s'honorer & enrichir par tel seruice : car qui se veut tapir en son foyer, & sçait conduire sa maison sans querelle, & sans procès, il est aussi libre que le Duc de Venise. *Paucos seruitus, plures seruitutem tenent.* Mais sur tout Hieron fait cas, dequoy il se voit priué de

toute amitié & société mutuelle : en laquelle consiste le plus parfait & doux fruit de la vie humaine. Car quel témoignage d'affection & de bonne volonté, puis-je tirer de celui, qui me doit, vueille il ou non, tout ce qu'il peut ? Puis-je faire estat de son humble parler & courtoise reuerence, veu qu'il n'est pas en luy de me la refuser ? L'honneur que nous receuons de ceux qui nous craignent, ce n'est pas honneur : ces respects se doiuent à la Royauté, non à moy.

*maximum hoc regni bonum est ,
Quòd facta domini cogitur populus sui
Quàm ferre, tam laudare.*

Vois-je pas que le meschant, le bon Roy, celui qu'on hait, celui qu'on aime, autant en a l'un que l'autre : de mesmes apparences, de mesme ceremonie, estoit seruy mon predecesseur, & le sera mon successeur. Si mes subiects ne m'offencent pas, ce n'est témoignage d'aucune bonne affection : pourquoy le prendray-je en cette part-là, puis qu'ils ne pourroient quand ils voudroient ? Nul ne me suit pour l'amitié, qui soit entre luy & moy : car il ne s'y sçauroit coudre amitié, où il y a si peu de relation & de correspondance. Ma hauteur m'a mis hors du commerce des hommes : il y a trop de disparité & de disproportion. Ils me suivent par contenance & par coustume, ou plus tost que moy ma fortune, pour en accroistre la leur. Tout ce qu'ils me dient, & font, ce n'est que fard, leur liberté estant bridée de toutes parts par la grande puissance que j'ay sur eux : ie ne voy rien autour de moy que couuert & masqué. Ses courtisans louoient vn iour Iulian l'Empereur de faire bonne iustice : Ie m'enorgueillirois volontiers, dit-il, de ces louanges,

si elles venoient de personnes, qui ozassent accuser ou mesloüier mes actions contraires, quand elles y feroient. Toutes les vraies commoditez qu'ont les Princes, leurs sont communes avec les hommes de moyenne fortune. C'est à faire aux Dieux, de monter des chevaux aislez, & se paistre d'Ambrosie : ils n'ont point d'autre sommeil & d'autre appetit que le nostre : leur acier n'est pas de meilleure trempe, que celui dequoy nous nous armons ; leur couronne ne les couvre ny du soleil, ny de la pluie. Diocletian qui en portoit vne si reuerée & si fortunée, la resigna pour se retirer au plaisir d'une vie priuée : & quelque temps apres, la necessité des affaires publiques, requerant qu'il reuinist en prendre la charge, il respondit à ceux qui l'en prioient : Vous n'entreprendriez pas de me persuader cela, si vous auiez veu le bel ordre des arbres, que j'ay moymesme planté chez moy, & les beaux melons que j'y ay semez. A l'aduis d'Anacharsis le plus heureux estat d'une police, seroit où toutes autres choses estants esgales, la precedence se mesurerait à la vertu, & le rebut au vice. Quand le Roy Pyrrhus entreprenoit de passer en Italie, Cyneas son sage conseiller luy voulant faire sentir la vanité de son ambition : Et bien Sire, luy demanda-il, à quelle fin dressez vous cette grande entreprinse ? Pour me faire maistre de l'Italie, respondit-il soudain : Et puis, suyuit Cyneas, cela fait ? Je passeray, dit l'autre, en Gaule & en Espagne : Et apres ? Je m'en iray subiuguer l'Afrique, & en fin, quand j'auray mis le monde en ma subiection, ie me reposeray & viuray content & à mon aise. Pour Dieu, Sire, rechargea lors Cyneas, dictes moy, à quoy il tient que vous ne soyez des à present, si vous voulez, en cet estat ? Pourquoi ne vous logez vous

des cette heure, où vous dites aspirer, & vous espar-
gnez tant de trauail & de hazard, que vous iettez
entre deux ?

*Nimirum quia non bene norat quæ esset habendi
Finis, & omnino quoad crescat vera voluptas.*

Ie m'en vais clorre ce pas par vn verset ancien, que
ie trouue singulierement beau à ce propos :

Mores cuique sui fingunt fortunam.





A fa
à reg
pence
sembl
vray
aux h
& de

vaines & inutiles : & no
neur & le prix, qui est v
en dégouster les hommes.
aura que les Princes qui
puissent porter du velours
terdire au peuple, qu'est-
en credit ces choses là, &
chacun d'en vser? Que les
ces marques de grandeur,
tels excez sont plus excusa
Prince. Par l'exemple de
pouons apprendre assez de
distinguer exterieurement,

coustume en ces choses indifferentes plante aisément & soudain le pied de son autorité. A peine fusmes nous vn an, pour le dueil du Roy Henry second, à porter du drap à la Cour, il est certain que desia à l'opinion d'vn chacun, les foyes estoient venuës à telle vilité, que si vous en voyiez quelqu'vn vestu, vous en faisiez incontinent quelque homme de ville. Elles estoient demeurées en partage aux medecins & aux chirurgiens : & quoy qu'vn chacun fust à peu pres vestu de mesme, si y auoit-il d'ailleurs affez de distinctions apparentes, des qualitez des hommes. Combien soudainement viennent en honneur parmy nos armées, les pourpains crasseux de chamois & de toille ; & la pollisseure & richesse des vestemens à reproche & à mespris ? Que les Roys commencent à quitter ces despences, ce sera fait en vn mois sans edict, & sans ordonnance ; nous irons tous apres. La loy deuroit dire au rebours, Que le cramoisy & l'orfeuerie est defendue à toute espee de gens, sauf aux basteleurs & aux courtisanes. De pareille inuention corrigea Zeleucus, les meurs corrompuës des Locriens. Ses ordonnances estoient telles : Que la femme de condition libre, ne puisse mener apres elle plus d'vne chambriere, sinon lors qu'elle sera yure : ny ne puisse sortir hors la ville de nuit, ny porter ioyaux d'or à l'entour de sa personne, ny robbe enrichie de broderie, si elle n'est publique & putain : que sauf les ruffiens, à homme ne loise porter en son doigt anneau d'or, ny robbe delicate, comme sont celles des draps tissus en la ville de Milet. Et ainsi par ces exceptions honteuses, il diuertissoit ingenieusement ses citoyens des superfluites & delices pernicieuses. C'estoit vne tres-vtile maniere d'attirer par honneur & ambition, les hommes à leur deuoir & à l'obeis-

fance. Nos Roys peuuent tout en telles reformati-
ons externes : leur inclination y sert de loy. *Quicquid
principes faciunt, præcipere videntur.* Le reste de la
France prend pour regle la regle de la Cour. Qu'ils
se desplaissent de cette vilaine chaussure, qui montre
si à descouuert nos membres occultes : ce lourd
grossissement de pourpains, qui nous faict tous autres
que nous ne sommes, si incommode à s'armer : ces
longues tresses de poil effeminees : cet vsage de baiser
ce que nous presentons à nos compaignons, & nos
mains en les saluant : ceremonie deuë autresfois aux
seuls Princes : & qu'un Gentil-homme se trouue en
lieu de respect, sans espée à son costé, tout esbrailé,
& destaché, comme s'il venoit de la garderobbe :
& que contre la forme de nos peres, & la particuliere
liberté de la Noblesse de ce Royaume, nous nous
tenons descouverts bien loing autour d'eux, en quel-
que lieu qu'ils soyent : & comme autour d'eux, autour
de cent autres ; tant nous auons de tiercelets & quar-
telets de Roys. : & ainsi d'autres pareilles intro-
ductions nouvelles & vitieuses : elles se verront in-
continent esuanouyes & descriées. Ce sont erreurs
superficielles, mais pourtant de mauuais prognosti-
que : & sommes aduertis que le massif se desment,
quand nous voyons fendiller l'enduit, & la crouste
de nos parois. Platon en ses loix, n'estime peste au
monde plus dommageable à sa cité, que de laisser
prendre liberté à la ieunesse, de changer en accou-
stremens, en gestes, en danses, en exercices & en chan-
sons, d'une forme à une autre : remuant son iugement,
tantost en cette assiette, tantost en cette là : courant
apres les nouuelletez, honorant leurs inuenteurs : par
où les mœurs se corrompent, & les anciennes insti-
tutions, viennent à dessein & à mesprix. En toutes

choses, fauf simplement aux mauuaifes, la mutation est à craindre : la mutation des saisons, des vents, des viures, des humeurs. Et nulles loix ne sont en leur vray credit, que celles aufquelles Dieu a donné quelque ancienne durée : de mode, que personne ne fçache leur naiffance, ny qu'elles ayent iamais esté autres.





Du dormir.

CHAPITRE XLIIII.



A raison nous ordonne bien d'aller tousiours mesme chemin, mais non toutesfois mesme train. Et ores que le sage ne doïue donner aux passions humaines, de se fouruoyer de la droicte carriere, il peut bien sans interest de son deuoir, leur quitter aussi, d'en hastier ou retarder son pas, & ne se planter comme vn colosse immobile & impassible. Quand la vertu mesme seroit incarnée, ie croy que le poux luy battroit plus fort allant à l'asfaut, qu'allant disner : voire il est necessaire qu'elle s'eschauffe & s'esmeue. A cette cause i'ay remarqué pour chose rare, de voir quelquefois les grands personages, aux plus hautes entreprises & importans affaires, se tenir si entiers en leur assiette, que de n'en accourcir pas seulement leur sommeil. Alexandre le grand, le iour assigné à cette furieuse bataille contre Darius, dort si profondement, & si haute matinée, que Parmenion fut contraint d'entrer en sa chambre, & approchant de son liét, l'appeller deux ou trois fois par son nom, pour l'esueiller, le temps d'aller au combat le pressant. L'Empereur Othon

ayant resolu de se tuer, cette mesme nuit, apres auoir mis ordre à ses affaires domestiques, partagé son argent à ses seruiteurs, & affilé le tranchant d'une espée dequoy il se vouloit donner, n'attendant plus qu'à sçauoir si chacun de ses amis s'estoit retiré en seureté, se print si profondement à dormir, que ses valets de chambre l'entendoient ronfler. La mort de cet Empereur a beaucoup de choses pareilles à celle du grand Caton, & mesmes cecy : car Caton estant prest à se deffaire, cependant qu'il attendoit qu'on luy rapportast nouuelles si les Senateurs qu'il faisoit retirer, s'estoient eslargis du port d'Vtique, se mit si fort à dormir, qu'on l'oyoit souffler de la chambre voisine : & celuy qu'il auoit enuoyé vers le port, l'ayant esueillé, pour luy dire que la tourmente empeschoit les Senateurs de faire voile à leur aise, il y en renuoya encore vn autre, & se r'enfonçant dans le liét, se remit encore à sommeiller, iusques à ce que ce dernier l'asseura de leur partement. Encore auons nous dequoy le comparer au faict d'Alexandre, en ce grand & dangereux orage, qui le menassoit, par la sedition du Tribun Metellus, voulant publier le decret du rappel de Pompeius dans la ville avecques son armée, lors de l'émotion de Catilina : auquel decret Caton seul insistoit, & en auoient eu Metellus & luy, de grosses paroles & grandes menasses au Senat : mais c'estoit au lendemain en la place, qu'il falloit venir à l'exécution ; où Metellus, outre la faueur du peuple & de Cæsar conspirant lors aux aduantages de Pompeius, se deuoit trouuer, accompagné de force esclaves estrangers, & escrimeurs à outrance, & Caton fortifié de sa seule constance : de sorte que ses parens, ses domestiques, & beaucoup de gens de bien, en estoient en grand foucy : & en y

eut qui passerent la nuit ensemble, sans vouloir reposer, ny boire, ny manger, pour le danger qu'ils luy voyoient préparé : même sa femme, & ses sœurs ne faisoient que pleurer & se tourmenter en sa maison : là où luy au contraire, reconfortoit tout le monde : & apres auoir souppé comme de coustume, s'en alla coucher & dormir de fort profond sommeil, iusques au matin, que l'un de ses compagnons au Tribunat, le vint esveiller pour aller à l'escarmouche. La connoissance, que nous auons de la grandeur de courage, de cet homme, par le reste de sa vie, nous peut faire iuger en toute seurété, que cecy luy parloit d'une ame si loing esleuée au dessus de tels accidents, qu'il n'en daignoit entrer en ceruelle, non plus que d'accidens ordinaires. En la bataille nauale qu'Augustus gaigna contre Sextus Pompeius en Sicile, sur le point d'aller au combat, il se trouua pressé d'un si profond sommeil, qu'il fallut que ses amis l'esueillassent, pour donner le signe de la bataille. Cela donna occasion à M. Antonius de luy reprocher depuis, qu'il n'auoit pas eu le cœur, seulement de regarder les yeux ouuerts, l'ordonnance de son armée ; & de n'auoir osé se présenter aux soldats, iusques à ce qu'Agrippa luy vint annoncer la nouuelle de la victoire, qu'il auoit eu sur ses ennemis. Mais quant au ieune Marius, qui fit encore pis (car le iour de sa dernière iournée contre Sylla, apres auoir ordonné son armée, & donné le mot & signe de la bataille, il se coucha dessous un arbre à l'ombre, pour se reposer, & s'endormit si serré, qu'à peine se peut-il esveiller de la route & fuite de ses gens, n'ayant rien veu du combat) ils disent que ce fut pour estre si extrêmement aggraué de trauail, & de faute de dormir, que nature n'en pouuoit plus. Et à ce propos les

medecins aduiferont si le dormir est si necessaire, que nostre vie en dépende ; car nous trouuons bien, qu'on fit mourir le Roy Perseus de Macedoine prisonnier a Rome, luy empeschant le sommeil, mais Pline en allegue, qui ont vescu long temps sans dormir. Chez Herodote, il y a des nations, ausquelles les hommes dorment & veillent par demy années. Et ceux qui escriuent la vie du sage Epimenides, disent, qu'il dormit cinquante sept ans de fuite.





De la bataille de Dreux.

CHAPITRE XLV.



L y eut tout plein de rares accidens en nostre bataille de Dreux : mais ceux qui ne fauorisent pas fort la reputation de M. de Guyse, mettent volontiers en auant, qu'il ne se peut excuser d'auoir fait alte, & temporisé avec les forces qu'il commandoit, cependant qu'on enfonçoit Monsieur le Conneftable chef de l'armée, avecques l'artillerie : & qu'il valoit mieux se hazarder, prenant l'ennemy par flanc, qu'attendant l'aduantage de le voir en queue, souffrir vne si lourde perte. Mais outre ce, que l'issüe en tesmoigna, qui en debattra sans passion, me confessera aisément, à mon aduis, que le but & la visée, non seulement d'un Capitaine, mais de chaque soldat, doit regarder la victoire en gros ; & que nulles occurrences particulieres, quelque interest qu'il y ayt, ne le doiuent diuertir de ce point là. Philopœmen en vne rencontre de Machanidas, ayant enuoyé deuant pour attaquer l'escarmouche, bonne troupe d'archers & gens de trait : & l'ennemy apres les auoir renuersez, s'amusant à les pourfuiure à toute bride, & coulant apres sa victoire le long de

la bataille où estoit Philopœmen, quoy que ses soldats s'en esmeussent, il ne fut d'aduis de bouger de sa place, ny de se presenter à l'ennemy, pour secourir ses gens : ains les ayant laissé chasser & mettre en pieces à sa veue, commença la charge sur les ennemis au bataillon de leurs gens de pied, lors qu'il les vid tout à fait abandonnez de leurs gens de cheual : & bien que ce fussent Lacedemoniens, d'autant qu'il les prit à l'heure, que pour tenir tout gaigné, ils commençoient à se desordonner, il en vint aisément à bout, & cela fait se mit à poursuiure Machanidas. Ce cas est germain à celuy de Monsieur de Guise. En cette aspre bataille d'Agésilas contre les Bœotiens, que Xenophon qui y estoit, dit estre la plus rude qu'il eust oncques veu, Agésilas refusa l'avantage que fortune luy presentoit, de laisser passer le bataillon des Bœotiens, & les charger en queue, quelque certaine victoire qu'il en preuist, estimant qu'il y auoit plus d'art que de vaillance; & pour montrer sa prouësse d'une merueilleuse ardeur de courage, choisit plustost de leur donner en teste : mais aussi fut-il bien battu & blessé, & contraint en fin de se demesler, & prendre le party qu'il auoit refusé au commencement, faisant ouurir ses gens, pour donner passage à ce torrent de Bœotiens : puis quand ils furent passez, prenant garde qu'ils marcheoyent en desordre, comme ceux qui cuidoyent bien estre hors de tout danger, il les fit suiure, & charger par les flancs : mais pour cela ne les peut-il tourner en fuite à val de route; ains se retirerent le petit pas, montrants tousiours les dents, iusques à ce qu'ils se furent rendus à sauueté.



Des noms.

CHAPITRE XLVI.



QUELQUE diuersité d'herbes qu'il y ait, tout s'enveloppe sous le nom de salade. De mesme, sous la consideration des noms, ie m'en voy faire icy vne galimafrée de diuers articles. Chaque nation a quelques noms qui se prennent, ie ne sçay comment, en mauuaise part : & à nous Iehan, Guillaume, Benoist. Item, il semble y auoir en la genealogie des Princes, certains noms fatalement affectez : comme des Ptolomées à ceux d'Ægypte, des Henrys en Angleterre, Charles en France, Baudoins en Flandres, & en nostre ancienne Aquitaine des Guillaumes, d'où lon dit que le nom de Guienne est venu : par vn froid rencontre, s'il n'en y auoit d'aussi cruds dans Platon mesme. Item, c'est vne chose legere, mais toutefois digne de memoire pour son estrangeté, & escripte par tesmoin oculaire, que Henry Duc de Normandie, fils de Henry second Roy d'Angleterre, faisant vn festin en France, l'assemblée de la Noblesse y fut si grande, que pour passe-temps, s'estant diuisée en bandes par la ressemblance des noms : en la premiere troupe qui fut des Guillaumes,

il se trouua cent dix Cheualiers assis à table portans ce nom, sans mettre en comte les simples Gentilshommes & seruiteurs. Il est autant plaissant de distribuer les tables par les noms des assistans, comme il estoit à l'Empereur Geta, de faire distribuer le seruice de ses mets, par la consideration des premieres lettres du nom des viandes : on seruoit celles qui se commençoient par m : mouton, marcassin, merlus, marsoin, ainsi des autres. Item, il se dit qu'il fait bon auoir bon nom, c'est à dire credit & reputation : mais encore à la verité est-il commode, d'auoir vn nom qui aisément se puisse prononcer & mettre en memoire : car les Roys & les grands nous en cognoissent plus aisément, & oublient plus mal volontiers ; & de ceux mesmes qui nous seruent, nous commandons plus ordinairement & employons ceux, desquels les noms se presentent le plus facilement à la langue. I'ay veu le Roy Henry second, ne pouuoir nommer à droit vn Gentil-homme de ce quartier de Gascongne ; & à vne fille de la Royne, il fut luy mesme d'aduis de donner le nom general de la race, par ce que celuy de la maison paternelle luy sembla trop diuers. Et Socrates estime digne du soing paternel, de donner vn beau nom aux enfans. Item, on dit que la fondation de nostre Dame la grand' à Poitiers, prit origine de ce qu'un ieune homme debauché, logé en cet endroit, ayant recouuré vne garce, & luy ayant d'arriuée demandé son nom, qui estoit Marie, se sentit si viuement espris de religion & de respect de ce nom sacrosainct de la Vierge mere de nostre Sauueur, que non seulement il la chassa soudain, mais en amanda tout le reste de sa vie : & qu'en consideration de ce miracle, il fut basti en la place, où estoit la maison de ce ieune

homme, vne chapelle au nom de nostre Dame, & depuis l'eglise que nous y voyons. Cette correction voyelle & auriculaire, deuotieuse, tira droit à l'ame : cette autre suiuite, de mesme genre, s'insinua par les sens corporels. Pythagoras estant en compagnie de ieunes hommes, lesquels il sentit complotter, eschauffez de la feste, d'aller violer vne maison pudique, commanda à la menestriere, de changer de ton : & par vne musique poissante, seuer, & spondaique, enchantà tout doucement leur ardeur, & l'endormit. Item, ne dira pas la posterité, que nostre reformation d'aujourd'huy ait esté delicate & exacte, de n'auoir pas seulement combattu les erreurs, & les vices, & rempli le monde de deuotion, d'humilité, d'obeissance, de paix, & de toute espee de vertu; mais d'auoir passé iusques à combattre ces anciens noms de nos baptesmes, Charles, Loys, François, pour peupler le monde de Mathusalem, Ezechiel, Malachie, beaucoup mieux sentans de la foy. Vn Gentil-homme mien voisin, estimant les commoditez du vieux temps au prix du nostre, n'oublioit pas de mettre en compte, la fierté & magnificence des noms de la Noblesse de ce temps là, Dom Grumedan, Quedragan, Agefilan, & qu'à les ouïr seulement sonner, il se sentoit qu'ils auoyent esté bien autres gens, que Pierre, Guillot, & Michel. Item, ie sçay bon gré à Iacques Amiot d'auoir laissé dans le cours d'un oraison François, les noms Latins tous entiers, sans les bigarrer & changer, pour leur donner vne cadence François. Cela sembloit vn peu rude au commencement : mais de ja l'vsage par le credit de son Plutarque, nous en a osté toute l'estrangeté. I'ay souhaité souuent, que ceux qui escriuent les histoires en Latin, nous laissent nos noms tous tels qu'ils sont : car en faisant

de Vaudemont, *Vallemontanus*, & les metamorphosant, pour les garber à la Grecque ou à la Romaine, nous ne sçauons où nous en sommes, & en perdons la cognoissance. Pour clorre nostre compte; c'est vn vilain vsage & de tres-mauuaise consequence en nostre France, d'appeller chacun par le nom de sa terre & Seigneurie, & la chose du monde, qui fait plus mesler & mescognoistre les races. Vn cadet de bonne maison, ayant eu pour son appanage vne terre, sous le nom de laquelle il a esté cognu & honoré, ne peut honnestement l'abandonner : dix ans apres sa mort, la terre s'en va à vn estranger, qui en fait de mesmes : deuinez où nous sommes, de la cognoissance de ces hommes. Il ne faut pas aller querir d'autres exemples, que de nostre maison Royale, où autant de partages, autant de surnoms : cependant l'originel de la tige nous est eschappé. Il y a tant de liberté en ces mutations, que de mon temps ie n'ay veu personne esleué par la fortune à quelque grandeur extraordinaire, à qui on n'ait attaché incontinent des tiltres genealogiques, nouueaux & ignorez à son pere, & qu'on n'ait anté en quelque illustre tige. Et de bonne fortune les plus obscures familles, sont plus idoynes à falsification. Combien auons nous de Gentils-hommes en France, qui sont de Royale race selon leurs comptes? plus ce crois-ie que d'autres. Fut-il pas dict de bonne grace par vn de mes amis? Ils estoient plusieurs assemblez pour la querelle d'un Seigneur, contre vn autre; lequel autre, auoit à la verité quelque prerogatiue de tiltres & d'alliances, esleuées au dessus de la commune Noblesse. Sur le propos de cette prerogatiue, chacun cherchant à s'esgaler à luy, alleguoit, qui vn'origine, qui vn'autre, qui la ressemblance du nom, qui des armes, qui vne vieille

pancharte domestique : & le moindre se trouuoit arriere-fils de quelque Roy d'outremer. Comme ce fut à dîner, cettuy-cy, au lieu de prendre sa place, se recula en profondes reuerences, suppliant l'assistance de l'excuser, de ce que par temerité il auoit iusques lors vescu avec eux en compagnon : mais qu'ayant esté nouuellement informé de leurs vieilles qualitez, il commençoit à les honnorer selon leurs degrez, & qu'il ne luy appartenoit pas de se soir parmy tant de Princes. Apres sa farce, il leur dit mille iniures : Contentez vous de par Dieu, de ce dequoy nos peres se font contentez : & de ce que nous sommes ; nous sommes assez si nous le sçauons bien maintenir : ne defaduouons pas la fortune & condition de noz ayeulx, & ostons ces fottes imaginations, qui ne peuuent faillir à quiconque a l'impudence de les alleguer. Les armoiries n'ont de seurte, non plus que les furnoms. Le porte d'azur semé de trefles d'or, à vne pate de lyon de mesme, armée de gueules, mise en face. Quel priuilege a cette figure, pour demeurer particulièrement en ma maison ? vn gendre la transportera en vne autre famille ; quelque chetif acheteur en fera ses premieres armes : il n'est chose où il se rencontre plus de mutation & de confusion. Mais cette consideration me tire par force à vn autre champ. Sondons vn peu de pres, & pour Dieu regardons, à quel fondement nous attachons cette gloire & reputation, pour laquelle se boulleuerse le monde : où asseons nous cette renommée, que nous allons questant avec si grand' peine ? C'est en somme Pierre ou Guillaume, qui la porte, prend en garde, & à qui elle touche. O la courageuse faculté que l'esperance : qui en vn subiect mortel, & en vn moment, va vsurpant l'infinité, l'immensité, & remplissant l'indigence de son maistre,

de la possession de toutes les choses qu'il peut imaginer & desirer, autant qu'elle veut ! Nature nous a là donné, vn plaissant iouët. Et ce Pierre ou Guillaume, qu'est-ce qu'une voix pour tous potages ? ou trois ou quatre traits de plume, premierement si aisez à varier, que ie demanderois volontiers à qui touche l'honneur de tant de victoires, à Guesquin, à Glesquin, ou à Gueaquin ? Il y auroit bien plus d'apparence icy, qu'en Lucien que *Σ. mit T.* en procez, car

*non leuia aut ludicra petuntur
Præmia :*

Il y va de bon ; il est question laquelle de ces lettres doit estre payée de tant de sieges, batailles, blessures, prisons & seruices faits à la couronne de France, par ce sien fameux Connestable. Nicolas Denifot n'a eu soing que des lettres de son nom, & en a changé toute la contexture, pour en bastir le Conte d'Alsinois qu'il a estrené de la gloire de sa poésie & peinture. Et l'historien Suetone n'a aymé que le sens du sien, & en ayant priué Lénis, qui estoit le surnom de son pere, a laissé Tranquillus successeur de la reputation de ses escrits. Qui croiroit que le Capitaine Bayard n'eust honneur, que celui qu'il a emprunté des faits de Pierre Terrail ? & qu'Antoine Escalin se laisse voler à sa veüe tant de navigations & charges par mer & par terre au Capitaine Poulin, & au Baron de la Garde ? Secondement ce sont traits de plume communs à mill' hommes. Combien y a-il en toutes les races, de personnes de mesme nom & surnom ? Et en diuerses races, siecles & pais, combien ? L'histoire a cognu trois Socrates, cinq Platons, huit Aristotes, sept Xenophons, vingt Demetrius,

vingt Theodores : & pensez combien elle n'en a pas cognu. Qui empesche mon palefrenier de s'appeller Pompée le grand ? Mais apres tout, quels moyens, quels reffors y a il qui attachent à mon palefrenier trespasfé, ou à cet autre homme qui eut la teste tranchée en Ægypte, & qui ioignent à eux, cette voix glorifiée, & ces traits de plume, ainfin honnorez, affin qu'ils s'en aduantagent ?

Id cinerem & manes credis curare sepultos ?

Quel reffentiment ont les deux compagnons en principale valeur entre les hommes : Epaminondas de ce glorieux vers, qui court tant de siecles pour luy en nos bouches,

Confiliis nostris laus est attrita Laconum :

& Africanus de cet autre,

*A sole exoriente, supra Mæotis paludes
Nemo est, qui fastis me æquiparare queat ?*

Les furuiuants se chatouillent de la douceur de ces voix : & par icelles solicitiez de ialousie & desir, transmettent inconsiderément par fantasie aux trespassez cettuy leur propre reffentiment : & d'une pipeuse esperance se donnent à croire d'en estre capables à leur tour. Dieu le sçait.

Toutesfois,

*ad hæc se
Romanus Graiûsque & Barbarus Induperator
Erexit, causas discriminis atque laboris
Inde habuit, tanto maior famæ fctis est, quàm
Virtutis.*



De l'incertitude de nostre iugement.

CHAPITRE XLVII.



'EST bien ce que dit ce vers,

Επίων δὲ πολλὸς νόμος ἔνθα καὶ ἔνθα.

il y a prou de loy de parler par
tout, & pour & contre.
Pour exemple :

*Vince Hannibal, & non seppe vsar' poi
Ben la vistoriosa sua ventura.*

Qui voudra estre de ce party, & faire valoir avecques nos gens, la faute de n'auoir dernièrement pourfuiuy nostre pointe à Moncontour; ou qui voudra accuser le Roy d'Espaigne, de n'auoir sceu se seruir de l'aduantage qu'il eut contre nous à Saint Quentin; il pourra dire cette faute partir d'une ame enyurée de sa bonne fortune, & d'un courage, lequel plein & gorgé de ce commencement de bon heur, perd le goust de l'accroistre, desja par trop empesché à digerer ce qu'il en a : il en a sa brassée toute comble, il n'en peut saisir dauantage : indigne que la fortune luy aye mis vn tel bien entre mains : car quel pro-

fit en sent-il, si neantmoins il donne à son ennemy moyen de se remettre sus? Quell' esperance peut-on auoir qu'il ose vn'autre fois attaquer ceux-cy ralliez & remis, & de nouveau armez de despit & de vengeance, qui ne les a osé ou sçeu poursuiure tous rompus & effrayez?

Dum fortuna calet, dum conficit omnia terror.

Mais en fin, que peut-il attendre de mieux, que ce qu'il vient de perdre? Ce n'est pas comme à l'es-crime, où le nombre des touches donne gain : tant que l'ennemy est en pieds, c'est à recommencer de plus belle : ce n'est pas victoire, si elle ne met fin à la guerre. En cette escarmouche où Cæsar eut du pire pres la ville d'Oricum, il reprochoit aux soldats de Pompeius, qu'il eust esté perdu, si leur Capitaine eust sçeu vaincre : & luy chaussa bien autrement les esperons, quand ce fut à son tour. Mais pourquoi ne dira-on aussi au contraire? que c'est l'effect d'un esprit precipiteux & infatiable, de ne sçauoir mettre fin à sa conuoitise : que c'est abuser des faueurs de Dieu, de leur vouloir faire perdre la mesure qu'il leur a prescrite : & que de se reietter au danger apres la victoire, c'est la remettre encore un coup à la mercy de la fortune : que l'une des plus grandes sagessees en l'art militaire, c'est de ne pousser son ennemy au desespoir. Sylla & Marius en la guerre sociale ayans défait les Marfes, en voyans encore une troupe de reste, qui par desespoir se reuenoient ietter à eux, comme bestes furieuses, ne furent pas d'aduies de les attendre. Si l'ardeur de Monsieur de Foix ne l'eust emporté à poursuiure trop asprement les restes de la victoire de Rauenne, il ne l'eust pas souillée

de sa mort. Toutesfois encore seruit la recente memoire de son exemple, à conseruer Monsieur d'Anguien de pareil inconuenient, à Serifoles. Il fait dangereux assaillir vn homme, à qui vous auez osté tout autre moyen d'eschapper que par les armes : car c'est vne violente maistresse d'escole que la necessité : *grauissimi sunt morsus irritatæ necessitatis.*

Vincitur hand gratis iugulo qui prouocat hostem.

Voyla pourquoy Pharax empescha le Roy de Lacedemone, qui venoit de gaigner la iournée contre les Mantineens, de n'aller affronter mille Argiens, qui estoient eschappez entiers, de la desconfiture : ains les laisser couler en liberté, pour ne venir à essayer la vertu picquée & despittée par le malheur. Clodomire Roy d'Aquitaine, apres sa victoire, poursuuiant Gondemar Roy de Bourgongne vaincu & fuyant, le força de tourner teste, mais son opiniaistreté luy osta le fruit de sa victoire, car il y mourut.

Pareillement qui auroit à choisir ou de tenir ses soldats richement & somptueusement armez, ou armez seulement pour la necessité : il se presenteroit en faueur du premier party, duquel estoit Sertorius, Philopœmen, Brutus, Cæsar, & autres, que c'est tousiours vn éguillon d'honneur & de gloire au soldat de se voir paré, & vn'occasion de se rendre plus obstiné au combat, ayant à sauuer ses armes, comme ses biens & heritages. Raïson, dit Xenophon, pourquoy les Asiatiques menoyent en leurs guerres, femmes, concubines, avec leurs ioyaux & richesses plus cheres. Mais il s'offriroit aussi de l'autre part, qu'on doit plustost oster au soldat le soing de se conseruer, que de le luy accroistre : qu'il craindra par ce moyen

doublément à se hasarder : ioint que c'est augmenter à l'ennemy l'enuie de la victoire, par ces riches despoilles : & a lon remarqué que d'autres fois cela encouragea merueilleusement les Romains à l'encontre des Samnites. Antiochus montrant à Hannibal l'armée qu'il preparoit contr' eux pompeuse & magnifique en toute sorte d'equippage, & luy demandant. Les Romains se contenteront-ils de cette armée? S'ils s'en contenteront? respondit-il, vrayement ouy, pour auares qu'ils soyent. Lycurgus deffendoit aux siens non seulement la sumptuosité en leur equippage, mais encore de despoiller leurs ennemis vaincus, voulant, disoit-il, que la pauureté & frugalité reluifist avec le reste de la bataille.

Aux sieges & ailleurs, où l'occasion nous approche de l'ennemy, nous donnons volontiers licence aux soldats de le brauer, desdaigner, & iniurier de toutes façons de reproches : & non sans apparence de raison. Car ce n'est pas faire peu, de leur oster toute esperance de grace & de composition, en leur representant qu'il n'y a plus ordre de l'attendre de celuy, qu'ils ont si fort outragé, & qu'il ne reste remede que de la victoire. Si est-ce qu'il en mesprit à Vitellius : car ayant affaire à Othon, plus foible en valeur de soldats, des-accoustumez de longue main du faict de la guerre, & amollis par les delices de la ville, il les agassa tant en fin, par ses paroles piquantes, leur reprochant leur pusillanimité, & le regret des Dames & festes, qu'ils venoient de laisser à Rome, qu'il leur remit par ce moyen le cœur au ventre, ce que nuls enhortemens n'auoient sceu faire : & les attira luy-mesme sur ses bras, où lon ne les pouuoit pousser. Et de vray, quand ce sont iniures qui touchent au vif, elles peuuent faire aisément,

que celuy qui alloit laschement à la besongne pour la querelle de son Roy, y aille d'une autre affection pour la sienne propre.

A considerer de combien d'importance est la conservation d'un chef en une armée, & que la visée de l'ennemy regarde principalement cette teste, à laquelle tiennent toutes les autres, & en dependent : il semble qu'on ne puisse mettre en doute ce conseil, que nous voyons avoir esté pris par plusieurs grands chefs, de se traire & desguiser sur le point de la meslée. Toutesfois l'inconvenient qu'on encourt par ce moyen, n'est pas moindre que celuy qu'on pense fuir : car le Capitaine venant à estre mescognu des siens, le courage qu'ils prennent de son exemple & de sa presence, vient aussi quant & quant à leur faillir ; & perdant la veüe de ses marques & enseignes accoustumées, ils le iugent ou mort, ou s'estre desrobé desesperant de l'affaire. Et quant à l'experience, nous luy voyons favoriser tantost l'un tantost l'autre party. L'accident de Pyrrhus en la bataille qu'il eut contre le Consul Leuinus en Italie, nous sert à l'un & l'autre visage : car pour s'estre voulu cacher sous les armes de Demogacles, & luy avoir donné les siennes, il fauva bien sans doute sa vie, mais aussi il en cuida encourir l'autre inconvenient de perdre la journée. Alexandre, Cæsar, Lucullus, aimoient à se marquer au combat par des accoustremens & armes riches, de couleur reluisante & particuliere : Agis, Agesilaus, & ce grand Gilippus au rebours, alloient à la guerre obscurément couverts, & sans attour imperial.

A la bataille de Pharsale entre autres reproches qu'on donne à Pompeius, c'est d'avoir arresté son armée pied coy attendant l'ennemy : pour autant que

cela (ie def-roberay icy les mots mesmes de Plutarque, qui valent mieux que les miens) affoiblir la violence, que le courir donne aux premiers coups, & quant & quant oste l'eslancement des combattans les vns contre les autres, qui a accoustumé de les remplir d'impetuosité, & de fureur, plus qu'autre chose, quand ils viennent à s'entrechocquer de roideur, leur augmentant le courage par le cry & la course : & rend la chaleur des soldats en maniere de dire refroidie & figée. Voyla ce qu'il dir pour ce rolle. Mais si Cæsar eust perdu, qui n'eust peu aussi bien dire, qu'au contraire, la plus forte & roide assiette, est celle en laquelle on se tient planté sans bouger, & que qui est en sa marche arresté, resserrant & espargnant pour le besoing, sa force en soy-mesmes, a grand aduantage contre celui qui est esbranlé, & qui a desia consommé à la course la moitié de son haleine ? outre ce que l'armée estant vn corps de tant de diuerses pieces, il est impossible qu'elle s'esmeue en cette furie, d'un mouuement si iuste, qu'elle n'en altere ou rompe son ordonnance : & que le plus disposé ne soit aux prises, auant que son compagnon le secoure. En cette villaine bataille des deux freres Perfes, Clearchus Lacedemonien, qui commandoit les Grecs du party de Cyrus, les mena tout bellement à la charge, sans se haster : mais à cinquante pas pres, il les mit à la course : esperant par la briueté de l'espace, mesnager & leur ordre, & leur haleine : leur donnant cependant l'auantage de l'impetuosité, pour leurs personnes, & pour leurs armes à trait. D'autres ont réglé ce doubte en leur armée de cette maniere : Si les ennemis vous courent fus, attendez les de pied coy : s'ils vous attendent de pied coy, courez leur fus.

Au passage que l'Empereur Charles cinquiesme fit en Prouence, le Roy François fut au propre d'eslire, ou de luy aller au deuant en Italie, ou de l'attendre en ses terres : & bien qu'il considérast combien c'est d'avantage, de conseruer sa maison pure & nette des troubles de la guerre, afin qu'entiere en ses forces, elle puisse continuellement fournir deniers, & secours au befoing : que la necessité des guerres porte à tous les coups, de faire le gast, ce qui ne se peut faire bonnement en nos biens propres, & si le païsant ne porte pas si doucement ce rauage de ceux de son party, que de l'ennemy, en maniere qu'il s'en peut aysément allumer des seditions, & des troubles parmy nous : que la licence de desrober & piller, qui ne peut estre permise en son païs, est vn grand support aux ennuis de la guerre : & qui n'a autre esperance de gain que sa solde, il est mal aisé qu'il soit tenu en office, estant à deux pas de sa femme & de sa retraicte : que celuy qui met la nappe, tombe tousiours des despens : qu'il y a plus d'allegresse à assaillir qu'à deffendre : & que la secousse de la perte d'une bataille dans nos entrailles, est si violente, qu'il est malaisé qu'elle ne croulle tout le corps, attendu qu'il n'est passion contagieuse, comme celle de la peur, ny qui se prenne si aisément à credit, & qui s'espande plus brusquement : & que les villes qui auront ouy l'esclat de cette tempeste à leurs portes, qui auront recueilly leurs Capitaines & soldats tremblans encore, & hors d'haleine, il est dangereux sur la chaude, qu'ils ne se iettent à quelque mauuais party : Si est-ce qu'il choisit de r'appeller les forces qu'il auoit delà les monts, & de voir venir l'ennemy. Car il peut imaginer au contraire, qu'estant chez luy & entre ses amis, il ne pouuoit faillir d'auoir planté

de toutes commoditez, les riuieres, les passages à sa deuotion, luy conduiroient & viures & deniers, en toute seureté & sans besoing d'escorte : qu'il auroit ses subiects d'autant plus affectionnez, qu'ils auroient le danger plus pres : qu'ayant tant de villes & de barrieres pour sa seureté, ce seroit à luy de donner loy au combat, selon son opportunité & aduantage : & s'il luy plaisoit de temporiser, qu'à l'abry & à son aise, il pourroit voir morfondre son ennemy, & se deffaire soy mesme, par les difficultez qui le combattroyent engagé en vne terre contraire, où il n'auroit deuant ny derriere luy, ny à costé, rien qui ne luy fist guerre : nul moyen de rafraichir ou d'esslargir son armée, si les maladies s'y mettoient, ny de loger à couuert ses bleffez ; nuls deniers, nuls viures, qu'à pointe de lance ; nul loisir de se reposer & prendre haleine ; nulle science de lieux, ny de pays, qui le sceust deffendre d'embusches & surprises : & s'il venoit à la perte d'une bataille, aucun moyen d'en sauuer les reliques. Et n'auoit pas faute d'exemples pour l'un & pour l'autre party. Scipion trouua bien meilleur d'aller assaillir les terres de son ennemy en Afrique, que de deffendre les siennes, & le combattre en Italie où il estoit ; d'où bien luy print. Mais au rebours Hannibal en cette mesme guerre, se ruina, d'auoir abandonné la conqueste d'un pays estrange, pour aller deffendre le sien. Les Atheniens ayans laissé l'ennemy en leurs terres, pour passer en la Sicile, eurent la fortune contraire : mais Agathocles Roy de Syracuse l'eut fauorable, ayant passé en Afrique, & laissé la guerre chez soy. Ainsi nous auons bien accoustumé de dire avec raison, que les euenemens & issuës dependent, notamment en la guerre, pour la plus part, de la fortune : laquelle ne

se veut pas renger & assuiettir à nostre discours & prudence, comme disent ces vers,

*Et malè consultis pretium est, prudentia fallax,
Nec fortuna probat causas sequiturque merentes :
Sed vaga per cunctos nullo discrimine fertur.
Scilicet est aliud quod nos cogâtque regâtque
Maius, & in proprias ducat mortalia leges.*

Mais à le bien prendre, il semble que nos conseils & deliberations en despendent bien autant; & que la fortune engage en son trouble & incertitude, aussi nos discours. Nous raisonnons hazardeusement & temerairement, dit Timæus en Platon, par ce que, comme nous, noz discours ont grande participation à la temerité du hazard.





Des Destriers.

CHAPITRE XLVIII.



È voicy deuenü grammairien, moy qui n'apprins iamais langue, que par routine; & qui ne ſçay encore que c'eſt d'adieſtif, con-iunſtif, & d'ablatif. Il me ſemble auoir ouy dire que les Romains auoient des cheuaux qu'ils appel-loient *funales*, ou *dextrarios*, qui ſe menoient à dextre ou à relais, pour les prendre tous fraiz au beſoin : & de là vient que nous appellons deſtriers les che-uaux de ſeruice. Et noz romans diſent ordinaire-ment, adeſtrer, pour accompagner. Ils appelloient auſſi *deſultorios equos*, des cheuaux qui eſtoient dref-ſez de façon que courans de toute leur roideur, accouplez coſte à coſte l'vn de l'autre, ſans bride, ſans ſelle, les Gentils-hommes Romains, voire tous armez, au milieu de la courſe ſe iettoient & reiettoient de l'vn à l'autre. Les Numides gendarmes menoient en main vn ſecond cheual, pour changer au plus chaud de la meſlée : *quibus, deſultorum in modum, binos trahentibus equos, inter acerrimam ſæpe pugnam in recentem equum ex feſſo armatis tranſſultare, mos erat. Tanta velocitas ipſis, tamque docile equorum*

genus ! Il se trouue plusieurs cheuaux dressez à se-courir leur maistre, courir sus à qui leur presente vne espée nue ; se ietter des pieds & des dents sur ceux qui les attaquent & affrontent : mais il leur aduient plus souuent de nuire aux amis, qu'aux ennemis. Ioint que vous ne les desprenez pas à vostre poste quand ils se sont vne fois harpez ; & demeurez à lamisericorde de leur combat. Il mesprintlourdement à Artibius general de l'armée de Perse combattant contre Onesilus Roy de Salamine, de personne à personne ; d'estre monté sur vn cheual façonné en cette escole : car il fut cause de sa mort, le coustiller d'Onesilus l'ayant accueilly d'une faulx, entre les deux espauls, comme il s'estoit cabré sur son maistre. Et ce que les Italiens disent, qu'en la bataille de Fornuoue, le cheual du Roy Charles se deschargea à ruades & pennades des ennemis qui le pressoyent, qu'il estoit perdu sans cela : ce fut vn grand coup de hazard, s'il est vray. Les Mammelus se vantent, d'auoir les plus adroits cheuaux, de gensdarmes du monde. Que par nature, & par coustume, ils sont faits à cognoistre & distinguer l'ennemy, sur qui il faut qu'ils se ruent de dents & de pieds, selon la voix ou signe qu'on leur fait. Et pareillement, à releuer de la bouche les lances & dards emmy la place, & les offrir au maistre, selon qu'il le commande. On dit de Cæsar, & aussi du grand Pompeius, que parmy leurs autres excellentes qualitez, ils estoient fort bons hommes de cheual : & de Cæsar, qu'en sa ieunesse monté à dos sur vn cheual, & sans bride, il luy faisoit prendre carriere les mains tournées derriere le dos. Comme nature a voulu faire de ce personnage, & d'Alexandre deux miracles en l'art militaire, vous diriez qu'elle s'est aussi efforcée à les armer extraordinairement : car chacun

ſçait, du cheual d'Alexandre Bucefal, qu'il auoit la teſte retirant à celle d'un toreau, qu'il ne ſe ſouffroit monter à perſonne qu'à ſon maître, ne peut eſtre dreſſé que par luy meſme, fut honoré apres ſa mort, & vne ville baſtie en ſon nom. Cæſar en auoit auſſi un autre qui auoit les pieds de deuant comme un homme, ayant l'ongle coupée en forme de doigts, lequel ne peut eſtre monté ny dreſſé que par Cæſar, qui dedia ſon image apres ſa mort à la deeſſe Venus. Ie ne demonte pas volontiers quand ie ſuis à cheual : car c'eſt l'aſſiette, en laquelle ie me trouue le mieux & ſain & malade. Platon la recommande pour la ſanté : auſſi dit Pline qu'elle eſt ſalutaire à l'eſtomach & aux iointures. Pourſuiuons donc, puis que nous y ſommes. On lit en Xenophon la loy deſſendant de voyager à pied, à homme qui euſt cheual. Troguſ & Iuſtinus diſent que les Parthes auoient accouſtumé de faire à cheual, non ſeulement la guerre, mais auſſi tous leurs affaires publiques & priez, marchander, parlementer, s'entretenir, & ſe promener : & que la plus notable difference des libres, & des ſerfs parmy eux, c'eſt que les vns vont à cheual, les autres à pied : institution née du Roy Cyrus. Il y a pluſieurs exemples en l'hiſtoire Romaine, & Suetone le remarque plus particulièrement de Cæſar, des Capitaines qui commandoient à leurs gens de cheual de mettre pied à terre, quand ils ſe trouuoient preſez de l'occafion, pour oſter aux ſoldats toute eſperance de fuite, & pour l'aduantage qu'ils eſperoient en cette ſorte de combat : *Quo haud dubiè ſuperat Romanus*, dit Tite Liue. Si eſt-il, que la premiere prouiſion, dequoy ils ſe ſeruoient à brider la rebellion des peuples de nouuelle conquête, c'eſtoit leur oſter armes & cheuaux. Pourtant voyons nous ſi

souvent en Cæsar : *arma proferri, iumenta produci, obfides dari iubet*. Le grand Seigneur ne permet aujourd'huy ny à Chrestien, ny à Iuif, d'auoir cheual à foy, sous son empire. Noz ancestres, & notamment du temps de la guerre des Anglois, és combats solennels & iournées assignées, se mettoient la plus part du temps tous à pied, pour ne se fier à autre chose qu'à leur force propre, & vigueur de leur courage, & de leurs membres, de chose si chere que l'honneur & la vie. Vous engagez, quoy qu'en die Chrysanthès en Xenophon, vostre valeur & vostre fortune, à celle de vostre cheual, ses playes & sa mort tirent la vostre en consequence, son effray ou sa fougue vous rendent ou temeraire ou lasche : s'il a faute de bouche ou d'esperon, c'est à vostre honneur à en respondre. A cette cause ie ne trouue pas estrange, que ces combats là fussent plus fermes, & plus furieux que ceux qui se font à cheual,

*cedebant pariter, pariterque ruebant
Victores victique, neque his fuga nota, neque illis.*

Leurs batailles se voyent bien mieux contestées : ce ne font à cette heure que routes : *primus clamor atque impetus rem decernit*, Et chose que nous appellons à la societé d'un si grand hazard, doit estre en nostre puissance le plus qu'il se peut. Comme ie conseileroiy de choisir les armes les plus courtes, & celles dequoy nous nous pouuons le mieux respondre. Il est bien plus apparent de s'asseurer d'une espée que nous tenons au poing, que du boulet qui eschappe de nostre pistole, en laquelle il y a plusieurs pieces, la poudre, la pierre, le rouët, desquelles la moindre qui vienne à faillir, vous fera faillir vostre fortune.

On assène peu leurement le coup, que l'air vous conduit,


*Et quò ferre velint permistere vulnera vensis,
Ensis habet vires, & gens quæcunque virorum est,
Bella gerit gladius.*

Mais quant à cett'arme-là, i'en parleray plus ample-
ment, où ie feray comparaison des armes anciennes
aux nostres : & sauf l'estonnement des oreilles, à
quoy deormais chacun est appriuoisé, ie croy que
c'est vn'arme de fort peu d'effect, & espere que nous
en quitterons vn iour l'vsage. Celle dequoy les
Italiens se seruoient de ier, & à feu, estoit plus
effroyable. Ils nommoient *Phalarica*, vne certaine
espece de iaueline, armée par le bout, d'un fer de
trois pieds, affin qu'il peust percer d'outre en outre
vn homme armé : & se lançoit tantost de la main,
en la campagne, tantost à tout des engins pour des-
fendre les lieux assiegez : la hante reuestue d'estoupe
empoixée & huilée, s'enflammoit de sa course :
& s'attachant au corps, ou au bouclier, estoit tout
vsage d'armes & de membres. Toutesfois il me semble
que pour venir au ioindre, elle portoit aussi empef-
chement à l'assaillant, & que le champ ionché de ces
tronçons brullants, produisoit en la meslée vne com-
mune incommodité.

*magnum fridens contorta Phalarica venit
Fulminis ætæa modo.*

Ils auoyent d'autres moyens, à quoy l'vsage les dresseoit,
& qui nous semblent incroyables par inexpérience :
par où ils suppleoyent au deffaut de nostre poudre

& de noz boulets. Ils dardoyent leurs piles, de telle roideur, que souuent ils en enfiloient deux boucliers & deux hommes armés, & les coufoient. Les coups de leurs fondes n'estoient pas moins certains & loingtains : *saxis globosis funda, mare apertum incessentes: coronas modici circuli magno ex interuallo loci affueti traijcere: non capita modò hostium vulnerabant, sed quem locum destinassent.* Leurs pieces de batterie representoient, comme l'effect, aussi le tintamarre des nostres : *ad ictus manium cum terribili sonitu editos, pavor & trepidatio capit.* Les Gaulois noz coufins en Asie, haïssoient ces armes traistresses, & volantes : duits à combattre main à main avec plus de courage. *Non tam patentibus plagis mouentur, ubi latior quàm altior plaga est, etiam gloriosius se pugnare putant: ijdem quum aculeus sagittæ aut glandis abditæ introrsus tenui vulnere in speciem vrit: tum in rabiem & pudorem tam parua perimentis pestis versi, prosterunt corpora humi.* Peinture bien voisine d'une arquebuse. Les dix mille Grecs, en leur longue & fameuse retraite, rencontrerent vne nation, qui les endommagea merueilleusement à coups de grands arcs & forts, & des sagettes si longues, qu'à les reprendre à la main on les pouuoit reietter à la mode d'un dard, & perçoient de part en part un bouclier & un homme armé. Les engiens que Dionysius inuenta à Syracuse, à tirer des gros traits massifs, & des pierres d'horrible grandeur, d'une si longue volée & impetuosité, representoient de bien pres nos inuentions. Encore ne faut-il pas oublier la plaisante assiette qu'auoit sur sa mule un maistre Pierre Pol Docteur en Theologie, que Monstrelet recite auoir accoustumé se promener par la ville de Paris, assis de costé comme les femmes. Il dit aussi ailleurs, que les Gascons



combattre à pied,
de ne bouger ce l
recourent prompte
leur coustume, il n
d'vser de selles & t
en vsent : de manie
ne craignent pas d'e
admiré autresfois, c
nier à toutes mains,
lée sur ses oreilles, e
se seruoient de leurs

*Et gens quæ nudæ
Ora leui flectit, f.*

Et Numidæ infra.

*Equi sine franis, de
uice & extento capiti*
celuy qui dressa en E
de la Bande, ou de
autres regles, de ne
peine d'un marc d'arg
d'apprendre dans les l
ceux qui les ont appell
bien autre que celuy c

teian leur Prince, affectent pour la dignité & pompe, de monter des grandes mules. Xenophon recite que les Assyriens tenoient tousiours leurs cheuaux entrauez au logis, tant ils estoient fascheux & farouches : & qu'il falloit tant de temps à les destacher & harnacher, que, pour que cette longueur ne leur apportast dommage s'ils venoient à estre en desordre surprins par les ennemis, ils ne logeoient iamais en camp, qui ne fust fossoyé & remparé. Son Cyrus, si grand maistre au faiët de cheualerie, mettoit les cheuaux de son escot : & ne leur faisoit bailler à manger, qu'ils ne l'eussent gaigné par la sueur de quelque exercice. Les Scythes, où la necessité les pressoit en la guerre, tiroient du sang de leurs cheuaux, & s'en abbreuuoient & nourrissoient,

Venit & epoto Sarmata passus equo.

Ceux de Crotte assiegez par Metellus, se trouuerent en telle disette de tout autre breuuage, qu'ils eurent à se seruir de l'vrine de leurs cheuaux. Pour verifier, combien les armées Turquesques se conduisent & maintiennent à meilleure raison, que les nostres : ils disent, qu'outre ce que les soldats ne boient que de l'eau, & ne mangent que riz & de la chair salée mise en poudre, dequoy chacun porte aisément sur soy prouision pour vn moys, ils sçauent aussi viure du sang de leurs cheuaux, comme les Tartares & Moscouites, & le font. Ces nouueaux peuples des Indes, quand les Espagnols y arriuerent, estimerent tant des hommes que des cheuaux, que ce fussent, ou Dieux ou animaux, en noblesse au dessus de leur nature. Aucuns apres auoir esté vaincus, venans de-mander paix & pardon aux hommes, & leur appor-

ter de l'or & des viandes, ne faillirent d'en aller autant offrir aux cheuaux, avec vne toute pareille harangue à celle des hommes, prenans leur hannissement, pour langage de composition & de trefue. Aux Indes de deçà, c'estoit anciennement le principal & royal honneur de cheuaucher vn elephant, le second d'aller en coche, trainé à quatre cheuaux, le tiers de monter vn chameau, le dernier & plus vil degré, d'estre porté ou charrié par vn cheual seul. Quelcun de nostre temps, escrit auoir veu en ce climat là, des païs, où on cheuauche les bœufs, avec bastines, estriers & brides, & s'estre bien trouué de leur porture. Quintus Fabius Maximus Rutilianus, contre les Samnites, voyant que ses gens de cheual à trois ou quatre charges auoient failly d'enfoncer le bataillon des ennemis, print ce conseil : qu'ils debriassent leurs cheuaux, & brochassent à toute force des esperons : si que rien ne les pouuant arrester, au trauers des armes & des hommes renuersez, ils ouvrissent le pas à leurs gens de pied, qui parfirent vne tres-sanglante deffaitte. Autant en commanda Quintus Fuluius Flaccus, contre les Celtiberiens : *Id cum maiore vi equorum facietis, si effrenatos in hostes equos immittitis : quod sæpe Romanos equites cum laude fecisse memoriæ pròditum est. Detractisque franis bis vltro citroque cum magna strage hostium, infractis omnibus hastis, transcurrerunt.* Le Duc de Moscovie deuoit anciennement cette reuerence aux Tartares, quand ils enuoioient vers luy des Ambassadeurs, qu'il leur alloit au deuant à pied, & leur presentoit vn gobeau de lait de iument, breuuage qui leur est en delices, & si en beuuant quelque goutte en tomboit sur le crin de leurs cheuaux, il estoit tenu de la lecher avec la langue. En Russie,

l'armée que l'Empereur Baiazet y auoit enuoyée, fut accablée d'un si horrible rauage de neiges, que pour s'en mettre à couuert, & sauuer du froid, plusieurs s'aduiferent de tuer & euentrer leurs cheuaux, pour se getter dedans, & iouyr de cette chaleur vitale. Baiazet apres cest aspre estour où il fut rompu par Tamburlan, se sauuoit belle erre sur vne jument Arabesque, s'il n'eust esté contrainct de la laisser boire son saoul, au passage d'un ruisseau : ce qui la rendit si flacque & refroidie, qu'il fut bien aisément apres acconsuiuy par ceux qui le poursuiuoient. On dit bien qu'on les lasche, les laissant pisser : mais le boire, i'eusse plustost estimé qu'il l'eust renforcée. Crœsus passant le long de la ville de Sardis, y trouua des pastis, où il y auoit grande quantité de serpents, desquels les cheuaux de son armée mangeoient de bon appetit : qui fut vn mauuais prodige à ses affaires, dit Herodote. Nous appellons vn cheual entier qui a crin & oreille, & ne passent les autres à la montre. Les Lacedemoniens ayant desfait les Atheniens, en la Sicile, retournans de la victoire en pompe en la ville de Syracuse, entre autres brauades, firent tondre les cheuaux vaincus, & les menerent ainsin en triomphe. Alexandre combatit vne nation, Dahas, ils alloient deux à deux armez à cheual à la guerre, mais en la mellée l'un descendoit à terre, & combatoient ore à pied, ore à cheual, l'un apres l'autre. Je n'estime point, qu'en suffisance, & en grace à cheual, nulle nation nous emporte. Bon homme de cheual, à l'vsage de nostre parler, semble plus regarder au courage qu'à l'adresse. Le plus sçauant, le plus seur, le mieux aduenant à mener vn cheual à raison, que i'aye cognu, fut à mon gré Monsieur de Carneualet, qui en seruoit nostre Roy

Henry second. l'ay veu homme donner carriere à deux pieds sur sa selle, demonter sa selle, & au retour la releuer, reaccommoder, & s'y rasseoir, fuyant tousiours à bride auallée : ayant passé par dessus vn bonnet, y tirer par derriere de bons coups de son arc : amasser ce qu'il vouloit, se iettant d'un pied à terre, tenant l'autre en l'estrier; & autres pareilles fingeries, dequoy il viuoit. On a veu de mon temps à Constantinople, deux hommes sur vn cheual, lesquels en sa plus roide course, se reiettoient à tours, à terre, & puis sur la selle. Et vn, qui seulement des dents, bridait & harnachait son cheual. Vn autre, qui entre deux cheuaux, vn pied sur vne selle, l'autre sur l'autre, portant vn second sur ses bras, piquoit à toute bride : ce second tout debout, sur luy, tirant en la course, des coups bien certains de son arc. Plusieurs, qui les iambes contre-mont, donnoient carriere, la teste plantee sur leurs selles, entre les pointes des simeterres attachez au harnois. En mon enfance le Prince de Sulmone à Naples, maniant vn rude cheual, de toute forte de maniemens, tenoit soubz ses genouz & soubz ses orteils des reales : comme si elles y eussent esté clouées : pour montrer la fermeté de son affiette.





Des coustumes anciennes.

CHAPITRE XLIX.



'EXCVSEROIS volontiers en nostre peuple de n'auoir autre patron & regle de perfection, que ses propres meurs & vsances : car c'est vn commun vice, non du vulgaire seulement, mais quasi de tous hommes, d'auoir leur visée & leur arrest, sur le train auquel ils sont nais. Je suis content, quand il verra Fabritius ou Lælius, qu'il leur trouue la contenance & le port barbare, puis qu'ils ne sont ni vestus ny façonnez à nostre mode. Mais ie me plains de sa particuliere indiscretion, de se laisser si fort piper & aueugler à l'autorité de l'vsage present, qu'il soit capable de changer d'opinion & d'adujs tous les mois, s'il plaist à la coustume : & qu'il iuge si diuersement de soy-mesme. Quand il portoit le busc de son pourpoint entre les mammelles, il maintenoit par viues raisons qu'il estoit en son vray lieu : quelques années apres le voyla aualé iusques entre les cuisses, il se moque de son autre vsage, le trouue inepte & insupportable. La façon de se vestir presente, luy fait incontinent condamner l'ancienne, d'une resolution si grande,

& d'un consentement si vniuersel, que vous diriez que c'est quelque espece de manie, qui luy tourneboule ainsi l'entendement. Par ce que nostre changement est si subit & si prompt en cela, que l'inuention de tous les tailleurs du monde ne sçauroit fournir assez de nouuelletez, il est force que bien souuent les formes mesprisées reuiennent en credit, & celles là mesmes tombent en mespris tantost apres; & qu'un mesme iugement prenne en l'espace de quinze ou vingt ans, deux ou trois, non diuerses seulement, mais contraires opinions, d'une inconstance & legereté incroyable. Il n'y a si fin entre nous, qui ne se laisse embabouiner de cette contradiction, & esbloüyr tant les yeux internes, que les externes insensiblement. Je veux icy entasser aucunes façons anciennes, que i'ay en memoire : les vnes de mesme les nostres, les autres differentes : à fin qu'ayant en l'imagination cette continuelle variation des choses humaines, nous en ayons le iugement plus esclaircy & plus ferme. Ce que nous disons de combatre à l'espée & la cape, il s'vloit encores entre les Romains, ce dit Cæsar, *sinistris sagos inuoluunt, gladiosque distringunt*. Et remarque dès lors en nostre nation ce vice, qui y est encore d'arrester les passans que nous rencontrons en chemin, & de les forcer de nous dire qui ils sont, & de recevoir à iniure & occasion de querelle, s'ils refusent de nous respondre. Aux bains que les anciens prenoient tous les iours auant le repas; & les prenoient aussi ordinairement que nous faisons de l'eau à lauer les mains, ils ne se lauoyent du commencement que les bras & les iambes, mais depuis, & d'une coustume qui a duré plusieurs siecles & en la plus part des nations du monde, ils se lauoyent tous nudz, d'eau

mixtionnée & parfumée : de maniere, qu'ils tenoient pour tesmoignage de grande simplicité de se lauer d'eau simple. Les plus affetez & delicatz se parfumoient tout le corps bien trois ou quatre fois par iour. Ils se faisoient souuent pincer tout le poil, comme les femmes Françoises ont pris en vſage depuis quelque temps, de faire leur front,

Quod pectus, quod crura tibi, quod brachia vellis,

quoy qu'ils eussent des oignemens propres à cela.

Pſilotro niſet, aut arida latet abdita creta.

Ils aymoient à se coucher mollement, & alleguent pour preuue de patience, de coucher sur le matelats. Ils mangeoyent couchez sur des lits, à peu pres en meſme aſſiete que les Turcs de noſtre temps.

Inde thoro pater Æneas ſic orſus ab alto.

Et dit on du ieune Caton que depuis la bataille de Pharſale, eſtant entré en dueil du mauuais eſtat des affaires publiques, il mangea touſiours aſſis, prenant vn train de vie auſtere. Ils baiſoyent les mains aux grands pour les honnorer & caeſſer. Et entre les amis, ils s'entrebaiſoyent en ſe ſaluant, comme font les Venitiens.

Gratatiſque darem cum dulcibus oſcula verbis.

Et touchoyent aux genoux, pour requerir & ſaluer vn grand. Paſiclez le Philoſophe, frere de Crates, au lieu de porter la main au genouil, la porta aux

genitoires. Celuy à qui il s'adressoit, l'ayant rudement repouffé, Comment, dit-il, cette partie n'est elle pas vostre, aussi bien que l'autre? Ils mangeoyent comme nous, le fruit à l'ysue de la table. Ils se torchoyent le cul (il faut laisser aux femmes cette vaine superstition des parolles) avec vne esponge : voyla pourquoy *spongia* est vn mot obscène en Latin : & estoit cette esponge attachée au bout d'un baston : comme tesmoigne l'histoire de celuy qu'on menoit pour estre présenté aux bestes, deuant le peuple, qui demanda congé d'aller à ses affaires, & n'ayant autre moyen de se tuer, il se fourra ce baston & esponge dans le gosier, & s'en estouffa. Ils s'essuyoyent le catze de laine parfumée, quand ils en auoyent fait,

At tibi nil faciam, sed lota mentula lana.

Il y auoit aux carrefours à Rome, des vaisseaux & demy-cuues, pour y apprester à pisser aux passans :

*Pusi saepe lacum propter, se ac dolia curta
Somno deuincti credunt extollere vestem.*

Ils faisoient collation entre les repas. Et y auoit en esté, des vendeurs de nege pour refrécher le vin : & en y auoit qui se seruoient de nege en hyuer, ne trouuans pas le vin encore lors assez froid. Les grands auoyent leurs eschançons & trenchans ; & leurs fols, pour leur donner du plaisir. On leur seruoit en hyuer la viande sur les foyers qui se portoyent sur la table : & auoyent des cuyfines portatiues, comme i'en ay veu, dans lesquelles tout leur seruice se traينوait apres eux.

*Has vobis epulas habete lauti,
Nos offendimur ambulante cæna.*

Et en esté ils faisoient souuent en leurs sales basses, couler de l'eau fresche & claire, dans des canaux au deffous d'eux, où il y auoit force poisson en vie, que les assistans choisissoient & prenoient en la main, pour le faire aprestier, chacun à sa poste. Le poisson a tousiours eu ce priuilege, comme il a encores, que les grans se messent de le sçauoir aprestier : aussi en est le goust beaucoup plus exquis, que de la chair, aumoins pour moy. Mais en toute sorte de magnificence, desbauche, & d'inuentions voluptueuses, de mollesse & de sumptuosité, nous faisons à la verité ce que nous pouuons pour les éгалer : car nostre volonté est bien aussi gâtée que la leur, mais nostre suffisance n'y peut arriuer : nos forces ne sont non plus capables de les ioindre, en ces parties là vitieuses, qu'aux vertueuses : car les vnes & les autres partent d'une vigueur d'esprit, qui estoit sans comparaison plus grande en eux qu'en nous. Et les ames à mesure qu'elles sont moins fortes, elles ont d'autant moins de moyen de faire ny fort bien, ny fort mal. Le haut bout d'entre eux, c'estoit le milieu. Le deuant & derriere n'auoient en escruiant & parlant aucune signification de grandeur, comme il se voit euidentement par leurs escrits : ils diront Oppius & Cæsar, aussi volontiers que Cæsar & Oppius : & diront moy & toy indifferemment, comme toy & moy. Voyla pourquoy j'ay autrefois remarqué en la vie de Flaminius de Plutarque François, un endroit, où il semble que l'auteur parlant de la ialousie de gloire, qui estoit entre les Ætoliens & les Romains, pour le gain d'une bataille qu'ils auoyent

obtenu en commun, face quelque poix de ce qu'aux chansons Grecques, on nommoit les *Ætoliens* auant les Romains, s'il n'y a de l'amphibologie aux mots François. Les Dames estans aux estuues, y receuoient quant & quant des hommes, & se seruoyent là mesme de leurs valets à les frotter & oindre.

*Inguina succinctus nigra tibi seruus aluta
Stat, quoties calidis nuda fouëris aquis.*

Elles se saupoudroyent de quelque poudre, pour reprimer les sueurs. Les anciens Gaulois, dit *Sidonius Apollinaris*, portoyent le poil long par le deuant, & le derriere de la teste tondu, qui est cette façon qui vient à estre renouuellée par l'vsage effeminé & lasche de ce siecle. Les Romains payoient ce qui estoit deu aux bateliers, pour leur naulage dez l'entrée du bateau, ce que nous faisons apres estre rendus à port.

*Dum as exigitur, dum mula ligatur,
Tota abit hora.*

Les femmes couchoyent au liët du costé de la ruelle : voyla pourquoy on appelloit *Cæsar*, *spondam Regis Nicomedis*. Ils prenoient aleine en beuuant. Ils baptisoient le vin,

*quis puer ocius
Restinguet ardentis falerni
Pocula prætereunte lymphæ?*

Et ces champisses contenance de nos laquais y estoient aussi.

*O Iane, à tergo quem nulla ciconia pinxit,
Nec manus auriculas imitata est mobilis albas,
Nec linguæ quantum fitiet canis Apula tantum.*

Les Dames Argiennes & Romaines portoyent le deuil blanc, comme les nostres auoient accoustumé, & deuroient continuer de faire, si i'en estois creu. Mais il y a des liures entiers faits sur cet argument.





De Democritus & Heraclitus.

CHAPITRE L.



Le iugement est vn vtil à tous subiects, & se mesle par tout. A cette cause aux Essais que i'en fay icy, i'y employe toute sorte d'occasion. Si c'est vn subiect que ie n'entende point, à cela mesme ie l'essaye, sondant le gué de bien loing, & puis le trouuant trop profond pour ma taille, ie me tiens à la riue. Et cette reconnoissance de ne pouuoir passer outre, c'est vn traict de son effect, ouy de ceux, dont il se vante le plus. Tantost à vn subiect vain & de neant, i'essaye voir s'il trouuera dequoy luy donner corps, & dequoy l'appuyer & l'estançonner. Tantost ie le promene à vn subiect noble & tracassé, auquel il n'a rien à trouuer de soy, le chemin en estant si frayé, qu'il ne peut marcher que sur la piste d'autrui. Là il fait son ieu à eslire la route qui luy semble la meilleure : & de mille sentiers, il dit que cettuy-cy, ou celuy là, a esté le mieux choisi. Je prends de la fortune le premier argument : ils me sont egalement bons : & ne des-seigne iamais de les traicter entiers. Car ie ne voy le tout de rien. Ne font pas, ceux qui nous pro-

mettent de nous le faire veoir. De cent membres & visages, qu'a chasque chose i'en prens vn, tantost à lecher seulement, tantost à effleurer : & par fois à pincer iusqu'à l'os. I'y donne vne poincte, non pas le plus largement, mais le plus profondement que ie sçay. Et aime plus souuent à les saisir par quelque lustre inusité. Je me hazarderoy de traiter à fons quelque matiere, si ie me connoissoy moins, & me trompois en mon impuissance. Semant icy vn mot, icy vn autre, eschantillons dépris de leur piece, escartez, sans dessein, sans promesse : ie ne suis pas tenu d'en faire bon, ny de m'y tenir moy-mesme, sans varier, quand il me plaist, & me rendre au doubte & incertitude, & à ma maistresse forme, qui est l'ignorance. Tout mouuement nous descouure. Cette mesme ame de Cæsar, qui se fait voir à ordonner & dresser la bataille de Pharsale, elle se fait aussi voir à dresser des parties oyssiues & amoureuses. On iuge vn cheual, non seulement à le voir manier sur vne carriere, mais encore à luy voir aller le pas, voire & à le voir en repos à l'estable. Entre les fonctions de l'ame, il en est de basses. Qui ne la void encor par là, n'acheue pas de la connoistre. Et à l'aduenture la remarque lon mieux où elle va son pas simple. Les vents des passions la prennent plus en ses hautes assiettes, ioint qu'elle se couche entiere sur chasque matiere & s'y exerce entiere ; & n'en traite iamais plus d'une à la fois : & la traite non selon elle, mais selon soy. Les choses à part elles, ont peut estre leurs poids & mesures, & conditions : mais au dedans, en nous, elle les leur taille comme elle l'entend. La mort est effroyable à Cicero, desirable à Caton, indifferente à Socrates. La santé, la conscience, l'au-

thorité, la science, la richesse, la beauté, & leurs contraires, se despouillent à l'entrée, & reçoivent de l'ame nouvelle vesture, & de la teinture qu'il luy plaist : brune, claire, verte, obscure : aigre, douce, profonde, superficielle : & qu'il plaist à chacune d'elles. Car elles n'ont pas verifié en commun leurs stiles, regles & formes : chacune est Royne en son estat. Parquoy ne prenons plus excuse des externes qualitez des choses : c'est à nous, à nous en rendre compte. Nostre bien & nostre mal ne tient qu'à nous. Offrons y nos offrandes & nos vœus, non pas à la fortune : elle ne peut rien sur nos mœurs : au rebours, elles l'entraînent à leur suite, & la moulent à leur forme. Pourquoy ne iugeray-ie d'Alexandre à table deuissant & beuvant d'autant ? Ou s'il manioit des eschecs, quelle corde de son esprit, ne touche & n'employe ce niais & puerile ieu ? Je le hay & fuy, de ce qu'il n'est pas assez ieu, & qu'il nous esbat trop serieusement ; ayant honte d'y fournir l'attention qui suffiroit à quelque bonne chose. Il ne fut pas plus embesoigné à dresser son glorieux passage aux Indes : ny cet autre à desnouër vn passage, duquel depend le salut du genre humain. Voyez combien nostre ame trouble cet amusement ridicule, si tous ses nerfs ne bandent. Combien amplement elle donne loy à chacun en cela, de se connoistre, & iuger droittement de soy. Je ne me voy & retaste, plus vniuersellement, en nulle autre posture. Quelle passion ne nous y exerce ? la cholere, le despit, la hayne, l'impatience : & vne vehemente ambition de vaincre, en chose, en laquelle il seroit plus excusable d'estre ambitieux d'estre vaincu. Car la precellence rare & au dessus du commun, messied à vn homme d'honneur, en chose friuole. Ce que ie dy en cet

exemple, se peut dire en tous autres. Chaque parcelle, chaque occupation de l'homme, l'accuse, & le montre également qu'un autre. Democritus & Heraclitus ont esté deux philosophes, desquels le premier trouvant vaine & ridicule l'humaine condition, ne sortoit en public, qu'avec un visage moqueur & riant : Heraclitus, ayant pitié & compassion de cette même condition nostre, en portoit le visage continuellement triste, & les yeux chargez de larmes.

Alter

*Ridebat quoties à limine mouerat vnum
Protulerátque pedem, flebat contrarius alter.*

L'ayme mieux la première humeur, non par ce qu'il est plus plaissant de rire que de pleurer : mais par ce qu'elle est plus desdaigneuse, & qu'elle nous condamne plus que l'autre : & il me semble, que nous ne pouuons iamais estre assez méprisez selon nostre mérite. La plainte & la commisération sont meslées à quelque estimation de la chose qu'on plaint : les choses dequoy on se moque, on les estime sans prix. Je ne pense point qu'il y ait tant de malheur en nous, comme il y a de vanité, ny tant de malice comme de sottise : nous ne sommes pas si pleins de mal, comme d'inanité : nous ne sommes pas si misérables, comme nous sommes vils. Ainsi Diogenes, qui baguenaudoit apart soy, roulant son tonneau, & hochant du nez le grand Alexandre, nous estimant des mouches, ou des vessies pleines de vent, estoit bien iuge plus aigre & plus poignant, & par conséquent, plus iuste à mon humeur que Timon, celui qui fut surnommé le haïsseur des hommes. Car ce qu'on hait, on le prend à cœur. Certuy-cy

nous fouhaitoit du mal, estoit passionné du desir de nostre ruine, fuioit nostre conuersation comme dangereuse, de meschans, & de nature deprauée : l'autre nous estimoit si peu, que nous ne pourrions ny le troubler, ny l'alterer par nostre contagion, nous laissoit de compagnie, non pour la crainte, mais pour le desdain de nostre commerce : il ne nous estimoit capables ny de bien ny de mal faire. De mesme marque fut la responce de Statilius, auquel Brutus parla pour le ioindre à la conspiration contre Cæsar : il trouua l'entreprinse iuste, mais il ne trouua pas les hommes dignes, pour lesquels on se mist aucunement en peine : conformément à la discipline de Hegesias, qui disoit, le sage ne deuoir rien faire que pour soy : d'autant que, seul il est digne, pour qui on face. Et à celle de Theodorus, que c'est iniustice, que le sage se hazarde pour le bien de son pais, & qu'il mette en peril la sagesse pour des fols. Nostre propre condition est autant ridicule, que risible.





De la vanité des paroles.

CHAPITRE LI.



N rhetoricien du temps passé, disoit que son mestier estoit, de choses petites les faire paroistre & trouuer grandes. C'est vn cordonnier qui sçait faire de grands fouliers à vn petit pied. On luy eust faict donner le fouët en Sparte, de faire profession d'un art piperesse & mensongere : & croy qu'Archidamus qui en estoit Roy, n'ouit pas sans estonnement la responce de Thucydidez, auquel il s'enqueroit, qui estoit plus fort à la luitte, ou Pericles ou luy : Cela, fit-il, seroit mal-aysé à verifier : car quand ie l'ay porté par terre en luitant, il persuade à ceux qui l'ont veu, qu'il n'est pas tombé, & le gaigne. Ceux qui masquent & fardent les femmes, font moins de mal : car c'est chose de peu de perte de ne les voir pas en leur naturel : là où ceux-cy font estat de tromper, non pas nos yeux, mais nostre iugement, & d'abastardir & corrompre l'essence des choses. Les republiques qui se sont maintenues en vn estat reglé & bien policé, comme la Cretense ou Lacedemonienne, elles n'ont pas faict grand compte d'orateurs. Ariston

definit sagement la rhétorique, science à persuader le peuple : Socrates, Platon, art de tromper & de flatter. Et ceux qui le nient en la générale description le vérifient par tout, en leurs preceptes. Les Mahometans en defendent l'instruction à leurs enfants, pour son inutilité. Et les Atheniens, s'aperceuvants combien son usage, qui avoit tout credit en leur ville, estoit pernicieux, ordonnerent, que sa principale partie, qui est, esmouvoir les affections, fust ostée, ensemble les exordes & perorations. C'est vn vtil inuenté pour manier & agiter vne tourbe, & vne commune desreglée : & est vtil qui ne s'employe qu'aux Estats malades, comme la medecine. En ceux où le vulgaire, où les ignorans, où tous ont tout peu, comme celuy d'Athenes, de Rhodes, & de Rome, & où les choses ont esté en perpetuelle tempeste, là ont afflué les orateurs. Et à la verité, il se void peu de personnages en ces republicues là, qui se soient poussez en grand credit sans le secours de l'eloquence : Pompeius, Cæsar, Crassus, Lucullus, Lentulus, Metellus, ont pris de là, leur grand appuy à se monter à cette grandeur d'autorité, où ils sont en fin arriuez : & s'en sont aydez plus que des armes, contre l'opinion des meilleurs temps. Car L. Volturnius parlant en public en faueur de l'election au Consulat, faite des personnes de Q. Fabius & P. Decius : Ce sont gents nays à la guerre, grands aux effects : au combat du babil, rudes : esprits vrayement consulaires. Les subtils, eloquents & sçavants, sont bons pour la ville, Preteurs à faire iustice, dit-il. L'eloquence a fleury le plus à Rome lors que les affaires ont esté en plus mauuais estat, & que l'orage des guerres civiles les agitoit ; comme vn champ libre & indompté porte les herbes plus

gaillardes. Il semble par là que les polices, qui dépendent d'un Monarque, en ont moins de besoin que les autres : car la bestise & facilité, qui se trouue en la commune, & qui la rend subiecte à estre maniée & contournée par les oreilles, au doux son de cette harmonie, sans venir à poiser & connoître la verité des choses par la force de raison ; cette facilité, dis-je, ne se trouue pas si aisément en vn seul, & est plus aisée de le garentir par bonne institution & bon conseil, de l'impression de cette poison. On n'a pas veu sortir de Macedoine ny de Perse, aucun orateur de renom. l'en ay dit ce mot, sur le subiect d'un Italien, que ie vien d'entretenir, qui a seruy le feu Cardinal Caraffe de maistre d'hostel iusques à sa mort. Je luy faisoys compter de sa charge. Il m'a fait vn discours de cette science de gueule, avec vne grauité & contenance magistrale, comme s'il m'eust parlé de quelque grand poinct de theologie. Il m'a dechiffré vne difference d'appetits : celui qu'on a à ieun, qu'on a apres le second & tiers seruice : les moyens tantost de luy plaire simplement, tantost de l'euiller & picquer : la police de ses sauces ; premierement en general, & puis particularisant les qualitez des ingrediens, & leurs effects : les differences des salades selon leur saison, celle qui doit estre reschauffée, celle qui veut estre seruie froide, la façon de les orner & embellir, pour les rendre encores plaisantes à la veüe. Apres cela il est entré sur l'ordre du seruice, plein de belles & importantes considerations.

*nec minimo sanè discrimine reffert
Quo gestu lepores, & quo gallina secetur.*

Et tout cela enflé de riches & magnifiques parolles :

& celles mesmes qu'on employe à traiter du gouvernement d'un Empire. Il m'est souvenu de mon homme,

*Hoc falsum est, hoc adustum est, hoc lautum est parum,
Illud rectè, iterum sic memento, sedulò
Moneo quæ possum pro mea sapientia.
Postremò tanquam in speculum, in patinas, Demea,
Inspicere iubeo, & moneo quid facto usus sit.*

Si est-ce que les Grecs mesmes louèrent grandement l'ordre & la disposition que Paulus Æmylius observa au festin, qu'il leur fit au retour de Macedoine : mais ie ne parle point icy des effects, ie parle des mots. Je ne sçay s'il en aduient aux autres comme à moy : mais ie ne me puis garder quand i'oy nos architectes, s'enfler de ces gros mots de pilastres, architraues, corniches d'ouillage Corinthien, & Dorique, & semblables de leur iargon, que mon imagination ne se faisisse incontinent du palais d'Apolidon, & par effect ie trouue que ce sont les chetives pieces de la porte de ma cuisine. Oyez dire metonymie, metaphore, allegorie, & autres tels noms de la grammaire, semble-il pas qu'on signifie quelque forme de langage rare & pellegrin ? ce sont titres qui touchent le babil de vostre chambriere. C'est vne pipeirie voisine à cette-cy, d'appeller les offices de nostre Estat, par les titres superbes des Romains, encore qu'ils n'ayent aucune ressemblance de charge, & encores moins d'autorité & de puissance. Et cette-cy aussi, qui seruira, à mon aduis, vn iour de reproche à nostre siecle, d'employer indignement à qui bon nous semble les surnoms les plus glorieux, dequoy l'ancienneté ait honoré vn ou deux personnages en

plusieurs siècles. Platon a emporté ce surnom de diuin, par vn consentement vniuersel, qu'aucun n'a essayé luy enuier : & les Italiens qui se vantent, & avecques raison, d'auoir communément l'esprit plus esueillé, & le discours plus sain que les autres nations de leur temps, en viennent d'estrener l'Aretin : auquel, sauf vne façon de parler bouffie & bouillonnée de pointes, ingenieuses à la verité, mais recherchées de loing, & fantastiques, & outre l'eloquence en fin, telle qu'elle puisse estre, ie ne voy pas qu'il y ait rien au dessus des communs auteurs de son siècle : tant s'en faut qu'il approche de cette diuinité ancienne. Et le surnom de Grand, nous l'attachons à des Princes, qui n'ont rien au dessus de la grandeur populaire.





De la parfimonie des anciens.

CHAPITRE LII.



UTILIVS Regulus, general de l'armée Romaine en Afrique, au milieu de sa gloire & de ses victoires contre les Carthaginois, escriuit à la chose publique, qu'un valet de labourage, qu'il auoit laissé seul au gouuernement de son bien, qui estoit en tout sept arpents de terre, s'en estoit enfuy, ayant desrobé ses vtils de labourage, & demandoit congé pour s'en retourner & y pouruoir, de peur que sa femme, & ses enfans n'en eussent à souffrir. Le Senat pourueut à commettre un autre à la conduite de ses biens, & luy fit restablir ce qui luy auoit esté desrobé, & ordonna que sa femme & enfans seroient nourris aux despens du public. Le vieux Caton reuenant d'Espagne Consul, vendit son cheual de seruice pour espargner l'argent qu'il eust cousté à le ramener par mer en Italie : & estant au gouuernement de Sardaigne, faisoit ses visitations à pied, n'ayant avec luy autre suite qu'un officier de la chose publique, qui luy portoit sa robbe, & un vase à faire des sacrifices : & le plus souuent il portoit sa male luy mesme. Il se vantoit de n'auoir

iamais eu robbe qui eust cousté plus de dix escus; ny auoir enuoyé au marché plus de dix sols pour vn iour : & de ses maisons aux champs, qu'il n'en auoit aucune qui fust crepie & enduite par dehors. Scipion *Æmylianus* apres deux triumphes & deux Consulats, alla en legation avec sept seruiteurs seulement. On tient qu'*Homere* n'en eut iamais qu'un, *Platon* trois; *Zenon* le chef de la secte *Stoique*, pas vn. Il ne fut taxé que cinq sols & demy pour iour, à *Tyberius Gracchus*, allant en commission pour la chose publique, estant lors le premier homme des Romains.





D'un mot de Casar.

CHAPITRE LIII.



I nous nous amusions par fois à nous considerer, & le temps que nous mettons à contreroller autrui, & à connoistre les choses qui sont hors de nous, que nous l'employissions à nous sonder nous mesmes, nous sentirions aisément combien toute cette nostre contexture est bastie de pieces foibles & defaillantes. N'est-ce pas vn singulier tesmoignage d'imperfection, ne pouuoir r'assoir nostre contentement en aucune chose, & que par desir mesme & imagination il soit hors de nostre puissance de choisir ce qu'il nous faut? Dequoy porte bon tesmoignage cette grande dispute, qui a tousiours esté entre les Philosophes, pour trouuer le souuerain bien de l'homme, & qui dure encores & durera eternellement, sans resolution & sans accord.

*dum abest quod auemus, id exuperare videtur
Cetera, post aliud cum contigit illud auemus,
Et fitis aqua tenes.*

Quoy que ce soit qui tombe en nostre connoissance

& iouïſſance, nous ſentons qu'il ne nous ſatisfait pas, & allons beant apres les choſes aduenir & inconnuës, d'autant que les preſentes ne nous ſoulent point. Non pas à mon aduis qu'elles n'ayent aſſez dequoy nous ſouler, mais c'eſt que nous les faiſiſſons d'une priſe malade & deſreglée.

*Nam cùm vidit hic ad uſum quæ flagitat uſus,
Omnia iam fermè mortalibus eſſe parata,
Diuitiis homines & honore & laude potentes
Afluere, atque bona natorum excellere fama,
Nec minus eſſe domi, cuiquam tamen anxia corda,
Atque animum infeſtis cogi ſeruire querelis :
Intellexit ibi vitium vas facere ipſum,
Omniâque illius vitio corrumpier intus
Quæ collata foris & commoda quæque venirent.*

Noſtre appetit eſt irrefolu & incertain : il ne ſçait rien tenir, ny rien iouyr de bonne façon. L'homme eſtimant que ce ſoit le vice de ces choſes qu'il tient, ſe remplit & ſe paiſt d'autres choſes qu'il ne ſçait point, & qu'il ne cognoiſt point, où il applique ſes deſirs & ſes eſperances, les prend en honneur & reuerence : comme dit Cæſar, *Communi fit vitio natura, ut inuiſis, latitantibus atque incognitis rebus magis confidamus, vehementiùſque exterreamur.*





Des vaines subtilitez.

CHAPITRE LIIII.



L est de ces subtilitez friuoles & vaines, par le moyen desquelles les hommes cherchent quelquefois de la recommandation : comme les poëtes, qui font des ouurages entiers de vers commençans par vne mesme lettre : nous voyons des œufs, des boules, des aïles, des haches façonnées anciennement par les Grecs, avec la mesure de leurs vers, en les alongeant ou accourfissant, en maniere qu'ils viennent à représenter telle, ou telle figure. Telle estoit la science de celuy qui s'amusa à compter en combien de sortes se pouuoient renger les lettres de l'alphabet, & y en trouua ce nombre incroyable, qui se void dans Plutarque. Je trouue bonne l'opinion de celuy, à qui on presenta vn homme, apris à ietter de la main vn grain de mil, avec telle industrie, que sans faillir, il le passoit tousiours dans le trou d'une esguille, & luy demanda lon apres quelque present pour loyer d'une si rare suffisance : surquoy il ordonna bien plaïsamment & iustement à mon aduis, qu'on fist donner à cet ouurier deux ou trois minots de mil, affin qu'un si bel art ne

demeuraſt ſans exercice. C'eſt vn teſmoignage merueilleux de la foibleſſe de noſtre iugement, qu'il recommande les choſes par la rareté ou nouuelleté, ou encore par la difficulté, ſi la bonté & vtilité n'y ſont ioinctes. Nous venons preſentement de nous iouer chez moy, à qui pourroit trouuer plus de choſes qui ſe tiſſent par les deux bouts extremes, comme, Sire, c'eſt vn tiltre qui ſe donne à la plus eſleuée perſonne de noſtre Eſtat, qui eſt le Roy, & ſe donne auſſi au vulgaire, comme aux marchans, & ne touche point ceux d'entre deux. Les femmes de qualité, on les nomme Dames, les moyennes Damoiſelles, & Dames encore celles de la plus baſſe marche. Les daiz qu'on eſtend ſur les tables, ne ſont permis qu'aux maiſons des Princes & aux tauernes. Democritus diſoit, que les Dieux & les beſtes auoient les ſentimens plus aiguz que les hommes, qui ſont au moyen eſtage. Les Romains portoient meſme accoutrement les iours de dueil & les iours de feſte. Il eſt certain que la peur extreme, & l'extreme ardeur de courage troublent également le ventre, & le laſchent. Le ſaubriquet de Tremblant, duquel le XII. Roy de Nauarre Sancho fut ſurnommé, apprend que la hardieſſe auſſi bien que la peur engendrent du tremouſſement aux membres. Ceux qui armoient ou luy ou quelque autre de pareille nature, à qui la peau friſſonoit, eſſayerent à le raſſeurer; appetiſſans le danger auquel il s'alloit ietter: Vous me cognoiſſez mal, leur dit-il: ſi ma chair ſçauoit iuſques où mon courage la portera tantotſt, elle ſe tranſiroit tout à plat. La foibleſſe qui nous vient de froideur, & deſgoutement aux exercices de Venus, elle nous vient auſſi d'un appetit trop vehement, & d'une chaleur deſreglée. L'extreme froideur & l'extreme chaleur

cuisent & rotissent. Aristote dit que les cueux de plomb se fondent, & coulent de froid, & de la rigueur de l'hyuer, comme d'une chaleur vehemente. Le desir & la fatieté remplissent de douleur les sieges au dessus & au dessous de la volupté. La bestise & la sagesse se rencontrent en mesme point de sentiment & de resolution à la souffrance des accidens humains : les sages gourmandent & commandent le mal, & les autres l'ignorent : ceux-cy sont, par maniere de dire, au deçà des accidens, les autres au delà : lesquels apres en auoir bien poisé & considéré les qualitez, les auoir mesurez & iugez tels qu'ils sont, s'essancent au dessus, par la force d'un vigoureux courage. Ils les desdaignent & foulent aux pieds, ayans une ame forte & solide, contre laquelle les traicts de la fortune venans à donner, il est force qu'ils reialissent & s'esmoussent, trouuans un corps dans lequel ils ne peuuent faire impression : l'ordinaire & moyenne condition des hommes, loge entre ces deux extremittez : qui est de ceux qui apperçoient les maux, les sentent, & ne les peuuent supporter. L'enfance & la decrepitude se rencontrent en imbecillité de cerueau. L'auarice & la profusion en pareil desir d'attirer & d'acquérir. Il se peut dire avec apparence, qu'il y a ignorance abecedaire, qui va deuant la science : une autre doctorale, qui vient apres la science : ignorance que la science fait & engendre, tout ainsi comme elle defait & destruit la premiere. Des esprits simples, moins curieux & moins instruits, il s'en fait de bons Chrestiens, qui par reuerence & obeissance, croient simplement, & se maintiennent sous les loix. En la moyenne vigueur des esprits, & moyenne capacité, s'engendre l'erreur des opinions : ils suiuent l'apparence du premier sens : & ont quelque tiltre

d'interpreter à niaiserie & bestise que nous soyons arrestez en l'ancien train, regardans à nous, qui n'y sommes pas instruits par estude. Les grands esprits plus rassis & clairuoyans, font vn autre genre de bien croyans : lesquels par longue & religieuse inuestigation, penetrent vne plus profonde & abstruse lumiere, és escritures, & sentent le mysterieux & diuin secret de nostre police ecclesiastique. Pourtant en voyons nous aucuns estre arriuez à ce dernier estage, par le second, avec merueilleux fruit, & confirmation : comme à l'extreme limite de la chrestienne intelligence : & iouyr de leur victoire avec consolation, action de graces, reformation de mœurs, & grande modestie. Et en ce rang n'entens-ie pas loger ces autres, qui pour se purger du soupçon de leur erreur passé, & pour nous aßeurer d'eux, se rendent extremes, indiscrets, & iniustes, à la conduite de nostre cause, & la tachent d'infinis reproches de violence. Les paisants simples, sont honnestes gents : & honnestes gents les Philosophes : ou, selon que nostre temps les nomme, des natures fortes & claires, enrichies d'une large instruction de sciences vtils. Les mestis, qui ont dedaigné le premier siege de l'ignorance des lettres, & n'ont peu ioindre l'autre, le cul entre deux selles (desquels ie suis, & tant d'autres) sont dangereux, ineptes, importuns : ceux-cy troublent le monde. Pourtant de ma part, ie me recule tant que ie puis, dans le premier & naturel siege, d'où ie me suis pour neant essayé de partir. La poésie populaire & purement naturelle, a des naïuetés & graces, par où elle se compare à la principale beauté de la poésie parfaite selon l'art : comme il se void és villanelles de Gasconne & aux chançons, qu'on nous rapporte des nations qui n'ont cognois-

fance d'aucune science, ny mesme d'escriture. La poësie mediocre, qui s'arreste entre deux, est desdaignée, sans honneur, & sans prix. Mais par ce qu'apres que le pas a esté ouuert à l'esprit, i'ay trouué, comme il aduient ordinairement, que nous auions pris pour vn exercice malaisé & d'un rare subiect, ce qui ne l'est aucunement, & qu'apres que nostre inuention a esté eschauffée, elle descouure vn nombre infiny de pareils exemples, ie n'en adiousteray que cettuy-cy : que si ces *Essays* estoient dignes, qu'on en iugeast, il en pourroit aduenir à mon aduis, qu'ils ne plairoient guere aux esprits communs & vulgaires, ny guere aux singuliers & excellens : ceux-là n'y entendraient pas assez, ceux-cy y entendraient trop : ils pourroient viuoter en la moyenne region.





Des Senteurs.

CHAPITRE LV.



Il se dit d'aucuns, comme d'Alexandre le grand, qu'il leur sueur espendoit un' odeur souefue, par quelque rare & extraordinaire complexion : dequoy Plutarque & autres recherchent la cause. Mais la commune façon des corps est au contraire : & la meilleure condition qu'ils ayent, c'est d'estre exempts de senteur. La douceur mesme des haleines plus pures, n'a rien de plus parfait, que d'estre sans aucune odeur, qui nous offense : comme sont celles des enfans bien sains. Voyla pourquoy dit Plaute,

Mulier tum benè olet, vbi nihil olet.

La plus exquisite senteur d'une femme, c'est ne sentir rien. Et les bonnes senteurs estrangères, on a raison de les tenir pour suspectes, à ceux qui s'en seruent, & d'estimer qu'elles soyent employées pour couvrir quelque defect naturel de ce costé-là. D'où naissent ces rencontres des poëtes anciens, c'est puir, que sentir bon.

*Rides nos Coracine nil olentes.
Malo quàm benè olere, nil olere.*

Et ailleurs,

Posthume non benè olet, qui benè semper olet.

I'ayme pourtant bien fort à estre entretenu de bonnes senteurs, & hay outre mesure les mauuaises, que ie tire de plus loing que toute autre :

*Namque sagacius vnus odoror,
Polypus, an grauis hirsutis cubet hircus in alis,
Quàm canis acer vbi lateat sus.*

Les senteurs plus simples & naturelles, me semblent plus agreables. Et touche ce soing principalement les dames. En la plus espesse barbarie, les femmes Scythés, apres s'estre lauées, se saupoudrent & encroustent tout le corps & le visage, de certaine drogue, qui naist en leur terroir, odoriferante. Et pour approcher les hommes, ayans osté ce fard, elles s'en trouuent & polies & parfumées. Quelque odeur que ce soit, c'est merueille combien elle s'attache à moy, & combien i'ay la peau propre à s'en abreuuer. Celuy qui se plaint de nature dequoy elle a laissé l'homme sans instrument à porter les senteurs au nez, a tort : car elles se portent elles mesmes. Mais à moy particulierement, les moustaches que i'ay pleines, m'en seruent : si i'en approche mes gans, ou mon mouchoir, l'odeur y tiendra tout vn iour : elles accusent le lieu d'où ie viens : les estroits baisers de la ieunesse, sauoureux, gloutons & gluans, s'y colloient autrefois, & s'y tenoient plusieurs heures apres.

Et si pourtant ie me trouue peu subiect aux maladies populaires, qui se chargent par la conuersation, & qui naissent de la contagion de l'air; & me suis sauué de celles de mon temps, dequoy il y en a eu plusieurs sortes en nos villes, & en noz armées. On lit de Socrates, que n'estant iamais party d'Athenes pendant plusieurs recheutes de peste, qui la tourmenterent tant de fois, luy seul ne s'en trouua iamais plus mal. Les medecins pourroient, cè crois-ie, tirer des odeurs, plus d'vsage qu'ils ne font: car i'ay souuent apperceu qu'elles me changent, & agissent en mes esprits, selon qu'elles sont. Qui me fait approuuer ce qu'on dit, que l'inuention des encens & parfums aux Eglises, si ancienne & espandue en toutes nations & religions, regarde à cela, de nous resiouir, esueiller & purifier le sens, pour nous rendre plus propres à la contemplation. Je voudrois bien pour en iuger, auoir eu ma part de l'ouurage de ces cuisiniers, qui sçauent assaisonner les odeurs estrangeres, avec la faueur des viandes. Comme on remarqua singulierement au seruice du Roy de Thunes, qui de nostre aage print terre à Naples, pour s'aboucher avec l'Empereur Charles. On farcissoit ses viandes de drogues odoriferantes, en telle somptuosité, qu'un Paon, & deux Faisans, se trouuerent sur ses parties, reuenir à cent ducats, pour les apprester selon leur maniere. Et quand on les despeçoit, non la salle seulement, mais toutes les chambres de son Palais, & les rues d'autour, estoient remplies d'une tres-soüefue vapeur, qui ne s'esuanouissoit pas si soudain. Le principal soing que i'aye à me loger, c'est de fuir l'air puant & pesant. Ces belles villes, Venise & Paris, alterent la faueur que ie leur porte, par l'aigre senteur, l'une de son marais, l'autre de sa boue.



Des prieres.

CHAPITRE LVI.



Ie propose des fantasies informes & irresolues, comme font ceux qui publient des questions douteuses, à débattre aux écoles : non pour establir la verité, mais pour la chercher. Et les soubmets au iugement de ceux, à qui il touche de regler non seulement mes actions & mes escrits, mais encore mes pensées. Esgalement m'en sera acceptable & vtile la condamnation, comme l'approbation, tenant pour absurde & impie, si rien se rencontre ignoramment ou inaduertamment couché en cette rapsodie contraire aux saintes resolutions & prescriptions de l'Eglise Catholique Apostolique & Romaine, en laquelle ie meurs, & en laquelle ie suis nay. Et pourtant me remettant tousiours à l'autorité de leur censure, qui peut tout sur moy, ie me mesle ainsi temerairement à toute sorte de propos : comme icy. Je ne sçay si ie me trompe : mais puis que par vne faueur particuliere de la bonté diuine, certaine façon de priere nous a esté prescrite & dictée mot à mot par la bouche de Dieu, il m'a tousiours semblé que nous en deuions auoir l'vsage plus ordinaire, que nous

n'auons. Et si i'en estoy creu, à l'entrée & à l'issue de noz tables, à nostre leuer & coucher, & à toutes actions particulieres, auxquelles on a accoustumé de mesler des prieres, ie voudroy que ce fust le pater-nostre, que les Chrestiens y employassent, sinon seulement, au moins tousiours. L'Eglise peut estendre & diuersifier les prieres selon le besoin de nostre instruction : car ie sçay bien que c'est tousiours mesme substance, & mesme chose. Mais on deuoit donner à celle là ce priuilege, que le peuple l'eust continuellement en la bouche : car il est certain qu'elle dit tout ce qu'il faut, & qu'elle est trespropre à toutes occasions. C'est l'vnique priere, dequoy ie me fers par tout, & la repete au lieu d'en changer. D'où il aduient, que ie n'en ay aussi bien en memoire, que cette là. I'auoy presentement en la pensée, d'où nous venoit cet' erreur, de recourir à Dieu en tous nos desseins & entreprises, & l'appeller à toute sorte de besoing, & en quelque lieu que nostre foiblesse veut de l'aide, sans considerer si l'occasion est iuste ou iniuste; & d'escrier son nom, & sa puissance, en quelque estat, & action que nous soyons, pour viciëuse qu'elle soit. Il est bien nostre seul & vnique protecteur, & peut toutes choses à nous ayder : mais encore qu'il daigne nous honorer de cette douce alliance paternelle, il est pourtant autant iuste, comme il est bon, & comme il est puissant : mais il vŕe bien plus fouuent de sa iustice, que de son pouuoir, & nous fauorise selon la raison d'icelle, non selon noz demandes. Platon en ses loix fait trois sortes d'iniurieüse creance des Dieux, Qu'il n'y en ayt point, Qu'ils ne se meslent pas de noz affaires, Qu'ils ne refusent rien à noz vœux, offrandes & sacrifices. La premiere erreur, selon son aduis, ne dura iamais immuable en homme,

depuis son enfance, iusques à sa vieillesse. Les deux suiuanes peuuent souffrir de la constance. Sa iustice & sa puissance sont inseparables. Pour neant implorons nous sa force en vne mauuaise cause. Il faut auoir l'ame nette, au moins en ce moment, auquel nous le prions, & deschargée de passions vitieuses : autrement nous luy presentons nous mesmes les verges, dequoy nous chastier. Au lieu de rabiller nostre faute, nous la redoublons; presentans à celuy, à qui nous auons à demander pardon, vne affection pleine d'irreuerence & de haine. Voyla pourquoy ie ne louë pas volontiers ceux, que ie voy prier Dieu plus souuent & plus ordinairement, si les actions voisines de la priere, ne me tesmoignent quelque amendement & reformation.

si nocturnus adulter

Tempora sanctonico velas adoperta cucallo.

Et l'affiette d'un homme meslant à vne vie execrable la deuotion, semble estre aucunement plus condamnable, que celle d'un homme conforme à foy, & dissolu par tout. Pourtant refuse nostre Eglise tous les iours, la faueur de son entrée & societé, aux mœurs obstinées à quelque insigne malice. Nous prions par vsage & par coustume : ou pour mieux dire, nous lisons ou prononçons noz prieres : ce n'est en fin que mine. Et me desplaist de voir faire trois signes de croix au Benedicite, autant à Graces (& plus m'en desplaist-il de ce que c'est vn signe que i'ay en reuerence & continuel vsage, mesmement quand ie baaille) & cependant toutes les autres heures du iour, les voir occupées à la haine, l'auarice, l'iniustice. Aux vices leur heure, son heure à Dieu, comme par compen-

sation & composition. C'est miracle, de voir continuer des actions si diuerses d'une si pareille teneur, qu'il ne s'y sente point d'interruption & d'alteration aux confins mesmes, & passage de l'une à l'autre. Quelle prodigieuse conscience se peut donner repos, nourrissant en mesme giste, d'une société si accordante & si paisible, le crime & le iuge? Vn homme, de qui la paillardise, sans cesse regente la teste, & qui la iuge tres-odieuse à la veüe diuine, que dit-il à Dieu, quand il luy en parle? Il se rameine, mais soudain il rechoit. Si l'obiet de la diuine iustice, & sa presence frappoient, comme il dit, & chastioient son ame, pour courte qu'en fust la penitence, la crainte mesme y reietteroit si souuent sa pensée, qu'incontinent il se verroit maistre de ces vices, qui sont habitués & acharnés en luy. Mais quoy! ceux qui couchent vne vie entiere, sur le fruit & emolument du peché, qu'ils sçauent mortel? Combien auons nous de mestiers & vacations receuës, dequoy l'essence est vicieuse? Et celuy qui se confessant à moy, me recitoit, auoir tout vn aage fait profession & les effects d'une religion damnable selon luy, & contradictoire à celle qu'il auoit en son cœur, pour ne perdre son credit & l'honneur de ses charges: comment patissoit-il ce discours en son courage? De quel langage entretiennent ils sur ce subiect, la iustice diuine? Leur repentance consistant en visible & maniable reparation, ils perdent & enuers Dieu, & enuers nous, le moyen de l'alleguer. Sont-ils si hardis de demander pardon, sans satisfaction & sans repentance? Le tien que de ces premiers il en va, comme de ceuxcy: mais l'obstination n'y est pas si aisée à conuaincre. Cette contrariété & volubilité d'opinion si soudaine, si violente, qu'ils nous feignent, sent pour moy son

miracle. Ils nous representent l'estat d'une indigestible agonie. Que l'imagination me sembloit fantastique, de ceux qui ces années passées, auoient en v'sage de reprocher tout cha'cun, en qui il reluisoit quelque clarté d'esprit, professant la religion Catholique, que c'estoit à feinte : & tenoient mesme, pour luy faire honneur, quoy qu'il dist par apparence, qu'il ne pouuoit faillir au dedans, d'auoir sa creance reformée à leur pied. Falscheuse maladie, de se croire si fort, qu'on se persuade, qu'il ne se puisse croire au contraire : & plus falscheuse encore, qu'on se persuade d'un tel esprit, qu'il prefere ie ne sçay quelle disparité de fortune presente, aux esperances & menaces de la vie eternelle ! Ils m'en peuuent croire : Si rien eust deu tenter ma ieunesse, l'ambition du hazard & difficulté, qui suiuiroient cette recente entreprinse, y eust eu bonne part. Ce n'est pas sans grande raison, ce me semble, que l'Eglise deffend l'usage promiscue, temeraire & indiscret des saintes & diuines chansons, que le Saint Esprit a dicté en Dauid. Il ne faut meller Dieu en nos actions qu'avecque reuerence & attention pleine d'honneur & de respect. Cette voix est trop diuine, pour n'auoir autre v'sage que d'exercer les poulmons, & plaire à nos oreilles. C'est de la conscience qu'elle doit estre produite, & non pas de la langue. Ce n'est pas raison qu'on permette qu'un garçon de boutique parmy ses vains & friuoles pensemens, s'en entretienne & s'en iouë. Ny n'est certes raison de voir tracasser par vne sale, & par vne cuyfine, le Saint liure des sacrez mysteres de nostre creance. C'estoyent autrefois mysteres, ce sont à present desduits & esbats. Ce n'est pas en passant, & tumultuairement, qu'il faut manier un estude si serieux & venerable. Ce doit estre vne action desti-

née, & raffinée, à laquelle on doit tousiours adioufter cette preface de nostre office, *sursum corda*, & y apporter le corps mesme disposé en contenance, qui tesmoigne vne particuliere attention & reuerence. Ce n'est pas l'estude de tout le monde : c'est l'estude des personnes qui y sont vouées, que Dieu y appelle. Les mechans, les ignorants s'y empirent. Ce n'est pas vne hystoire à compter : c'est vne hystoire à reuerer, craindre & adorer. Plaisantes gents, qui pensent l'auoir rendue maniable au peuple, pour l'auoir mise en langage populaire. Ne tient-il qu'aux mots, qu'ils n'entendent tout ce qu'ils trouuent par escrit? Diray-ie plus? Pour l'en approcher de ce peu, ils l'en reculent. L'ignorance pure, & remise toute en autrui, estoit bien plus salutaire & plus sçauante, que n'est cette science verbale, & vaine, nourrice de presomption & de temerité. Je croy aussi que la liberté à chacun de dissiper vne parole si religieuse & importante, à tant de sortes d'idiomes, a beaucoup plus de danger que d'utilité. Les Iuifs, les Mahometans, & quasi tous autres, ont espousé, & reuerent le langage, auquel originellement leurs mysteres auoient esté conceuz, & en est deffendue l'alteration & changement; non sans apparence. Sçauons nous bien qu'en Basque, & en Bretagne, il y ayt des Langues assez, pour establir cette traduction faicte en leur langue? L'Eglise vniuerselle n'a point de iugement plus ardu à faire, & plus solemne. En preschant & parlant, l'interpretation est vague, libre, muable, & d'une parcelle : ainsi ce n'est pas de mesme. L'un de noz hystoriens Grecs accuse iustement son siecle, de ce que les secrets de la religion Chrestienne, estoient espandus emmy la place, és mains des moindres artisans : que chacun en pouuoit debattre & dire selon son

sens. Et que ce nous deuoit estre grande honte, nous qui par la grace de Dieu, iouïssons des purs mysteres de la pieté, de les laisser profaner en la bouche de personnes ignorantes & populaires, veu que les Gentils interdissoient à Socrates, à Platon, & aux plus sages, de s'enquerir & parler des choses commises aux Prestres de Delphes. Dit aussi, que les factions des Princes, sur le subiect de la Theologie, sont armées non de zeile, mais de cholere. Que le zeile tient de la diuine raison & iustice, se conduisant ordonnément & moderément : mais qu'il se change en haine & enuie : & produit au lieu du froment & du raisin, de l'yuroye & des orties, quand il est conduit d'une passion humaine. Et iustement aussi, cet autre, conseillant l'Empereur Theodose, disoit, les disputes n'endormir pas tant les schismes de l'Eglise, que les esueiller, & animer les heresies. Que pourtant il falloit fuir toutes contentions & argumentations Dialectiques, & se rapporter nuement aux prescriptions & formules de la foy, establies par les anciens. Et l'Empereur Andronicus, ayant rencontré en son palais, des principaux hommes, aux prises de parole, contre Lapodius, sur vn de noz points de grande importance, les tança, iusques à menacer de les ietter en la riuere, s'ils continuoient. Les enfants & les femmes, en noz iours, regentent les hommes plus vieux & experimentez, sur les loix Ecclesiastiques : là où la premiere de celles de Platon leur deffend de s'enquerir seulement de la raison des loix ciuiles, qui doiuent tenir lieu d'ordonnances diuines. Et permettant aux vieux, d'en communiquer entre eux, & avec le Magistrat : il adioust, pourueu que ce ne soit en presence des ieunes, & personnes profanes. Vn Euesque a laissé

par escrit, qu'en l'autre bout du monde, il y a vne Isle, que les anciens nommoient Dioscoride : com- mode en fertilité de toutes sortes d'arbres & fruits, & salubrité d'air : de laquelle le peuple est Chre- stien, ayant des Eglises & des Autels, qui ne sont parez que de croix, sans autres images : grand obseruateur de ieusnes & de festes : exacte paieur de dismes aux Prestres : & si chaste, que nul d'eux ne peut cognoistre qu'une femme en sa vie. Au demeurant, si contant de sa fortune, qu'au milieu de la mer, il ignore l'usage des nauires : & si simple, que de la religion qu'il obserue si songneusement, il n'en entend vn seul mot. Chose incroyable, à qui ne scauroit, les Payens si deuots idolatres, ne cognoistre de leurs Dieux, que simplement le nom & la statue. L'ancien commencement de Menalippe, tragedie d'Euripides, portoit ainfi.

*O Iuppiter, car de toy rien finon
Je ne cognois seulement que le nom.*

L'ay veu aussi de mon temps, faire plainte d'aucuns escrits, de ce qu'ils sont purement humains & philo- sophiques, sans meflange de Theologie. Qui diroit au contraire, ce ne seroit pourtant sans quelque raison ; Que la doctrine diuine tient mieux son rang à part, comme Royne & dominatrice : Qu'elle doit estre principale par tout, point suffragante & subsi- diaire : Et qu'à l'aenture se prendroient les exem- ples à la Grammaire, Rhetorique, Logique, plus fortablement d'ailleurs que d'une si sainte matiere ; comme aussi les arguments des Theatres, jeux & spectacles publics. Que les raisons diuines se considerent plus venerablement & reueremment seules,

& en leur stile, qu'appariées aux discours humains. Qu'il se voit plus souuent cette faute, que les Theologiens escriuent trop humainement, que cert'autre, que les humanités escriuent trop peu theologiquement. La Philosophie, dit Saint Chrysostome, est pieçabaniée de l'école sainte, comme seruante inutile, & estimée indigne de voir seulement en passant de l'entrée, le sacraire des saints Thresors de la doctrine celeste. Que le dire humain a ses formes plus basses, & ne se doit seruir de la dignité, majesté, regence, du parler diuin. Je luy laisse pour moy, dire, *verbis indisciplinatis*, fortune, destinée, accident, heur, & malheur, & les Dieux, & autres fraïes, selon sa mode. Je propose les fantasies humaines & miennes, simplement comme humaines fantasies, & separement considerées : non comme arrestées & réglées par l'ordonnance celeste, incapable de doubte & d'altercation. Matiere d'opinion, non matiere de foy. Ce que ie discours selon moy, non ce que ie croy selon Dieu, d'une façon laïque, non clericale : mais tousiours tres-religieuse. Comme les enfans proposent leurs effays, instruisables, non instruisants. Et ne diroit-on pas aussi sans apparence, que l'ordonnance de ne s'entremettre que bien reseruément d'escrire de la Religion, à tous autres qu'à ceux qui en font expresse profession, n'auroit pas faute de quelque image d'utilité & de iustice ; & à moy avec, peut estre de m'en taire. On m'a dict que ceux meimes, qui ne font pas des nostres, deffendent pourtant entre eux l'vsage du nom de Dieu, en leurs propos communs. Ils ne veulent pas qu'on s'en serue par vne maniere d'interiection, ou d'exclamation, ny pour tesmoignage, ny pour comparaison : en quoy ie trouue qu'ils ont raison.

Et en quelque maniere que ce soit, que nous appelions Dieu à nostre commerce & société, il faut que ce soit serieusement, & religieusement. Il y a, ce me semble, en Xenophon vn tel discours, où il montre que nous deuons plus rarement prier Dieu : d'autant qu'il n'est pas aisé, que nous puissions si souuent remettre nostre ame, en cette assiette réglée, reformée, & deuotieuse, où il faut qu'elle soit pour ce faire : autrement nos prieres ne sont pas seulement vaines & inutiles, mais vicieuses. Pardonne nous, disons nous, comme nous pardonnons à ceux qui nous ont offencés. Que disons nous par là, sinon que nous luy offrons nostre ame exempte de vengeance & de rancune ? Toutesfois nous inuouons Dieu & son ayde, au complot de noz fautes, & le conuions à l'iniustice.

Quæ nisi seductis nequeas committere diuis.

L'auaricieux le prie pour la conseruation vaine & superflue de ses thresors : l'ambitieux pour ses victoires, & conduite de sa fortune : le voleur l'employe à son ayde, pour franchir le hazard & les difficultez, qui s'opposent à l'exécution de ses meschantes entreprinſes : ou le remercie de l'aissance qu'il a trouué à desgossiller vn passant. Au pied de la maison, qu'ils vont escheller ou petarder, ils font leurs prieres, l'intention & l'esperance pleine de cruauté, de luxure, & d'auarice.

*Hoc ipsum quo tu Iouis aurem impellere tentas,
Dic agendum Statio, proh Iuppiter, ô bone, clamet,
Iuppiter, at sese non clamet Iuppiter ipse.*

La Royne de Nauarre Margueritte, recite d'un ieune Prince, & encore qu'elle ne le nomme pas, sa grandeur l'a rendu cognoissable assez, qu'allant à vne assignation amoureuse, & coucher avec la femme d'un Aduocat de Paris, son chemin s'addonnant au trauers d'une Eglise, il ne passoit iamais en ce lieu sainct, allant ou retournant de son entreprinse, qu'il ne fust ses prieres & oraisons. Je vous laisse à iuger, l'ame pleine de ce beau pensément, à quoy il employoit la faueur diuine. Toutesfois elle allegue cela pour un tesmoignage de singuliere deuotion. Mais ce n'est pas par cette preuue seulement qu'on pourroit verifier que les femmes ne sont gueres propres à traiter les matieres de la Theologie. Vne vraye priere, & vne religieuse reconciliation de nous à Dieu, elle ne peut tomber en vne ame impure & soubsmise, lors mesmes, à la domination de Satan. Celuy qui appelle Dieu à son assistance, pendant qu'il est dans le train du vice, il fait comme le coupeur de bourse, qui appelleroit la iustice à son ayde; ou comme ceux qui produisent le nom de Dieu en tesmoignage de mensonge.

*tacito mala vota susurro,
Concipimus.*

Il est peu d'hommes qui oassent mettre en euidence les requestes secretes qu'ils font à Dieu.

*Haud cuius promptum est, murmurque humilisque susurros
Tollere de templis, & aperto viuere voto.*

Voyla pourquoy les Pythagoriens vouloyent qu'elles fussent publiques, & ouyes d'un chacun; afin qu'on

ne le requist de chose indecente & iniuste, comme celui-là :

*clarè cùm dixit Apollo,
Labra mouet metuens audiri : pulchra Lauerna
Da mihi fallere, da iustum sanctumque videri.
Noctem peccatis, & fraudibus obiice nubem.*

Les Dieux punirent griueusement les iniques vœux d'Oedipus en les luy ottroyant. Il auoit prié, que ses enfans voidassent entre eux par armes la succession de son Estat, il fut si miserable, de se voir pris au mot. Il ne faut pas demander, que toutes choses fuiuent nostre volonté, mais qu'elles fuiuent la prudence. Il semble, à la verité, que nous nous seruons de nos prieres, comme d'un iargon, & comme ceux qui employent les paroles saintes & diuines à des forceleries & effets magiciens : & que nous facions nostre compte que ce soit de la contexture, ou son, ou suite des motz, ou de nostre contenance, que depende leur effect. Car ayans l'ame pleine de concupiscence, non touchée de repentance, ny d'aucune nouvelle reconciliation enuers Dieu, nous luy allons presenter ces parolles que la memoire preste à nostre langue : & esperons en tirer vne expiation de nos fautes. Il n'est rien si aisé, si doux, & si fauorable que la loy diuine : elle nous appelle à soy, ainsi fautiers & detestables comme nous sommes : elle nous tend les bras, & nous reçoit en son giron, pour vilains, ords, & bourbeux, que nous foyons, & que nous ayons à estre à l'aduenir. Mais encore en recompense, la faut-il regarder de bon œil : encore faut-il receuoir ce pardon avec action de graces : & au moins pour cet instant que nous nous adressons à elle, auoir l'ame desplaisante de ses fautes, & ennemie des pas-

sions qui nous ont poussé à l'offencer. Ny les Dieux, ny les gens de bien, dict Platon, n'acceptent le present d'un meschant.

*Immunis aram si tetigit manus,
Non sumptuosa blandior hostia
Molliuit auersos Penates,
Farre pio & saliente mica*





De l'aage.

CHAPITRE LVII.



Je ne puis recevoir la façon, de quoy nous establiſſons la durée de nostre vie. Je voy que les sages l'accoursissent bien fort au prix de la commune opinion. Comment, dit le ieune Caton, à ceux qui le vouloyent empeschier de se tuer, suis-je à cette heure en aage, où lon me puisse reprocher d'abandonner trop tost la vie ? Si n'auoit-il que quarante & huit ans. Il estimoit cet aage là bien meur & bien auancé, considerant combien peu d'hommes y arriuent. Et ceux qui s'entretiennent de ce que ie ne sçay quel cours qu'ils nomment naturel, promet quelques années au delà, ils le pourroient faire, s'ils auoient priuilege qui les exemptast d'un si grand nombre d'accidens, ausquels chacun de nous est en bute par vne naturelle subiection, qui peuuent interrompre ce cours qu'ils se promettent. Quelle resuerie est-ce de s'attendre de mourir d'une defaillance de forces, que l'extreme vieillesse apporte, & de se proposer ce but à nostre durée : veu que c'est l'espece de mort la plus rare de toutes, & la moins en vsage ? Nous l'appellons

seule naturelle, comme si c'estoit contre nature, de voir vn homme se rompre le col d'une cheute, s'estoufer d'un naufrage, se laisser surprendre à la peste ou à vne pleuresie, & comme si nostre condition ordinaire ne nous presentoit à tous ces inconuenients. Ne nous flattons pas de ces beaux mots : on doit à l'aenture appeller plustost naturel, ce qui est general, commun, & vniuersel. Mourir de vieillesse, c'est vne mort rare, singuliere & extraordinaire, & d'autant moins naturelle que les autres : c'est la derniere & extreme sorte de mourir : plus elle est esloignée de nous, d'autant est elle moins esperable : c'est bien la borne, au delà de laquelle nous n'irons pas, & que la loy de Nature a prescript, pour n'estre point outre-passée : mais c'est vn sien rare priuilege de nous faire durer iusques là. C'est vne exemption qu'elle donne par faueur particuliere, à vn seul, en l'espace de deux ou trois siecles, le deschargeant des trauerfes & difficultez qu'elle a ietté entre deux, en cette longue carriere. Par ainsi mon opinion est, de regarder que l'age auquel nous sommes arriuez, c'est vn age auquel peu de gens arriuent. Puis que d'un train ordinaire les hommes ne viennent pas iusques là, c'est signe que nous sommes bien auant. Et puis que nous auons passé les limites accoustumez, qui est la vraye mesure de nostre vie, nous ne deuons esperer d'aller guere outre. Ayant eschappé tant d'occasions de mourir, où nous voyons trefbucher le monde, nous deuons recognoistre qu'une fortune extraordinaire, comme celle-là qui nous maintient, & hors de l'usage commun, ne nous doit guere durer. C'est vn vice des loix mesmes, d'auoir cette fauce imagination : elles ne veulent pas qu'un homme soit capable du maniemement de ses biens, qu'il n'ait

vingt & cinq ans, & à peine conseruera-il iusques lors le maniment de sa vie. Auguste retrancha cinq ans des anciennes ordonnances Romaines, & declara qu'il suffisoit à ceux qui prenoient charge de iudicature, d'auoir trente ans. Seruius Tullius dispensa les Cheualiers qui auoient passé quarante sept ans des coruées de la guerre : Auguste les remit à quarante & cinq. De renuoyer les hommes au seiour auant cinquante cinq ou soixante ans, il me semble n'y auoir pas grande apparence. Le serois d'aduis qu'on estendist nostre vacation & occupation autant qu'on pourroit, pour la commodité publique : mais ie trouue la faute en l'autre costé, de ne nous y embesongner pas assez tost. Certuy-cy auoit esté iuge vniuersel du monde à dixneuf ans, & veut que pour iuger de la place d'une goutiere on en ait trente. Quant à moy i'estime que nos ames sont desnoüées à vingt ans, ce qu'elles doiuent estre, & qu'elles promettent tout ce qu'elles pourront. Iamais ame qui n'ait donné en cet aage là, arre bien euidente de sa force, n'en donna depuis la preuue. Les qualitez & vertus naturelles produisent dans ce terme là, ou iamais, ce qu'elles ont de vigoureux & de beau.

*Si l'espine nou picque quand nai,
A pene que pique iamai,*

disent-ils en Daulphiné. De toutes les belles actions humaines, qui sont venues à ma cognoissance, de quelque sorte qu'elles soyent, ie penserois en auoir plus grande part, à nombrer celles qui ont esté produites & aux siècles anciens & au nostre, auant l'aage de trente ans, qu'apres. Ouy, en la vie de mesmes hommes souuent. Ne le puis-ie pas dire en toute

feureté, de celles de Hannibal & de Scipion son grand aduerfaire ? La belle moitié de leur vie, ils la vescu-
rent de la gloire acquise en leur ieunesse : grands
hommes depuis au prix de tous autres, mais nulle-
ment au prix d'eux mesmes. Quant à moy ie tien
pour certain que depuis cet aage, & mon esprit & mon
corps ont plus diminué, qu'augmenté, & plus reculé,
qu'auancé. Il est possible qu'à ceux qui employent
bien le temps, la science, & l'experience croissent
avec la vie : mais la viuacité, la promptitude, la fer-
meté, & autres parties bien plus nostres, plus impor-
tantes & essentielles, se fanissent & s'allanguissent.

*vbi iam validis quassatum est viribus æui
Corpus, & obtusis ceciderunt viribus artus,
Claudicat ingenium, delirat linguaque mēsq̃ue.*

Tantost c'est le corps qui se rend le premier à la
vieillesse : par fois aussi c'est l'ame : & en ay assez
veu, qui ont eu la ceruelle affoiblie, auant l'esto-
mach & les iambes. Et d'autant que c'est vn mal
peu sensible à qui le souffre, & d'une obscure mon-
tre, d'autant est-il plus dangereux. Pour ce coup, ie
me plains des loix, non pas dequoy elles nous lais-
sent trop tard à la besongne, mais dequoy elles nous
y employent trop tard. Il me semble que consi-
derant la foiblesse de nostre vie, & à combien d'es-
cueils ordinaires & naturels elle est exposée, on n'en
deuroit pas faire si grande part à la naissance, à
l'oisiuété & à l'apprentissage.

FIN DV PREMIER LIVRE.



TABLE DES CHAPITRES

	Pages.
Avertissement.	1
Au lecteur.	1


LIVRE PREMIER

Par diuers moyens l'on arriue à pareille fin. Ch. i. .	3
De la tristesse. Ch. ii.	9
Nos affections s'emportent au dela de nous. Ch. iii. .	14
Comme l'ame descharge les passions sur les objets faux, quand les vrais luy deffailent. Ch. iiij. . . .	24
Si le chef d'une place assiegée doit sortir pour parler. Ch. v.	28
L'heure des Parlements dangereuse. Ch. vi.	32
Que l'intention iuge nos actions. Ch. vii.	36
De l'oisiveté. Ch. viii.	39
Des menteurs. Ch. ix.	41
Du parler prompt ou tardif. Ch. x.	48
Des prognostications. Ch. xi.	52
De la constance. Ch. xii.	58
Ceremonie de l'entreueue des Rois. Ch. xiii.	62
On est puny pour s'opiniastrer à vne place sans rai- son. Ch. xiiii.	65

De la punition de la couardise. Ch. xv.	67
Vn traict de quelques Ambassadeurs. Ch. xvi.	70
De la peur. Ch. xvii.	75
Qu'il ne faut iuger de nostre heur qu'apres la mort. Ch. xviii.	79
Que philosopher c'est apprendre à mourir. Ch. xix.	83
De la force de l'imagination. Ch. xx.	105
Le profit de l'un est dommage de l'autre. Ch. xxi.	120
De la coustume, & de ne changer aisément vne loy receue. Ch. xxii.	122
Diuers euenemens de mesme conseil. Ch. xxiii.	145
Du pedantisme. Ch. xxiiii.	159
De l'institution des enfans. Ch. xxv.	175
C'est folie de rapporter le vray & le faux à nostre suffisance. Ch. xxvi.	221
De l'amitié. Ch. xxvii.	227
Vint neuf sonnets d'Estienne de la Boetie. Ch. xxviii.	244
De la moderation. Ch. xxix.	246
Des Cannibales. Ch. xxx.	253
Qu'il faut sobrement se mesler de iuger des ordon- nances diuines. Ch. xxxi.	272
De fuir les voluptez au prix de la vie. Ch. xxxii.	275
La fortune se rencontre souuent au train de la raison. Ch. xxxiii.	278
D'un defect de nos polices. Ch. xxxiiii.	283
De l'usage de se vestir. Ch. xxxv.	285
Du ieune Caton. Ch. xxxvi.	290
Comme nous pleurons & rions d'une mesme chose. Ch. xxxvii.	296
De la solitude. Ch. xxxviii.	301
Consideration sur Ciceron. Ch. xxxix.	317
Que le goust des biens & des maux depend en bonne partie de l'opinion que nous en auons. Ch. xl.	325
De ne communiquer sa gloire. Ch. xli.	351
De l'inegalité qui est entre nous. Ch. xlii.	355
Des loix somptuaires. Ch. xliiii.	368
Du dormir. Ch. xliiii.	372

De la bataille de Dreux. Ch. XLV.	376
Des noms. Ch. XLVI.	378
De l'incertitude de nostre iugement. Ch. XLVII. . . .	385
Des destriers. Ch. XLVIII.	394
Des coustumes anciennes. Ch. XLIX.	405
De Democritus & Heraclytus. Ch. L.	412
De la vanité des parolles. Ch. LI.	417
De la parsimonie des anciens. Ch. LII.	422
D'un mot de Cæsar. Ch. LIII.	424
Des vaines subtilitez. Ch. LIIII.	426
Des fenteurs. Ch. LV.	431
Des prieres. Ch. LVI.	434
De l'aage. Ch. LVII.	447





IMPRIMÉ
PAR J. CLAYE
POUR
A. LEMERRE, LIBRAIRE
A PARIS

970531 2100 000000

... 2004 ...

1. The first step in the process is to identify the problem or issue that needs to be addressed. This involves gathering information and understanding the context of the problem.

14-00000 3041314

4. The Commission has been informed that the Government of the Republic of Armenia has agreed to accept the Commission's findings and recommendations. The Commission has also been informed that the Government of the Republic of Armenia has agreed to accept the Commission's findings and recommendations.

1990-1991

9803-1-17-2000

THE UNIVERSITY OF CHICAGO

1. The first step is to identify the problem or question that needs to be answered. This involves understanding the context and the specific requirements of the task.

21. 10. 1991

11. 10. 1952. 10. 10. 1952.

[illegible]

1. *Pharmaceutical industry*

[illegible]

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 200 million to 400 million. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion.

1. *Chlorophyll a* and *Chlorophyll b* were determined by the method of Lichtenthaler and Sponholz (1980).

1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 26

...and the other is the fact that the

Journal of Management Studies, 20(6), 791-806.

[illegible]

Journal of Management Studies, 19(1), 67-80.

...and the fact that the *Journal* is a journal of the American Psychological Association, the largest and most influential organization in the field of psychology, adds to the journal's prestige and makes it a must-read for all psychologists.

the 1990s, the number of people in the world who are under 15 years of age is expected to increase by 1.5 billion, from 1.1 billion in 1990 to 2.6 billion in 2010. The number of people aged 65 and over is expected to increase by 1 billion, from 350 million in 1990 to 1.4 billion in 2010. The number of people aged 15-64 is expected to increase by 1.5 billion, from 1.1 billion in 1990 to 2.6 billion in 2010. The number of people aged 65 and over is expected to increase by 1 billion, from 350 million in 1990 to 1.4 billion in 2010. The number of people aged 15-64 is expected to increase by 1.5 billion, from 1.1 billion in 1990 to 2.6 billion in 2010.

...and the other is the fact that the ...

Journal of Management Education 30(6)p.789-804

COLLECTION LEMERRE

(CLASSIQUES FRANÇAIS)

Volumes in-8° écu, imprimés sur papier de Hollande.
Chaque volume (la *Pléiade* exceptée), 10 fr.

LA PLÉIADE FRANÇOISE

(XVII^e SIÈCLE)

ROUSSEAU, DE BELLEVILLE, RÉMI BELLEAU, JODELLE
D'AIS, BODIN, ET PONSUS DE TYARD

Avec Notes & Glossaire

Par CH. MARTY-LAVEAUX

15 vol. in-8° écu, portraits.

Chaque volume, tiré à 500 exemplaires, 25 francs.

Les quatre premiers volumes sont en vente.

RABELAIS

(Œuvres complètes)

Avec Notes & Glossaire par CH. MARTY-LAVEAUX

5 vol.

Les deux premiers volumes sont en vente.

LA BRUYÈRE

(Caractères)

Avec Notice & Notes par CH. ASSELINEAU

2 volumes avec portraits.

EN PRÉPARATION :

Agrippa d'Aubigné. — Villon. — Regnier.

Corneille. — Molière. — Racine.

La Fontaine. — Boileau. — Bossuet. — Fénelon. — Pascal.

La Rochefoucauld, &c., &c., &c.

*Il est fait, de cette collection, un tirage sur grand papier
au prix de 25 fr. le volume sur papier de Hollande; 40 fr. sur
papier de Chine & 40 fr. sur papier Whatman.*

PARIS. — J. CLAYE, IMPRIMEUR, 7, RUE SAINT-DENI. — [572]



